



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCXXXII. ad annum CCCCLI.

Parisiis, 1644

Vita, Epistolae, Et Decreta Leonis Papae I.

urn:nbn:de:hbz:466:1-14584

ANNO CHRISTI 439. ^c *Æra 472.]* Hæc chronologia secundum æram Hispanicam erronea, est & sequenti chronologię Christi & consulū contraria. Nam si triginta octo annos, quibus Ærae supputatio chronogrammam Christi superat, ab ea subtrahas, remanent quadringenti triginta quatuor: adeoque non subsisteret, quod in principio & fine aëtorum synodalium refertur, hanc Synodus decimosexto Kalendas Decembriis Theodosio X V II. & Festo consulibus, anno nimurum Christi 439. celebratam esse.

^d *Quod ergo in quibusdam schismaticis, &c.]* Occasio huius constitutionis ista fuit: Episcoporum eorum qui Pelagium sectati fuerant quidam pœnitentiam simulabant, ut sedem sibi merito ademptam reciperent. Ut ergo patres Concilii certo aliquo & euidente experientia discerent, quive ex iis facte pœniterent, constitutionem decreuerunt, ne qui ex schismaticis aut hereticis ad ecclesiam redirent, sedibus ac dignitatibus suis, quibus priuati erant, restituerentur. Exemplo Sixti pontificis ad hæc constituenda commotos fuisse patres, est admodum probabile. De quo S. Prosper in chronicō hæc ait. *Hactempestate Julianus Atellanensis iactantissimus Pelagi erroris assertor, quem dudum amisi episcopatus intemperans cupidio exagitabat, multimoda arte fallendi correctionis spem præferens, molitus in communionem ecclesie irrepere: sed iis insidiis Sextus papa diaconi Leonis hortatu vigilanter occurrens, nullum aditum pestiferis conatibus patere permisit: & ita omnes catholicos defectione fallacis bestie gaudere fecit, quasi tunc primum superbissimam heresim gladius apostolicus denuntiasset.* Vide Baronium anno 439. num. 45.

Chronologia corruta.

Canon 3.
Occasio hu-
ius consti-
tutionis
quæ.

VITA,
EPISTOLÆ, ET DECRETA
LEONIS PAPÆ I.

Ex libro pontificali.

ANNO CHRISTI 440. ^a **L**EONI natione Tuscius, ex patre Quintiano, ^b sed in annos vingintivnum, mensem unum, dies tredecim. Huius temporibus fecit Demetria ancilla Dei basilicam S. Stephano via Latina, milliario tertio, in prædio suo. ^c Hic inuenit duas hereses, Eutychianam & Nestorianam. Hic ordinavit præcepta sua auctoritate, & misit ad Martianum Augustum catholicum principem fidelem. Et facta collatione cum eodem principe, collecti sunt episcopi. Et factum est Concilium sanctum episcoporum in Calchedonia, in martyrio sanctæ Euphemiae. Et concil. Tom. 7.

G

gregatis sunt 256. sacerdotes, & alii 406. episcopi, quorum chirographus cucurrit, qui congregati sunt vna cum tomo, hoc est, fide apostolice ecclesiæ Romanæ. Sed & in præsentia catholici principis Martiani Augusti congregatum est Concilium, * numero mille 200. episcoporum vna cum Augusto Martiano, qui exposuerunt fidem catholicam, duas afferentes naturas in uno Christo Deo & homine. In quo loco piissimus Augustus Martianus vna cum vxore sua Pulcheria, deposita regia maiestate, fidem suam exposuerunt ante conspectum sanctorum episcoporum, ubi & damnauerunt Eutychen, & Nestorium, & Dioscorum. Et iterum imperator Martianus Augustus cum coniuge sua Pulcheria Augusta, chirographo proprio fidem suam exponentes, postulauerunt sanctum Concilium, ut dirigeret ad sanctissimum papam Leonem, rogantes ut fidem catholicam exponeret. Beatus vero Leo direxit fidei catholicæ tomum, & exposuit damnans omnes haereses. Idem beatissimus Leo archiepiscopus multas epistolas fidei misit, quæ hodie archiuo ecclesiæ Romanæ reconditæ tenentur. Hic firmauit frequenter suis epistolis Synodum Calchedonensem. Ad Martianum Augustum misit epistolas 12. Ad Leonem Augustum epistolas 13. Ad Flauianum episcopum epistolas 9. Ad episcopos per orientem epistolas 18. per quas fidem Synodi confirmauit. Hic renouauit post cladem Vandalicam omnia ministeria sacrata argentea per omnes titulos, de conflatis hydriis sex, duas basilicæ Constantianæ, duas basilicæ beati Petri apostoli, duas beati Pauli apostoli, quas Constantinus Augustus obtulit, quæ penfauerunt singulæ libras centum. Hic renouauit basilicam beati Petri apostoli, & fecit ibi cameram, quam & ornauit. Et beati Pauli basilicam post ignem diuinum renouauit. Fecit & cameram in eadem, similiter & in basilica Constantiniana. Fecit quoq; basilicam sancto Cornelio episcopo & martyri, iuxta cœmeterium Callisti via Appia.⁴ Hic propter nomen Romanum suscipiens legationem, ambulauit ad regem Hunnorum, liberauit totam Italiam a periculo hostium. Hic constituit monasterium apud Petrum apostolum. Hic constituit ut intra actionem sacrificii diceretur, sanctum sacrificium, immacula-

* numer.
10 600.

tam hostiam, &c. ^{co.} Hic quoque constituit, ut monacha non acciperet velaminis capitinis benedictionem, nisi probata fuerit in virginitate ^{69.} annis. Hic etiam constituit, & addidit super sepulcra apostolorum & clero Romano custodes, qui dicuntur cubicularii. Hic fecit ordinaciones quatuor per mensem Decembrem in urbe Roma, presbyteros 81. diacones 31. episcopos per diuersa loca numero 185. Qui etiam sepultus est apud beatum Petrum apostolum, 111. Idus Aprilis. Et cessauit episcopatus dies septem.

N O T A E.

^{co.} Leo.] Anno Domini 440. qui est Theodosii imperatoris 33. & Valentiniani 16. post interregnum, teste Prospero, quadraginta & amplius dierum, septimo Idus Maias, Leo natione Etruscus, Sixti pontificis diaconus absens in locum defuncti subrogatus fuit. Sedes illius in tempora plane miserrima incidit. Nam in oriente Nestoriani, in occidente Manichaei, & Pelagi reliquiae, ecclesiam grauiter perturbabant. Cum Manichaei intra urbem latentes, ut supra in notis ad vitam Siricii pontificis prolixius ostendi, nullo iudicio a catholicis & orthodoxis discerni possent, ideo quod Solem, velut numen aliquod, ad orientem conuersi superstitiose adorarent, ad discernendum catholicos ab hereticis constituit, ne fideles versus orientem conuersi orarent, quantumuis pie & religiose id facerent. *Qua nota
Manichei a
catholicis
discreti fue-
rint.*

Leo sermone decimoquinto, deieunio. Pelagianam hæresim opera sancti Prospere plane extinxit. Photius in bibliotheca. Huius temporibus Cyrus Alexandrinus ex hac vita migravit, postquam sedem Alexandrinam trigintaduobus annis administrasset. Dioscorus magna hypocrisi improbitatem tegens in locum eiusdem successit. Terræmotus ille horribilis, de quo infra in notis Concilii Calchedonensis, & Felicis III. epistolæ agemus, huius pontificatu contigit. Quo miraculo Attilam urbem Romanam deuastare conantem represserit, quidve pro fide & religione catholica summa cum Dei gloria & ecclesiæ augmentatione gesserit, infra ex notis Conciliorum sequentium patebit. Mirum est, quod stigmaticus hæresiarcha Caluinus gloriae audiens & ambitionem ausus appellare hunc pontificem, qui ob excellentem virtutem, doctrinam, & in cura pastorali vigilansimum studium, ab omni antiquitate iure meritoque magnus cognominari meruit. Refert sanctus Gregorius lib. 3. epist. 30. quod hisce temporibus, dum quidam Graeci de accepto brandeo dubitarent, Leo pontifex allatis forcibus illud inciderit, & ex ipsa incisione sanguis effluxerit. Quid sit brandeum, verbis paulo antecedentibus hisce explicat. *Cognoscat autem tranquillissima Domina, quia Romanis consuetudo non est, quando sanctorum reliquias dant,* ut quidquam tangere presumant de corpore, sed tantummodo in pyxide *Brandeum quid.*

Concil. Tom. 7.

Brandeum
quid. brandeum mittitur, atque ad sacratissima sanctorum corpora ponitur: quod eleuatur in ecclesia, qua est dedicanda, cum veneratione reconditur: & tanta per hoc ibidem virtutes fiunt, ac si illuc specialiter eorum corpora deferantur. Eiusdem moris antiquissimi, ponendi vela vel sudaria supra apostoli Petri sepulcrum, ut benedictione locupletata recipentur, meminit Gregorius Turonensis lib. i. miracul. capite 28.

Sophronius
quid de
Leone. Refert de Leone Sophronius in prato spirit. capite 149. quod quadraginta dies perseverauerit ad sepulcrum apostoli Petri, vigiliis & orationibus insistens, petensque ab apostolo, ut pro se apud Deum intercederet, ut dimitterentur sibi peccata sua, quodque impletis diebus quadraginta apparuerit apostolus Petrus, dicens ei: *Orani pro te, & dimissa sunt tibi, quoad pœnam, omnia peccata tua, præter quam impositionis manum, indignis quibusdam ad ordines sacros promotis: hoc solum abs te requiretur, siue bene, siue fortasse male egeris.*

Fabula de
Leone pon-
tifice refel-
litur. Fabulosum est, quod occasione mulieris manum osculantis, oblationem humanam passus, dexteram sibi ipsi præsciderit. Occasionem fabulae dedisse videtur id quod scribitur de Ioanne Damasco, qui cum ab iconoclasta Leone dextera mutilatus esset, sanatus est a B. Virgine Dei genitrice. Plura rerum gestarum sub Leone infra attingemus in notis Conciliorum.

Quamdui
federit. ¹ *Sedit annos viginti unum, mensem unum, dies 13.] Annis 21. minus 13. diebus, a consulatu Valentinianni ad Seuerinum & Dagalaiphum. His enim consulibus mortuus est tertio Idus Aprilis anno 461. qui est Leonis imperatoris 5.*

² *Hic inuenit duas heres.] De his omnibus fusius infra suis locis in notis Conciliorum.*

³ *Hic propter nomen Romanū, ambulauit ad regem Hunnorū. De hoc grandi miraculo in Attila repressione, haec Romana ecclesiæ vetera monumenta. Cum Romam ardentī furore Attila raperetur, iamque copias, ubi Mincius in Padū influit, traicere pararet, occurrit pontifex Leo malorum impendentium misericordia motus: cuius diuina eloquentia persuasum est Attila, ut regredetur. Qui interrogatus a suis, cur prater consuetudinem inflexus esset, atque tam humiliter Romani pontificis imperata faceret; respondit & confessus quod verum esset, nimis rursum se vidisse Leone loquente adstantem alium quemdam habitu sacerdotali decorum quid diuinum præse ferentem, minitatemque mortem, nisi Leonis pape iussa capesseret. Huius facti meminit Cassiodorus in chron. & lib. i. variar. epist. 4. Vide Baron. ann. 452. num. 58.*

⁴ *Hic quoque constituit ut monacha.] Ad imitationem & exhortationem S. Leonis, Marcianus imperator promulgavit edictum aduersus eos qui filias virgines inuitas cogebant sacrum velum accipere, Deoque in perpetuum virginitatis cultu dicari: prohibens ne aliqua huiusmodi a parentibus oblata virgo, ante quadragesimum ætatis annum, sacrum velamen acciperet; ut usque ad illud tempus libera esset, possetque nubere, si velllet. Eadem quoque lege exagitauit viudas illas, quæ non amore continentiae, sed ut liberius viuerent, refugerent nuptias iterare. Extat editum in nouellistit. 8. Intelligishinc,*

Attilam mi-
raculose re-
prescit Leo
pontifex.

Marcianus
de voto ac
religione
iussu ponti-
ficiis legem
tulit.

lector, imperatores de rebus sacris leges sancientes, id ipsum monitu sanctorum præsulum, ex scriptis legibus statuisse; nimur ut imperatoria auctoritate coercentur, qui ecclesiasticas sanctiones paruipenderent. Vide Baronium anno 458. numero 4.

EPISTOLA I.
LEONIS PAPÆ I.
AD EPISCOPOS PER CAMPANIAM
ET PICENVM, &c.

- | | |
|---|---|
| I. <i>Vt nullus episcopus seruum alterius ad officium clericatus promoueat.</i> | III. <i>Quod usurpas, non solum clerici exigere non debeant, sed nec laici.</i> |
| II. <i>Vt quicumque ad sacerdotium, vel viduarum mariti, vel habentes numerosa coniugia, promoti fuerint, ab ecclesiasticis officiis arceantur.</i> | IV. <i>Vt clericus nec suo nec alieno nomine fenus exerceat.</i> |
| | V. <i>Vt si quis sacerdotum contra interdicta fecerit, a suo submoneatur officio.</i> |

Leo episcopus urbis Romæ, uniuersis episcopis per Campaniam, Picenum, Tusciam, & per uniuersas Italæ prouincias constitutis, in Domino salutem.

Vt nobis gratulationem facit ecclesiarum status salubri dispositione compositus, ita non leui nos moerore contristat, quoties aliqua contra statuta Canonum, ecclesiasticaque disciplinam præsumpta vel commissa cognoscimus: quæ si non, qua debemus vigilantia, resēcemos, illi, qui nos speculatores esse voluit, excusare non possumus, permittentes sincerum corpus ecclesiæ (quod ab omni macula purum custodire debemus) ambientium improba contagione foedari, cum ipsa sibi membrorum per * dissimulationem compago non congruat.

I.

Admittuntur passim ad ordinem sacrum, quibus nulla natalium, nulla morum dignitas suffragatur: & qui a dominis suis libertatem consequi minime potuerunt, ad fastigium sacerdotii, tamquam seruiliis vilitas hunc honorem iure capiat, prouehuntur: & probari Deo se posse creditur, qui Domino suo neandum probare se potuit. Duplex itaq; in hac parte reatus est, quod & sacrum * mysterium

Ann. Christi 445, qui fuit annus pontificatus S. Leonis quartus scripta est hæc epistola. Idem in epistola Damasi papæ.

* diffini-
litudi-
nem

Dist. 54.
Admittun-
tur.

talis confortii vilitate polluitur , & dominorum , quantū ad illicitæ usurpationis temeritatem pertinet, iura soluuntur. Ab his itaque , fratres carissimi , omnes prouinciæ vestræ abstineant sacerdotes : & non tantū ab his , sed ab illis etiam , qui aut originali , aut alicui conditioni obligati sunt, volumus temperari: nisi forte eorum petitio aut voluntas accesserit, qui aliquid sibi in eos vendicant potestatis. Debet enim esse immunis ab aliis , qui diuinæ militiæ fuerit aggregandus : vt a castris dominicis, quibus nomen eius adscribitur , nullis necessitatis vinculis abstrahatur.

C A P . I I .

Qualis vero vnicuique natalium honestas & morum esse debeat , qui sacri altaris ministerio est sociandus , &

*2. Timoth. 3.
Levit. 21.*

Apostolo nos docente, & diuina præceptione didicimus , & Canonum regulis , a quibus plerosque fratrum declinasse , & penitus deuiasse reperimus. Nam constat ad sacerdotium peruenisse viduarum maritos , quosdam etiam , quibus fuerint numerosa coniugia , & ad omnem licentiam vita liberior , ad sacram ordinem passim patefactis aditibus fuisse permisso , contra illam beati Apostoli

*1. Timoth. 3. vocem , qua talibus reclamat , dicens: *Vnius uxoris virum.**

Et contra illud antiquæ legis præceptum , quo indicitur

Levit. 21.

*& cauetur : *Sacerdos virginem uxorem accipiat , non viduam , non repudiatam.* Hos ergo , quicumque tales admissi sunt , ab ecclesiasticis officiis , & a sacerdotali nomine , apostolicæ sedis auctoritate iubemus arceri ; (nec hoc enim sibi poterunt pro arbitrio vendicare , cuius capaces , per hoc quod illis obliterat , non fuerunt) huius discussionis curram nobis specialiter vendicantes , vt , si qua forsitan , de his commissa sunt , corrigantur , ne liceat ultra committi , & ne qua excusatio de ignoratione nascatur : quamquam ignorare nunquam licuerit * sacerdotem , quid Cano-*

*facer-
doti,*

nūm fuerit regulis definitum. Hæc ergo ad prouincias vestras , per Innocentium , Legitimum , & Segetium fratres & coepiscopos nostros scripta direximus : vt quæ male pullulasse noscuntur , radicitus euellantur , & messem dominicam zizania nulla corrumpant. Ita enim fructum vberem , quæ sunt sincera , præstabunt , si ea , quæ natam segetem enecare consueuerunt , diligentius amputentur.

III.

Nec hoc quoque prætereundum esse duximus, quos-
dam lucri turpis cupiditate captos, usurariam exercere
pecuniam, & fenore velle ditescere. Quod nos, non di-
cam in eos, qui sunt in clericali officio constituti, sed in
laicos cadere, qui Christianos se dici cupiunt, condole-
mus. Quod vindicari acrius in eos, qui fuerint confutati,
decernimus: ut omnis peccandi opportunitas adimatur.

IV.

Illud etiam duximus præmonendum, ut sicut non suo,
ita nec alieno nomine, aliquis clericorum exercere fe-
nus attinet: indecens enim est, crimen suum commodis
alienis impendere. Fenus autem hoc solum aspicere &
exercere debemus, ut, quod hic misericorditer tribui-
mus, ab eo Domino, qui multiplicit & in perpetuum
mansura retribuet, recipere valeamus.

V.

Hoc itaque admonitio nostra denuntiat, quod si quis
fratrum contra hæc constituta venerit, vel venire tenta-
uerit, & prohibita fuerit ausus admittere, a suo se no-
uerit officio submouendum, nec eum communionis
nostræ futurum esse confortem, qui socius esse noluit
disciplinae. Ne quid vero sit quod prætermissum a nobis
forte credatur, omnia decretalia constituta, tam beatæ
recordationis Innocentii, quam omnium præcessorum
nostrorum, quæ de ecclesiasticis * ordinibus, & Cano-
num ordinata sunt disciplinis, ita vestram dilectionem
custodire debere mandamus; ut si quis illa contempserit,
veniam sibi deinceps nouerit denegari. Data sexto Idus
Octobris, Maximo * vero & * Paterno viris clarissimis
consulibus.

* ordina-
tionibus

* iterum
* Paterno

t. q. 4.
Nec hoc
prætereun-
dum.

Distin. 46.
sicut non
suo.

Distin. 10.
Si Rom.
pont. §.
Quibus ad
hæc.

EPISTOLA II.

LEONIS PAPÆ I.

AD EPISCOPOS PER ITALIAM.

Quod plurimi Manichæorum vigilantia ipsius papæ
Leonis in vrbe Roma detecti sunt.

*Leo episcopus urbis Romæ, omnibus episcopis per Italianam con-
stitutis, in Domino salutem.*

Anno Chri-
sti 446. qui
fuit annus
pontificatus
S. Leonis 5.
scripta est
hac episto-
la.

IN confortium vos nostræ solicitudinis, dilectissimi fra-
tres, aduocamus, vt vigilancia pastorali, ne quid dia-
bolicæ fraudis astutia possit nocere commissis vobis gre-
gibus, diligentius consulatis; ne is, qui Domini misericor-
dia reuelante per nostram curam a nostris ouibus morbus
abigitur, ne cum vobis præmonitus, & adhuc quidaga-
tur ignaris, per vestras se dispergat ecclesias, & suarum
furtim cuniculos inueniat latebrarum, ne quod a nobis
in vrbe extinguitur, tenebrosis apud vos radicibus semi-
netur. Plurimos impietatis Manichææ sequaces & do-
ctores in vrbe inuestigatio nostra reperit, vigilancia di-
uulgauit, auctoritas & censura coercuit: quos potuimus
emendare, correxi mus, & vt damnarent Manichæum
cum prædicationibus & disciplinis suis publica in ecclesia
professione, & manus sua subscriptione compulimus, &
ita de voragine impietatis sua confessos, pœnitentiam
concedendo, leuaui mus. Aliquanti vero, qui ita se de-
merferant, vt nullum his auxiliantis posset remedium
subuenire, subdit legibus, secundum Christianorum prin-
cipum constituta, ne sanctum gregem sua contagione
polluerent, per publicos iudices perpetuo sunt exilio re-
legati. Et omnia, quæ tam in scripturis, quam in occultis
traditionibus suis habent profana vel turpia, vt nosset
populus quid refugeret aut vitaret, oculis Christianæ ple-
bis certa manifestatione probauimus, adeo vt ipse qui
eorum dicebatur episcopus, a nobis tentus, proderet
flagitiosa in suis mysteriis quæ teneret, sicut gestorum
vos series potest edocere. Ad instructionem enim ve-
stram etiam ista direximus: quibus lectis, omnia, quæ a
nobis deprehensa sunt, nosse poteritis. Et quia aliquantos

de

de his, quos, ne absoluarentur, arctior reatus inuoluerat, cognouimus aufugisse, hanc ad dilectionem vestram epistolam misimus per acolythum nostrum, ut effecta certior sanctitas vestra, solicitius agere dignetur & cautius, necubi Manichææ peruersitatis homines plebes vestras facultatem lœdendi, & huius sacrilegii possint inuenire doctores. Aliter enim nobis commissos regere non possumus, nisi hos, qui sunt perditores & perditi, zelo fidei dominicæ persequamur, & a sanis mentibus, ne pestis hæc latius diuulgetur, seueritate qua possumus, abscondamus. Vnde hortor dilectionem vestram, obtestor & moneo, ut qua debetis & potestis solicitudine vigiletis ad inuestigandos eos, necubi occultandi se reperiant facultatem. ut enim habebit a Deo ingens remunerationis præmium qui diligentius, quod ad salutem commissæ sibi plebis proficiat, fuerit executus: ita ante tribunal Domini de reatu negligentia se non poterit excusare, quicumque plebem suam, contra sacrilegæ persuasionis autores, noluerit custodire. Data tertio Kalendas Februarii, Theodosio xviii. & Albino viris clarissimis consulibus.

EPISTOLA III.

LEONIS PAPÆ I.

*IANVA-
RIVM
AD *IVLIANVM EPISCOPVM
AQVILEIENSEM.

Quod omnis cuiuslibet ordinis clericus, qui catholicam deserens, hæreticæ communioni se miscuerit, & ad ecclesiam conuersus fuerit, in eo gradu, quo erat, sine promotione remaneat.

*Januario Leo episcopus urbis Romæ, *Iuliano Aquileiensi episcopo.

LECTIS fraternitatis tuæ literis, vigorem fidei tuæ, quem olim noueramus, agnouimus, congratulantes tibi, quod ad custodiæ gregum Christi pastoralem curam vigilanter exequaris, ne lupi, qui sub specie ouium subintrarunt, bestiali sævitia simplices quosque dilacerent: & non solum ipsi nulla correptione proficiant, sed etiam ea quæ sunt sana corrumpant. Quod ne vipera possit obtinere fallacia, dilectionem tuam duximus com-

Concil. Tom. 7.

H

Anno Chri.
sti 449. qui
fuit annus
pontifica-
tus S. Leo-
nis 8. scri-
pta est hæc
epistola.
Matth. 7.
1. q. 1. Si
quis hære-
ticæ.

monendam: insinuantes ad animæ periculum pertinere, si quisquam de his, quia nobis in hæreticorum atque schismaticorum sectam delapsus, & se vtcumque hæreticæ communionis contagione macularit, resipiscens, in communione catholica sine professione legitimæ satisfactio-
nis habeatur. Saluberrimum enim & spiritalis medicinæ vtilitate plenissimum est, vt siue presbyteri, siue diaconi, aut cuiuslibet ordinis clerici, qui se correctos videri volunt, atque ad catholicam fidem, quam iampridem amiserant, rursum reuerti ambiunt, prius errores suos, & ipsos auctores errorum damnari a se sine ambiguitate fateantur, vt sensibus prauis etiam peremptis, nulla sperandi supersit occasio, ne vllum membrum talium possit societate violari, cum per omnia illis professio propria cœperit obuiare. Circa quos etiam illam Canonū constitutionem præcipimus custodiri, vt in magno habeant beneficio, si adempta sibi omni spe promotionis, in quo inueniuntur ordine, stabilitate perpetua maneant: si tamen iterata tinctione non fuerint maculati. Non leuem apud Deum noxam incurrit, qui de talibus ad sacros promouendos ordines iudicarit. Quod si cum grandi examinatione promotio conceditur inculpatis, multo magis non debet licere suspectis. Proinde dilectio tua, cuius deuotione gaudemus, iungat curam suam dispositionibus nostris, & det operam, vt circumspete atque velociter impleantur, quæ ad totius ecclesiae incolumentem, & laudabiliter digesta sunt, & salubriter ordinata. Non autem dubitet dilectio tua, nos si (quod non arbitramur) neglecta fuerint quæ pro custodia Canonum, & pro fidei integritate decernimus, vehementius commouendos: quia inferiorum ordinum culpa ad nullos magis referenda sunt, quam ad desides negligentesque rectores: qui multam sæpe nutriunt pestilentiam, dum necessariam dissimulant adhibere medicinam. Data pridie Kalendas Iulii, Alypio & Ardabure viris clarissimis consulibus.

Distinct.
86. Inferiorum culpa.

EPISTOLA IV.

LEONIS PAPÆ I.

AD VNIVERSOS EPISCOPOS PER SICILIAM
CONSTITVTOS.

- I. *Quod prohibeatur in die epiphania baptismum celebrari.*
- II. *Quod cuncta nobis per ordinem rerum, per incarnationem Domini nostri salutis sacramenta digesta sunt.*
- III. *Quod in baptismo mors proueniat intersectione peccati, & sepulturam triduanam imitetur trina demersio, & ab aquis eleuatio sit velut resurrectio de sepulcro.*
- IV. *Quod beatus apostolus Petrus in die Pentecostes virorum tria millia baptizauerit.*
- V. *Quod haec duo tempora, id est, Pascha & Pentecoste, a Romanis pontificibus ad baptizandum prefixa sunt.*
- VI. *Quod omni tempore hi qui necessitate mortis urgentur, id est, agritudinis, obsidionis, persecutionis, naufragij, debeant baptizari.*
- VII. *Vt de Sicilia terni semper annis singulis de episcopis, ad diem tertium Kalendarum Octobrium, Romam sociandi Synodo occurrant.*

*Leo episcopus uniuersis episcopis per Siciliam constitutis
in Domino salutem.*

DIVINIS præceptis & apostolicis monitis incitamus, ut pro omnium ecclesiarum statu, impigro vigilemus affectu: ac, si quid vsquam reprehensioni inueniatur obnoxium, celeri sollicitudine, aut ab ignorantia imperitia, aut a præsumptionis usurpatione reuocemus. Monente enim dominicæ vocis imperio, quo beatissimus apostolus Petrus trina repetitione mysticæ sanctiōnis imbuitur, vt Christi oves, qui Christum diligit, pascat, ipsius sedis, cui per abundantiam diuinæ gratiæ præsumus, reuerentia cohortamur: vt periculum desidiæ, quantum possumus, declinemus, ne professio summi apostoli, qua se amatorem Domini esse testatus est, vana inueniatur in nobis: quia negligenter pascens toties commendatum dominicum gregem, conuincitur summum non amare pastorem.

Anno Christi 449, qui fuit annus pontificatus S. Leonis scripta est haec epistola.
25. q. 1. Diuinis præceptis.

I.

Cum ergo mihi de caritatis vestræ actibus fraterna
Concil. Tom. 7.

H ij

affectione sollicito, certis indiciis innotuerit, vos in eo, quod inter sacramenta ecclesiæ principale est, ab apostolicæ institutionis consuetudine discrepare, ita ut baptismi sacramentum numerosius in die epiphaniæ, quam paschali tempore celebretis; miror vos, vel præcessores vestros tam irrationabilem nouitatem usurpare potuisse, vt confuso temporis vtriusque mysterio, nullam esse differentiam crederetis inter diem, quo adoratus est Christus a magis, & diem quo resurrexit a mortuis. Quam culpam nullo modo potuissetis incidere, si vnde consecrationem honoris accepistis, inde legem totius obseruantia sumeretis: & beati Petri apostoli sedes, quæ vobis sacerdotalis mater est dignitatis, esset ecclesiastica magistra rationis. A cuius vos regulis recessisse, * minore posset æquanimitate tolerari, si aliqua commotionis nostræ increpatio non præcessisset. Nunc autem, quia non desperatur correctione, mansuetudo seruanda est. Et licet vix ferenda sit in sacerdotibus excusatio, quæ prætendat inscitiam, maluimus tamen & censuram necessariam temperare, & ratione vos apertissimæ veritatis instruere.

II.

Semper quidem in æterno consilio Dei mansit humani generis incommutabiliter præordinata reparatio: sed ordo rerum, per Iesum Christum Dominum nostrum temporaliter gerendarum, in incarnatione Verbi sumpfit exordium. Vnde aliud tempus est, quo, annuntiante angelo, beata Maria fecundandam se per Spiritum sanctum credidit, & concepit: aliud, quo salua integritate virginea, puer editus exultate gaudio cœlestium ministrorum pastoribus indicatur: aliud, quo infans circumciditur: aliud, quo hostia pro eo legalis offertur: aliud quo tres magi, claritate noui sideris incitati, in Bethlehem ab oriente perueniunt, & adoratum parvulum mystica munera oblatione venerantur. Nec iidem sunt dies, quibus impio Herodi, ordinata diuinitus in Ægyptum translatione subtractus, vel quibus ab Ægypto in Galilæam persecutore mortuo reuocatus est. Inter has autem dispensationum varietates, accedunt augmenta corporæ: *Crescit Dominus* (sicut euangelista testatur) *profectibus ætatis & gratiæ*. Per dies Paschæ in templum Ierusalem

Lnc. 2.

* minus
posset &
æquanimi-
tatem

cum parentibus venit , & cum abesset a societate reduntium , sedens cum senioribus , & inter admirantes magistros disputans inuenitur , rationemque remansionis suæ reddens . *Quid est (inquit) quod me quærebatis ?* Luc. 2.
Nesciebatis , quod in his , quæ Patris mei sunt , oportet me esse ?
 significans , eius se esse Filium , cuius esset & templum . Iam vero cum in annis maioribus apertius declarandus , baptismum præcursoris sui Ioannis expetiit , quid deitatis eius remansit ambiguum , quando baptizato Domino Iesu , Spiritus sanctus in columbae specie super eum Math. 3. descendit & mansit , audita de cælis Patris voce dicentis : *Tu es Filius meus dilectus , in te bene complacui . Quæ omnia ideo , quanta potuimus breuitate , perstrinximus : vt notum fit dilectioni vestrae vniuersos dies Christi innumeris consecratos fuisse virtutibus , & in cunctis eius actionibus sacramentorum mysteria coruscasse : sed aliter quoque signis denuntiari , aliter rebus impleri , nec quæcumque numerantur in operibus saluatoris , ad tempus pertinere baptismatis . Nam si etiam illa , quæ post beati Ioannis lauacrum , a Domino gesta cognouimus , sub indiscreto honore colamus , omnia tempora continuatis erunt deputanda festis , quia omnia sunt plena miraculis . Verum quia Spiritus sapientiae & intellectus ita apostolos , & totius ecclesiæ erudiuit magistros , vt in Christiana obseruantia nihil inordinatum , nihil pateretur esse confusum ; discernenda erant causæ solennitatum , & in omnibus institutis patrum , principumque nostrorum rationabilis seruanda discretio : quia non aliter unus grex , & unus pastor sumus , nisi quemadmodum Apostolus docet , *idipsum dicamus omnes : Simus autem perfecti in eodem* 1. Cor. 1. *sensu , & in eadem sententia .**

III.

Quamuis ergo & illa quæ ad humilitatem , & illa quæ ad gloriam pertinent Christi , in vnam concurrant eamdemque personam , totumque quidquid in illo & virtutis diuinæ est , & infirmitatis humanæ , ad nostræ reparacionis tendat effectum , proprie tamen in morte crucifixi , & in resurrectione ex mortuis , potentia baptismatis nouam creaturam condit ex veteri : vt in renascentibus , & mors Christi operetur & vita , dicente beato apostolo

De conf.
distinct. 4.
Proprie in
morte.

Rom. 6.

Paulo: *An ignoratis, quia quicumque baptizati sumus in Christo Iesu, in morte ipsius baptizati sumus? Consepulti enim sumus cum illo per baptismum in mortem, ut quomodo surrexit Christus a mortuis per gloriam Patris, ita & nos in nouitate vitæ ambulemus. Si enim complantati facti sumus similitudini mortis eius, simul & resurrectionis erimus: & cetera quæ latius magister gentium ad commendandum sacramentum baptismatis disputauit: vt appareret ex huius doctrina spiritu regenerandis filiis hominum, & in Dei filios adoptandis, illum diem esse & illud tempus electum, in quo per similitudinem, formamque mysterii, ea * quæ geruntur in membris, his quæ in ipso capite sunt gesta, congruere, dum in baptismatis regula, & mors interuenit interfectione peccati, & sepulturam triduanam imitatur tridemersio, & ab aquis eleuatio, resurgentis ad instar est de sepulcro. Ipsa igitur operis qualitas docet celebrandæ generaliter gratiæ eum esse legitimum diem, in quo orta est & virtus muneris, & species actionis. Ad cuius rei confirmationem plurimum valet, quod ipse Dominus Iesus Christus, posteaquam resurrexit a mortuis, discipulis suis, in quibus omnes ecclesiarum præsules docebantur,*

Math. 28.

& formam & potestatem tradidit baptizandi, dicens: Euntes ergo nunc, docete omnes gentes, baptizantes eos in nomine Patris & Filii & Spiritus sancti. De quo vtique eos etiam ante passionem potuisset instruere, nisi proprie voluisset intellegi, regenerationis gratiam ex sua resurrectione coepisse. Additur sane huic obseruantæ etiam Pentecostes ex adventu Spiritus sancti consecrata solennitas, quæ de paschalibus festi pendet articulo. Et cum ad alios dies alia festa pertineant, hæc semper ad eum diem, qui resurrectione Domini est insignis, occurrit: porrigens quodammodo auxiliantis gratiæ manum, vt hi, quosa die Paschæ, aut molestia infirmitatis, aut longinquitas itineris, aut nauigationis difficultas interclusit inuitos, aut quibuslibet necessitatibus impeditos, desiderii sui effectum dono Spiritus sancti consequantur. Ipse enim vñigenitus Dei in fide credentium, & in virtute operum, nullam inter se & Spiritum sanctum voluit esse distantiam, quia nulla est diversitas in natura, dicens: Ego rogabo Patrem, & alium Paracletum dabit vobis, vt vobiscum sit in æternum, Spiritum veri-

*quæ geruntur in membris, his quæ in ipso sunt capite gesta congruent,

Ioan. 14.

tatis. Et iterum: *Paracletus autem Spiritus sanctus, quem mit-^{Ibidem.}
tet Pater in nomine meo, ille vos docebit omnia, & suggesteret uniuersa quæcumque dixi vobis.* Et iterum: *Cum venerit ille Spiritus ^{Ioan. 16.}* veritatis, ille diriget vos in omnem veritatem. Cum itaque veritas Christus sit, & spiritus veritatis, Spiritus sanctus, non menque Paracleti utriusque sit proprium; non dissimile est festum, ubi unum est sacramentum.

IV.

Hoc autem nos, non ex nostra persuasione defendere, sed ex apostolica auctoritate seruare, satis idoneo probamus exemplo, sequentes B. apostolum Petrum, qui in eo die, quo omnem credentium numerum promissus Spiritus sancti repleuit aduentus, trium millium populum, sua prædicatione conuersum, lauacro baptismatis consecravit. Quod sancta scriptura, quæ apostolorum actus continet, fideli historia docet, dicens: *His auditis ^{aa. 1.}* compuncti sunt corde, & dixerunt ad Petrum, & ad reliquos apostolos: *Quid faciemus viri fratres? Petrus vero ad illos, Pœnitentiam, inquit, agite, & baptizetur unusquisque vestrum in nomine Iesu Christi in remedium peccatorum, & accipietis donum Spiritus sancti. Vobis enim repromissio est, & filius vestris, & omnibus qui longe sunt, quoscumque aduocauerit Dominus Deus noster. Aliis etiam pluribus verbis testificatus, exhortabatur eos, dicens: Saluamini a generatione ista prava. Qui ergo receperunt sermonem eius, baptizati sunt, & appositæ sunt in illa die animæ circiter tria millia.*

V.

Vnde quia manifestissime patet baptizandis in ecclesia electis, hæc duo tempora (de quibus locuti sumus) esse legitima, dilectionem vestram monemus, vt nullos alios dies huic obseruantia misceatis.

VI.

Quia etsi sunt alia quoque festa quibus multa in honorem Dei reuerentia debeatur, principalis tamen, & maxi-
mi sacramenti custodienda nobis est mysticæ rationis exceptio, non interdicta licentia, qua in baptismo tribuen-
do quolibet tempore periclitantibus subuenitur. Ita enim ad has duas festivitates connexas, atque sibimet cognatas, incolium, & in pacis securitate degentium, libera vota differimus, vt in mortis periculo, in obsidionis discri-

De consecr.
distinct. 4.
Proprie in
morte.

mine, in persecutionis angustiis, in timore naufragii, nullo tempore, hoc vere salutis singulare remedium cuiusquam denegemus. Si quis autem Epiphaniæ festiuitatem, quæ in suo ordine debito honore veneranda est, ob hoc existimat priuilegium habere baptismatis, quia hoc quidam putant, quod in eadem die Dominus ad baptismum sancti Ioannis accesserit, sciat, illius baptismi aliam gratiam, aliam fuisse rationem, nec ad eamdem pertinuisse virtutem, qua per Spiritum sanctum renascuntur, de quibus dicitur: *Qui non ex sanguinibus, neque ex voluntate carnis, neque ex voluntate viri, sed ex Deo nati sunt.* Dominus enim nullius indigens remissione peccati, nec querens remedium renascendi, sic voluit baptizari, quomodo voluit circumcidiri, hostiamq; pro se emundationis offerri, ut qui factus erat ex muliere (sicut Apostolus ait) fieret & sub lege, quam non venerat soluere, sed adimplere, & impleendo finire, sicut beatus Apostolus prædicat, dicens: *Finiis autem legis Christus ad iustitiam omni credenti.* Baptismi autem sui in se condidit sacramentum, quia in omnibus primatum tenens se docuit esse principium. Et tunc regenerationis potentiam sanxit, quando de latere ipsius profluxerunt sanguis redēptionis & aqua baptismatis. Sicut ergo vetus testamentum testificatio fuit noui, & lex per Mosen data est, gratia autem & veritas per Iesum Christum facta est: sic diuersa sacrificia vnam hostiā præformauerunt, & multorum agnorum occisio illius immolatione finita est, de quo dicitur: *Ecce agnus Dei, ecce qui tollit peccata mundi.* Sic & Ioannes, non Christus, sed Christi prævius, non sponsus, sed sponsi amicus fuit adeo fidelis, & non sua querens, sed quæ Iesu Christi, ut se profitetur ad soluenda calceamenta pedum eius indignum, quoniam ipse quidem baptizaret in aqua in pœnitentiam, ille autem baptizaturus esset in Spiritu sancto & igni, qui dupli potestate & vitam redderet, & peccata consumaret. His itaque, fratres, tot tantisque existentibus documentis, quibus, omni ambiguitate submota, euidenter agnoscitis, in baptizandis electis, qui secundum apostolicam regulam, & exorcismis scrutandi, & ieuniis sanctificandi, & frequentibus sunt prædicationibus imbuendi, duo tantum tempora, id est Pascha & Pentecosten esse seruan-

*De consacr.
distinct. 4.
Si qui ne
cessitatem.
Ibid. Si
quis autem
episcopus.
Et in Decr.
Iuo. lib. 1.*

Ioa. 1.

Galat. 4.

Matth. 5.

Rom. 10.

Iean. 19.

Iean. 1.

*In Decret.
Iuo. lib. 1.
De consecr.
distinct. 4.
Duo tem-
pora.*

seruanda, hoc vestrae indicimus caritati, ut ab apostolicis institutis nullo vteritus recedatis excessu. Quia inultum post hæc esse non poterit, si quisquam apostolicas regulas in aliquo crediderit negligendas.

VII.

Quare illud primitus pro custodia concordissimæ vnitatis exigimus, ut quia saluberrime a sanctis patribus constitutum est binos in annis singulis episcoporum debere esse Conuentus, terni semper ex vobis ad diem tertium Kalendarum Octobrium Romam, fraterno Concilio sociandi, occurant, & indissimulanter a vobis hæc consuetudo seruetur. Quoniam, adiuuante gratia Dei, facilius poterit prouideri, ut in ecclesiis Christi nulla scanda-
la, nulli nascantur errores: cum coram beatissimo apostolo Petro semper in communione tractatum fuerit, vt omnia instituta Canonumque decreta apud omnes Domini sacerdotes inviolata permaneant. Hæc autem quæ vobis, inspirante Domino, insinuanda credidimus, per fratres & coepiscopos nostros * Bachillum atque Paschafimum, ad vestram volumus notitiam peruenire. Quibus referentibus cognoscamus, quam reuerenter a vobis apostolicæ sedis instituta seruentur. Data duodecimo Kalendas Nouembbris Alypio & Ardagure viris clarissimis consulibus.

EPISTOLA V.
LEONIS PAPÆ I.
AD DORVM BENEVENTANVM EPISCOPVM.

Episcopum Beneuentanum reprehendit, quod post habitis senioribus iuniores ad presbyteratum assumpserit.

Dilectissimo fratri Doro, Leo episcopus.

IUDICIVM, quod de te sperabamus, dolemus esse fru-
stratum, quando ea te commisisse perspicimus, quæ omnem ecclesiasticæ sanctionis regulam culpabili nouitate fœdarent: cum plenissime noueris, quanta solicitude per omnes Domini ecclesias paternorum velimus Canonum præcepta seruari, & hanc maxime curam ad
Anno Christi 450, qui fuit annus pontificatus S. Leonis 9.

Concil. Tom. 7.

I

sacerdotes vniuersarum plebium pertinere , vt sanctarum constitutionum regulæ nullis corrumpantur excessibus. Vnde miramur te , quem auctoritatum apostolicæ sedis obseruantissimum esse conuenerat , tam negligenter , ac potius insolenter egisse , vt traditarum tibi legum non custos , sed transgressor existeres. Libello etenim Pauli presbyteri tui , qui in subditis habetur , cognovimus , apud te nouo ambitu , foedoque colluicio , presbyterii ordinem fuisse turbatum : ita vt vnius festina & immatura prouectio , quædam eorum deiectio facta sit , quos ætas commendabat , & nulla culpa minuebat. Quod si ambientis intentio , aut imperita fauentium studia id , quod nunquam habuit consuetudo , poscebant , vt incipiens emeritis , & nouellus præferretur antiquis ; tuæ fuerat industriae atque doctrinæ , vt iniuste petentium desideria rationabili auctoritate cohiberes , ne quem in sacerdotali propere prouehebas honore , ad iniuriam eorum , qui bus sociabatur , inciperet : minorque se fieret , dum in illo non humilitatis virtus , sed elationis vitium roboraretur. Neque enim ignorabas dixisse Dominum , quod *qui se humiliat , exaltabitur : qui vero se exaltat humiliabitur.*

Luc. 18.

Matth. 20.

Eumdemque dixisse : *Quicumque vult inter vos maior fieri , sit uester minister. Et quicumque voluerit inter vos primus esse , erit uester seruus.* Vos autem quæritis de pusillo crescere , & de honore maiores esse. Vtrumque enim inordinatum , vtrumque præposterum est , & omnis laborum fructus aufertur , omnis meritorum mensura vacuatur , si tantum quis assequitur dignitatis , quantum adulationis obtinuit : vt cupiditas eminendi non solum superbientem minuat , sed etiam connuentem. Si vero (vt asseritur) primi secundique presbyteri , circa Epicarpium sibimet præponendum , tam huic assentatio fauit , vt illum cum sui dedecore poscerent honorari ; nec hoc quidem illis , proprio se iudicio deiicientibus , tribui debuit , quod volebant , cui tam miseræ voluntati te dignius fuerat obuiare , quam cedere. Deformis autem & ignava subiectio bene sibi consciis , & non irritam facientibus gratiam Dei , præjudicare non potuit , vt primatus suos quocumque commerito in alterutrum transferentes , subsequentium suorum minuerent dignitatem , & quem ultimum sibi

anteposuerant, ceteris præmineret. Prædicti igitur presbyteri, qui indignos se honoris sui ordine sunt professi, licet priuari etiam sacerdotio mererentur, tamen ut eis pro apostolicæ sedis pietate parcatur, vltimi inter omnes ecclesiæ presbyteros habeantur. Et ut iudicij sui sententiam ferant, inferiores etiam illo erunt quem propria sententia fibimet prætulere, ceteris omnibus presbyteris in eo ordine permanentibus, quem vnicuique ordinationis suæ tempus adscripsit. Nec quisquam præster prædictos duos imminutæ dignitatis patiatur iniuriam, sed in eorum statum tantummodo hoc recurrat opprobrium, qui nouello, & immature ordinato, inferiores fieri elegere, ut illam euangelicam sententiam ad se sentiant pertinere, qua dicitur: *Quo iudicio iudicaueritis, iudicabitur de vobis: & quam mensura mensi fueritis, eadem remetietur vobis.* Paulus vero presbyter ordinem suum, de quo laudabili firmitate non cessit, obtineat. Nec vltterius aliquid in cuiusquam præsumatur iniuriam, ita ut dilectio tua, quam non immerito tota facti huius pulsat inuidia, hoc saltem remedio curare se properet: ut sine dissimulatione hæc quæ decernimus, tradantur effectui, ne si iterato ad nos imploratio iusta configerit, necesse sit seuerius commoueri: cum his quæ male sunt facta correntis, malimus redintegrare disciplinam, quam augere vindictam. Executionem vero præceptionum nostrarum fratri & coepiscopo nostro Iulio commisissæ nos noueris: ut omnia illi, quemadmodum constituimus, roborentur. Data Idibus Martii, Posthumiano viro clarissimo consule.

*Matt. 7.
Marc. 4.*

EPISTOLA VI.

LEONIS PAPÆ I.

AD EVTYCHEN CONSTANTINOPOLITANVM

ABBATEM.

Commendat diligentiam Eutychetis, quod Nestorianam hæresim, quæ iterum pullulabat, renuntiauerit, quam se exterminaturum affirmat.

Dilectissimo filio Eutycheti presbytero, Leo episcopus.

Anno Christi 450. qui
fuit annus
pontifica-
tus S. Leo-
nis 9.

Ad notitiam nostram tuæ dilectionis epistola retulisti, quod Nestoriana hæresis quorumdam rursus studiis pullularet. *Vide reliquum in Concilio Calchedonensi, parte pri-
ma, epistola prima.*

EPISTOLA VII.

LEONIS PAPÆ I.

AD THEODOSIVM SEMPER AVGVSTVM.

Respondet Theodosio, sibi non notum, cur Flauianus Eutychen communione priuauerit, cum intellexerit rem omnem se terminaturum.

Leo episcopus, Theodosio semper Augusto.

Anno Christi 451. qui
fuit annus
pontifica-
tus S. Leo-
nis 10. fuit
scripta hæ-
c epistola, si-
militer &
duæ seque-
tes.

QUANTVM præsidii Dominus ecclesiæ suæ in fide ve-
stræ clementiæ præpararit, his etiam literis, quas ad
me misisti, ostenditur. *Vide reliquum in Concilio Calchedo-
nensti, parte 1. epistola 3.*

EPISTOLA VIII.

LEONIS PAPÆ I.

AD FLAVIANVM CONSTANTINOPOLITANVM

EPISCOPVM.

Quærit cur Eutyches a communione ecclesiæ fuerit
separatus.

Dilectissimo fratri Flauiano episcopo, Leo episcopus.

CVM Christianissimus & clementissimus imperator.
Vide reliquum in Concilio Calchedonensi, parte 1. epistola 2.

EPISTOLA
FLAVIANI EPISCOPI
 CONSTANTINOPOLITANI
AD SANCTISSIMUM LEONEM
 PAPAM VRBIS ROMÆ.

*Domino beatissimo, & Deo amabili patri Leoni,
 Flauianus in Domino salutem.*

NVLLA res diaboli venena compescit, nec continet
 eius mortiferas sagittas. *Vide reliquum in Concilio Cal-*
chedonensi, parte 1. epistola 6.

EPISTOLA ALIA
FLAVIANI ARCHIEPISCOPI
 CONSTANTINOPOLITANI
AD SANCTISSIMUM LEONEM
 PAPAM VRBIS ROMÆ.

Eutychetis hæreses recenset: illum a se in Concilio Con-
 stantinopolitano esse damnum, & ad sedem aposto-
 licam nequaquam appellasse. Sententiae in eum latæ
 confirmationem petit.

*Sanctissimo & beatissimo patri, & consacerdoti Leoni,
 Flauianus in Domino salutem.*

PIE TATE & recta prædicatione. *Vide reliquum in Con-*
cilio Calchedonensi, parte 1. epistola 4.

EPISTOLA IX.
LEONIS PAPÆ I.

AD THEODOSIVM SEMPER AVGVSTVM.

Scribit imperatori vt Concilium intra Italiam cogat.

Leo urbis Romæ episcopus, Theodosio semper Augusto.

PRO integritate fidei catholicæ Christianissimum prin-
 cipem conuenit esse sollicitum, & hoc indefessis pre-
 cibus diuinam misericordiam posco, vt cordi vestro, id

quod est veritatis, inspiret, neque falli vos in aliquo humanarum calliditatum æmulatione patiatur. A me autem, atque ab omnibus catholicis sacerdotibus, quæ euangelicæ fidei pietas defendat, satis plene ac lucide literis meis, quas clementiam vestram iamdudum per famulum vestrum Epiphanium tribunum, qui pro hac causa missus est, arbitror vos accepisse. Ratum est nec ambigi potest, hoc nos purissime credere, hoc constanter asserre, quod etiam venerandi patres, quōdam apud Nicæam congregati, secundum fidem symboli credendum & confitendum sacratissima auctoritate sanxerunt. Nos enim, venerabilis imperator, sicut Nestorii dogma peruersum merito anathematizauimus, ita iuste etiam horū impietatem, qui veritatem carnis nostræ negant a Domino Iesu Christo suscep tam esse, damnamus. Vnde si pietas vestra suggestioni ac supplicationi nostræ dignetur annuere, vt intra Italiam habere iubeatis episcopale Concilium, cito (auxiliante Deo) poterunt omnia scandala, quæ in perturbationem totius ecclesiæ sunt commota, refecari: vt per vniuersum regnum vestrum catholicæ fidei integritate seruata, & pacem Christianam manere, & vestram apud Deum crescere gloriam gaudeamus. Data octauo Kalendas Iunias, Astero & Protogene viris clarissimis consulibus.

EPISTOLA X.

LEONIS PAPÆ I.

AD FLAVIANVM CONSTANTINOPOLITANVM

EPISCOPVM.

Contra Eutychetis perfidiam & hæresim.

Leo episcopus, dilectissimo fratri Flaviano Constantinopolitano episcopo.

LECTIONIS dilectionis tuæ literis. *Vide reliquum in Concilio Calchedonensi, parte 2. actione 2.*

EPISTOLA XI.

LEONIS PAPÆ I.

AD IVLIANVM EPISCOPVM COENSEM.

Contra Eutychenæ impietatis errorem.

Leo urbis Romæ episcopus dilectissimo fratri Juliano episcopo.

LIET per nos traximus, quos ab urbe pro fidei causa di-
ploravimus, plenissimas ad fratrem Flavianum literas
misericordias contra nimiae impietatis errorem. *Vide reli-
quum in Concilio Calchedonensi parte i. epistola 8.*

EPISTOLA XII.

LEONIS PAPÆ I.

AD THEODOSIVM AVGVSTVM.

De legatis, quos vice sua destinauit ad Synodum Ephe-
sinam, pro erroribus Eutychetis collectam.*Cæsari Theodosio religiosissimo & piissimo Augusto, Leo papa
ecclesiæ catholicæ urbis Romæ.*

QVANTVM rebus humanis consulere prouidentia
diuina dignetur. *Vide reliquum in Concilio Calchedonensi,
parte i. epistola 10.*

EPISTOLA XIII.

LEONIS PAPÆ I.

AD PVLCHERIAM AVGVSTAM.

Eutychetis hæreses refellit, & Pulcheriam hortatur ad
catholicæ fidei defensionem, & sibi non licere
Ephesino Concilio interesse scribit.*Leo catholicæ Romanæ ecclesiæ episcopus, piissimæ
Pulcheriæ Augustæ.*

QVANTVM præsidii Dominus ecclesiæ suæ in vestra
clementia præpararit. *Vide reliquum in Concilio Calche-
donensi, parte i. epistola 12.*

LEONIS PAPÆ I.

EPISTOLA XIV.

LEONIS PAPÆ I.

AD FAVSTVM, MARCIANVM, ET RELIQVOS
ARCHIMANDRITAS CONSTANTINOPOLITANOS.

Certiores facit archimandritas de legatis a se missis,
& Eutychetis errores redarguit.

*Dilectissimis filiis Fausto, Marciano, & reliquis archimandritis,
Leo episcopus.*

CVM propter causam fidei, quam Eutyches perturbare tentauit. *Vide reliquum in Concilio Calchedonensi,
parte 1. epistola 9.*

EPISTOLA XV.

LEONIS PAPÆ I.

AD EPHESINAM SYNODVM SECUNDAM.

Prouocat congregatos episcopos Eutychetis
blasphemias condemnare.

Leo episcopus sanctæ Synodo quæ apud Ephesum conuenit.

RE LIGIOSA clementissimi principis fides sciens ad
suam gloriam maxime pertinere. *Vide reliquum in Con-
cilio Calchedonensi, parte 1. epistola 13.*

EPISTOLA XVI.

LEONIS PAPÆ I.

AD FLAVIANVM CONSTANTINOPOLITANVM

E P I S C O P V M.

Eius literas accepisse, & legatos destinasse significat.

Flaviano carissimo fratri, Leo episcopus Romæ.

LITERAS tuæ dilectionis accepi, cum gestis quæ apud
vos super fidei quæstione confecta sunt. *Vide reliquum
in Concilio Calchedonensi, parte 1. epistola 16.*

EPI-

EPISTOLA XVII.
LEONIS PAPÆ I.
AD THEODOSIVM AVGVSTVM.

Scribit Synodo sibi interesse non licere: huic autem muneri legatos a se missos plene satisfacturos.

Leo episcopus Theodosio semper Augusto.

ACCEPTIS clementiæ vestræ literis. *Vide reliquum in Concilio Calchedonensi, parte 1. epist. 17.*

EPISTOLA XVIII.
LEONIS PAPÆ I.
AD PVLCHERIAM AVGVSTAM.

Leo episcopus, Pulcheria Augustæ.

QUANTVM sibi fiduciæ de fide vestræ clementiæ ecclæsia Dei debeat polliceri. *Vide reliquum in Concilio Calchedonensi, parte 1. epist. II.*

Hæc eadē
fere haben-
tur, sed fu-
sius, supra
epist. 13.

EPISTOLA XIX.
LEONIS PAPÆ I.
AD IVLIANVM EPISCOPVM.

Iuliani fidem commendat, & per legatos Flauiano scripsisse ait quid de catholica fide tenendum sit.

Leo episcopus, Iuliano episcopo, carissimo fratri.

LITERÆ dilectionis tuæ, quæ mihi nuper sunt redditæ, quam spirituali catholicae fidei vigeas amore, demonstrant: & multum gaudere me faciunt, quod in eadem sententia pia corda concurrunt, ut secundum doctrinam Spiritus sancti impleatur in nobis quod Apostolus ait: *Obsecro autem vos, fratres, per nomen Domini nostri Jesu Christi, ut id ipsum dicatis omnes, & non sint in vobis schismata. Sitis autem perfecti in eodem sensu, & in eadem sententia:* cuius unitatis nimium se Eutyches facit extraneum, qui in sua peruersitate veterascit, nec adhuc, quibus vinculis a Domino sit obligatus, intelligit. Et quamquam sacerdo-

Concil. Tom. 7.

K

tem Domini reperiendum putat , qui eius imperitiæ a-
mentiæque consentiat , diu apud nos incertum fuit , quid
in ipso catholicis displiceret . Et cum fratri nostri Flauia-
ni nullas literas sumeremus , ipse autem scriptis suis Ne-
storianam hæresim repullulare quereretur ; non plene
potuimus discere , vnde procederet , vel quo tenderet
tam dolosa causatio . Sed postquam gestorum ad nos epi-
scopium documenta perlata sunt , omnia illa , quæ fal-
laciūm querelarum velamine tegebantur , quam essent
detestanda , patuerunt . Et quia clementissimus impera-
tor , pro benevolentia ac pietate animi sui , de statu huius ,
qui ante honorabilis videbatur , diligentius voluit iudi-
cari , atque ob hoc indicendum credidit episcopale Con-
cilium , per fratres nostros Iulianum episcopum , & Re-
natum presbyterum , sed & filium meum diaconem Hi-
larium , & quos ex latere meo vice mea misi , ad fratrem
nostrum Flavianum sufficientia pro qualitate causæ scri-
pta direxi , quibus & vestra dilectio , & ecclesia vniuersa
cognoscat , de antiqua & singulari fide , quam indoctus
impugnator incessit , quid diuinitus traditum teneamus ,
& quid incommutabiliter prædicemus . Quia tamen non
debemus partes miserationis omittere , congrua modera-
tione credidimus fanciendum , vt si condemnatus presby-
ter plena satisfactione corrigitur , sententia , qua obstrictus
est , relaxetur . Si vero in eodem insipientiæ suæ luto iacere
delegerit , statuta permaneant , & cum eis habeat sortem ,
quorum est secutus errorem . Data Idibus Iunii , Asterio
& Protogene viris clarissimis consulibus .

EPISTOLA XX.

LEONIS PAPÆ I.

AD FLAVIANVM EPISCOVVM.

Catholicum incarnationis dogma contra Eutychen de-
fendendum : ipsi , si resipuerit , indulgendum monet .

Flauiano dilectissimo fratri , Leo episcopus .

PROFECTIS iam nostris , quos ad vos in fidei causa
direximus , per filium nostrum Basiliūm diaconem
scripta tuæ dilectionis accepimus , quibus merito pa-

^{*indidi-}
^{flis,} rum de negotio communis solicitudinibus * indidisses , quoniam & gesta ante delata , de omnibus nos suffi- ciente instruxerant , & ad familiarem interrogationem idoneus erat sermo prædicti , per quem nunc alloquia reddentes , dilectionem tuam per Deigratiā , in qua fi- dimus , cohortamur , vtentes verbis apostolicis , atque di- centes : *In nullo terreamini ab aduersariis , quæ est illis causa perditionis , vobis autem salutis.* Quid enim tam exitiabile , quam negata veritate incarnationis Christi , omnem spem salutis humanæ velle dissoluere ? & Apostolo con- traire dicenti manifeste : *Magnum est pietatis sacramentum , quod manifestatum est in carne ?* Quid tam gloriosum , quam contra inimicos nativitatis & crucis Christi pro fide eu- angelica dimicare ? De cuius purissimo lumine , inui- ctaque virtute , datis iam ad tuam dilectionem literis , quid in nostro esset corde patefecimus : ne de illis , quæ secundum doctrinam catholicam didicimus & doce- mus , aliquid inter nos videri possit ambiguum . Quia vero tam valida , & tam clara sunt testimonia veritatis , vt nimis cæcus nimisque obduratus habendus sit , qui ad coruscationem lucis atque rationis non confessim se a te- nebris falsitatis excusserit : ad curandam imperitorum in- saniam , etiam patientiæ volumus adhibere medicinam , vt paternas increpationes hi , qui in sene^ctute carnis suæ mente sunt paruuli , discant obedire maioribus . Ac si de- posita imperitiæ suæ vanitate resipiscunt , omniq[ue] erro- re damnato fidem veram singularemque fuscipiunt , mi- sericordia eisdem episcopal[is] benevolentiæ non negetur , mansuro iudicio , quod præcessit , si impietas merito condemnata , in sua prauitate perstiterit . Data decimo Kalendas Augosti , Asterio & Protogene viris clarissi- mis consulibus .

EPISTOLA XXI.

LEONIS PAPÆ I.

AD FLAVIANVM CONSTANTINOPOLITANVM

EPISCOPVM.

Miratur quod suis literis non responderit, petitque
vt de rébus gestis se faciat certiorem.

Leo episcopus, Flauiano episcopo.

AVGET solicitudinem nostram taciturnitas tua, qui iam diu nulla dilectionis tuæ scripta suscepimus, cum nos curarum tuarum participes, pro fidei defensione solliciti, frequenter per occasiones idoneas ad dilectionem tuam literas miserimus, vt adhortationum nostrarum consolationibus te iuuaremus, vt aduersariorum stimulis pro fidei defensione non cederes, cum laboris tui participes nos probares. Olim ad fraternitatem tuam nostros credimus peruenisse, per quos, plenius scriptis, mandatisque nostris instructum te esse retines, & Basiliū ad te (vt volueras) ipsi remisimus. Nunc, ne aliqua prætermissum occasione te crederes, per filium nostrum honorabilem & amabilem nobis virum Esitium, hanc paginam dedimus, vt tota celeritate ad scripta nostra respondeas, nosque subinde de tuis actibus, nostrorumque, & de totius causæ absolutione facias certiores: vt sollicitudinem, quam nunc pro fidei defensione gerimus, prosprioribus nuntiis molliamus. Data tertio Idus Augusti, Afterio & Protogene viris clarissimis consulibus.

EPISTOLA XXII.

LEONIS PAPÆ I.

AD CONSTANTINOPOLITANOS.

Vt profana iudicantur in hac epistola Concilii Ephesi-
ni secundi acta, & impenditur consolatio Constanti-
nopolitanis pro destituzione pontificis sui Flauiani.

*Leo episcopus, & sancta Synodus, quæ in urbe conuenit, clero,
honoratis, & plebi consistenti apud Constantinopolim,
dilectissimis filiis, in Domino salutem.*

IN notitiam nostram, quæ Ephesi contra opinionem
omnium sunt acta, perlatis. *Vide reliquum in Concilio
Calchedonensi, parte 1. epistola 22.*

EPISTOLA XXIII.

LEONIS PAPÆ I.

AD CLERVM ET PLEBEM
CONSTANTINOPOLITANÆ VRBIS.

Commendat eos quod Ephesino Conciliabulo reluctati
sint. Catholicam fidem de incarnatione exponit, & vt
agant cum imperatore, de conuocando Concilio,
monet.

*Leo episcopus, & sancta Synodus, quæ in urbe Roma conuenit,
clero, honoratis, & plebi consistenti apud Constantinopolim.*

LICET de his, quæ in Concilio sacerdotum apud E-
phesum gesta memorantur, multus nos mœror af-
ficiat. *Vide reliquum in Concilio Calchedonensi, parte 1. episto-
la 23.*

LEONIS PAPÆ I.

EPISTOLA XXIV.

LEONIS PAPÆ I.

AD THEODOSIVM AVGVSTVM.

Rogat illum, speciale Concilium in Italia fieri, & in nullo alio loco, eo quod contraria Canonibus facta sit Synodus Ephesina, & in ea acta iudicantur illegitima, nec rite facta.

Gloriosissimo & clementissimo Theodosio Augusto, Leo episcopus.

Hæc epistola fragmentum quoddam esse videtur proxime sequentis epistolæ.

OLIM & ab initio in Conciliis celebratis tantam nos percepimus a beatissimo Petro apostolorum principi pe fiduciam. *Vide reliquum in Concilio Calchedonensi, parte 1. epist. 20.*

EPISTOLA XXV.

LEONIS PAPÆ I.

AD THEODOSIVM AVGVSTVM.

De sancta Synodo Ephesina, in qua Eutychetis hæresis quorumdam episcoporum prauo intellectu adiuta est: vnde hortatur eumdem Augustum, ut præscæ fidei constitutio ab eis non violetur, sed Dei sacerdotes totius orbis adunentur.

Leo episcopus, & sancta Synodus, quæ in urbe Roma conuenit, Theodosio semper Augusto.

LITERIS clementiæ vestræ. *Vide reliquum in Concilio Calchedonensi, parte 1. epistola 19.*

EPISTOLA XXVI.

LEONIS PAPÆ I.

AD PVLCHERIAM AVGVSTAM.

Contra eamdem secundam Synodum Ephesinam, ut eius errores in alia Synodo retractentur.

Leo episcopus, & sancta Synodus, quæ in urbe Roma conuenit, Pulcheriæ Augustæ.

Si epistolæ, quæ pro fidei causa per nostros clericos directæ sunt. *Vide reliquum in Concilio Calchedonensi, parte 1. epistola 21.*

EPISTOLA XXVII.

LEONIS PAPÆ I.

AD FLAVIANVM CONSTANTINOPOLITANVM

EPISCOPVM.

Dolet Flauiani incommoda, & pro communi fidelium
causa nihil ait a se prætermitti.

Flauiano carissimo fratri, Leo episcopus.

QUÆ & quanta dilectio tua pro catholicæ fidei defen-
sione patiatur. *Videreliquum in Concilio Calchedonensi,*
parte prima, epistola 8.

EPISTOLA XXVIII.

LEONIS PAPÆ I.

AD FAVSTVM ET CETEROS ARCHIMANDRITAS
CONSTANTINOPOLITANOS.

Adhortatur eos ad constantiam in omni bono, maxime
fidei & caritatis, & detestatur acta secundi
Concilii Ephesini.

*Leo episcopus & sancta Synodus, quæ in urbe Roma conuenit,
Fausto, Martino, Petro, & Magno, & Heliæ presbyteris, &
archimandritis Constantinopolitanis, dilectissimis filiis in Do-
mino salutem.*

QVAMVIS ea quæ ad Constantinopolitanam ecclesiam
scripsimus, sollicitudinem deuotionis vestræ latere
non possunt, tamen etiam specialibus dilectionem vestrā
literis cohortandam esse credidimus; vt memores sanctæ
professionis vestræ, quæ proprie in fide & caritate cōsistit,
omnia scandala, quæ contra pacem ecclesiæ orta sunt, a
vestris cordibus repellatis, beati Apostoli sententiam pia
mente retinentes: *Si quis vobis euangelizauerit præterid quod accepistis, anathema sit, & custodientes vnitatem cum fratre* Galat. 1.
nostro Flauiano episcopo, quem ad tempus Dominus
permisit impiorum factione tentari, vt probatum sibi sa-
cerdotem suum perseverantiæ merito faceret clariorem.
Hæ autem perturbationes, necesse est, vt auxiliante Dei
gratia, celeriter destruantur, & omne, quod reprobum
est, ab ecclesiæ puritate, quæ nec maculam nec rugam Ephes. 5.

recipit, respuatur, maxime cum ab insana imperitia in hoc usque proruptum sit, ut contra sacramentum salutis humanæ, incarnationis Domini nostri Iesu Christi veritas denegetur: atque antiquæ fidei prædicator atque defensor, quia non acquieuit blasphemiiis, quas olim sancti patres nostri in multis hereticis damnauere, subiiciatur iniuriis: in quo utique omnium Domini sacerdotum reverentia cæditur, & vniuersa corporis Christi membra pulsantur: sed quia gloriosum nobis est, quidquid nos pati Deus voluerit, & pro veritate tolerare, in consortium vos patientiæ paternis exhortationibus aduocamus, ut per dilectionem vestram omnibus Deo seruientibus, quæ scripsimus, innotescant, & inimicis euangelii resistentes, nec pastoris vestri dilectionem nec unitatem catholicæ fidei deseratis. Quoniam ea, quæ in Epheso nuper contra iustitiam, vel Canonum disciplinam, per unius hominis^{* poten-} im-pudentiam gesta sunt, nulla catholicæ fidei ratio rata esse permittit. Data octauo Idus Octobris, Astero & Pro-togene viris clarissimis consulibus.

EPISTOLA XXIX.

LEONIS PAPÆ I.

AD ANASTASIVM EPISCOPVM

THESSALONICENSEM.

Gratulatur Anastasio, quod ab Ephesina Synodo, dum Flauiano episcopo vis illata fuit, abfuerit: in unitate fidei eum confirmat, & ad eam propugnandam hortatur.

*Leo episcopus urbis Romæ, dilectissimo fratri
Anastasio episcopo.*

QVANTVM relatione Hilarii diaconi nostri cognouimus, magnum facinus Alexandrino episcopo auctore vel executore commissum est: ut dum in fratrem nostrum Flauianum veteres æmulationes & odia priuata defœuiunt, nec innocetiae probatissimi sacerdotis, nec Christianæ fidei parceretur. Vnde multum dilectioni tuæ congratulamur, quod te, ad illam Synodus ire cupientem, opportunis obstaculis manus diuina^{* obtinuit: ne abstenueris} dubio a tanto scelere, indignis iniuriis subiactis,

ceres, & furori impio, militibus (quantum didicimus) armisque suffulto, contraire non posses. Quia ergo prorupit in apertum perfidia quæ latebat, & in nefandissimam hæresim vnius imperitissimi senis asseclæ transfierunt, tempus probationis nostræ debemus agnoscere, & contra impetus aduersantium, munitionibus caelestibus freti, incommutabilis animi constantiam præparare. Scimus, frater carissime, quia sacramento magnæ pietatis suæ aderit diuina protectio. Si quid igitur fraternitati tuæ de impiis constitutionibus fuerit ingestum, protestamur pariter ac monemus, ne vel in damnationem fratris insontis, vel in receptione nefarii dogmatis consensum tui cordis immisceras. Maior est enim, qui in nobis est, quam qui aduersus nos. Annitere potius, quantum te ipse naturæ nostræ susceptor & glorificator adiuuerit, ut omnium fratrum nostrorum corda confirmes. Nobis enim ab euangelio generationis, & mortis, ac resurrectionis Domini nostri Iesu Christi nullatenus recendentibus, definitissimum est, in nostræ communionis numero non futuros eos qui co-nantur antiqua catholicæ fidei fundamenta conuellere. Data tertio Idus Octobris, Asterio & Protogene viris clarissimis consulibus.

EPISTOLA XXX.

LEONIS PAPÆ I.

AD IVLIANVM EPISCOPVM.

Ex iis quæ in Ephesina Synodo gesta fuerunt, summo dolore ait se affectum: rectam fidem esse retinendam, & a latore, quæ disposuerit, cognitum.

*Leo Romanae ecclesiæ episcopus, Iuliano fratri & coepiscopo
salutem.*

COGNITIS quæ apud Ephesum vnius hominis præsumptione sunt gesta, magno quidem dolore affecti sumus de his quæ impie furioseque commissa sunt: sed ad Dominum nostrū animos dirigentes, multam fiduciam ab ipsa, quam sequimur, veritate concipimus, non omittentes omnia agere, quæ auxiliâ Dei gratia credimus profu-

Concil. Tom. 7.

L

tura. Tenendum ergo nobis est, quod tenemus, & sequiente vnius turbinis procella, serenissima fidei est amplectenda tranquillitas: donec radios suos veritas per uniuersa diffundat, & caliginem infidelitatis consumat. Quæ autem disposita sunt, per latoris sermonem agnosces. Data tertio Idus Octobris, Astero & Protogene viris clarissimis consulibus.

EPISTOLA XXXI.

LEONIS PAPÆ I.
AD PVLCHERIAM AVGVSTAM.

Lætatur literis Pulcheriæ, quantum ipsa ab hæresibus abhorreat, cognouisse, & ad fidem defendam hortatur.

Leo episcopus, Pulcheriæ Augustæ.

Anno Christi 452. qui
fuit annus
pontifica-
tus S. Leo-
nis II. fuit
scripta hæc
epistola, si-
militer &
s. sequen-
tes.

Matth. 28.

GAUDERE me plurimum, & exultare in Domino, pie-
tatis tuæ scripta fecerunt: quibus euidenter ostendi-
tur, quantū catholicam diligas fidem, & quantum hæreti-
cum detesteris errorem. Hæresis quippe est nimis impia,
& euangelio veritatis inimica, quæ non portionem ali-
quam lædere, sed ipsa Christianæ religionis conatur fun-
damenta conuellere: negans sempiterni Patris filium sem-
piternum de utero beatæ Virginis matris veram carnem
nostræ sumpsisse naturæ, & eos damnatione percellens,
qui ab euangelica & apostolica fide nullo deduci errore
potuerunt, illudque frustra prætendens, quod Nicæna
Synodi fidem teneat, cuius eum constat esse alienum, glo-
riosissima Augusta. Vnde quia non deserit ecclesiā suam
diuina protecōio, dicente Domino: *Ecce ego vobis sum
omnibus diebus usque ad consummationem sæculi,* eodemque
opere & tempore spiritus Dei & clementiæ vestræ solici-
tudinem, & curam nostri cordis accedit, vt de remediis
procurandis eadem utrique cuperemus; & quæ prius po-
posci, nunc quoque instantius peto, maiore utens fiducia
deprecandi, posteaquam præsidium venerandæ exhorta-
tionis accepi, sperans ad futuram misericordiam Dei, vt
cooperante clementiæ vestra, pestiferi erroris possit mor-

bus auferri: ut quidquid, ipso inspirante atque auxiliante, potuerit salubriter fieri, cum vestræ fidei laude peragatur: quoniam res humanæ aliter tutæ esse non possunt, 23. quæst. 3.
Res autem omnes. nisi quæ ad diuinam confessionem pertinent, & regia & sacerdotalis defendat auctoritas. Data decimosexto Kalendas Aprilis, Valentiniano Augusto septies & Auieno viris clarissimis consulibus, æra 488.

EPISTOLA XXXII.

LEONIS PAPÆ I.

AD MARCIANVM ET FAVSTVM PRESBYTEROS.

De damnatione secundi Ephesini Concilii.

Leo episcopus Marciano Faustoque presbyteris.

BONORVM operum, & spiritualium studiorum Deum auctorem esse, non dubium est: qui quorum incitat mentes, adiuuat actiones. Quod nobis præsenti experientia euidenter apparuit. Siquidem inter discretarum spacia longinqua regionum, vnum sumpserunt corda nostra consilium, vt quod a nobis desiderabatis, eo vobis tempore, quo epistolæ vestræ mittebantur, occurrerit, si tamen dilectioni vestræ tradi scripta nostra potuere, quæ non solum apostolicæ sedis auctoritate, sed etiam sanctæ Synodi, quæ ad nos frequens conuenerat, vnanimitate directa sunt, vt in his, quantam curam totius ecclesiæ habeamus, appareat; hortando scilicet omnium fidelium mentes, & clementissimorum principum præsidia ad defensionem fidei postulando, quorum pios & catholicos animos non diffidimus opem atque auctoritatem suam iustis petitionibus præstituros; quo citius, auxiliante Domino, pernicioſa hæresis, & dudum sanctorum patrum auctoritate damnata, quæ & nuper Ephesi male adiuta est, auferatur. Interim vero det operam (quantum fieri potest) vestræ dilectio, vt omnibus ecclesiæ filiis innotescat quod contra impium sensum, secundum doctrinam euangelicam & apostolicam, prædicamus. Quia licet plene, quæ semper fuisset atq; esset catholicorum sententia, scripsierimus, tamen nunc quoque ad confirmandas omnium mentes, non parum exhortationis addidimus. Memor

Concil. Tom. 7.

L ij

enim sum, me sub illius nomine ecclesiæ præsidere, cuius a Domino Iesu Christo est glorificata confessio, & cuius fides omnes quidem hæreses destruit, sed maxime impietatem præsentis erroris expugnat: & intelligo mihi aliud non licere, quam vt omnes conatus meos ei causæ, in qua vniuersalis ecclesiæ salus infestatur, impendam. Ne autem aliqua negligentia occasione scripta nostra ad vos non potuerint peruenire, exemplaria eorumdem nuncmittenda credidimus, vt nullo modo fidei, quam defendimus, prædicatio vestræ notitiæ subtrahatur. Data decimo sexto Kalendas Aprilis, Valentiniano Augusto septies & Auieno viris clarissimis consulibus.

PISTOLA XXXIII.
LEONIS PAPÆ I.
AD THEODOSIVM AVGVSTVM.

Vt id, quod de incarnatione filii Dei ab Anatolio Constantinopolitano episcopo prædicatur, agnoscat, & vniuersale Concilium in Italia fiat.

Leo episcopus Theodosio semper Augusto.

OMNIBVS quidem vestræ pietatis epistolis. *Vide reliquum in Concilio Calchedonensi, parte i. epistola 32.*

PISTOLA XXXIV.
LEONIS PAPÆ I.

Missos a se legatos commendat.

*Leo episcopus, Fausto, Marciano, Petro, Manueli, Iob, Antiocho, Vianantiaco, Abrahamo, Theodoro, Pientio, Eusebio, Helpidio, Paulo, Asterio & * Charaso presbyteris & archimandritis, & Iacobo diacono & archimandritæ.* *Caro

CAVSA fidei, in qua salus Christiana consistit, multa me solicitudine laborare compellit, metuentem, ne prauitas, quæ in suis fuerat amputāda principiis, processu temporis & perniciosior fiat & latior. Nam cum clemensissimus imperator talia ad nos scripta direxerit, quibus sollicitudinem suam pro pace vniuersalis ecclesiæ demon-

straret, ipse Constantinopolitanus episcopus, & hi qui eumdem consecraranter, præter id quod ad ordinationem noui antistitis pertinebat, nihil nobis de compressis vel abdicatis erroribus indicarunt, quasi in illa ecclesia nullum scandalum, nulla extitisset offensio, aut non hinc præcipue fuerit ordinati meritum demonstrandum, si aliena a se, quæ catholicorum sensibus sunt aduersa, docuisset. Ne ergo (quod inter longinquas regiones accidere solet) in nimias dilationes tenderent veritatis examina, fratres & coepiscopos nostros Abundium & Asterium, sed & Basiliū & Senatorem presbyteros, probatissimos viros, ad piissimum principem cum sufficienti paternarum auctoritatum instructione direximus. Quos in omnibus, fratres carissimi, diligentia ac solicitudine vestra cupimus adiuuari, vt impietas, quæ cæcis ausibus in exitialia abrupta processit, simplices quoque decipiendi vterius non habeat potestatem, cum aptiore medicina etiam illis cupiamus per correctionis remedia subueniri, qui aut impunitia sunt lapsi, aut errore traducti. Et ideo vos, qui iustificamini per fidem, qui catholicam diligitis veritatem, & de singulari sacramento salutis humanæ per Spiritum sanctum estis edocti, collaborate nobiscum, & quanta potestis deuotione id agite, vt falsitate destructa, & fidei soliditate defensa, secura per totum mundum Dei pace portiamur. Data decimo sexto Kalendas Augosti, Valentiano Augusto septies & Auieno viris clarissimis consulibus.

EPISTOLA XXXV.

LEONIS PAPÆ I.

AD PVLCHERIAM AVGVSTAM.

Pro his quæ superius Theodosium Augustum postulauit.

Leo episcopus Pulcheriae Augustæ.

GAUDEO fidei clementiæ vestræ, quod religiosum studium dignanter impenditis, vt pax ecclesiastica renouetur, quæ quorundam dissensionibus videbatur esse turbata. Debetur enim hoc vestræ specialiter gloriæ, vt ablatis omnibus scandalis, quæ contra catholicam

fidem inimicus excitauerat, vna eademque sit per totum mundum confessio veritatis: quæ facilius certiusque reparabitur, si prauorum sensuum nulla semina, nulla vestigia relinquuntur. Quod tamen mearum partium est, præterire non debo, vt scilicet, quid de incarnatione filii Dei a Constantinopolitano episcopo teneatur, agnoscam, præsertim cum in ordinatione ipsius plura præcesserint, taliaque ad nos debuerit scripta dirigere, quæ illum a contagione huius, qui nuper emersit, erroris alienum euidenter ostenderent. Optans itaque securam cum eo habere concordiam, gratiamque illi fraternæ caritatis impendere, scribere ei interim distuli; non dilectionem negans, sed manifestationem catholicæ veritatis expectans. Simplex enim est absolutumque, quod posco, vt remoto longarum disputationum labore, sanctæ memorię Cyrilli Alexandrini episcopi epistolæ, quam ipse ad Nestorium miserat, acquiescat, in qua & errorem Nestorii arguit, & fidem Nicænæ definitionis exposuit, & epistolæ meæ, quæ ad sanctæ recordationis Flauianum episcopum est directa, consentiat. Quibus vigilanter inspectis, Constantinopolitanus antistes repudiandum sibi, quod ausus est contra puram & singularem fidem imperita insipientia definire, incunctanter agnoscat, quia & mea, & sanctorum patrum de incarnatione Domini concors per omnia & vna confessio est. Quam si quis existimauerit non sequendam, ipse se a compage catholicæ unitatis absindet: cum tamen nos, vt in integrum omnia reuocentur, optemus. Ad effectum vero salubrium dispositiōnum velocius obtinendum, fratres & coepiscopos meos, Abundium & Asterium, sed & Basilium & Senatorem presbyteros, probatissimos viros misi, qui clementiæ vestræ formam fidei, quam secundum doctrinam venerabilium patrum prædicamus, offerrent, & remotis circumlocutionibus, quibus obscurari veritas solet, quid de incarnatione filii Dei a totius orbis probatis sacerdotibus defensum fuisset, ostenderent. Quos post diuinam gratiam, sancto vestræ pietatis auxilio dignum est adiuuari, ne in totius ecclesiæ perturbationem imprudens procedat contentio; cum correctione adhibita, omnes oporteat in vnius confessionis redire concordiam. A qua si for-

sitan ab aliquibus discrepatur, vniuersale Concilium sacerdotum haberi intra Italianam, clementia vestra annuente, iubeatur: quo remota arte fallendi, tandem pateat, quid altiore tractatu aut coerceri debeat aut sanari. Data tertiodecimo Kalendas Augusti, Valentiniano Augusto septies & Auieno viris clarissimis consulibus.

EPISTOLA XXXVI.
LEONIS PAPÆ I.

AD *MARTINVM PRESBYTERVM.

*MAR-
CIANVM

Gratulatur ei, quod a recto catholicae fidei sensu non deflexerit.

Leo episcopus Martino presbytero.

GRATIAS agimus Deo, & multam fiduciam piæ exultationis accepimus, cum dilectionem tuam & catholicam fraternitatem ita spiritu fidei vigere cognoscimus, vt cordibus vestris nihil infirmitatis heretica possit inferrentatio: ad quam diuinitus destruendam, nec defuit (vt scitis) solicitude nostra, nec deerit, donec omnipotentis dextera omnia diaboli arma confringat. Cui ob hoc aliquid audere permittitur, vt a fidelibus Christi gloria maiore vincatur. Si quid autem difficultatum interuenit aut morarum, cum æquanimitate tolerandum est: quoniam ubi veritas est magistra, nunquam defunt diuina sollatia, fratres carissimi. Quamuis ergo magna locorum interualla nos diuidant, vnitate tamen fidei vobiscum sumus, toto corde Iesum Christum Dominum nostrum verum Deum & verum hominem confitentes, nulla in vobis detrimenta perpetimur, cum de vestra professionis concordia gloriamur: tantum ut sit, auxiliante Domino, constantia perseverans, dicente Apostolo: *Vobis enim datum est pro Christo, non solum ut in eum credatis, sed etiam ut pro illo patiamini.* Ad quam fortitudinem sanctorum mentium roborandam, fratres nostros, atque legatos, quos pro apostolicæ fidei libertate direximus, & quos dudum apud vos esse confidimus, plurimum credimus profuturos, cum totius actionis nostræ didiceritis affectum, & curam vestram atque consilium operi iunxeritis. De qua re non

Philip. 1.

necessæ est nunc latius scribere, cum iam per supradictos sufficientes epistolas miserimus, quibus abundantissime omnis catholica fraternitas instruatur. Diuinæ erit virtutis & gratiæ, vt Dei filius, qui naturam humani generis suam fecit, amplius quam videmus, aut sapimus, magnum pietatis suæ afferat sacramentum, quod impia temeritas sibi quidem fraudauit, sed reætis cordibus non potuit. Data Idibus Septembbris, Valentianio & Auieno viris clausimis consulibus.

EPISTOLA XXXVII.

LEONIS PAPÆ I.

AD LEONEM RAVENNATEM EPISCOPVM.

De his, qui de captiuitate redeuntes, incertum
habent vtrum ante captiuitatem baptisma
consecuti sint.

- I. *De parvulis qui in captiuitatem deuenerint, & baptismum per impositionem manus Spiritu non reminiscuntur se consecutos.* II. *Vt ab hereticis baptizatus, tum sanctum accipiat.*

Leo episcopus, Leoni episcopo Rauennati salutem.

Anno Christi 453. qui fuit annus pontificatus S. Leonis 11. scripta fuit hec epistola & 4. sequentes.

FREVENTER quidem in diuersarum ambiguo quæstionum titubantia fratrū corda, Spiritu Dei instruentate, solidauimus, responsonis formam vel ex sanctarum scripturarum disciplinis, vel ex patrum regulis colligentes. Sed nuper in Synodo nouum & inauditum antea genus consultationis exortum est.

I.

Nam quorumdam fratrum suggestione comperimus, aliquos captiuorum ad sedes suas, libertatemque redeuntes, qui scilicet in captiuitatem illa ætate peruerenterint, quæ nullius rei firmam poterat habere notitiam, remedium quidem implorare baptismi : sed vtrum eiusdem mysterii ante sacramenta perceperint, infantia inscientia non posse se reminisci: & ideo sub hoc latentis recordationis incerto, animas suas in discrimen adduci, dum sub specie cautionis negatur his gratia, quæ ideo non impenditur, quia putatur impensa. Cum itaque tribuere talibus dominici

dominici sacramenta mysterii, non immerito quorum-dam fratrum formido dubitaret, in synodali (vt diximus) cœtu formam huiuscemodi consultationis accepimus, quam diligentius discuti, & pro vniuerscuiusque sensu sollicita voluimus ratione tractari, quo ad veritatem, adhibita cognitione multorum, certius peruenire possemus. Eadem ergo, quæ in sensum nostrum diuina inspiratione venerunt, frequens etiam fratrum firmauit assensio. In primis itaque prouidere debemus, ne, dum speciem quamdam cautionis tenemus, damnum regenerandarum incidamus animarum. *Quis enim ita sit suspi-cationibus suis deditus, vt verum esse definiat, quod omni manifestacione cessante, ex opinione ambigua suspicatur?* Cum itaque baptizatum se nec ille recordetur, qui regenerationis est cupidus, nec alter attestari de eo possit, quod nesciat consecratum; nihil est in quo peccatum possit obrepere, cum in hac parte conscientiæ suæ nec ille reus sit qui consecratur, nec ille qui consecrat. Scimus quidem inexpiable esse facinus, quoties iuxta hæreticorum damnata a sanctis patribus instituta, cogitur aliquis lauacrum, quod regenerandis semel tributum est, bis subire, apostolica reclamante doctrina, quæ nobis vnam prædicat in trinitate deitatem, vnam in fide confessio-nem, vnum in baptismate sacramentum. Sed in hoc nihil simile formidatur, quoniam non potest in iterationis cri-men deuenire, quod factum esse omnino nescitur. Atque ideo, quoties persona talis inciderit, sollicita primum examinatione discutite, & longo tempore, nisi forte supremus finis immineat, indagate, vtrum nemo sit penitus qui testimonio suo iuuare possit ignorantiam nescientis. Et cum constiterit hunc, qui baptismatis indiget sa-cramento, sola inaniter suspicione prohiberi, accedat intrepidus ad consequendam gratiam, cuius in se nullum scit esse vestigium. Nec vereamur huic salutis ianuam a-perire, quam nunquam ante docetur ingressus.

II.

Quod si ab hæreticis baptizatum quempiam fuisse constiterit, erga hunc nullatenus sacramentum regeneracionis iteretur: sed hoc tantum, quod ibi defuit, confe-ratur, vt per episcopalem manus impositionem virtutem

Concil. Tom. 7.

M

sancti Spiritus consequatur. Quam rem , frater carissime, ideo generaliter ad omnium vestrum volumus peruenire notitiam ; ne , dum plus iusto metuitur , misericordia Dei saluari cupientibus denegetur. Data nono Kalendas Nouembbris , consulatu Marciani Augusti.

EPISTOLA XXXVIII.

LEONIS PAPÆ I.

AD MARCIANVM AVGUSTVM.

Literas a Marciano missas se accepisse dicit : de hoc gratias agit , & per legatos scripsisse significat.

Leo episcopus Marciano semper Augusto.

LITERAS pietatis vestræ accepisse me gadeo , & ad significationem totius prosperitatis pertinere cognosco , cum sermones vestri vos faciant integritate securos. Quantas itaque clementiæ vestræ gratias referamus , non ex verbis nostris , sed ex beneficiis vestris , quæ ecclesiæ contulisti , agnoscite : non ambigentes , qualem illum retributorem in omnibus habeatis , pro cuius estis tam pia religione solliciti , & qui vos (vt res ipsa demonstrat) ad hoc vt fides catholica ab insidiis inimicorum suorum defenderetur , elegit. Hæc a me nunc breuiter per fratris mei Anatolii clericos pietas vestra dignanter accipiat. Pleniora autem de omnibus , quæ ad curam meam pro statu ecclesiarum , & concordia pertinent Domini sacerdotum , per legatos nostros scripta direximus. Data Idibus Aprilis , Adelphio viro clarissimo consule.

EPISTOLA XXXIX.
L E O N I S P A P Æ I.
AD PVLCHERIAM AVGVSTAM.

Gratias agit, quod Nestorianam & Eutychianam hæresim fidei defensione destruxerit.

Leo episcopus urbis Romæ, Pulcheriae Augustæ.

QUOD semper de sancta pietatis vestræ mente præsumpsimus, id plenissime experiendo cognouimus, Christianam fidem, quamuis diuersis prauorum appetetur infidiis, vobis tamen præsentibus, & in defensionem eius a Domino præparatis non posse turbari. Non enim Deus aut suæ misericordiæ sacramentum, aut vestri laboris deserit meritum: quo dudum subdolum sanctæ religionis hostem ab ipsis visceribus ecclesiæ depulisti, cum hæresim suam tueri impietas Nestoriana non potuit, quia non fecellit famulam & discipulam veritatis, quantum simplicibus infunderetur veneni per illa loquacis hominis colorata mendacia. De quo virtutum agone processit, ut per solitudinem vestram ea, quæ per Eutychen diabolus molitus est, non laterent, & qui sibi singulas partes geminæ impietatis elegerant, una catholicæ fidei virtute procumberent. Secunda ergo hæc vobis de perempto Eutycheti errore victoria est; quem, si quid sani cordis habuisset, dudum in auctoribus suis perculsum, olimque prostratum, facile potuerat declinare, ne de sepultis cineribus rediuiua tentaret incendia commouere, ut in eorum transiret consortium, quorum secutus esset exemplum, gloriofissima Augusta. Libet igitur exultare cum gaudio, & pro vestræ clementiæ prosperitate, digna Deo vota persoluere: qui tibi per omnes mundi partes, in quibus Domini euangelium prædicatur, duplum iam & palmam contulit, & coronam. Clementia igitur vestra agnoscat omnem Romanam ecclesiam de vniuersis fidei vestræ operibus plurimum gratulari: siue quod legationem nostram pio per omnia adiuuistis affectu, & quod sacerdotes catholicos, qui de ecclesiis suis iniusta fuerunt eiecti sententia, reduxistis: siue quod reliquias sanctæ me-

Concil. Tom. 7.

M ij

moriæ Flauiani innocentis & catholici sacerdotis ad eccliam (cui bene præfuit) fecisti cum honore debito reuocari. In quibus vtique omnibus gloriae vestræ multiplicatur augmentum, dum & sanctos pro suis meritis veneramini, & ab agro dominico spinas & tribulos vultis auferri. Quosdam sane episcopos de his qui rebus impiis videntur præbuuisse consensum, reconciliationem reposcere, & catholicorum communionem desiderare, tam nostrorum, quam fratris & coepiscopi mei Anatolii, cui testimonium ferre dignamini, relatione cognouimus: quorum desideriis sic præbemus effectum, vt correctis, & quæ male sunt facta propria subscriptione damnantibus, participata nostrorum (quos misimus) cura cum supradicto episcopo, pacis gratia tribuatur: quia deuotio nis vtrumque est Christianæ, vt & pertinaces veritas iusta coerceat, & conuersos caritas non repellat. Quia vero nouimus, quantum piæ sollicitudinis catholicis sacerdotibus mansuetudo vestra dignet impendere, indicandum esse curauimus, fratrem & coepiscopum nostrum Eusebium nobiscum degere, & nostræ communionis esse consortem, cuius commendamus ecclesiam, quam dicitur vastare, qui illi iniuste asseritur subrogatus: illud etiam a vestra pietate poscentes, quod vos spontaneo facere non dubitamus arbitrio, vt tam fratrem & coepiscopum meum Julianum, quam Constantinopolitanos clericos, qui sanctæ memoriam Flauiano fidelibus officiis adhaesere, ea, qua debetis, gratia faueatis. De omnibus vero pietatem vestram per nostros, quid fieri aut declinari deberet, instruximus. Data Idibus Aprilis, Adelphio viro clarissimo consule.

EPISTOLA XL.

LEONIS PAPÆ I.
AD ANATOLIVM CONSTANTINOPOLITANVM
EPISCOPVM.

- | | |
|---|---|
| I. <i>De fide eius, scriptis missis, probata.</i> | <i>fuerint, ad communionem admittantur.</i> |
| II. <i>De his qui metu turbati in IIII. De nominibus hereticorum hæresim lapsi sunt, ut si conuersi ad altare non recitandis.</i> | |

IV. *De commendatione Iuliani qui Flauiano episcopo fide adhæ-
episcopi, vel eorum clericorum, ferunt.*

Leo episcopus, Anatolio episcopo.

I.

GAUDEMVS in Domino , & in dono gratiæ ipsius gloriatur, quia sicut dilectionis tuæ literis , & fratribus nostrorum, quos Constantinopolim miseramus, relatione cognouimus, sequacem te euangelicæ eruditio- nis ostendis: vt per sacerdotis probabilem fidem merito præsumamus, quod tota ecclesia eidem credita , nec ruma- gam cuiusquam sit erroris habitura , nec maculam, dicente Apostolo : *Defpondi enim vos vni viro, virginem castam ex- libere Christo.* Illa est enim virgo ecclesia , sponsa vnus viri Christi, quæ nullo se patitur errore vitiari: vt per totum mundum vna nobis sit vnius castæ communionis integritas , in qua societatem tuæ dilectionis amplectimur, & ge- storum , quæ sumpsimus , seriem necessariis (sicut oportuit) munitam subscriptionibus approbamus. Ut ergo in- uicem dilectionis tuæ animus nostris confirmaretur allo- quiis , filios nostros Casterium presbyterum , Patricium & Asclepiadem diaconos , qui ad nos tua scripta detulerunt , cum epistolis nostris post venerabilem diem festi paschalis remisimus: indicantes nos (vt supra diximus) de Constantinopolitanæ ecclesiæ pace gaudere , cui hanc curam semper impendimus , vt eam nulla velimus hæ- tiorum fraude violari.

II.

De fratribus vero , quos & epistolis tuis , & legatorum nostrorum relatione communionis nostræ cupidos esse cognouimus , eo quod doleant se contra potentiam , con- traque terrores non tenuisse constantiam , sed alieno sce- leri præbuuisse consensum , cum ita eos formido turbasset , vt in damnationem catholici atque innocentis antistititis , & in receptionem detestabilis prauitatis trepidi famula- rentur obsequio ; illud quidem quod præsentibus & a- gentibus nostris constitutum est approbamus , vt suarum interim ecclesiarum essent communione contenti: sed cum legatis nostris (quos misimus) participata tecum so- licitudine volumus disponatur , quatenus hi , qui plenis

M iii

r. quæst. 1.
In ecclesia
Dei quæ
corpus.

Rom. 8.

satisfactionibus male gesta condemnant, & accusare magis se eligunt, quam tueri, pacis & communionis nostræ vnitate latentur: ita ut digno prius anathemate, quæ contra fidem catholicam sunt recepta, damnentur. Alter enim in ecclesia Dei, quæ corpus est Christi, nec rata sunt sacerdotia, nec vera sacrificia: nisi in nostræ proprietate naturæ verus nos pontifex reconciliet, verus immaculati agni sanguis emundet. Qui licet in patris sit dextera constitutus, in eadem tamen carne, quam sumpsit ex virgine, sacramentum propitiationis exequitur, dicente Apostolo: *Christus Iesus, qui mortuus est, imo qui & resurrexit, qui est in dextera Dei, qui etiam interpellat pro nobis.* Neque enim potest in aliquo benignitas nostra reprehendi, cum satisfacientes recipimus, quos dolimus esse deceptos. Nec aspere igitur communionis nostræ gratia deneganda est, nec temere largienda: quia sicut plenum pietatis est oppressis caritatem dominicam redhiberi, ita iustum est, omnia perturbationis auctori- bus imputari.

III.

De nominibus autem Dioscori, Iuuenalis, & Eustathii ad sacrum altare non recitandis, dilectionem tuam hoc decet custodire, quod nostri ibidem constituti faciendum esse dixerint, quodque honorandæ sancti Flauiani memoriae non repugnet, & a gratia tua Christianæ plebis animos non auertat. Nam iniquum nimis est atque incongruum, eos qui innocentes & catholicos sua persecuzione vexarunt, sanctorum nominibus sine discretione misceri, cum damnatam impietatem non deserentes, ipsi se sua prauitate condement, quos conuenit, aut percelli pro perfidia, aut laborare pro venia.

IV.

Fratrem vero & coepiscopum nostrum Julianum, & clericos, qui sanctæ memoriae Flauiano fidelibus officiis adhæserunt, dilectioni quoq; tuæ volumus adhærere: ut quem fidei suæ meritis viuere apud Deum nostrum nouimus, in te sibi eum præsentem esse agnoscant. Illud quoq; dilectionem tuam nosse volumus, fratrem & coepiscopū nostrū Euzebiū, qui causa fidei multa discrimina, laboresq; tolerauit, nobiscum interim demorari, & in nostra nunc

communione persisteré, cuius ecclesiam tua solicitudine volumus esse defensam: vt nihil eodem absente depereat, & nullus ei in aliquo præjudicare præsumat, donec cum literarum nostrarum ad vos prosecutione perueniat. Et vt maior circa te vel nostra, vel totius Christianæ plebis affectio prouocetur, hoc quod ad dilectionem tuam scripsimus, in omnium volumus notitiam peruenire: vt qui Deo nostro deseruiunt, de confirmata apud te pace sedis apostolicæ gratulentur. De ceteris vero causis atq; personis dilectionis tua literis, quas per nostros accipiet, plenius instruetur. Data Idibus Aprilis, Adelphio viro clarissimo consule.

EPISTOLA XLI.
LEONIS PAPÆ I.
AD IVLIANVM EPISCOPVM.

Gratulatur eum ex ærumnis pro fidei defensione percessis euasisse, vtque seuerius agat cum his, qui nequeunt clementia resipiscere, monet.

Leo episcopus, Iuliano episcopo.

LITERAS fraternitatis tuæ per filios nostros Constantinopolitanos clericos, nuntias tuæ salutis accepi: quibus te magnis tribulationibus grauatum fuisse significas, cum vtique non defuerit materia sollicitudini & laboribus, quæ inter procaces catholicæ fidei aduersarios, inhærentem veritati animum fatigaret, idque (vt scribis) fuerit animo, vt per occasionem necessitatis, & nobiste, & patriæ præsentares. Quod verum futurum speraueram, vt apertius omnium hæreticorum ambages tuo ore cognoscerem. Sed gratias Deo, quod ita incoluntas tua & ecclesiæ causa profecit, vt liberum tibi fuerit apud eos interim degere, quorum nobis probabilis consensus innotuit, sicut & fratris Anatolii scripta profitentur, & gesta, quæ apud ipsum coram nostris sunt confecta, demōstrant fratribus remeantibus. Ergo prædictis salutationibus vivisstitudinem reddo, & vt contra falsitatis astutias perseuerantem diligentiam teneas, fidenter exhortor, cum tibi ad hoc, & tuus animus, & nostra auctoritas suffragetur.

Quoniam licet de multis meliora indicata sint, quod scilicet doleant se deceptos, & damnata perfidia cum auctoribus suis, gratiam nostræ communionis exposcant, quod nos adeo libenter accepimus, reddituri his hanc, quam desiderant, communionem, cum promissa compleuerint: tamen quosdam persistere in sua obduratione cognouimus, quos oportet districtius comprimi, si nequeunt benignitate sanari. Ad quam rem nostros post diem venerabilem dirigemus, qui tecum participato consilio, ea quæ a nobis constituta fuerint, exequantur. Data Idibus Aprilis, Adelphio viro clarissimo consule.

EPISTOLA XLII.

LEONIS PAPÆ I.

AD MARCIANVM AVGUSTVM.

Illi pro conseruatione catholicæ fidei congratulatur.

*Leo episcopus Romanæ ecclesiæ, Marciano
semper Augusto.*

QVAMVIS per Constantinopolitanos clericos ad pietatem vestram ante rescripserim, sumptis tamen clementiæ vestræ literis per virum illustrem præfectum vrbis filium meum Tatianum, magnam materiam gratulationis accepi: quia studiosissimos vos ecclesiasticæ pacis agnoui. Cui sancto desiderio, digna æquitate conferitur; ut quem statum esse cupitis religionis, eumdem habeatis & regni. Nam inter principes Christianos, Spiritu Dei confirmante concordiam, gemina per totum mundum fiducia robatur: quia profectus caritatis & fidei vtrorumque armorum potentiam insuperabilem facit, ut propitiato per vnam confessionem Deo, simul & heretica falsitas, & barbara destruatur hostilitas, gloriosissime imperator. Aucta igitur per imperiale amicitiam spe cœlestis auxilii, confidentius pietatem vestram pro sacramento salutis humanæ incitatæ præsumo, ne cuiusquam procaci impudentique versutia, quasi de incerto, quid sequendum sit, sinatis inquiri. Et cum ab euangelica apostolicaque doctrina ne uno quidem verbo liceat dissidere, aut aliter de scripturis diuinis sapere, quam beati

beati apostoli & patres nostri didicerunt atque docuerunt, nunc demum indiscretiæ moueantur & impiæ quæstiones, quas olim mox, ut eas per apta sibi corda dia-bolus excitauit, per discipulos veritatis Spiritus sanctus extinxit. Nimis autem iniquum est, vt per paucorum insipientiam ad conjecturas opinionum, & ad carnalium disceptationum bella, prouocemur: tamquam reparata disceptatione tractandum sit, vtrum Eutyches impie senserit, & vtrum impie Diocorus iudicarit, qui in sanctæ memorię Flauiani condemnatione se perculit, & simpliciores quosque, vt in eamdem ruinam prouoluerentur, impegit: quorum multis iam (vt cognouimus) ad satisfactionis remedia conuersis, & veniam de inconstanti trepidatione poscentibus, non cuiusmodi sit fides tenenda tractandum est, sed eorum precibus qualiter annuendum. Vnde piissimæ sollicitudini vestre, quam de indicanda Synodo habere dignamini, per legationem, quæ confessim ad clementiam vestram, Deo annuente, perueniet, quidquid ad causæ utilitatem arbitror pertinere, plenius atque opportunius suggeretur. Data nono Kalendas Maii, Adelphio viro clarissimo consule.

E P I S T O L A X L I I I .

L E O N I S P A P A E I .

A D M A R C I A N U M A V G V S T U M .

De directa vocis suæ legatione Constantinopolim pro Calchedonensi Concilio faciendo.

Leo episcopus Marciano Augusto.

POPOSCERAM quidem a gloriosissima clementia vestra, vt Synodum quam ad reparandam orientalis ecclesiæ pacem, a nobis etiam petitam, necessariam iudicatis, aliquantis per differri ad tempus opportunius iubebetis: vt liberioribus ab omni perturbatione animis, hi quoque episcopi, quos hostilitatis metus detinet, conuenient. Sed quia pio studio humanis negotiis diuina præponitis, & rationabiliter ac religiose regni vestri viribus creditis profuturum, si nulla sit in sacerdotum sensibus dissonantia, nulla sit in euangelii prædicatione discordia: ego

Concil. Tom. 7.

N

etiam vestris dispositionibus non renitor, optans, ut omnium cordibus catholica fides, quæ non potest nisi una esse, firmetur. A cuius integritate & Nestoriūs antea, & nunc Eutyches, diuersis quidem callibus, sed impietate non impari deuiauerunt: abominandi prorsus in persuasionibus suis, quas contra sincerum veri luminis fontem, de cœnōsis lacubus diabolicæ falsitatis hauserunt. Prior itaque Synodus Ephesina Nestorium cum dogmate suo merito iusteque damnauit: & quisquis in illo errore persistit, ad nullius potest spem remedii peruenire. Sequens vero in prædicta ciuitate non potest vocari Concilium, quod in euersionem fidei fuisse constat agitatum: quodque vestra clementia amore veritatis, catholicis ad futura, aliud statuendo, cessabit, glriosissime imperator.

Obtestatio
grauiſſima.

Vnde per ipsum Dominum nostrum Iesum Christum, qui regni vestri est auctor & rector, obtestor & obsecro clementiam vestram, vt in præsenti Synodo fidem quam beati patres nostri ab apostolis sibi traditam prædicarunt, non patiamini quasi dubiam retractari: & quæ olim majorum sunt auctoritate damnata, rediuiuis non permittatis conatibus excitari. Illudque potius iubeatis, vt antiquæ Nicænæ Synodi constituta, remota hæreticorum interpretatione permaneant. Nec me quoque (vt voluit vestra clementia) ab illo credatis abesse Concilio, cum in his fratribus, quos direxi, id est, Paschasino & Lucentio episcopis, Bonifacio & Basilio presbyteris, sed & fratre meo Iuliano, quem eorum volui esse participem, etiam mea sit aestimanda præsentia. Quos, auxiliante Christo, ita acturos esse confido, vt ea quæ Domino nostro placent, decernantur, accedente pietatis vestrae studio, quod & paci prospicit religionis, & custodiae veritatis. Data sexto Kalendas Iunii, Adelphio viro clarissimo consule.

EPISTOLA XLIV.

LEONIS PAPÆ I.

AD MARCIANVM AVGVSTVM.

Inter cetera, pro defensione fidei imperatori gratulatur.

Leo episcopus Marciano Augusto.

MVLTAM mihi fiduciam scribendi ad clementiam vestram, & literæ vestræ, quas veneranter accepi, & coepiscopi mei reuertentes a Constantinopoli præbuerunt, non sola assertione verborum, sed ipsis iam operum effectibus demonstrantes, ad defensionem catholicæ fidei diuinum in vobis vigere præsidium. Quo utique non solum ecclesiæ status, sed etiam vestri robur munitur imperii: vt merito eius expectetis protectionem, cuius colitis religionem & veritatem, gloriofissime imperator. Nam vt & fratrī mei Anatolii citius manifestaretur integritas, & olim damnati erroris rediūtus afferitor locum in Christi ecclesia non haberet, vt catholici episcopi, quos nuper hæreticorum persecutio deprauare non potuit, ab iniustis reuocarentur exiliis, vtque reliquiis beatæ memorię Flauiani digno honore suscep̄tis, impietatem suam condemnator eius agnosceret, vestræ virtutis titulus, vestræ pietatis est fructus. Cui confido & aliarum insignia accumulanda palmarum, vt sicut Constantinopolitana ecclesia, recepta apostolicæ fidei libertate, latetur; ita omnes regni vestri prouinciæ emundatas se esse a diabolici dogmatis contagio glorientur. Ut ergo præcedentibus literis indicaui, fratres meos Lucentium episcopum, & Basiliū presbyterum, qui solicitudinis meæ partes possint implere, direxi: fauori eos pietatis vestræ in omnibus quæ sunt agenda commendans. Nam cum & fratrī mei Anatolii scriptis, & nostrorum sermone cognouerim, multos de his, qui apud Ephesum Dioscori factiōne compulsi detestabilibus statutis præbuere consensum, pœnitendo inconstantiae suæ veniam postulare, & communio nem catholicam per satisfactionem correctionis expere re; non fuit talium negligenda conuersio, qui non proprio sensu, sed impii præsumptoris impulsu in hæc inci-

Concil. Tom. 7.

N ij

disse noscuntur, in quibus liberum non habuere iudicium.

Ne igitur vel resipiscentium desideria mora longior fatigaret, vel incuriosa facilitas temere aliquos & sine discretione fusciperet, iniunctum est ab apostolica sede directis, vt in confortium suæ deliberationis accito Constantinopolitanae vrbis antistite, & pestilentia contagia non admittantur, & sanitatis remedia non negentur. Quæ industria in omnibus, quæ nequiter gesta sunt, emendandis celerem, iuuante Domino, consequetur effectum, si reparationi pacis ecclesiasticæ opem suam vestra pietas dignetur adiungere: vt vobis in terra regnantibus, & Dei regnum intra vos habere mereamini, & catholicae fidem nulla falsitas violet, nulla haeresis inquietet, nec cuiquam liceat doctrinam euangelicam deserere, & sacerdotali honore gaudere. Synodum vero fieri, vt

Causa defi-
gnatur pro-
hibens ce-
lebrare Cō-
cilium.

meminit clementia vestra, etiam ipsi poposcimus. Sed sacerdotes prouinciarum omnium congregari praesentis temporis necessitas nulla ratione permittit: quoniam illæ prouinciæ, de quibus maxime sunt euocandi, inquietante bello, ab ecclesiis suis eos non patiuntur abscedere. Vnde opportuniori tempori, propitiante Domino, cum firmior fuerit restituta securitas, iubeat vestra clementia referuari. De qua re plenius inter cetera apud pietatem vestram poterunt allegare, quos misi. Data * quinto Idus ^{septimo} Junii, Adelphio viro clarissimo consule.

EPISTOLA XLV.
LEONIS PAPÆ I.
AD PVLCHERIAM AVGVSTAM.

Eutychianam hæresim detestatur. Hortatur vt eius opera Eutyches in remotiorem locum detrudatur,
inque illius monasterio catholicus
abbas sufficiatur.

Leo episcopus Pulcheriae Auguftæ.

RE LIGIOSAM pietatis vestræ solicitudinem, qua vniuerso mundo, Deo inspirante, consulitis, crebrioribus alloquiis incitare praesumo: vt operum vestrorum

profectum necessaria præfatio subsequatur, ac sicut de statu Constantinopolitanæ ecclesiæ gratulamur, cuius & sacerdos & populus catholicæ puritatis fidem iam tenere cognoscitur, ita etiam aliorum concors nobiscum sit de Verbi incarnatione confessio. Vnde quod facturum me aliis literis indicaueram, Lucentium episcopum & Basiliū presbyterum fratres meos dirigere præparaui, qui dispositiones meas, fratri Anatolii deuotione socia- ta, secundum eas, quas acceperunt, regulas exequantur. Sicut enim prædicti episcopi scriptis, & clericorum eius suggestione patefactum est, multa sunt quæ indulgentius sunt curanda, multa quæ iustius coercenda: vt in causa tantæ perturbationis, nec districtio nimis sit aspera, nec remissio parum cauta, cum aliud satisfacientibus, aliud pertinacibus debeatur.

Offertur ergo pietati vestræ digna materia, quæ placitam Domino curam sancti cordis exerceat, & præcedentium meritorum coronas etiam de præsentis erroris abolitione multiplicet. Sicut enim Nestoriana impietas, ita & Eutychiana blasphemia ab omnium est catholicorum eliminanda confortio. Quia tam impium est, consubstantialem & consempiternam Patri Filii deitatem, etiam ex vtero Virginis matris partu editam negare corporeo, quam vnam in Dei Filio, post incarnationis sacramentum, affirmare naturam: vt scilicet aut humanitas eius refutetur, aut deitas; cum vniōne vtriusque essentiæ, nec altera sit in alterutram versa, nec assumpta in assumente finita. Sed & Verbi incommutabilitas, & carnis atque animæ veritas maneant inseparabiliter in unitate personæ; quod qui, testificante lege, credentibus patriarchis, annuentibus prophetis, prædicante euangeliō, docentibus apostolis, & toto mundo confidente, non credunt, extra sacramentum corporis Christi, extra unitatem sunt nominis Christiani.

Quorum sicut ruinam dolemus, ita perfidiam detestamur. Ut autem circa talium personas sincerum seruetur vbique iudicium, & aliud correctis, & aliud pertinacibus rependatur, vestra pietas nostros, qui ab apostolica sede sunt missi, fouere dignetur: eorumque omnes, quas iniunximus, adiuuet actiones, quo citius ac facilius,

auxiliante Domino, quæ ad vestram gloriam, & ad totius ecclesiæ pacem proficiant, exequantur. De Eutychie autem, totius scandali & prauitatis auctore, hoc clementia vestra præcipiat, vt ab eo loco qui Constantinopolitanæ vrbi nimis vicinus est, longius transferatur: ne frequentioribus solatiis eorum, quos ad impietatem suam traxit, vtaatur. Monasterio quoque ipsius, cui perniciose indigneque præsedidit, catholicum abbatem iubete præponi, qui illam seruorum Dei congregationem & a prauo dogmate liberare, & institutis veritatis possit imbuere.

Data Idibus Iunii, Adelphio viro clarissimo consule.

EPISTOLA XLVI.

LEONIS PAPÆ I.

AD ANATOLIVM CONSTANTINOPOLITANVM
EPISCOPVM.

De his qui hæreticorum erroribus metu, non voluntate,
implicantur, vt per satisfactionem in
ecclesia suscipiantur.

Leo episcopus Anatolio episcopo in Domino salutem.

LIET sperem dilectionem tuam ad omne opus bonum esse deuotam, vt tamen efficacior tua possit fieri industria, necessarium & congruum fuit, fratres meos Lucentium episcopum & Basilium presbyterum (vt promisimus) destinare: quibus tua dilectio societur, vt nihil in his, quæ ad vniuersalis ecclesiæ statum pertinent, aut dubie agatur aut segniter: cum residentibus vobis, quibus executionem nostræ dispositionis iniunximus, ea possint agi cuncta moderatione, vt nec benevolentiae partes, nec iustitiæ negligantur, sed absque personarum acceptione diuinum in omnibus iudicium cogitetur. Quod vt recta obseruantia valeat custodiri, catholicæ primitus fidei seruetur integritas, vt quia per omnia angusta & ardua via est, quæ dicit ad vitam; neque in finistram, neque ad dexteram ab eius tramite deuietur. Et quia euangelica & apostolica fides omnes expugnat errores, & ab uno latere Nestorium deiicit, ab alio Eutychen & participes eius elidit, hanc regulam mementote seruandam, vt qui-

cumque in illa Synodo, quæ nomen Synodine habere potuit, nec meretur, & in qua malevolentia suam Dioscorus, imperitiam autem Iuuenalis ostendit, dolent, ut dilectionis tuæ relatione comperimus, se metu victoros, & terrore superatos, ad consensum sceléstissimi iudicii potuisse compelli, & communionem catholicam obtinere desiderant, satisfactioni eorū pax fraterna præstetur: ita ut non dubiis professionibus Eutychen cum suo dogmate, cumq; consortibus suis anathematis execratione condemnent. De his autem, qui in hac causa grauius peccauere, & ob hoc superiorem sibi locum in eadem infelici Synodo vindicarunt, ut humiliū fratum simplicitatem arrogantiae suæ præiudiciis aggrauarent: si forte resipiscunt, & a factis sui defensione cessantes in condemnationem proprii conuertūtur erroris, horum si satisfactio talis accedit, quæ non refutanda videatur, maturioribus apostolicae sedis consiliis reseruetur, ut examinatis omnibus atque perpensis, de ipsis eorū * agnitionibus, quid constitui debeat, & stimetur. Neque prius in ecclesia, cui te Dominus voluit præsidere, cuiusquam talium (ut ante iam scripsimus) nomen ad altare recitetur, quam quid de eis constitui debeat rerum processus ostendat. De commonitorio vero a clericis dilectionis tuæ nobis oblato, necessarium non fuit epistolis quid videretur inserere; cū sufficeret legatis cuncta committi, quorum sermone ex omnibus diligentius instrueris. Annite igitur, frater carissime, ut quæ ecclesiæ Dei congruant, fideliter & efficaciter cum his fratribus, quos tantæ rei idoneos autores elegimus, exequaris: præsertim cum ipsa vos causæ ratio spesq; diuini auxilii cohortentur, & clementissimorum principum tam sancta sit fides, tam religiosa deuotio, ut in eis non solum Christianum, sed etiam sacerdotalem experiamur affectum. Qui vtique pro ea pietate, qua se Dei famulos esse gloriantur, omnes suggestiones vestras fidei catholicæ profuturas dignanter accipient, ut ipsorum quoque ope, & pax Christiana reparari, & error impius possit aboleri. Ac si de aliquibus amplius fuerit deliberandum, celeriter ad nos relatio dirigatur: ut pertractata qualitate causarum, nostra quid obseruari debeat sollicitudo constituat. Data quinto Idus Iunii, Adelphio viro clarissimo cōsule.

* actioni-
bus,

EPISTOLA XLVII.

LEONIS PAPÆ I.

AD SYNODVM CALCHEDONENSEM.

Hortatur per legatos suos Dei sacerdotes, vt secundum
scripturas cuncta disponerent.

*Leo episcopus urbis Romæ, sanctæ Synodo apud Calchedonem
constitutæ.*

OPTAVERAM quidem, dilectissimi. *Vide reliquum in
Concilio Calchedonensi, parte i. epistola 40.*

EPISTOLA XLVIII.

LEONIS PAPÆ I.

AD ANATOLIVM EPISCOPVM.

Basilium & Ioannem presbyteros, apud se Eutychetis &
Nestorii hæreses detestatos, commendat.

Leo episcopus Anatolio confratri.

AD declinandam erroris maculam, qua nonnullos aut Nestoriani impietas, aut Eutychiana labefactauit infania, laudabilem curam filii nostri Basilius & Ioannes presbyteri suæ æstimationis habuerunt: vt inter pugnantia dogmata falsitatis vera catholicæ fidei pace gauderent. Si quidem longinquo peregrinationis labore suscepimus, sensum cordis sui in apostolica sede patetecere: damnantes utramque hæresim, quarum supra fecimus mentionem, & de incarnatione Domini nostri Iesu Christi non aliud recipientes, quam quod, instruente sancto Spiritu, & didicimus, & docemus. Per hos ergo, frater carissime, cum testimonio nostro ad propria reuertentes, dilectioni tuæ nostra scripta direximus: fidenter orantes, vt qui gratia apostolicæ communionis ornantur, etiam tuo fauore per omnia se gaudeant adiuuari. Data decimo tertio Kalendas Iulii, Adelphio viro clarissimo consule.

EPI-

EPISTOLA XLIX.

LEONIS PAPÆ I.

AD MARCIANVM AVGVSTVM.

Legatos ad Concilium Calchedonense, qui vna cum iis
qui ante illorum aduentum legationem susceperant
Concilio præsent, scribit a se missos.

Leo episcopus Marciano semper Augusto.

CREDEBAMVS clementiam vestram id desiderio nostro posse præstare, vt præsenti necessitate respecta, differri ad opportunius tempus sacerdotalem Synodum iuberetis: vt vocatis de cunctis prouinciis sacerdotibus, vere posset esse vniuersale Concilium. Sed quia vos amore catholicæ fidei congregationem nunc fieri voluistis, ne deuoto obuiare viderer arbitrio, fratrem & coepiscopum meum Paschasinum de ea prouincia, quæ videtur esse securior, euocatum, qui vicem præsentia meæ possit implere, direxi, Bonifacio fratre nostro & compresbytero socio, & his, quos antea miseramus, adiunctis, consortem illis fratrem quoque meum Iulianum addentes episcopum. Quos ea moderatione vniuersa, Domino auxiliante, credimus esse gesturos, vt quæcumque in querelam perturbationemque venerunt, ad vnitatem pacis & fidei, compressa omni diffensione reuocentur: nec vllum in aliquorum cordibus sacerdotum, vel Nestorianæ, vel Eutychianæ impietatis vestigium relinquatur, quoniam catholica fides quam instruente nos Spiritu Dei per sanctos patres a beatis apostolis didicimus & docemus, neutrum subrepere permittet errorem. Si quid ergo morborum, si quid est vulnerū, quod sincera possit correctione curari, vt ad veram sanitatem reuocetur, optamus. Quæ nunc vtiique non erunt dubia, nec cuiusquam simplicitati deinceps nocitura, si nullisse excusationibus voluerit obumbrare, cum absolutionem peccati non obtineat nisi vera confessio. Quia vero quidam de fratribus (quod sine dolore non dicimus) contra turbines falsitatis non valere catholicam tenere constantiam, prædictum fratrem & coepiscopum meum vice mea Synodo conuenit

Concil. Tom. 7.

O

præsidere : certus sum enim quod absque odio & gratia ibidem ab his , quibus hoc commisimus , laboretur , vt cum solius hæreticæ impietatis excidio , in omnibus ecclesis Dei veritas regnet & caritas . Data sexto Kalendas Iulii , Adelphio viro clarissimo consule .

EPISTOLA L.

LEONIS PAPÆ I.

AD EVMDEM MARCIANVM AVGVSTVM.

Eadem repetit quæ in præcedenti epistola.

Leo episcopus , Marciano Augusto .

SANCTVM clementiæ vestræ studium , quo ad reparationem pacis ecclesiasticæ Synodus habere voluitis , adeo libenter accepi , vt quamuis eam fieri intra Italiam poposcissim , & aptius expectari tempus optarem , quo scilicet plurimi possent episcopi etiam de longinquis prouinciis euocari , mox tamen , vt mihi pietatis vestræ scripta sunt tradita , & Bonifacium de comprehensbyteris meis ab vrbe direxerim , & de episcopis fratrem meum Paschasinum de Sicilia fecerim nauigare , qui vicem meam sufficienter implerent , datis per eosdem epistolis ad eos qui legationem ante suscepserant , vt ipsi quoque prædictis ad implendas partes meæ præsentia iungerentur . Vnde quamuis nimis arctus dies Synodo fuerit constitutus , spero tamen adfuturum omnipotens auxilium , quo omnes valeant ad præfinitum tempus occurrere , & vnanimiter cum sanctæ fraternitatis assensu , quæ vniuersali ecclesiæ congruant , definire . Compressa enim , vel remota inquietudine ac prauitate paucorum , facile firmabitur probanda concordia : si in eam fidem quam euangelicis & apostolicis prædicationibus declaratam , per antiquos patres nostros accepimus & tenemus , omnium corda concurrent , nulla penitus disputatione cuiusquam retractationis admissa , ne per vanam fallacemque versutiam aut infirma videantur , aut dubia , quæ in ipso angulari lapide Christo fundata sunt , & sine fine mansura ; hoc nobis indesinenter oranti-

Semel defini-
nita non
sunt in du-
bium vo-
canda .

Ephes. 2.

bus, vt a sacramento singularis fidei nemo inueniatur alienus, sed damnata impietate hæreſeos, nullum de perditione cuiusquam catholica ecclesia ſentiat detrimen- tum. Quod autem pietatem vestrā de his, per quos meas miſi epiftolas, obſecraui, nunc quoque ſimili fi- ducia precor: vt vice mea aēturos, commendatos per omnia habere dignemini, quo facilius ac diligentius, quæ optimo fidei vestræ ordinata ſunt studio, ſalubri implean- tur effectu. Data decimoquarto Kalendas Auguſti, A- delphio viro clariflmo confule.

EPISTOLA LI.

LEONIS PAPÆ I.

AD PVLCHERIAM AVGVSTAM

PER THEOSTICVM MAGISTRIANVM.

Eadem quæ ſuperius: in ſuper omnibus auctoribus Con- ciliabuli Ephesini, ſi resipuerint, communionem
fidelium non denegari.

Leo epifcopus, Pulcheriae Auguſtæ ſalutem.

RE LIGIOSAM clementiæ vestræ ſollicitudinem, quam catholicæ fidei indeſinenter impenditis, per omnia recognosco, & Deo gratias ago, quod tantam vniuersali ecclesiæ curam habere vos video: vt quod iuftitiae & benevolentiae congruere arbitror, confidenter inſinuem, quo celerius, quæ, propitio Christo pietatis vestræ ſtudio irreprehensibiliter haētenus gera ſunt, ad gratulandum perducantur effectum. Quod ergo Synodum Calchedonensem haberi clementia vestræ præcepit, cum a me, vt in Italia haberetur, mansuetudo vestræ retineat postulatum, vt omnes noſtrarum partium conuocati antifitites, ſi ſecu- ritas temporis ſuppeteret, conuenirent, adeo tamen nonaspernanter accepi, vt binos de coepifcopis meis & com- presbyteris ordinarem, qui vicem meam implere ſuffi- rent, etiam datis ad venerabilem Synodum congruen- tibus scriptis, quibus fraternitas aduocata cognosceret, quam formam feruare in hac diiudicatione deberet: ne villa temeritas aut fidei regulis, aut Canonum ſtatutis, aut benignitatis remedii obuiaret.

Concil. Tom. 7.

O ij

Sicut enim a principio huius causæ frequentissime scripsi, hanc inter discordes sensus & carnales æmulationes moderationem volui custodiri, vt integratati quidem si de nihil euelli nihil liceret apponi, ad vnitatem vero pacemque redeuntibus, remedium veniaæ præstaretur. Quia tunc operum diaboli potentiaæ destruuntur, cum ad Dei proximique dilectionem hominum corda reuocantur. Sed quam contraria tunc his monitis atque obsecrationibus meis acta sint, multum est explicare, nec opus est epistolari pagina comprehendti, quidquid in illo Ephesino non iudicio, sed latrocinio potuit perpetrari. Ibi primates Synodi, nec resistentibus sibi fratribus, nec consentientibus pepercerunt: cum ad infringendam catholicam fidem, & ad execrabilem hæresim roborandam, alias priuilegio honoris exuerint, alias consortio impietatis infecrint: saeuiores profecto in eos quos persuadendo ab innocentia separabant, quam in illos quos beatos confessores persequendo faciebant.

Roms. 12.

Verum tamē quia tales sibi maxime sua iniquitate nocuerunt, & maioribus vulneribus diligentior est adhibenda medicina, nullis vñquam epistolis definiui etiam talibus, si resipiscerent, veniam denegandā. Et quamvis incommutabiliter inimicissimam Christianæ religioni hæresim detestemur, ipsos tamen, si corrigantur, & digna se satisfactione purifcent, ab ineffabili misericordia Dei non iudicamus alienos: sed potius cum gementibus gemimus, cum flentibus flemus, & sic vtimur iustitia commotionis, vt non amittamus remedia caritatis. Quod sicut pietas vestra cognoscit, non verbis solis promittitur, sed etiam factis docetur. Siquidem pene omnes, qui in consensum præsidentium aut traducti fuerant, aut coacti, rescindendo quod statutum fuerat ab illis, & condemnando quod scripserant, perpetuam culpæ abolitionem, & apostolicæ pacis gratiam sint adepti.

Si ergo clementia vestra propositum nostrum considerare dignetur, probabit me eo consilio cunctagessisse, vt sine cuiusquam animæ detimento, hærefoes tantum obtineretur extinctio, & ob hoc circa auctores saeuissimum turbinum, quiddam consuetudinis minuisse, vt ad indulgentiam postulandam compunctione aliqua.

possit eorum traditas excitari. Qui etsi post illud iudicium suum, tam impium quam iniustum, non sunt catholicae fraternitati ita honorabiles, ut fuerant, suas tamen adhuc obtinent sedes, & episcopatus sui honore potiuntur: aut per veram & necessariam satisfactionem pacem ecclesiarum recepturi, aut si haeresim (quod absit) tuebuntur, professionis suæ merito iudicandi. Data decimotertio Kalendas Augusti, Adelphio viro clarissimo consule.

**EPISTOLA SYNODICA
EPISCOPORVM GALLIÆ
AD LEONEM PAPAM.**

De eadem ipsius ad Flauianum epistola, quam eximiis laudibus ornant, eique se in omnibus assentiri profitentur.

Domino vere sancto, merito in Christo beatissimo, & apostolico honore venerando Papæ Leoni, Rauennius, Rusticus, Venerius, Constantinus, Maximus, Armentarius, Florus, Sabinius, Valerianus, Constantius, Nestorius, Maximus Asclepius, item Maximus, Virsus, Ingenuus, Iustus, Valerius, Superuentor, Chrysaphius, Fonteius, Petronius, Ydatius, Aetherius, Eulalius, Eustachius, Fraternus, Victorius, Eugenius, Hilarus, Verus, Amandus, Gerontius, Proculianus, Iulianus, Helladius, Armentarius, Honoratus, Eparchius, Anemius, Dynamius, Maximinus, Ynantius, & Palladius.

PER LATA ad nos epistola beatitudinis vestræ, quam ad orientem pro catholicæ fidei assertione misisti, optassemus statim apostolatui vestro pro tam immenso munere gratiarum actionem referre, nisi nobis difficultatem, qua in vnum celeriter non potuimus conuenire, vel spatia, quibus a nobis disparati sumus, longa terrarum, vel aurarum quæ in regionibus nostris præter consuetudinem fuit intemperies attulisset. Det ergo apostolatus vester nostræ veniam tarditati, quæ non de otio, aut dissimulatione, sed de certa necessitate descendit, quæque nobis, etsi celeritatis gratiam abstulit, exultandi tamen materiam auferre non potuit. Exultaimus itaque,

O iii

Christo propitio, lectis beatitudinis vestræ literis, & omni instruzione patefacta, omnes intra Gallias constitutos exultare mox fecimus, dolentes pariter pro his vobiscum, qui catholicæ fidei lumine derelicto, errorum tenebras inciderunt. Quæ apostolatus vestri scripta, ita ut symbolum fidei, quisquis redemptionis sacramenta non negligit, tabulis cordis adscripta, & tenaci, quo ad confundendos hæreticorum errores paratior fit, memorie commendauit. Multi itaque in ea gaudentes pariter & exultantes, recognouerunt fidei suæ sensum, & ita se semper ex traditione paterna tenuisse, vt vester apostolatus exposuit, iure lætantur. Nonnulli sollicitiores facti, beatitudinis vestræ admonitione percepta, modis omnibus se gratulantur instructos, datamque sibi occasionem gaudent, qua libere ac fiducialiter, suffragante etiam apostolicæ sedis auctoritate, eloquantur, & afferat vnuquisque quod credit. Quis autem apostolati vestro pro hoc tanto munere, quod non solum Gallias, sed totum mundum velut quibusdam preciosissimis gemmis ornauit, dignas æstimet gratias posse persolui? Doctrinæ post Deum vestræ debet fidelis, vt constanter teneat quod credebat: debebit etiam infidelis, vt a perfidia sua agnita veritate discedat, & apostolicæ institutionis luce perfusus, erroris sui tenebras derelinquit, magisque sequatur & credat, quod per os vestrum Dominus noster Iesus Christus de sacramento incarnationis suæ docet, quam id teneat, quod diabolus humanæ salutis & veritatis inimicus instillat. Optassemus etiam ad filium vestrum, glorioissimum ac fidelissimum principem, super eadem causa literas dare, quibus congratulantes fidei ipsius, humilitatis quoque nostræ sollicitudinem, qua vos in Christo sequimur, proderemus; nisi ad nos de orientalibus partibus nuntio perlato, fieri hoc minime necessarium putassemus. Meritis autem apostolatus vestri pius Dominus præstitit, vt hæresim iamdiu occulte nutritam vestris temporibus proderet. Ad laudem enim sollicitudinis vestræ pertinet, quod malorum error latere non potuit: ad gloriam fidei redundat, quod prava persuasio participes, aut non inuenit, aut inuentos amisit. Respiquat itaque, oramus, conseruando apostolatum vestrum

misericors Dominus ecclesiam suam toto orbe diffusam. Vobis enim ita inuigilantibus , & hi qui curam animæ suæ gerunt, sollicitiores in fide redduntur, & hi qui paucum desides sunt, tanto ad sollicitudinem accenduntur exemplo. Quod nos ante oculos semper habentes, non definemus Domino ac Deo nostro gratias agere, & pariter supplicare, gratulantes quod tantæ sanctitatis, tantæ fidei, tantæque doctrinæ apostolicæ sedi, vnde religionis nostræ, propitio Christo, fons & origo manauit, antistitem dederit : petentes etiam, vt datum concessumque munus pontificii vestri longissima ad ædificationem ecclesiarum suarum ætate custodiat. Nos autem, et si impares meritis, pari tamen fide, si quid, quod absit, contra ecclesiam catholicam profana infestatione tentetur, parati sumus, confortante Domino, cum beatitudine vestra pro veritate fidei animas nostras ponere, & vitam hanc auctori salutis nostræ, & largitori æternitatis impondere. Et alia manu: Ora pro me, Domine merito beatissime, & apostolico honore venerande papa.

Rusticus episcopus apostolatum vestrum in Domino venerans saluto, & vt digneris pro me orare supplex oro.
 Venerius episcopus te dominum in Christo meum reuerentissime saluto, & vt digneris pro me orare supplex rogo.
 Constantinus episcopus beatitudinem vestram saluto.
 Maximus episcopus beatitudinem vestram saluto.
 Armentarius episcopus beatitudinem vestram saluto.
 Florus episcopus beatitudinem vestram in Domino venerans saluto, & vt ores pro me plurimum quæso.
 Sabinus episcopus beatitudini vestrae me repræsento, & orationem apostolatus vestri nostri memorem quæso.
 Valerianus episcopus beatitudinem vestram saluto.
 Nectarius episcopus beatitudinem vestram saluto.
 Constantius episcopus beatitudinem vestram saluto.
 Maximus episcopus apostolatum vestrum saluto.
 Ego Asclepius episcopus apostolatum vestrum venerans in Domino plurimum saluto.
 Ego Maximus episcopus apostolatum vestrum saluto.
 Ego Vrsus episcopus beatitudinem vestram saluto.
 Ingenuus episcopus apostolatum vestrum venerans saluto.
 Iustus episcopus coronam vestram venerans saluto.
 Valerius episcopus apostolatum vestrum saluto.
 Ego Superuentor episcopus coronam vestram venerans saluto.
 Verus episcopus apostolatum vestrum reuerenter saluto.

Helladius episcopus sanctitatem tuam in Domino saluto.
 Ætherius episcopus sanctitatem tuam in Domino saluto.
 Eulalius episcopus sanctitatem tuam in Domino saluto.
 Anemius episcopus sanctitatem tuam in Domino saluto.
 Chrysaphius episcopus sanctitatem tuam in Domino saluto.
 Petronius episcopus sanctitatem vestram in Domino saluto, & vt
 pro me orare dignemini quæso.
 Ego Fonteius episcopus apostolatum vestrum reuerenter saluto, &
 rogo vt mei meminisse dignemini.
 Ydatius episcopus apostolatum vestrum venerans saluto.
 Hilarius episcopus apostolatum vestrum plurima in Christo vene-
 ratione saluto.
 Viðturus episcopus apostolatum vestrum venerans saluto.
 Eugenius episcopus beatitudinem tuam saluto.
 Palladius episcopus apostolatum vestrum venerans saluto.
 Ego Fraternus episcopus coronam vestram venerans saluto.
 Ego Amandus episcopus apostolatum vestrum venerans saluto.
 Ego Gerontius episcopus coronam vestram venerans saluto.
 Ego Proculeianus episcopus coronam vestram venerans saluto.
 Ego Dynamius episcopus coronam vestram venerans saluto.
 Ego Julianus episcopus apostolatum vestrum venerans saluto.
 Ego Armentarius episcopus coronam vestram venerans saluto.
 Ego Honoratus episcopus coronam vestram venerans saluto.
 Eparchius episcopus apostolatum vestrum venerans saluto.
 Ego Eustachius episcopus apostolatum vestrum venerans saluto.
 Ego Maximus episcopus apostolatum vestrum venerans saluto.
 Ego Ynantius episcopus coronam vestram venerans saluto.

NOTÆ IACOBI SIRMONDI
 SOCIETATIS IESV.

* *Epistola Synodica.*] E Synodo aliqua missam episcopi ipsi do-
 cent, qui responsi tarditatem excusant, quod in vnum citius con-
 uenire non potuerint. Etsi autem quo loco Synodum habuerint non
 indicant, verisimile tamen est a Rauennio Arelatensi, qui Synodo
 præfuit, Arelate potissimum fuisse conuocatos. Subscriptiones ad
 calcem epistolæ, quarum initium dumtaxat in vulgatis legebatur,
 integras olim ex Nicolai Fabri codice descripsimus, qui in Thuana
 bibliotheca nunc extat.

EPI-

EPISTOLA LII.

LEONIS PAPÆ I.
AD EPISCOPOS GALLIÆ.

Gratulatur ipsis orthodoxam fidem, quam ex eorum literis cognorat. Eutychem & Dioscorum in Synodo Calchedonensi damnatos significat.

Leo Romanæ urbis episcopus Rauennio, Rustico, Venerio, Constantino, Maximo, Armentario, Floro, Sabino, Valeriano, Constantio, Maximo, Asclepio, Nestorio, Maximo, Vrso, Ingenuo, Justo, Valerio, Superuentori, Chrysapbio, Fonteio, Petronio, Hydatio, AEtherio, Euladio, Eustachio, Fraterno, Victuro, Eugenio, Hilario, Vero, Amando, Gerontio, Proculiano, Juliano, Helladio, Armentario, Honorato, Eparchio, Anemio, Dynamio, Maximo, Ynasio, & Palladio, episcopis per Gallias constitutis.

OPTASSEMVS quidem fraternitatis vestræ literas eo tempore quo promiseratis accipere, ut profecturis ad orientem fratribus nostris, quos ad sanctam Synodum vice nostra pro catholicæ fidei defensione direximus, etiam vestræ sententiæ professio iungeretur. Sed cum multa obstacula inopinatam nobis intulerint tarditatem, quamlibet seras, & diu expectatas epistolas, per fratrem & coepiscopum nostrum Ingenulum gratanter acceperimus: easque cum gaudio recensentes, probauimus, sicut confidebamus, eruditione Spiritus sancti cælestem in vobis vigere doctrinam: quam in orientalibus ecclesiis versutia hostis antiqui, per eos quos sequaces suos repetit, falsitasque fatigare conata est, cum catholica fides, quæ nulla sui est parte mutabilis, per ipsas aduersantium exercitationes, & validior efficiatur semper, & clarior: operante hæc gratia Dei, ut si qui forte ad hæc subtilia inimici iacula declinanda minus erant instructi, minusque solliciti, perceptis veritatis armis fierent contra impiorum mendacia fortiores. Quod ergo, sicut causa poscebat, fiduciam nostram, quam de vobis habemus in Domino, fideliter atque obedienter auxistis, multa exultatione gaudemus. Et merito nos cognoscimus fratribus & coepisco-

Concil. Tom. 7.

P

pis nostris orientalibus intimasse, quod secundum euangelicam & apostolicam traditionem de incarnatione Domini nostri Iesu Christi, vna esset omnium nostrum & indiscreta confessio; neque ullis eorum disputationibus detineri, vt aliter aliquid de summi & salutiferi sacramenti veritate sapiamus, quam & ex prædicatione sanctorum patrum, & ex auctoritate incommutabilis symboli didicimus ac docemus, damnatis ab vniuersali ecclesia, & nunc Eutyche, & antea Nestorio. Quorum si quis non ferendis impietatibus inhærere delegerit, ipse se a corpore Christianæ unitatis abscidit. Non enim ultra iam cuiquam excusationis refugium de ignorantia & inscientia, vel de intelligentiæ difficultate conceditur, cum hæc ipsa sexcentorum fere fratum, coepiscoporumque nostrorum Synodus congregata, nullam artem ratiocinandi, nullum eloquium differendi contra fundamentum fideli inspirare permiserit: quoniam annitentibus per auxilium gratiæ Dei fratribus vicariis nostris, quorum plenissima extitit in omni actione deuotio, non solum sacerdotibus Christi, sed etiam principibus & potestatibus Christianis, cunctisque clericis, plebis, ordinibus, plene atque euidenter apparuit, hanc esse vere apostolicam fidem, ex diuinæ pietatis fonte manantem, quam sinceram, & ab omni face totius erroris alienam, sicut accepimus, prædicamus, & vniuerso iam mundo consentiente defendimus, extinctis toto orbe dogmatibus, quæ vel præcedens hæreticus ausus est inferre, vel subsequens, dissimili quidem commento, sed impietate comparci. Nam sicut Nestorius non est toleratus, affirmans beatam Mariam hominis tantummodo fuisse genitricem, qui postmodum sit a Verbo deitatis suscepitus, duabus scilicet naturis, & personis distinctis, vt neque ipse esset filius hominis, qui Filius Dei, neque unus Christus in utraque natura, sed alter sempiternus ex Patre, alter temporalis ex matre: cum euangelica auctoritas ita Verbum prædicet carnem factum, vt non duos Christos nec duos filios, sed in uno Domino Iesu Christo, & Dei & hominis nobis insinuet veritatem; vt vtriusque substantiæ, id est saluantis atque saluatæ, nec proprietas possit confundi, nec persona geminari. Sicut ergo Nestorius in suo

dogmate execrabilis, sic & Eutyches damnatum olim
secessatus errorem, alia profanitate blasphemans, a catholicæ soliditatis compage resecatus est: quia indecetis qui-
busdam nimiumq; simplicibus persuadere tentauit, quod
Verbum Dei ita caro sit factum, ut veram carnem de ven-
tre Virginis non sumpserit, nec nostri illum generis cor-
pus habuisse, sed diuinitatis eius & carnis vnam esse natu-
ram, ut vnum Dominum nostrum Iesum & falsum homi-
nem, & Deum diceret esse passibilem: quod nec pietas fi-
dei, nec ratio recipit sacramenti, ut aut in sua natura pas-
sibilis fuerit deitas, aut in susceptione humana mentita sit
veritas. Quæ diabolicorum sensuum prodigiosa commen-
ta, sancta nunc Synodus humilitatis nostræ scriptis, au-
toritate domini mei beatissimi Petri apostoli & merito
roboratis, religiosa vnanimitate consentiens, abominan-
do, ab ecclesia Dei amputauit. Dioscorum quoque Ale-
xandrinum in sua impietate manentem; ne illa ecclesia,
quæ inter ipsa euangelii principia beatum Marcum, bea-
tissimi Petri apostoli discipulum, in omnibus vtique do-
ctrinæ sui doctoris magisterio consonantem, habuit fun-
datorem, quæque postea recentioribus a nostra ætate
temporibus Athanasium, Theophilum, & proxime Cy-
rillum, probatissimos præfules habuit, indignam captiui-
tatem sub hæretici dominatione pateretur. Vnde secun-
dum magnam misericordiam Dei, vniuersos diaboli co-
natus, quibus ecclesiam Domini conturbare molitus est,
noueritis esse destructos. Reddite igitur Deo gratias, fra-
tres carissimi, & dignam gratiarum actionem, & oret no-
biscum vestra dilectio, ut fratres nostros, quos expecta-
tio nostra desiderat incolumes quamprimum rediisse læ-
temur, & de omnibus, quæ Domino adiuuante sunt ge-
sta, plenius vos possimus instruere. Nam fratrem Inge-
nulum nolumus hac expectatione tardari, cum ob hoc ip-
sum properantius remeare debuerit, ne diutius vobis es-
set incognita omnium materia gaudiorum: quæ volumus
per curam dilectionis vestrae etiam ad fratres nostros Hi-
spaniæ episcopos peruenire, ut quod Deus operatus est
nulli esse possit incognitum. Data Kalendis Februarii,
Herculano viro clarissimo consule.

EPISTOLA
EVSEBII MEDIOLANENSIS
EPISCOPI AD LEONEM PAPAM.

Scribit se fidei eius, quam ad orientem direxerat,
assertioni cum aliis episcopis consentientibus
subscriptisse.

*Domino sancto & beatissimo patri Leoni, Eusebius
Mediolanensis episcopus.*

REVERSIS, Domino annuente, fratribus nostris, quos ad orientem fidei causa solcite prouida beatitudo vestra direxerat, decursisque literis, quas per eos tua sanctitas destinauit, omni exultatione in Christo reuelatus sum, quod effectum commissæ sibi legationis eosdem reportasse vestra pagina designauit. Nec mirum, quod Dominus noster Iesu Christus catholicæ fidei, quam teneamus, maiestatis suæ gratiam custodiamque præstiterit: quando vos veros cultus sui assertores in apostoli sui sede præfulem collocauit, qui & recta sentire de incarnationis dominicæ sacramento, & eadem potestis rectius custodire.

Admonitis ergo fratribus & coepiscopis meis, habitoque Conuentu, vestrarum formam tenuimus literarum. Nam recensens epistolam beatitudinis vestræ, in sacerdotum Domini Concilio, quam sanctus frater & coepiscopus noster Abundantius, & compresbyter meus Senator detulerant, agnitaque eorum narratione, sicut scripta vestra signauerant, rerum gestarum ordine continuo requisita est recitataq; epistola, quam fidei assertione plene digestam, ad orientem dudum sanctitas vestra transmiserat, quæ ad nos, ex vestra admonitione, sancto fratre & coepiscopo nostro Cyriaco mutuante peruenit, claruit eam plenam fidei simplicitate fulgere, prophetarum etiam assertionibus, euangelicis auctoritatibus, & apostolicæ doctrinæ testimonii, nitore quodam lucis ac veritatis splendore radiare, omnibusque sensibus conuenire, quos beatus Ambrosius, de incarnationis dominicæ mysterio, suis libris Spiritu sancto excitatus inseruit.

Et quia omnia maiorum fidei, nobis antiquitus traditæ, tota puritate conueniunt, domine sancte & beatissime pater, placuit omnibus, quorum subscriptio subter annexa nomina poterit declarare, ut eos, qui impie de incarnationis dominicæ sacramento sentiunt, quamuis intellectus sui prauitate, a catholicæ fidei veritate receudentes, seipso dignos abiectione fecerint, suo etiam consensu, auctoritatis vestræ præcedente sententia, damnatione congrua persequendos. Literarum ergo vestrarum formam secuti, modum præscriptæ ordinationis nos seruasse, his per fratrem & coepiscopum meum Cyriacum missis ostendimus, supereft ut annuente Domino, perfectis rebus, palmam fidei & consummati certaminis coronam quiete perpetua retinentes, hoc futuris memorabile sœculis relinquatis, ut ab hoc tempore præsenti, extincta impia sectæ contumacia videatur, ut vobis propugnatoribus in æternum prostrata succumberet. *Et alia manu:* In columem beatitudinem tuam summa diuinitas adornet atque custodiat, domine sancte ac beatissime pater.

Ego Eusebius episcopus Mediolanensis ecclesiæ in omnia supradicta consensi & subscripti: anathema dicens his, qui de incarnationis dominicæ sacramento impia senserunt.

Ego Fuentius episcopus Regiensis ecclesiæ omnia supradicta consensi, & subscripti: anathema dicens his, qui de incarnationis dominicæ sacramento impia senserunt.

Ego Maioranus episcopus ecclesiæ Placentinæ in omnia suprascripta consensi & subscripti: anathema dicens his, qui de incarnationis dominicæ sacramento impia senserunt.

Ego Cyprianus episcopus ecclesiæ Brixillensis in omnia suprascripta consensi & subscripti: anathema dicens his, qui de incarnationis dominicæ sacramento impia senserunt.

Ego Quintus episcopus ecclesiæ * Dertonensis in omnia suprascripta consensi & subscripti: anathema dicens his, qui de incarnationis dominicæ sacramento impia senserunt.

Ego Crispinus episcopus ecclesiæ Ticinensis in omnia
P iiij

suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Maximus episcopus ecclesiæ Taurinatis, in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Floreius presbyter, iussus a præsente sancto Eulogio episcopo meo ecclesiæ Iporiensis, quia ipse propter infirmitatem subscribere non potuit, in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Gradus presbyter, directus ab episcopo Euthasio ecclesiæ Augustanæ, vice ipsius in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Cyriacus episcopus ecclesiæ Laodensis in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Abundantius episcopus ecclesiæ Comensis in omnia suprascripta consensi ac subscripsi: anathema dicens his qui de incarnationis dominicæ sacramento impia senserunt.

Ego idem Abundantius, pro absente sancto fratre meo Asimone, episcopo ecclesiæ Curiensis, vice ipsius in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Paschafius episcopus ecclesiæ Genuensis in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Pastor episcopus ecclesiæ Astensis, in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Simplicius episcopus ecclesiæ Nouariensis in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Ioannes episcopus ecclesiæ Cremonensis in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Octavianus episcopus ecclesiæ Brixianæ in omnia suprascripta consensi, & subscripsi: anathema dicens his qui de incarnationis dominicæ sacramento impia senserunt.

Ego Iustinianus episcopus ecclesiæ Vercellensis in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Quintius episcopus ecclesiæ Albingaunensis in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

Ego Præstantius episcopus ecclesiæ Bergomatis in omnia suprascripta consensi & subscripsi: anathema dicens his qui de incarnationis dominicæ sacramento impia senserunt.

EPISTOLA LIII.

LEONIS PAPÆ I.

AD ANATOLIVM CONSTANTINOPOLITANVM

EPISCOPVM.

Gratulatur ei quod in Calchedonensi Concilio catholica fides, Eutychetis erroribus damnatis, explicata fuerit; deinde arguit, quod contra Nicænam Synodus Alexandrinam atque Antiochenam ecclesias sibi subdere voluisset.

Leo episcopus, Anatolio episcopo.

MANIFESTATO, sicut optauimus, per gratiam Dei lumine euangelicæ veritatis. *Vide reliquum in Concilio Calchedonensi, parte 3. num. 5.*

EPISTOLA LIV.

LEONIS PAPÆ I.

AD MARCIANVM AVGVSTVM.

Gratias agit quod eius opera catholica fides in Calchedo-
nensi Concilio exposita fuerit, Anatolii
superbiam damnat.

*Leo episcopus Romanæ & vniuersalis ecclesiae,
Marciano Augusto.*

MAGNO munere misericordiæ, Dei totius ecclesiæ
catholicae multiplicata sunt gaudia. *Vide reliquum in
Concilio Calchedonensi, parte 3. num. 6.*

EPISTOLA LV.

LEONIS PAPÆ I.

AD PVLCHERIAM AVGVSTAM.

De ambitu Anatolii.

Leo episcopus urbis Romæ, Pulcheriæ Augustæ.

SANTIS & Deo placitis clementiæ vestræ studiis de-
fensam contra hæreticos catholicam fidem, & vniuer-
sæ ecclesiæ redditam pacem, ineffabiliter cum vestra pie-
tate gaudemus: gratias agentes misericordiæ omnipoten-
tis Dei, quod exceptis his, qui magis dilexerunt tenebras
quam lucem, neminem passus est euangelica veritate frau-
dari: ut absterna erroris caligine, in omnium cordibus pu-
rissimum lumen oriretur, nec de infirmis quorumdam
animis tenebrosus ille exultaret inimicus, quem non so-
lum hi, qui illæsi steterant, sed etiam quos fecerat nutare,
superauerunt: ut errore abolito, per totum mundum fi-
des vera regnaret, & omnis lingua confiteatur, quoniam Do-
minus Iesus Christus in gloria est Dei Patris. Confirmato autem
in unitate euangeli vniuerso mundo, & in eodem spiritu
sensus directis cordibus omnium sacerdotum, optimum
fuerat, supra illa, propter quæ sancta est Synodus con-
gregata, & quæ secundum pietatis vestræ studium, pro-
babili sunt fine conclusa, nihil quod tanto bono contra-
rium

Philip. 1.

rium esset, inferri, nec per occasionem episcopalis Concilii, id in commune appeti, quod non licuit concupisci.

Frater enim & coepiscopus meus Anatolius parum considerans, quanto pietatis vestrae beneficio, & mei fauoris assensu Constantinopolitanæ ecclesiæ sacerdotium fuerit consecutus, non tam de adeptis gauisus, quam de immodicis appetendis supra mensuram sui honoris accensus est, credens huic tam intemperanti cupiditati posse prodesse, quod ei quorundam consensum præbuisse dicitur extorta subscriptio, cum tam deftruendis mox contibus, contradic̄tio fratrum & coepiscoporum meorum vicem meam agentium, fideliter & laudabiliter obuiaret. Quoniam contra statuta paternorum Canonum, quæ ante longissimæ ætatis annos in vrbe Nicæna spiritualibus sunt fundata decretis, nihil cuique addere conceditur: ita ut si quis diuersum aliquid decernere velit, se potius minuat, quam illa corrumpat, quæ si (vt oportet) a cunctis pontificibus intemerata seruentur, per vniuersas ecclesias tranquilla erit pax & firma concordia, nullæ de mensuris harum dissensiones, nullæ de ordinationibus lites, nullæ de priuilegiis ambiguitates, nulla erunt de aliena usurpatione certamina: sed ea, quæ iure caritatis rationabilis est, & morum & officiorum seruabitur vnanimitas. Et ille vere erit magnus, qui fuerit totius ambitionis alienus, dicente Domino: *Quicumque voluerit inter vos maior fieri, sit vester minister: Et quicumque voluerit inter vos primus esse, erit vester seruus. Sicut filius hominis non venit ministrari, sed ministrare.* Et tamen hæc illis tunc insinuabantur, qui de puſſillo volebant crescere, & de infimis ad summa transfire: Constantinopolitanæ vero præſuli ecclesiæ (quia amplius, quam aſſecutus est, concupiscit) quid illi satisfaciet, si tantæ vrbis magnificentia & claritudo non sufficit? Superbū nimis est & immoderatum, vltra fines proprios tendere, & antiquitate calcata alienum ius velle præripere, atque vt vnius crescat dignitas, tot metropolitanorū impugnare primatus, quietisque prouinciis, & olim sanctæ Synodi Nicænae moderatione dispositis, bellum nouæ perturbationis inferre, atque vt venerabilium patrum decreta soluantur, quorundam episcoporum proferre consensum,

Concil. Tom. 7.

Q

cui tot annorum series negauit effectum. Nam sexagesimus fere annus huius iactantiæ esse iactatur, qua se prædictus episcopus æstimat adiuuari, frustra cupiens id sibi prodesse, quod etiamsi quisquam ausus est velle, nullus tamen potuit obtainere. Agnoscat cui successit viro, & repulso omni spiritu elationis, Flauiani modestiam, Flauiani humilitatem, quæ illum usque ad confessoris gloriam prouexit, imitetur. Cuius si velit splendere virtutibus, laudabilis erit, & in omni loco plurimum dilectionis acquires, non ambiendo humana, sed promerendo diuina. Hæc autem obseruantia vniuersiusque illi animum spondet copulandum, & apostolicæ sedis dilectionem, quam Constantinopolitanæ ecclesiæ semper impendimus, nulla mobilitate violandam. Quia si interdum immoderati præfules aliquas incident culpas, ecclesiarū tamen Christi integra gratia perseuerat. Confessiones vero episcoporum, sanctorum Canonum apud Nicænam conditorum regulis repugnantes, vinta nobiscum vestræ fidei pietate in irritum mittimus, & per auctoritatem beati Petri apostoli, generali prorsus definitione cassamus, in omnibus ecclesiasticis his legibus obsequentes, quas ad pacificationem omnium sacerdotum, per trecentos decem & octo antistites Spiritus sanctus instituit: ita ut etiamsi multo plures aliud, quam illi statuere, decernerent, in nulla reverentia sit habendum, quidquid fuerit a prædictorum constitutione diuersum.

Attende au-
toritatem
summi pô-
tificis Ro-
mani.

Prolixitatem itaque epistolæ meæ, qua necesse habui explicare quid sentiam, rogo ut per fratrem & coepiscopum meum Lucianum, qui (quantum in ipso est) solitudinem suscepit legationis est fideliter executus, & per filium meum Basilium diaconem pietas vestra dignanter accipiat. Et quia moris vestri est pro pace & unitate ecclesiæ laborare, fratrem meum Anatolium episcopum ex vestra insinuatione dilectum, salubriter in his, quæ ipsi profutura sunt, continete: ut gloria clementiæ vestræ, sicut magnificatur de fide reparata, ita prædicetur de ambitione compressa. Data undecimo Kalendas Iunii, Herculanu viro clarissimo consule.

EPISTOLA LVI.

LEONIS PAPÆ I.

AD IVLIANVM EPISCOPVM COENSEM.

Conqueritur in Aetii locum Andream hæreticorum
consortio pollutum fuisse suffectum. In Anatolio fidei
feruorem desiderat: cupit se fieri certiorem de tumultu
a monachis in Palæstina excitato, de Antiochenæ ec-
clesiæ statu, & de sua ad Flauianum epistola: demum
ut Calchedonensis Concilii acta fideliter in Latinum
verti, & ad se perferri curet.

Leo episcopus Romæ, Iuliano episcopo Coensi.

AGNOVI in dilectionis tuæ literis fraternaliæ caritatis af-
fectum: quod de multis malis, quæ multa & sœua
pertulimus, pio nobiscum dolore compateris. Sed vtinam
hæc, quæ perpeti nos Dominus aut permisit aut voluit,
ad correctionem proficiant multorum, & vt desinant ad-
uersitates, finiantur offendæ. Quod vtrumque de magna
erit misericordia Dei, si & flagella remoueat, & ad se suo-
rum corda conuertat. Sicut autem fraternitatem tuam ea
quæ apud nos fuit contristauit hostilitas, ita me anxiū
facit, quod in Constantinopolitana ecclesia (quantum
tuæ indicant literæ) hæreticorum insidiæ non quiescunt:
& quæsitis occasionibus, hi qui catholicæ fidei defenso-
res fuere, vexantur. Nam dum Aetius ab officio archidia-
conatus perspeciem prouectionis amouetur, & in locum
eius Andreas, qui ob hæreticorum societatem fuerat ab-
iectus, assumitur, dum beatæ memoriæ Flauiani accusa-
toribus honor redditur, & piissimi confessoris participes
aut discipuli conteruntur, nimis aperte, quid episcopo
ecclesiæ ipsius placeat, demonstratur. In quem pro causæ
merito differo commoueri, & quid ipse mecum cum suis
epistolis agat, quas missurum eum filius noster Aetius in-
dicauit, expesto, dans locum voluntariæ emendationi,
qua dolorem meum cupio mitigari. Clementissimo ta-
men principi & piissimæ Augustæ de his, quæ ad custo-
diam pacis ecclesiasticæ pertinent, scripsi: quod deuotio-
ne suæ fidei prouisuros esse non dubito, ne contra gloriam

Concil. Tom. 7.

Q. ij

Anno Chri-
sti 455, qui
fuit annus
Pontifica-
tus S. Leo-
nis 14. fuit
scripta hæc
epistola, si-
militer &
n. sequen-
tes.

operis ipsorum, damnata hæresis queat pullulare.

Studeat ergo dilectio tua, frater carissime, piam & necessariam curam solicitudini apostolicæ sedis impendere, quæ tibi apud se nutrita catholicam, contra Nestorianos & Eutychianos hæreticos, actionem materno iure commendat, vt diuino fultus auxilio, speculari de Constantinopolitanæ vrbis opportunitate non desinas, vt prædictorum dogmatum impius nunquam turbo consurgat. Et quia tanta est gloriosorum principum clementia, vt confidenter eis possis, quæ sunt insinuanda, sugerere, pietate ipsorum ad utilitatem ecclesiæ vniuersalis utaris. Consulente autem dilectione tua de his in quibus putaueris ambigendum, non deerit relationibus tuis meæ responsionis instrucción, vt sequestrata eorum actione, causa quæ in quibuscumque ecclesiis præfulum suorum debent cognitione firmari, hac speciali cura, vice mea functus utaris, ne hæresis Nestoriana vel Eutychiana in aliqua parte reuirescat: quia in episcopo Constantinopolitano catholicus vigor non est, nec multum aut pro sacramento salutis humanæ, aut pro sua est aestimatione solitus, cum si quid illi inesset spiritualis industriæ, ita & a quibus ordinatus sit, & cui viro successerit, cogitare deberet; vt magis beatum Flauianum, quam sui honoris sequeretur auctores. Et ideo cum piiissimi principes secundum obsecrations meas dignati fuerint fratrem Anatolium de his, quæ merito in querelam veniunt, increpare; videat caritas tua diligentia sua, vt vniuersa scandala, adhibita plenissima correctione, refescantur, & a filii nostri Aetii ccesset iniuriis. Nam apud catholicum episcopum, etiamsi erat vtcumque decus sacerdotale, sacerdoti archidiaconus propter fidei reuerentiam debuit præmitti potius quam locum catholici nequissimus hæreticus obtineret. Cum itaque quæ sequantur, agnouero, tunc manifestius, quid agi oporteat, aestimabo. Nam interim, dolore cohibito, malui indulgere patientiæ, vt locus esset venia.

De Palæstinis vero monachis, qui iampridem in tumultu dissensionis esse dicuntur, quo adhuc animo moveantur ignoro. Neque cuiusquam sermone mihi patefactum est, quas causas videantur ante factæ præferre dif-

cordiæ, vtrum scilicet Eutychianæ peruersitati tali furore famulentur, an implicabiliter doleant episcopum suum in hanc impietatem posse traduci, quæ contra ipsorum locorum sanctorum testimonia, quibus totus mundus instruitur, ab incarnationis dominicæ veritate descivierit, & quod in aliis per indulgentiam curare placuit, in illo putent non esse veniale. Vnde cupio me super his plenius edoceri, vt etiam talium correctioni congrue studeatur: quia aliud est contra fidem impie armari, aliud in errorem quempiā detineri. Chartas etiam, quas Actius presbyter ante indicauit esse directas, & breuiariū fidei, quod te mississe significas, ne cum ad me noueris peruenisse. Vnde, si expeditior occasio se præbuerit per latores, libēter habeo, vt si qua est, quæ vtilis videatur, quam primum ad me mittatur instructio. De Ægyptiis monachis quam quieti, aut cuius sint fidei, scire desidero, & de Alexandrinæ ecclesiæ pace quid ad vos veris nuntiis perferatur, ad cuius episcopum vel ordinatores ipsius, seu clericos, quod ^{* alias} alia scripta direxerim, missis exemplaribus scire te volui. Ad clementissimum quoque principem, & ad religiosissimam Augustam quis nunc meus sermo sit, missa exemplaria decebunt. Vtrum autem epistola mea, quam de incarnationis dominicæ fide, incolumi adhuc sanctæ memoriæ Flauiano, ad dilectionem tuam per Basiliū diaconem miseram, fraternitati tua tradita sit, scire desidero: quoniam suspectum habeo, quod de eius textu nullum vñquam iudicium reddidisti gestorum synodalium, quæ omnibus diebus Concilii in Calchedonensi ciuitate confecta sunt, parum clara propter lingua diuersitatem, apud nos habetur instructio. Et ideo fraternitati tuae specialiter iniungo, vt in vnum codicem vniuersa facias congregari, in Latinum sermonem absolutissima interpretatione translatâ, vt in nulla parte actionum dubitare possimus, neque ullo modo esse possit ambiguum quod ad plenam intelligentiam te fuerit studente perductum. Data quinto Idus Martii, Opilione viro clarissimo consule.

Q iij

EPISTOLA LVII.
LEONIS PAPÆ I.
AD MARCIANVM AVGVSTVM.

Petit vt Anatolium, qui cum Aetium ab archidiaconatu amouerit, & catholicos infectetur, de fide male sentire suspicatur, increpet: commendat Julianum, cui ipse vices suas commisit.

Leo episcopus Marciano Augysto.

QVAM excellenti pietate, & quam glorioso clementia vestræ studio in integrum nuper fides Christiana reuocata sit, totus mundus agnoscit, & saluti suæ singulare præsidium per vos a Domino esse reparatum. At si quid aduersum tanti operis consummationem de contrario spiritu sentitur oboriri, necesse est vt ad vestræ reuocetur pietatis auxiliū, quod ad custodiam catholicæ veritatis diuina prouidentia præparauit: vt cum potestatis vestræ sit scandala etiam in longinquū nata refecare, multo magis ea quæ sub vestris audent oculis surgere, non finatis accrescere. Anatoli episcopi ordinationē (sicut scientia Dei testis est) suspe&tam (quod fatendum est) mihi fecerant consecrationis eius au&tores, nec dissimilem ab elegantibus arbitrabar ele&tum: secutumque est, vt dum communione apostolicæ sedis existeret alienus, diu dandis ad eum epistolis pacis me abstinerem. Sed cum illi pietatis vestræ testimonium suffragaretur, cum de fide atque vnanimitate eius optanda quæque & placitura promitteret, professionem eius ita credidi esse sinceram, vt tamen, qua obseruantia se agere deberet, non desinerem commonere, sedulo ipsi ac diligenter inculcans, vt de persecutoribus beatæ memorię Flauiani neminem auderet in suo habere confortio, & Eutychianæ hæreseos defensorē a se indicaret esse deie&tum. Secutumque est, vt de his, quæ pro catholicā fide in synodali Concilio fuerant definita, talia ad me scripserit, qualia catholicum sacerdotem scribere congruebat. Cum ergo ad commendanda ipsius primordia ista præcesserint, miror quid causæ aut occasionis emerserit, vt virum catholicæ fidei, & Nesto-

rianis atque Eutychianis hæreticis constanter etiam aduersum archidiaconem sub honoris specie degradaret, & dispensationum totius causæ & curæ ecclesiasticæ in Andrew Eutychianistam repente transferret, adeo nimia commotione turbatus, ut consecrationem, quam pro iniuria dabat, sexta sabbati traditionis apostolicæ aut ne- scius aut oblitus inferret: quasi non ad episcopum magis quam ad presbyterum ordinationis illius vitium pertine- ret, qui non inueniens quod argueret in fide, quod im- probaret in moribus, deiectionem innocentis per spe- ciem prouectionis impleuit, addens sententiæ illud iniuriæ, ut eum, cœmeterio deputando, condemnaret exilio. Quem tamen pietati vestræ commendare præsumo, ne vallis ulterius noxiis ingrauari possit insidiis, quem Domi- nus (vt comperi) sub vestrâ defensione constituit. Adii- cito autem etiam hanc obsecrationem, vt prædictum epi- scopum a professione sua dissonum, & nimium testimo- nii vestri ac fauoris oblitum, necessarie increpare digne- mini. Cesset catholicos insectari, cesset eos, qui sanctæ memoria Flauiano placuere, conterere, & eorum socie- tam, quos improbavit, eligere. Fraternam enim illi ca- ritatem non aliter poterimus impendere, quam vt se ab inimicis catholicæ fidei approbet execrari, eorumque a se consortium atque commercium abscondat: qui etiam si magna fuisset satisfactiōne purgatus, post dubium ta- men reuersus errorem, catholicis diaconibus postponi debuit, non præponi. Illud quoque clementiæ vestræ be- neuolentiam peto, vt veneratorem vestrum fratrem meum Iulianum episcopum, in vestro, sicut facere digna- mini, habeatis affectu: cuius obsequiis præsentia meæ vo- bis imago reddatur. Nam & de fidei eius sinceritate confi- dens, vicem ipsi meam, contra temporis nostri hæreticos, delegavi: atque propter ecclesiarum pacisque custodiam, vt a comitatu vestro non abesset, exegi: cuius suggestio- nes, pro concordia catholicæ unitatis, tamquam meas au- dire dignemini, placentes Deo, qui vobis præter regiam coronam, etiam sacerdotalem conferat palmam. Data

*quinto

*sexto Idus Martii, Opilione viro clarissimo consule.

EPISTOLA LVIII.

LEONIS PAPÆ I.

AD PVLCHERIAM AVGVSTAM.

De Aetio & Andrea.

Leo episcopus, Pulcheriae Auguſtæ.

MVLTIS extantibus documentis, quibus in dilectio-
nem ecclesiæ Dei pietatis vestræ manifestatur affe-
ctio, merito quoties aliquid nascitur scandalorum, ve-
strum desideratur auxilium: vt fides quæ annitentibus
vobis contra hæreticorum commenta defensa est, secu-
ræ pacis perpetem obtineat firmitatem. Nam quid prod-
est, foris aduersarios veritatis oppressos, si eosdem ha-
beamus intra dominica septa rediuiuos? Quod itaque cir-
ca personam filii mei Aetii gestum esse cognoui, nimium
me anxious facit, & metuere certa ratione compellit, ne
pœnitendum mihi sit, quod de episcopo Constantinopo-
litano, qui ab impugnatoribus fuerat ordinatus fidei, vo-
bis adhortantibus, acquieui meliora sentire, cum tanto
pietatis vestræ testimonio iuuaretur, ne illum grauaret
suæ ordinationis infirmitas, ybi vestra interuentio præsta-
retur. Vnde gratulari cœperam, quod beati Flauiani ho-
noraret memoriam, & hæreticorum conatibus obsistere
diceretur. Sed doleo, illum (sicut prædicti lacrymabilis
querela demonstrat) in deteriora mutatum, & eum nunc
constituisse archidiaconem, quem ipse professus est a se
esse reiectum, qui Eutychianæ hæreſeos se apud nos pro-
diderat defensorem. Quem quia nunc ecclesiasticis ne-
gotiis præposuit, propter hæreticam peruerſitatem, ei-
dem fauorem suum præſtare conuincitur. Qui etiamſi
magna ſatisfactiōne potuifſet indulgentiam promereri,
nequaquam debuit his, qui in fide permanerant, ante-
ferri. Vnde quia non latet clementiam vestram, quantum
periculi, aut per pudendam ſocordiam, aut per dolofam
nequitiam nutriatur, dignamini episcopum ad professio-
nem suæ fidei auctoritate vestræ clementiæ reuocare. Et
ne ſibi has maculas ſuperducat, ne æſtimationem ſuam,
quam veftro acquisiuit fauore, contemnat, ſocietatem
hære-

hæretici, quem dudum a se remouit, abscondat. Cuius innocentia vos ita adfuisse gaudeo, ut moerori eius digna consolatione vestra pietas subueniret. Circa fratrem meum, veneratorem vestrum Julianum episcopū, quantum debeat crescere vestra dignatio, apostolicæ sedis existimare iudicio: cum in causa fidei, cui gloria vestra famulatur, vicem ipsi meam eatenus delegarim, ut ab ea, quæ vobis debetur obseruantia, non recedens, pietati me vestrae præsentare non desinat, exequens in custodia fidei, & in ecclesiasticis disciplinis per omnia solitudinem, & opportunis suggestionibus, quod vniuersali ecclesiæ proficit, insinuans, ut in ipso, nec catholicis vestrum præsidium, quibus volumus subuenire, nec vobis meum desit obsequium. Data sexto Idus Martii, Opilione viro clarissimo consule.

EPISTOLA LIX.

LEONIS PAPÆ I.

AD MARCIANVM AVGVSTVM.

Gratias agit, quod per Calchedonense Concilium
pax ecclesiæ catholicæ sit redditæ.

Leo episcopus Marciano Augusto.

MVLTAM mihi in omnibus clementiæ vestræ literis cau-
sa gaudii est, dum ex magna diuinæ prouidentiæ mi-
sericordia præstitum humanis rebus experior, quod ec-
clesiasticam pacem (quæ non nisi vnitate prædicationis
euangelicæ custoditur) piissimo studio iuuare dignamini:
ut fidei vestræ gloria non solum vtilitate reipublicæ, sed
etiam religionis profectibus augeatur, gloriosissime im-
perator. Vnde ineffabiliter Deo gratias ago, qui eo tem-
pore, quo oboritura hæreticorum scandala præsciebat,
in imperii fastigio collocavit: in quibus ad totius mundi
salutem, & regia potentia, & sacerdotalis vigeret in-
dustria. Nam cum vestro præcipue opere sit effectum, ut
per synodale Concilium, damnatis impii dogmatis defen-
soribus, omnes vires sacrilegus error amitteret: ad eius-
dem deuotionis pertinet palmam, si malum, quod in suis
ducibus est oppressum, etiam in quibuscumque reliquiis
deleatur. Quod facilius clementia vestra arbitretur im-
plendum, si per vniuersas ecclesias, definitiones sanctæ

Concil. Tom. 7.

R

Synodi Calchedonensis , apostolicæ sedi placuisse docentur. De quo quidem ratio non fuit ambigendi, cum ei fidei omnium subscribendo consensus acceſſerit , quæ ad me secundum formam apostolicæ doctrinæ ac paternæ traditionis emissa est , & per fratrem meum Lucianum episcopum talia & ad gloriam vestram , & ad Constantinopolitanum antistitem scripta direxerim , quæ euidenter ostenderent, me ea quæ de fide catholica in prædicta Synodo definita fuerant, approbare. Sed quia in eiusdem literis ea , quæ per occasionem Synodi male sunt attentata, reprehenderam, maluit prædictus antistes meam gratulationem tacere, quam suum ambitum publicare. Mihi autem multum fiduciae, Deo per vos operante , collatum est, quod probasse vos obſeruantiam meam de custodia Canonum paternorum, pietatis vestræ affatibus indicastis. Et merito geminatur gaudium meum, cum vobis religiosissime placere cognosco , vt & fides Nicæna suam teneat firmitatem, & priuilegia ecclesiarum illibata permaneant. Quamuis autem de præclaro fidei vestræ ope re nihil vestra pietas indicarit , mihi tamen per veneratorem vna mecum specialiter vestrum , fratrem meum Iulianum episcopum, innotuisse significo , quam pio dignati fueritis responſo imperitorum monachorum animos cohibere pariter & docere , vt si illos non penitus deferruit diuina misericordia , sentiant se & didicisse quod credant , & agnouisse quod timeant. Quia vero omnibus modis obediendum est pietati vestræ religiosissimæque voluntati, constitutionibus Synodalibus , quæ mihi de confirmatione fidei catholicæ , & hæreticorum damnatione placuerunt , libens adieci ſententiam meam. Quæ vt in notitiam omnium sacerdotum ecclesiarumque perueniat, vestræ clementiæ præceptio ordinare dignabitur: ad futuram credo & spero gratiam Dei, quæ tam sanctam tanti principis curam plenissimum desiderii ſui fructum faciat obtinere: vt omnibus diſſentiendi occaſionibus amputatis, apostolicæ vbiq[ue] doctrinæ & pax regnet & veritas. Fratri autem meo Iuliano episcopo, nouerit vestra clementia , hoc me proprie delegasse, vt quidquid illic ad custodiā fidei pertinere probauerit, meo nomine vestræ fiducialiter ſuggerat pietati: quoniā certus sum, vos

ad hæc omnia emendanda vel defendenda, Deo auxiliante, sufficere. Data duodecimo Kalendas Aprilis, Opilio-ne viro clarissimo consule.

EPISTOLA LX.

LEONIS PAPÆ I.

AD PVLCHERIAM AVGVSTAM.

Laudat eam quod quorumdam monachorum cohibuerit
insaniam, eademque subdit quæ imperatori
scripserat.

Leo episcopus, Pulcheriæ Augustæ.

QVAMVIS nullas nunc literas tuæ pietatis acceperim, scribente tamen glorioſiſſimo principe, non aliter dignatione ipsius ſum gauifus, quam ſi mihi etiam tuæ ſerenitatis redderentur alloquia. Vnde confuetudinem debitam mei officii oportuit me custodire, per quam ſignificarem clementiæ veſtræ, absolute me gaudere, & incessabilibus a Deo precibus poſtulare, vt vos, & Romanæ reipublicæ, & catholicæ ecclesiæ in omni proſperitate conſeruet. De vigore autem fidei veſtræ quo indeſinenter Domino ſacrificium laudis offertis, quantas Deo gratias agam, enarrare non valeo: quoniam principibus temporis noſtri non ſolum potentiam regiam, ſed etiam ſacerdotalē cognoscimus in eſſe doctrinam. Indicante enim fratre meo Iuliano episcopo, peruenerunt ad nos in exēplaribus præceptionum veſtrarum ſaluberrimæ ſanctiōnes, quibus insaniam imperitiam monachorum dignati eſtiſ par- cendo plectere, & docendo punire: vt ſi eos ad poenitentiam miſeratio diuina conuerterit, multis lacrymis, & a nefandis cædibus, & ab hæreticorum blaſphemias diluantur. Quod vero piissimus imperator ad omnes episcopos, qui Calchedonensi Synodo interfuere, voluit me ſcripta dirigere, quibus, quæ illic de fidei ſunt regula definita, firmarem, libenter impleui; ne fallax cuiusquam ſimulatio ſententiā meā vellet haberi incertam, cum per Constantinopolitanum episcopum, cui lætitiam meam lar- giter indicaui, in omnium potuerit notitiam peruenire, quod ſcripferam, niſi maluifet meum gaudium tacere,

Concil. Tom. 7.

R ij

quam repulsam sui ambitus publicare. Fratri & coepisco-
po meo Iuliano , cui solicitudinem meam in causa fidei de-
legauit, rogo ut eam fiduciam præbere dignemini, qua
pietati vestræ possit, quæ vniuersali ecclesiæ sint profu-
tura, suggerere. Data duodecimo Kalendas Aprilis, Opi-
lione viro clarissimo consule.

EPISTOLA LXI.

LEONIS PAPÆ I.

AD IVVENALEM HIEROSOLYMITANVM,
ET CETEROS EPISCOPOS,
qui in sancta Synodo Calchedonensi congregati fuerunt.

Scribit se, quæ de incarnatione in Calchedonensi Conci-
lio decreta fuerunt , confirmasse; vtque ei & ceteris
episcopis hoc innotescat, se rogasse imperatorem, vt li-
teras suas ad illos perduci curet.

Leo episcopus, sanctæ Synodo apud Calchedonem habitæ.

OMNEM quidem fraternitatem vestram nosse non
ambigo. *Vide reliquum in Concilio Calchedonensi, parte 3.
num. 16.*

EPISTOLA LXII.

LEONIS PAPÆ I.

AD MAXIMVM ANTIOCHENVM
EPISCOPVM.

Confutat errores Eutychetis & Nestorii , eum ad fidei
defensionem hortatur, & quæ contra Nicæni Con-
cilii Decreta statuta sunt, nulla declarat.

*Leo catholicæ ecclesiæ episcopus , Maximo carissimo fratri
episcopo Antiocheno.*

QVANTVM dilectioni tuæ placeat communis fideisa-
cratissima vnitas , & pacis ecclesiasticæ tranquilla
concordia. *Vide reliquum in Concilio Calchedonensi, parte 3.
num. 17.*

EPISTOLA LXIII.

LEONIS PAPÆ I.

AD THEODORICVM EPISCOPVM CYRI.

Scripta post Calchedonense Concilium, de fidei
perseuerantia.

Dilectissimo fratri Theodorico episcopo, Leo episcopus.

REMEANTIBVS ad nos fratribus, & confacerdotibus nostris, quos ad sanctum Concilium sedes beati Petri direxit, agnouimus dilectionem tuam, superno adiutorio nobiscum, tam Nestorianæ impietatis, quam Eutychianæ vesaniæ, extitisse viðricem. Vnde gloriamur in Domino cum Propheta canentes : *Adiutorium nostrum in psal. 113. nomine Domini, qui fecit cælum & terram, qui nullum nos in nostris fratribus detrimentum sustinere permisit : sed quæ nostro prius ministerio definierat, vniuersæ fraternalitatis irretractabili firmauit assensu, vt vere a se prodiisse ostenderet, quod prius a prima omnium sede formatum, totius Christiani orbis iudicium recepisset: vt in hoc quoque capiti membra concordent, in quo amplius nobis accrescit gaudendi materia, dum & tanto magis se percutit inimicus, quanto contra Christi ministros saeuus surrexit. Nam ne aliarum sedium ad eam, quam ceteris omnium Dominus statuit præsidere, consensus assentationis videretur, aut alia quælibet subrepere posset aduersa suspicio, inuenti prius sunt, qui de iudiciis nostris ambigerent. Et dum nonnulli, diffensionum incitatî auðtore, ad contradictionis bella profiliunt, ad maius bonum, malum eius, auðtore totius bonitatis dispensante, peruenit. Dulcius siquidem munera gratiæ diuinæ proueniunt, quoties non sine magnis sudoribus acquiruntur. Et minus bonum videri solet, pax continuata per otium, quam redditâ post laborem. Ipsa quoque veritas & clarus renitescit, & fortius retinetur, dum quæ fides prius docuerat, hæc postea examinatio confirmaret. Multum denique sacerdotalis officii meritum splendescit, vbi sic summorum seruatur auðtoritas, vt in nullo inferiorum putetur imminuta libertas. Et ad maiorem Dei gloriam*

R iii

proficit finis examinis, quando ad hoc se accipit exercendi fiducia, ut vincatur aduersitas, ne quod per se probatur reprobum, silentii præiudicio videatur oppressum.

Exulta igitur, carissime frater, & in vnico Dei filio vi-
ctor exulta. Vicit per nos ille, cuius carnis veritas negabatur: vicit per nos & pro nobis ille cui vicimus: per quem secunda est post aduentum Domini hæc orbi festiuitas. Redditum sæculo est, prædone prostrato, incarnationis diuinæ mysterium: quod humani generis inimicus quia rebus ipsis auferre non poterat, calumniis obscurabat. Quinimo ab incredulorum corde perierat immortale mysterium, quia nihil prodest tanta salus incredulis, ipsa veritate suis dicente discipulis: *Qui crediderit & baptizatus fuerit, saluus erit: qui autem non crediderit, condemnabitur.* Solis iustitiæ iubar, densis per orientem Nestorii & Eutychis nebulis impeditum, pure ab occidente resplenduit, ubi culmen in apostolis & doctoribus principaliter collocauit: quamuis nec illic vñquam defuisse credendus sit, quo confessores sibi egregios referuauit, ita vt dum denuo conaretur hostis antiquus per secundi Pharaonis imponitens cor, fidei Abrahæ semen, & filios repromissionis extinguere, Deo miserante languescens, nisi sibi nocere, nihil posset. De quo & illud omnipotens mirabilius egit, quia & quos sibi socios ad Israelitici populi cædes adsciuerat, non cum tyrannidis auctore submersit, sed cū suo populo congregauit. Et sicut reuera se dignum, & soli sibi possibile fons misericordiæ nouerat, victos a nobis, nobiscum fecit esse viatores. Nam dum solus vere fit humani generis hostis spiritus falsitatis, omnes de illo iam triumphare non dubium est, quos sibi veritas vindicauit. Nunc prorsus illa redemptoris nostri dicta, quam sint diuinæ auctoritatis, apparent: dum contra hostes fidei sic apantur, vt de ipsis dubitare dicta non liceat: *Vos, inquit, ex patre diabolo estis, & desideria patris vestri vultis implere. Ille homicida fuit ab initio, & in veritate non stetit, quia veritas in eo non est. Quando loquitur mendacum, ex suis propriis loquitur, quia mendax est, & pater eius.*

Nihil ergo mirandum est, quod hi, qui in veritate Dei nostræ naturæ mendacium, crediderunt, patri suo & circa ista concordant, quidquid visum, quidquid auditum,

Marc. 16.

Iohn. 8.

quidquid denique (teste euangelio) tactum est atque palpatum in vnico Dei filio, non eius comprobatum esse afferentes, sed coæternæ & coessentialis Patri fuisse substatiæ, quasi aut diuinitatis natura, crucis ligno transfixa sit, aut inconuertibilis crescere per ætates, & in sapientia proficere sapiëtia sempiterna, vel Spiritu Dei, qui Spiritus est, subinde repleri potuerit. In hoc quoque se acerba vesania, ex quo auctore processerit, prodit; quod quantum in se est, universis nocere molita est. Nam qui nos persequedo afflitit, ceteros ad consensum sceleris impellendo deprauavit. Sed nec nos, licet in singulis fratribus (quia membra nostra sunt) vulnerasset, a speciali dolore fecit exceptos: quibus noua & inaudita atque incredibili audacia inferre contra suum caput est molitus iniuriam. Sed vtinam vel post tot pessima resipiscens, non nos etiam de suo æternæ damnationis interitu contristaret. Quam mensuram sceleris prætermisit, cui nec hoc sufficere potuit, quod nec viuis parcendo, nec mortuis, etiam in sanguine innocentis & catholici sacerdotis, pollutas iampridem, abdicata veritate, atque approbata falsitate, manus intinxit? Et cum scriptum sit: *Qui odi fratrem suum, homicida* 1. Ioan. 3. *est;* ille, quod odio iam fecisse dictum est, impleuit operibus, quasi nec audisset illud, quod Dominus ait: *Discite a* Mark. 11. *me, quia mitis sum & humilis corde, & inuenietis requiem animabus vestris. Iugum enim meum suave est, & onus meum leue est.* Dignus diabolici prædicator erroris, Ægyptius vastator inuentus est: quia tamquam sœuissimus tyranus, ecclesiæ nefandas blasphemias per violentam seditionis forum turbam, & per cruentas manus militum venerandis fratribus imponebat. Et cum voce redemptoris nostri firmatum Ioan. 8. sit, vnum eumdemque homicidii esse & falsitatis auctorem, ille pariter vtrumque compleuit: quasi non vt caueantur, sed vt perpetrentur, scripta sint, ad perditionis suæ cumulum trahens, quæ Dei filius monuit ad salutem. Illud quoque surda nimis aure præteriens, quod ab eodem Domino dictum est: *Ego quod vidi apud Patrem meum, ibidem. loquor, & vos quod vidi apud Patrem vestrum, facitis.*

Igitur dum sanctæ memoriae Flauiano vitæ præsentis scæculi moliretur auferre, se verae vite luce priuauit. Dum vos ab ecclesiis vestris conaretur expellere, se a Christianorū

collegio segregauit. Dum trahit plurimos , & impellit ad erroris assensum , multipli animam suam vulnere sauciauit; solus vltra omnes & per omnes ac pro omnibus reus , qui causa reatus omnibus fuit. Sed licet his tua fraternitas , solido cibo firmata, indigere minime videatur ; tamen vt quod nostri loci est impleamus circa vocem dicentis Apostoli : *Præter ea quæ extrinsecus sunt, instantia mea quotidiana, solicitudo omnium ecclesiarum. Quis infirmatur, dicit ego non infirmor? Quis scandalizatur, dicit ego non vor? hoc præcipue præsenti occasione credimus admonendum , frater carissime , vt quotiescumque diuina gratia administrante, illos, qui foris sunt, fonte doctrinæ aut submergimus , aut purgamus , in nullo ab illis , quas Spiritus sancti diuinitas in Calchedonensi Concilio protulit, fidei regulis receden tes , inter utrumque hostem nouellæ perfidiæ sermonem nostrum cum omni cautela *libremus: non iam (quod absit) tamquam de dubiis disceptantes , sed auctoritate sua, quæ bene definita sunt, adstruentes: cum & in apostolicæ sedis epistola , vniuersalis sanctæ Synodi assensu firmata, tanta diuinæ auctoritatis testimonia nouerimus esse con gesta, vt nullus queat vterius dubitare, nisi qui sibi met ipsi errorum tenebras inferre maluerit: cum synodalia gesta , vel quibus primum definitio fidei legitur esse forma ta, vel quibus præfatae literæ apostolicæ sedis, etiam tuæ fraternitatis studio defensæ sunt, & maxime ad piissimos principes totius Concilii allocutio , tot sit præcedentium patrum testimoniiis roborata; vt quamvis imprudenti ac pertinaci animo , si tamen non iam cum diabolo pro sua impietate damnatus est, valeant suadere.*

Vnde hoc quoque nos contra hostes ecclesiæ prouide re condignum est, vt eis nullam calumniandi occasionem (quod ad nos attinet) penitus relinquamus, nec vñquam contra Nestorianos aut Eutychianos agentes , alteri eorum videamur terga vertisse, sed utrosque Christi hostes æqua lance vitemus atque damnemus: ita ut eos, quoties audientium quantilibet poscit utilitas , cum dogmatibus eorum digno anathemate promptissime atque euidentissime feriamus, ne si hoc a nobis aut obscurius fieri videatur, aut tardius , putetur inuitum. Quod quamvis prudentiam tuam res ipsa admonere sufficiat, nunc tamen

men & experimenta docuerunt. Sed benedictus Deus noster, cuius invincibilis veritas ab omni heresieos macula mundum te, secundum sedis apostolicæ iudicia, demonstrauit. Cui dignam retribues pro tot laboribus gratiam, si talem te, qualem probauimus ac probamus, pro vniuersalibus ecclesiæ defensione seruaueris. Nam quod Deus omnium calumniosorum fallacias soluit, maximam beatissimi Petri curam pro nobis cunctis agnoscimus, qui postquam suæ sedis iudicium in fidei definitione firmauit, nec circa cuiusquam vestrum, qui nobiscum pro catholica fide laboratis, personam, quidquam reprobum videri permisit: quia nec poterat, Spiritu sancto iudicante, quisquam ex eis non victor existere, quorum iam vicerat fides.

Quod supereft, exhortamur, ut quia illic nonnullas Eutychiani ac Nestoriani erroris reliquias cognouimus remansisse, nunc etiam sedi apostolicæ collaborare. Victoria enim quam Christus Dominus Deus noster suæ donauit ecclesiæ, quamdiu in hoc mundo versamur, licet fiducia maiorem tribuat, non tamen in totum solicitudinem permit: nec ut dormiamus donata est, sed ut suauius laboremus. Vnde in hoc quoque tuæ vigilantiæ solicitudine volumus adiuuari, ut tua relatione currente, quid apud illos religionis doctrina dominica proficiat, apostolicam sed festines instruere; quatenus illius religionis sacerdotes, in quocumque usus exegerit, adiuuemus. De his vero, quæ in supradicto Concilio illicita, contra venerabiles Nicænos Canones, præsumptione tentata sunt, ad fratrem & coepiscopum nostrum Antiochenæ sedis præsulē scripsimus: adiuentes & illud, quod nobis propter improbitatem monachorum quorumdam regionis vestræ verbo mandastis per vicarios nostros, & hoc specialiter statuentes, ut præter Domini sacerdotes nullus audeat prædicare, seu monachus, siue ille sit laicus, qui cuiuslibet scientiæ nomine glorietur. Quas tamen literas, pro utilitate vniuersalibus ecclesiæ, per prædictum fratrem & coepiscopum nostrum Maximum, ad omnium volumus peruenire notitiā: & ob hoc hic nolumus earū exemplar adiicere, quia quæ prædicto fratri & coepiscopo nostro iniunximus, non dubitamus implenda. Et alia manu: Deus te incoluē custodiāt, frater carissime. Data iv. Idus Iunii, Opilione v.c. col.

Concil. Tom. 7.

S

16. q. 1. Ad-
iiciimus il-
lud.

EPISTOLA
PASCHASINI LILYBETANI
EPISCOPI AD LEONEM PAPAM.

Respondet pontifici, quo tempore ipse sentiat Pascha esse
celebrandum, & miraculum affert ad suam
sententiam firmandam.

*Domino vere beatissimo ac apostolico, mihique post Dominum plu-
rimum colendo papæ Leoni, Paschasinus episcopus.*

APOSTOLATVS vestri scripta diacono Panormitanæ ecclæsiæ Silano deferente percepí, quæ nuditati meæ atque ærumnis, quas amarissima captiuitate faciente incurri, solatum in omnibus atque remedium attulerunt: cælesti rore animum recreantes, atque omne quod triste fuerat, abstergentes, domine venerabilis papa. Iubere dignata est corona vestra, vt quod paschalis supputationis veritas anni post hunc futuri haberet, sacrosanctis auribus vestris exiguitas mea intimaret. Cui præcepto pio inobedies existere non potui omnino, nec debui. Diutino itaque tractatu, vel ratiocinatione id verū inuenimus quod ab Alexandrina ecclesiæ antistite beatitudini vestræ rescriptum est. Nam cū Romana supputatio, quæ cyclo concluditur, cuius ipse, de quo agitur, erit sexagesimus quartus annus, qui cyclus cœpit a consulatu Antonini & Syagrii, nobis dubietatem afferret, eo quod septimo Kalendarum Aprilium die, dies dominica, & luna vigesimaprima incurreret, & iterum nono Kalendarum Maiorum die (vt rei veritas habet) dominica dies, & luna decimanona obueniret: in hoc ambiguo fluctuantes, ad Hebræorum, hoc est legalem supputationem nos conuertimus, quæ cum a Romanis ignoratur, facile errorē incurrit. Cœpit ergo ogdoas a consulatu virorum clarissimorū Aetii iterum & * Sigif-
mildi, quæ clauditur anno de quo quæstio videtur exorta. Talis ratio hæc est. Priores vero anni cōmunes, tertius embolismalis, quartus & quintus communes, sextus embolismalis, septimus communis, octauus embolismalis. Peruidet ergo apostolatus vestri prudentia, octauum annum ogdoadis fieri aliter non posse, nisi embolismū teneamus.

* Sigif-
mildi

Quod si voluerimus illud, quod superius diximus, id est, quod primum incurrit, Pascha septimo Kalendarum Aprilium die celebrare, communem annum faciemus, & incipiet omnis deinceps subsequentium annorum suppeditatio vacillare. Et ne hoc, quod exposui, beatitudini vestrae obscuritatem aliquam afferat, suggestimus communnes annos, apud Hebræos duodecim tantum menses, hoc est, dies 354. habere. Necessitate ergo embolismi cogimur id tenere quod longius est, ne a vero deuiare videatur. Neque nobis aut nouum, aut erraticum videatur, cum dies passionis vndeclimo Kalendas Maii occurrat, a qua (sicut videtur) Pascha nomen accepit: licet Hebrææ linguae interpres tradant Pascha transitū dici, quod tam idem & Ioannis euangelistæ dicto firmatur, quo ait, cum de passione loqueretur: *Cum venisset hora, ut transiret Iesus de hoc mundo ad Patrem.* Non ergo nos dies vna longius posita terreat, ne cum hoc vitamus, incurramus errorem, sicut tempore beatæ recordationis domini mei prædecessoris vestri Zosimi, anno consulatus Honorii Augusti XI. & Constantii secundo. Tunc enim, cum declinaretur, ne decimo Kalendas Maii dies Paschæ teneretur, celebratum octauo die Kalendas Aprilis, id est, pro embolismo communis est annus tentus, & error grauissimus est ortus, in tantum, ut ministerio certo, quod dono sancti Spiritus ministratur, hæc veritas probaretur. Quod propterea credidi exponendum, quia locus ipse etiam sancto atque a me venerando fratri meo Libanio diacono notissimus est. Cuius mysterii miraculum tale est: *Quædam vilissima possessio Meltinas appellatur, in montibus arduis ac siluis densissimis constituta, illicque perparua atque vili opere constructa est ecclesia. In cuius baptisterio nocte sacrosancta paschali, baptizandi hora, cum nullus canalis, nulla sit fistula, nec aqua omnino vicina, fons ex se repletur, paucisque qui fuerint consecratis, cum deductorium nullum habeat, ut aqua venerat, ex se descendit.* Tunc ergo (sicut supra diximus) cum sanctæ memoriae domino quondam meo ac beatissimo papa Zosimo, cum apud occidentales error ortus fuisset, consuetis lectionibus nocte sacra discussis, cum presbyter secundum morem baptizandi horam requireret, usque ad lucem aqua non ve-

Concil. Tom. 7.

S ij

niente, non consecrati, qui baptizandi fuerant, recesserunt. Ut ergo breuiter narrem, illa nocte, quæ luce sciebat in diem dominicam, decimo die Kalendas Maii fons sacer hora competenti repletus est. Evidenti ergo miraculo clariuit, occidentalium partium fuisse errorem. Hæc prout potui, vel epistolaris breuitas passa est, iubente apostolatu vestro rescripsi.

EPISTOLA LXIV.

LEONIS PAPÆ I.

AD MARCIANVM AVGVSTVM.

De Pascha.

Leo episcopus, Mariano Augusto.

TAM multis documentis per omnes Christi ecclesias fidem vestræ pietatis innotuit: vt si quid solicitudinum pro communi religione generatur, merito vestrum queratur auxilium. Et quia memor dispensationis mihi credita, neesse habeo curas meas etiam in ea, quæ sunt futura, præmittere: non improbe cupio clementiæ vestræ studiis adiuuari, vt in ea obseruātia, quæ certa semper ratione variatur, nihil possit erroris incurri. Paschale etenim festum, quo sacramentum salutis humanæ maxime continetur, quamuis in primo semper mense celebrandum sit, ita tamen est Lunaris cursus conditione mutabile, vt plerumque sacratissimæ diei ambigua currat electio, & ex hoc fiat plerumque quod non licet, vt non simul omnis ecclesia, quod non nisi unum esse oportet, obseruet. Studuerunt itaque sancti patres occasionem huius erroris auferre, omnem hanc curam Alexandrino episcopo delegates: quoniam apud Ægyptios huius suppurationis antiquitus tradita esse videbatur peritia, per quam, qui annis singulis dies prædictæ solennitatis eueniret, sedi apostolicæ indicaretur, vt huius scripti ad longinquiores ecclesias iudicium generaliter percurreret. Sed sanctæ memoriae Theophilus Alexandrinæ ecclesiæ episcopus, cum huius obseruationis annos centum numero collegisset, septuagesimo sexto paschale festum longe aliter quam alii decreuerant tenendum esse constituit, a primo augustæ memoriae Theodosii senioris consulatu succedentes si-

bi sacræ obseruantiaæ ordines ponens: vt longioris temporis ratio eius literis teneretur adscripta, cuius complexionis septuagesimus & quartus est annus, in qua pridie Idus Aprilis sanctum Pascha celebrauimus: sequenti vero anno pridie Nonas Aprilis eadem, propitio Deo, erit habenda festiuitas, sicut regulariter centenariae annorum rationis ordo declarat. Sed in anno, qui erit septuagesimus sextus, Paschæ dies inuenietur adscriptus, quem a passione Domini nullius exempli, nullius constitutionis admittit auctoritas. Nam diem octauum Kalendarum Maiarum ab eo cognoscimus præfinitum, qui anni limitem antiquitus constitutum excedit: cum alii quinto-decimo Kalendarum Maiarum huic festiuitati deputauerint diem. Siquidem ab undecimo Kalendarum Aprilium, usque in *decimum Kalendarum Maiarum, legitimum spatium sit præfinitum. Intra quod omnium varietatum necessitas concludatur: vt Pascha dominicum, nec prius possimus habere, nec tardius. Quod enim in decimum, & in nonum Kalendarum Maiarum videtur non-nunquam peruenisse festiuitas, quadam ratione defenditur. Quia etsi dies resurrectionis ultra terminum videatur exisse, dies tamen passionis limitem positum non inuenietur egressus. Ad octauum autem Kalendarum Maiarum paschalem obseruantiam perducere, nimis infolens & aperta transgressio est.

Quia ergo in illa, ut dixi, centenaria supputatione Theophili, septuagesimus sextus annus diem Paschæ contra morem ecclesiasticum statuisse monstratur, & non leuiter delinquitur, si in principio sacramenti veritas & unitas ab vniuersali ecclesia non tenetur: obsecro clementiam vestram, ut studium vestrum præstare dignemini, quatenus Ægyptii, vel si qui sunt alii, qui certam huius supputationis videntur habere notitiam, scrupulum huius solitudinis absoluant, ut eum diem generalis obseruantia dirigat, qui nec paternarum constitutionum normam relinquit, nec ultra præfixos terminos euagetur. Quidquid autem pietas vestra de hac consultatione cognoverit, ad meam iubeat mox notitiam peruenire: ut in diuinis mysteriis nulla dissonantiaæ culpa nascatur. Data xvi. Kalendas Iulii, Opilione viro clarissimo consule.

S iij

*undeci-
mum

LEONIS PAPÆ I.

EPISTOLA LXV.

LEONIS PAPÆ I.

AD EVDOCIAM AVGVSTAM.

De Pascha.

*Leo Romanæ & uniuersalis ecclesiæ episcopus, Eudociæ
Augustæ salutem.*

SANCTÆ memoriae Theophilus ad Augustum Theodosium seniorē scribens, per centum annos, a primo prædicti principis consulatu, digessit ordinem diei festi, cuius instructionis septuagesimus quartus nūc annūs euoluitur Opilione consule. Pridie Idus Aprilis celebrata est sacra solennitas, vnde sequenti anno, pridie Nonas Aprilis, eadem festiuitas rationabiliter consequitur. Sed annus, qui erit septuagesimus sextus, memorati episcopi annotationem habere cognoscitur, quæ a totius antiquitatis exemplo, & ab omni auctoritate patrum discordat. Siquidem in octauum Kalendarum Maiarum dominicum Pascha transtulerit, præfinitos antiquitatis limites nimis audenter excedens, cum die quintodecimo Kalendarum Maiarum paschalem solennitatem (sicut cōstituere alii) potuerit annotare. Vnde quia non mediocris mihi solicitude generatur, ne apud Aegyptios hæc persuasio probaretur, ad Christianissimum & clementissimum principem scripta direximus, quibus causam scrupuli diligenter exposui, & suppliciter postulaui, vt operam suam, quemadmodum consuevit, religionis cultui dignanter impendat, vt eos, qui huius suppurationis perfectam videntur habere notitiam, in vnum iubeat conuenire, & diligenter inquirere, ne forte hæc definitio teneatur, & hic excessus, qui prioribus videtur repugnare temporibus, nostræ conniuentiæ, vel negligentiæ deputetur, & fiat in nostris diebus, quod nunquam ante præsumptum est. Quia vero oportet serenitatem tuam curæ istius mecum esse participem, & ne quid tale accidat, præcauere; crebrius religiosissimo & fidelissimo principi dignare suggerere, vt indissimulanter iubeat Aegyptios admonere, ne in summa festiuitatis die, aut dissensione aliqua, aut transgressione peccetur. Quid-

quid autem de hac re diligentius inuestigare solicitude vestra potuerit, cito ad notitiam meam gloriosissimus imperator iubeat peruenire: quia & ad ipsius & ad omnium salutem pertinet, ut Dei cultus nullo errore lœdatur. Data sextodecimo Kalendas Iulii, Opilione viro clarissimo consule.

EPISTOLA LXVI.
LEONIS PAPÆ I.
AD EUDOCIAM AVGVSTAM.

Agit cum ea, ut Palæstinorum monachorum mentes hæretica prauitate pollutas, curet emundari, & si aliquid perfecerit certior fieri cupit.

Leo episcopus, Eudociae Augustæ.

QVANTA mihi catholicæ cura sit fidei, & qua sollicitudine, in quantum Dominus adiuuat, debeat præcaverti, ne vñquam ab imperitis & impiis veritatis euangelio resistatur, pietatem vestram scire non dubito. Et ideo cum salutationis officio, quo semper mihi est vestra orāda clementia, obsecro Dominū, ut me tuam incolumitatem in causa fidei, in qua quorundam intra prouinciam Palæstinam monachorum fuerant corda turbata, magis magisque faciat adiuuare, ut tantum, quod pietatis tuæ studio fieri potest, hæreticæ peruersitati omnis fiducia subtrahatur. Quos enim nec ratio sacramentorum, nec autoritas scriptorum, nec ipsa sacratorum locorum testimonia commouebant, quid eis nisi abruptum periculum timeretur? Profit ergo ecclesiis, sicut (fauente Deo) & prodest, & profit generi humano, in verbis Dei vestram ibi esse voluntatem, vbi Dominum nostrum Iesum Christum vobis sicut verum Deum, & verum quoque hominem, in vnitate personæ, & mirabilium indicia, & passionum documenta, loquuntur. Si ergo prædicti nomen catholicum venerantur & diligunt, & inter Domini corpus se volunt membra nominari, prauos errores, quos temere admiserant, detestentur, & agant pœnitentiam impiorum blasphemiarum, cruentorumque factorum. Succumbant pro salute animarum suarum synodalibus, quæ

in ciuitate Calchedonensi sunt confirmata, Decretis. Et quia ad intelligendum sacramentum salutis humanæ, nisi fides vera, & humilitas quieta non peruenit, credant in euangeliō, quod confitentur in symbolo, nec impiis dogmatibus misceantur. Fides enim catholica sicut damnat Nestorium, qui in vno Domino nostro Iesu Christo duas ausus est prædicare personas, ita damnat etiam Eutychen cum Dioscoro, quod ab vnigenito Deo Verbo negat in vtero Virginis matris veritatem carnis humanæ suscep-tam. Si quid autem erga prædictorum conuer-sionem exhortatio vestra profecerit, quod gloriam vobis præsta-bit æternam, peto hoc mihi clementiæ vestræ literis indi-cetis, vt & in vobis boni operis fructum, * & illis gaudeam ^{* & in} misericordiam Domini non periisse. Data septimo Kalen-das Iulii, Opilione viro clarissimo consule.

EPISTOLA LXVII.
LEONIS PAPÆ I.
AD IVLIANVM EPISCOPVM COENSEM.

Vult de statu fidei admoneri, & Canones obseruari.

Leo episcopus, Iuliano Coensi episcopo.

FREVENTISSIME * dilectionem tuam ad hanc cu-
ram & diligentiam meis sum literis exhortatus, vt de his, quæ circa fidem aguntur, solicitudinem meam indefi-nenter instrueres. Et cum omnibus occasionibus scribere non quiescam, quibusdam tamen scriptis meis, id est, per filium nostrum Rodanum, domesticum filii nostri viri illustrissimi Asparatii datis, nullum responsum tuæ frater-nitatis accepi: tamquam ratio temporis non habuerit, vt quid post mea scripta sit gestum, potueris indicare. Et ideo per filium meum Rodanum his literis te saluto: & vt opportunitatem scribendi non negligas, in quo quæstus solicitudinis meæ releuatur, admoneo. Cum enim in te quamdam mei Constantinopolitani habeant portionem, dignum pro communi amicitia est, & pro totius ecclesiæ dilectione, incessabili te vigore prospicere: ne quid possit de statu fidei me latere. Quæ ergo per prædictos, vel ad glorio-

gloriosissimum principem, vel ad tuam dilectionem scripsi, ut celerrime tradantur effectui, opportunis suggestiōnibus elabora. Et quidquid fuerit Deo auxiliante dispositum, scire me facito: ut perduētis in effectum his quæ rationabiliter ordinata sunt, pax fidei, Canonumque custodia & securior vbiue habeatur & fortior. Data septimo Kalendas Iulii, Opilione viro clarissimo consule.

EPISTOLA LXVIII.

LEONIS PAPÆ I.
AD IVLIANVM EPISCOPVM.

Lætatur imperatoris opera Hierosolymitanum episcopum receptum, monachos Augustæ auctoritate ad fidei sanitatem reuocatos, & ab Alexandrino episcopo literas fidei suæ testes accepisse, & aliqua de Paschatis celebratione. Gratulatur Aetium presbyterum examine purgatum: demum subdit se literas accepisse ab imperatore quibus Anatolium sibi commendabat.

Leo urbis Romæ episcopus, Iuliano episcopo.

CHRISTIANISSIMI principis fidem saepe euidentissimis probauimus documentis, ac de nostro gratias ago, qui talem dignatus est rebus humanis concedere pro sua pietate rectorem; qui fidei causas & reipublica summae vigilantiæ studio tueretur, hæreticorum ausib⁹ semper obſistens, & nihil eorum insaniae aduersum catholiceam fidem licere permittens: cuius post Deum beneficiis hoc debetur, quod Hierosolymitanus episcopus est recepitus, & monachos, quos perfidia hæreticæ falsitatis inuaserat, ad sanitatem Augusta auctoritas reuocauit. Mox itaque, ut accepi epistolæ tuas, talia continentæ, non solum eadem die, sed prope eadem hora responsum redire maturaui, ut certior de omnibus quæ scriferas redideris. Fratrem Proterium Alexandrinæ urbis episcopum gratulor satisfactionis plenas de fide sua ad nos literas direxisse, & manifeste, quidnam teneat, indicasse; cui me dignam gratiam pro fidei ipsius sinceritate necesse est præstare, ut honorem in nullo suæ perdat ecclesiæ, sed sedis suæ priuilegia, paternæ antiquitatis exemplo, iuxta

Concil. Tom. 7.

Anno Christi 456. qui
fuit annus
pontificatus S. Leo-
nis 15. fuit
scripta hæc
epistola, si-
militer &
4. sequen-
tes.

De hoc S.
Proterio
vide Nicæ-
phorus
lib. 15. cap.
16.

T

Canonum illibata iura possideat. De præsentis anni Pa-scha nulla dubitatio esse nobis potuit, sed de futuro, quod Theophilus Alexandrinæ vrbis episcopus, nono Kalen-darum Maiarum die, quod nunquam ita a tempore do-minicæ resurrectionis celebratum est, credidit adscriben-dum. Vnde sollicitius congruit hoc requiri, vt omnis oc-casio tollatur erroris. Nam in nostris annalibus Kalenda-rum Maiarum die aptissime a patribus nostris & constitu-tus legitur & celebratus. Ac ne vel apud nos, vel apud o-rientales nascatur ex hac parte diuersitas, hoc instantius nostro nomine cū Christianissimo principe ageretua di-gnetur dilectio, quamuis & ipse clementissimus princeps se inquisitione sollicitissima curam hanc Ægyptiis dele-gasse, suis epistolis dignatus sit indicare. Epistolam sane meam ad Calchedonensem Synodus datam præsenti-bus episcopis & clericis lectam fuisse tuis epistolis retuli-sti: sed vsque ad illud capitulum quo ea quæ de fide acta sunt meus videtur firmasse consensus. Vnde miratus sum, quod reliqua quæ secuta fuerunt, non pariter in notitiam eorum, quibus sunt lecta, prolata sint: cum maxime om-nibus innotescere debuisset, improbum a nobis ambitum notatum fuisse, ne nouis usurpationibus constituta in-uiolata (vt semper scripsimus) seruarentur. Aetium pre-sbyterum, quem asseris fuisse discussum, gratulamur, co-gnitione habita, in omnibus fuisse purgatum. Epistolam quoque ad Christianissimum principem noueris me mi-fisse: in qua illi gratias egi, quia curam mihi suam, tam pro fidei causa, quam pro securitate reipublicæ dignatus est indicare. Aliam quoque ad nos epistolam dedit, inter-ueniens pro Anatolio episcopo, vt nostri illi animi gratia præbeatur, quoniam correctionem eius promittit, & in omnibus se satisfacturum esse, quæ ad fidei obseruantiam pertinent, pollicetur. Data quinto Idus Ianuarii, Aetio & Studio viris clarissimis consulibus.

EPISTOLA LXIX.
 LEONIS PAPÆ I.
 AD MARCIANVM AVGVSTVM.

Alexandrinum episcopum sibi ab imperatore commendatum summa ostendit laude dignum, dum suam ad Flauianum epistolam profitetur. Talem epistolam, ad hæreticorum nequitiam retundendam, rogat ut in Græcum sermonem fideliter iubeat transferri, suo annulo muniri, & sic ad Alexandrinos transmitti.

Leo episcopus Marciano Augusto.

PVRITATEM fidei Christianæ, qua clementia vestra præfulget, etiam his literis, quas frater & coepiscopus meus Nestorianus detulit, demonstrasti; iustissime fratri meo Proterio Alexandrinæ vrbis antistiti impendentes fauorem, quo mihi per omnia esset acceptior. Nam cui vestra pietas testimonium perhibere dignatur, indubitanter esset probandus, etiamsi taceret. Sed accedit ad gratiam, quod proprio quoq; sermone cognoscatur, & quam sincerus sit catholici dogmatis prædicator, ipsius professione clarescat. Vnde plenissimo affectu dilectionē orthodoxi fratris amplector, & Deo gratias ago, quod amoto eo qui euangelio Christi voluit contraire, & a sanctorum patrum intelligentia dissentire, talem prospexit Alexandrinæ ecclesiæ sacerdotem, qui præcedentibus rectoribus & fide concordaret & vita. Nam cum amplecti se epistolam meam, quam ad beatæ memorie Flauianum contra Eutychen impium misi, toto corde profitetur, quid aliud, quam apostolorum se discipulum ostendit? quoniam doctrina veritatis in lumine suo permanet, & non potest esse diuersum, quod vnum est atque diuinum. Rescripsi itaque prædicto fratri quod debui: atque in sancto studio vt perseveraret admonui. Qui sine dubio constantior erit, si etiam clementiæ vestræ cohortationibus adiuuetur. Nec in aliquo eum terreat quorundam imperita dissensio, quos paucorum hæreticorum instigationibus ignorantia facit obnoxios. Quod sua ergo negligentia assequi nequeunt, opportune eorum insinuetur au-

Concil. Tom. 7.

T ij

ditui. Et ne^{*} memoratis noua inferre, & propria videatur
 adstruere; venerabilium patrum, qui eidem ecclesiæ præ-
 fuerunt, scripta relegantur: & quid B. Athanasius, quid
 Theophilus, quid Cyrillus, quid etiam orientales magi-
 stri de incarnatione Domini senserint, recognoscant. Nec
 repullulantibus decipientur erroribus, qui olim euāgelici
 sermonis sunt virtute prostrati. Quoniam omnes fere hæ-
 reses, quæ diuersis temporibus extiterunt, dum sacra-
 mentum corporeæ natuitatis, & passionis, ac resurrectionis
 Christi non intelligunt, ab euangelio deuiarūt. Et pos-
 semus minus laborare in hæreticis repellendis, si rudes a-
 nimos ipsa non turbarent mendacia, quæ peremit antiquitas. Sed nunc (vt dixi) hic docendi optimus modus est,
 vt paternorum sensuum linea Alexandrinæ plebis & cle-
 ri auribus innotescat: ac si qui sunt qui nostra scripta
 despiciant, illis saltem, qui nobiscum apostolicis sensibus
 congruunt, acquiescant. In quo opere multum consacer-
 dotis nostri deuotione gaudebo, & semper ipsius vna-
 mitate lætabor: quia fraterna pax non nisi vna fidei con-
 fessione seruatur. Quia vero quorundam hæreticorum
 versuta nequitia, ad conturbandam aliorum simplicitatem,
 epistolam meam, quam ad beatæ memoriæ Fla-
 uianum dedi, falsasse perhibetur, vt commutatis qui-
 busdam literis vel syllabis receptorem me Nestoriani
 erroris assereret; obsecro venerabilem clementiam ve-
 stram, vt eamdem epistolam per fratrem meum Julianum
 episcopum, vel eos, quos idoneos ad hoc opus pie-
 tas vestra delegerit, in Græcum sermonem iubeatis inte-
 gre diligenterque translatam, per idoneum latorem sub
 vestri signaculi impressione deferri, tradendam iudici-
 bus Alexandrinis, qui eam clero & plebi ipsius ciuitatis,
 cum prædictorum episcoporum prædicationibus, qui &
 meo scripto consentiunt, faciant recitari: vt agnoscant se
 fallacium hominum fraude ulterius decipi non debere,
 & probentur apostolicæ sedis sinceri esse discipuli, apud
 quam nec Eutyches nec Nestorius ullum obtinent locum: quia sicut alios hæreticos, ita & istos ecclesia vniuer-
 salis damnauit. Data quinto Idus Martii, Aetio & Studio
 viris clarissimis consulibus.

EPISTOLA LXX.

LEONIS PAPÆ I.

AD MARCIANVM AVGUSTVM.

Scribit de exilio Eutychetis, vt ad secretiora loca eum transferret, quia vbi positus erat, adhuc praua docebat.

Leo episcopus Marciano Augusto.

Quod s̄epissime multa iam experimenta docuerunt.
Vide reliquum in Concilio Calchedonensi, parte 3. num. 18.

EPISTOLA LXXI.

LEONIS PAPÆ I.

AD ANATOLIVM EPISCOPVM

PER NECTARIVM AGENTEM IN REBUS DIRECTA.

Reddit rationem cur ei literas dederit, mox tanto temporis spatio silentio vsus sit: approbat nonnulla ab eodem gesta, hortaturque vt ambitionem temperet, & Nicæni Concilii Canones seruet.

Leo episcopus Anatolio episcopo.

Si firmo incommutabilique proposito, dilectio tua cum gratia communis habuisset; nihil profecto, quod ullam anxietatem tibi ingereret, extitisset. Non enim sinebat ratio, vt eius caritatem spernerem quem amore pacis, & studio reparandæ catholicæ fidei inter ipsa episcopatus rudimenta iuuissimus, optans in ecclesiasticis curis talem habere consortem: vt mihi de sanctis prædecessoribus tuis, nec Ioannis spiritualem copiosamque doctrinam, nec auctoritatem Attici, nec industriam Procli, nec fidem beati Flauiani deesse sentirem: & ita studiis tuis vterer, vt nullus auderet, vel fidei catholicæ resultare, vel Nicænis venerabilium patrum regulis contraire. Sed cum iniuriam Canonum (vt agnoscis) illa tentata sunt, quæ omnibus ecclesiis scandalum maximum generarent, quid aptius ac modestius facerem, quam vt te primum, vt ab hac intentione discederes, fraterno animo, missis literis,

T iii

admonerem? Ad quas cum non rescriberes, ipse te a colloquii mei confortio separasti. Denique inde iam tacui, sed clementissimo principi, custodi fidei, frequenti literarum petitione, suggesisti, ut pro pace ecclesiarum, quam tibi maxime prodesse cognoscis, hæc quæ nunc a tua dilectione facta sunt implerentur. Cui ineffabiles gratias ago, quod secundum eruditionem Spiritus sancti, cuius est virtute plenissimus, sacerdotali dignatur studere concordia, sciens sibi orationes supplicantium copiosius profuturas, si famuli vnius Domini in nullo sint a veræ pacis unitate diuisi.

Quod ergo in Constantinopolitana ecclesia quædam in officiis clericorum correcta significas, ut & Aetium presbyterum in gratiam tuam affectionemque reuocaueris, & Andream archidiaconi actione submoueris, nobis placuisse rescribo: quia estimationem tuam (ut optabam) plurimum erigit atque commendat. Et merito post correctionem in obliuionem deducitur, quod reprehensioni obnoxium videbatur, cum hæreticorum prouectione, & sanctæ memoria Flauiani iniuria grauareris, quæ nunc simul ab omni offensione, cum tui (ut volui) laude cessarunt: quia in ordinem suum, quæ fuerant turbata, redierunt. Andream sane, qui rationabiliter archidiaconi est priuatus officio, & Euphratam, qui sanctæ memoria Flauiani (ut comperi) improbus extitit accusator, si professionibus plenissime scriptis non minus Eutychianam hæresim, quam Nestorianum execrabile dogma condemnant, quoniam venia est præstanda correctis, presbiteros consecrabis, ut sibi remedium catholicæ fidei sentiant profuisse, electo primitus & probato qui archidiaconi officium possit implere, id est, quem nulla vñquam prædictarum impietatum fama resperserit. Ceteri vero, quos par reatus inuoluerat, si veniam simil professione cum satisfactione depositunt, suis ordinibus reformentur: his tantum ad officiorum primatum admissis, quos ab omni errore liberos fuisse constiterit.

Illam autem culpam, quam de augenda potestate, aliena (ut asseris) adhortatione contraxeras, efficacius atque sincerius tua caritas diluisset, si quod tentari sine tua voluntate non potuit, non ad sola clericorum consilia

translatisse : quia sicut in mala suasione delinquitur , ita & in mala confessione peccatur. Sed gratum mihi (frater carissime) est, quod dilectio tua id profitetur sibi discipuli, quod tunc etiam placere non debuit. Sufficit in gratiæ communis regressum professio dilectionis tuæ , & attestatio principis Christiani. Nec videtur tarda correctio , cui tam venerabilis assertor accessit. Abiiciatur penitus inconcessi iuris , qui dissensionem fecerat, appetitus. Sufficiant limites, quos sanctorum patrum prouidentissima Decreta posuerunt. Ut quieta sit suis meritis & antiquis priuilegiis dignitas omnium sacerdotum, renouetur & maneat in te dominicæ caritatis affectio : ad quam dilectionem tuam saepius cohortatus sum cum fratre & coepiscopo nostro Iuliano , qui communem gratiam semper optauit: cuius industria & solicitudines tuæ reueabuntur, & fides catholica munietur. Super omnia autem fraternalia caritate hortor & moneo , vt ea quæ ad gloriæ vel ad munimen pertinent sacerdotalis officii, Nicænorum Canonum vniuersalis ecclesiæ pacem seruantia Decreta custodias. Sic enim inter domini sacerdotes inuiolata caritas permanebit, si paribus studiis , quæ sunt a sanctis patribus constituta, seruentur. Data quarto Kalendas Iunii, Aetio & Studio viris clarissimis consulibus.

EPISTOLA LXXII.

LEONIS PAPÆ I.

AD IVVENALEM HIEROSOLYMITANVM

EPISCOPVM.

Hic Flauianum episcopum condemnauerat , & Euthymetis errores admiserat: nunc cum illum poenituisse, illi gratulatur , & particulam crucis cum eulogiis ab eo missam accepisse scribit.

Leo urbis Romæ episcopus, Iuuenali episcopo Hierosolymitano.

ACCEPTIS dilectionis tuæ literis, quas ad me filii nostri Andreas presbyter & Petrus diaconus detulerunt, gauisus equidem sum, quod tibi ad episcopatus tui sedem redire licuisset: sed confluentibus in recordatione omnibus causis quæ te per quosdam excessus laborare fe-

cerunt, dolui aduersitatum tuarum temetipsum tibi fuisse materiam, & resistendi hæreticis perdidisse constantiam, qui æstimant non esse tibi liberum ut eos audeas redarguere, quos tibi professus sis in suo errore placuisse. Beatae enim memoriae Flauiani condénatio, & impiissimi Eutychetis receptio, quid nisi Domini nostri Iesu Christi secundum carnem negatio fuit? quam ipse grandi misericordia sua fecit resolui, cum detestandum illud Ephesinæ Synodi iudicium ita sancta Calchedonensis Concilii auctoritate destruxit, ut nullum deprauatorum a remedio correctionis arceret. Vnde quia in tempore indulgentiæ resipiscentiam magis quam pertinaciam delegisti, ita gaudeo te cælestem expetisse medicinam, ut fidei ab hæreticis impugnatae, tandem possis esse defensor. Quamuis enim nulli sacerdotum liceat nescire quod prædicat, quoniam *qui ignorat, ignorabitur*, inexcusabilior tamen est omnibus imperitis quilibet Hierosolymis habitans Christianus, qui ad cognoscendam virtutem euangelii, non solum paginarum eloquiis, sed ipsorum locorum testimoniis eruditur. Et quod alibi non licet non credi, ibi non potest non videri. *Quid laborat intellectus, vbi est magister aspectus? Et cur lecta velaudita sunt dubia, vbi se & visui & tactui tot humanæ salutis ingerunt sacramenta?* Quasi ad singulos quosque cunctantes Dominus adhuc voce corporea vtatur, & dicat: *Quid turbati estis, & quare cogitationes ascendunt in corda vestra? Videte manus meas & pedes meos, quia ego ipsum habeo. Palpate & videte, quia spiritus offa & carnem non habet, sicut me videtis habere.*

1. Cor. 14.

Luc. 24.

Vtere igitur, frater carissime, inuictissimis catholicæ fidei documentis, & euangelistarum prædicationem sanctorum locorum, in quibus degis, testificatione defende. Apud te est Bethlehem, in qua salutifer Dauidicæ Virginis partus illuxit, quem obuolutum pannis inter angustias diuersorii præsepe suscepit. Apud te est declarata ab angelis, adorata a magis, & per multorum infantium mortes ab Herode quæsita saluatoris infantia. Apud te est, vbi pueritia eius adoleuit, vbi adolescentia maturuit, & per omnia incrementa corporea in virum perfectum veri hominis natura profecit, non sine cibo esuritionis, non sine somno quietis, non sine fletu miserationis, nec sine pa-

uore

uore formidinis. Vnus enim atque idem est, qui & in Dei forma operatus est miracula magna virtutis, & in forma serui subiit fæuitiam passionis. Hoc tibi ipsa crux indeſi-
nenter loquitur, hoc lapis clamat sepulcri, in quo Do-
minus humana conditione iacuit, & de quo diuina poten-
tia resurrexit. Et cum ad montem Oliueti, locum ascen-
ſionis veneraturus, accedis, nonne illa vox angelica in
tuo resultat auditu, qua eleuationem Domini ſtupenti-
bus dicitur: *Viri Galilæi, quid statis aspicientes in cælum? hic Aa. 1.*
Iesus qui aſſumptus est a vobis in cælum ſic veniet, quemadmodum
vidiſſis eum euntem in cælum.

Veram igitur Christi generationem crux vera confir-
mat, quoniam ipſe in noſtra carne naſcitur, qui in no-
ſtra crucifigitur, quæ nullo interueniente peccato, niſi
fuiffet noſtri generis, non potuiffet eſſe mortalis. Vt au-
tem repararet omnium vitam, recepit omnium causam,
& vim veteris chirographi, quod ſolus inter omnes *Rom. 5.*
non debuit, pro omnibus ſoluendo vacuauit: vt ſicut per
vniuſ reatum omnes facti fuerant peccatores, ita per v-
niuſ innocentiam omnes fierent innocentes; inde in ho-
mines manante iuſtitia, vbi eſt humana fuſcepta natura.
Nulla enim ratione extra noſtri eſt corporis veritatem,
de quo euangelista prædicationem inchoans dicit: *Liber Aa. 1.*
generationis Iesu Christi filij David, filij Abraham. Et qui Sa-
maritanæ mulieri protestatur, *quoniam ſalus ex Iudeis eſt,* *Ian. 4.*
beati Pauli apostoli conſonante doctrina, cum dicit: *Quo- Röm. 9.*
rum patres, & ex quibus Christus ſecundum carnem, qui eſt ſuper
omnia Deus benedictus in ſæcula. Itemque ad Timotheum:
Memento, inquit, Iesum Christum resurrexiſſe a mortuis, ex fe- 2. Tim. 2.
mine David ſecundum carnem.

Hæc autem veritas quantis & noui & veteris testamen-
ti auētoritatibus declaretur, pro antiquitate ſacerdotii tui
euidenter agnoscis, cum fides patrum & ſcripta mea ad
sanctæ memoriae Flauianum data, quorum mentionem
ipſe fecisti, adiecta vniuersalis Synodi confirmatione ſuf-
ficiant. Vnde proſpicere oportet dilectionē tuam, ne con-
tra redēptionis ac ſpeī noſtræ ineffabile ſacramentum
vllus obmurniuret. Sed ſi qui ſunt, qui adhuc aut ignoran-
tia caligant, aut peruerſitate discordant, eorum quorum
in ecclesia Dei apostolica fuit & eſt clara doctrina, au-

Concil. Tom. 7.

V

ctoritatibus instruantur, & de incarnatione Verbi Dei hoc nos credere, quod illi credidere, cognoscant: neque se extra corpus Christi, in quo commortui, & conresuscitati sumus, sua obduratione constituant: quia nec pietas fidei, nec ratio suscipit sacramenti, vt aut in sua essentia passibilis fuerit deitas, aut in nostræ naturæ susceptione mentita sit veritas. Particulam dominicæ crucis cum eu- logiis dilectionis vestræ veneranter accepi. Data pridie Nonas Septembris, Aetio & Studio viris clarissimis consulibus.

EPISTOLA LXXIII.

LEONIS PAPÆ I.

AD LEONEM AVGVSTVM.

Rogat ut Decreta Concilii Calchedonensis in Alexandrina vrbe, in qua vexari catholicos Anatolius scripserrat, seruari, & in ea vrbe catholicum episcopum eligi curet.

Leo Romæ episcopus Leoni semper Augusto.

Anno Chri-
sti 459, qui
fuit annus
pontifica-
tus S. Leo-
nis 18. scri-
pta est hac
epistola &
s. legentes.

OFFICII, quæ ad gratulationem imperii vestri pertin-
tent, persolutis, etiam hanc paginam necessariæ sup-
plicationis adieci: qua catholicæ fidei diuinitus præpara-
tum fauoris vestri posco præsidium. Nam talia in Alexan-
drina ecclesia perpetrata, fratris & coepiscopi mei Anato-
lli relatione cognoui, vt omnis Christiana religio sentiat
se impeti atque violari, nisi vniuersali fidei vestra devo-
tione prospiciatur, & memoratæ ecclesiæ, quæ antea ca-
tholicis fuit clara doctoribus, reddatur Christiana liber-
tas, vt cessantibus hæreticorū impugnationibus, euangeli-
ca doctrina, quæ illic ante Diocorum viguit, vnta cum
totius ecclesiæ pace reparetur. Quod opus virtutibus ve-
stris, gloriæque conueniens, celerem & Deo placitum
habebit effectum, si apud sanctam Calchedonensem Sy-
nodum de Domini Christi incarnatione firmata, nulla
permiseritis retractatione pulsari: quia in illo Concilio
per Spiritum sanctum congregato, tam plenis atque per-
fectis diffinitionibus cuncta firmata sunt, vt nihil ei regu-
la, quæ ex diuina inspiratione prolata est, aut addi pos-
sit aut minui. Hoc autem etiam apud clementiæ vestræ
scientiam non ambigimus esse perspicuum, siquidem

(vt multorum ante relatione comperimus) molitiones hæreticorum, quæ contra prædictæ Synodi auctoritatem conabantur assurgere, nihil ex hoc permiseritis audere. Vnde quod negandum illis sponte vidistis, gloriosum vobis est vniuersali ecclesiæ me supplicante concedere, & incommutabiliter perpetuoque præstare, vt quæ secundum euangelium Christi & prædicationis euangeliæ veritatem omnibus retro sæculis, vna fide, vnaque intelligentia roborata sunt, nulla ulterius possint actione conuelli. Prout ergo misericordia Dei consilio spiritus sui mentem vestræ pietatis instruxerit, sanctæ primitus Alexandrinæ ecclesiæ pacis reparacioni consulite, & per catholicos sacerdotes talem prouideri iubete pontificem, in quo & in actuum probitate, & in fidei perfectione nihil possit reprehensibile reperiri, vt omnibus rite compotitis, eadem ubique seruetur prædicatio veritatis. Data quinto Idus Iunii, Constantino & Rufo viris clarissimis consulibus.

PISTOLA LXXIV.

LEONIS PAPÆ I.

AD LEONEM AVGUSTVM.

Illi gratulatur quod Calchedonensis Concilii se custodem profiteatur; vtque hæreticos insecatetur, adhortatur.

Leo episcopus Romæ Leoni semper Augusto.

LICET proxime ad clementiam vestram gemina scripta direxerim, quorum vnum debitum salutationis impleret, aliud pro statu ecclesiæ supplicaret, tamen occasione, quæ Deo prouidente se præbuit, iterari utrumque conuenit. Secundum ergo fiduciam illam, quam ex Dei inspiratione vniuersali ecclesiæ præstis, ante cuiusquam preces constituendo quod maxime ab omnibus fuerat expetendum, non desinimus gratias agere, & prouidentiam Dei in fidei vestræ feruore benedicere, quis sancto & catholico spiritu, sicut fratri & coepiscopi mei Anatolii sermone cognoui, ita hæreticorum impudentiæ restitistis, vt profiteremini, ad totius mundi pacem, Calchedonensis

Concil. Tom. 7.

V ij

Synodi vos esse custodem. Quod cum ex vestræ fidei sententia saluberrime diffinitum sit, quanto studiosius vniuersali ecclesiæ est conferendum, vt tranquillitas fidei Christianæ etiam vestro prospicte imperio, nec improbitas hæretica in aliquo suo molimine glorietur? cuius pertinax infidiosa contentio illico conquiescat, si imperiali potestate frenetur. Data Kalendis Septembris, Constantino & Rufo viris clarissimis consulibus.

EPISTOLA LXXV.

LEONIS PAPÆ I.

AD EVMDEM LEONEM AVGVSTVM.

Quæ duo a se imperator postulauerat, vt scilicet Constantinopolim se conferret, & Calchedonensis Concilii Decreta damnaret, ea utraque a se ratione denegari demonstrat: hortaturque ad hæreticorum ausus reprehendos, & Alexandrinæ ecclesiæ reformationem.

Leo episcopus, Leoni Augusto.

LITERAS clementiæ tuæ plenas virtute fidei & lumine veritatis veneranter accepi. *Vide reliquum in Concilio Calchedonensi, parte 3. numero 25.*

EPISTOLA LXXVI.

LEONIS PAPÆ I.

AD ANATOLIVM EPISCOPVM
CONSTANTINOPOLITANVM.

Quæ ab illo de Constantinopolitanæ ecclesiæ statu acceperebat, se imperatori scripsisse docet; vtque hæreticam prauitatem, quæ inter suos clericos serpebat, exterminet, & imperatorem obsecrat, vt hæreticorum machinas destruat.

Leo episcopus, Anatolio episcopo.

DILIGENTIAM necessariæ sollicitudinis, quam fraternitas tua in dirigendis ad nos literis exequitur, approbamus, & acceptis per filium nostrum Olympiū paginis tuis

sacerdotalem in te curam vigere sentimus: cui nos quoque (quantum Dominus dat posse) non desumus, exorantes dilectionem tuam , vt quia tempus laboris incidi mus, in sancta vigilantia perseueres, donec *dextera Domini faciat virtutem*, & sub pedibus ecclesiæ suæ conterat tentatorem. Consolatur etenim nos per omnia præparata diuinitus clementissimi principis fides, quem meo rursus, sicut oportuit, sum cohortatus alloquio : vt impiissimum latronum ausibus, distictiore constantia faciat obuiari : quos nefas est tantum de suo fauore præsumere , vt etiam apud Constantinopolim audeant insanire. Sed hoc eis ideo diuinæ prouidentiæ ratione permittitur, vt magis ac magis quo spiritu agitentur, appareat : ne dubitari possit, in quantam essent audaciam prorupturi, si post damnationem impiissimæ hæresis, disceptandi contra fidem acciperent potestatem, vt quantum in ipsis est, latius hoc furore sœuiren̄t, quem fratres & coepiscopi nostri, qui ad nos nuper ex Ægypti partibus confugere, se pertulisse deplorant: quibus & a Christianissimo principe, & a tuæ fraternitatis Deo placita caritate solatia pietatis impendi non ambigerem, etiamsi ipse non scriberes. Opportunum autem credidi, vt ad ipsos quoque scripta dirigerem, quæ illos possint in communis fidei proposito roborare, & quid pro patientia sua superna remuneratione mereantur, agnoscerent, sicut beatus Apostolus docet, dicens : *Excipite itaque illos cum gaudio in Domino, & buiusmodi cum honore habete, quoniam propter fidem Christi usque ad mortem accesserunt.* Illud sane plurimum mihi displicere significo, quod inter dilectionis tuæ clericos quidam esse dicuntur, qui aduersariorum conniveant prauitati, & vasa iræ vasis misericordiæ misceantur. Quibus inuestigandis, & seueritate congrua coercendis debet diligentia tua vigilanter insistere: ita vt his, quibus prodesse non potuerit correctione, non parcat abscisio. Oportet etenim nos euangelici meminisse mandati, quod ab ipsa veritate præcipitur, vt si nos oculus, aut pes, aut dextera scandalizauerit manus, a compage corporis auferatur: quia melius sit his in ecclesia carere membris, quam cum ipsis in alterna ire supplicia. Nam superfluo extra ecclesiam positis resistimus, si ab his qui intus sunt, in eis quos decipiunt, vulnera-

*Matth. 18.
Marc. 9.*

mur. Abiicienda prorsus pestifera hæc a sacerdotali vigore patientia est, quæ fibimet peccatis aliorum parcendo non parcit. Sicut Heli quondam sacerdos filiorum suorum delicta tolerando, cum ipsis diuinæ iustitiæ sententiam meruit experiri, quia segni indulgentia dissimulauit plectere peccatores. Quantum itaque opportunitas inuitat officii, religiosissimum principem dilectio tua studeat frequentare, & non solum regiam, sed & sacerdotalem ipsius mentem precibus meis obsecrare persiste: vt memor communis fidei, quam Spiritu sancto docente suscepimus, omnia hæreticorum machinamenta confringat, neque quidquam illis in ecclesiis Christi licere patiatur; ne in eorum potestate sint diuina mysteria, quibus in domo Dei, pro scelerum suorum magnitudine, nec habitandi ius residet, nec orandi. Data * pridie Idus Octobris, * quinto Constantino & Rufo viris clarissimis consulibus.

EPISTOLA LXXVII.

LEONIS PAPÆ I.

AD ANATOLIVM EPISCOPVM
PER PATRICIVM DIACONEM MISSA.

Cum ægre tulisset Anatolius quod ab ipso de cauendis hæreticis fuisset admonitus, ratione id fieri debuisse demonstrat: cumque Atticus presbyter non recte Eutychetis errorem fuisset detestatus, formam detestationis mittit.

Leo episcopus Anatolio episcopo.

Anno Chri-
sti 460. qui
fuit annus
pontifica-
tus S. Leo-
nis 20. facti-
pra fuit hæc
epistola &
2. seque-
tes.

LEKTIS dilectionis tuæ literis, quas per filium nostrum Patricium diaconem direxisti, intellexi tibi studium meæ sollicitudinis displicere: qua, secundum dominicam caritatem, quam tibi a nobis impendi experimentis plurimis approbasti, de cauendis his, qui communis fidei aduersarii dicerentur admonui, ne ad negligentiam rectoris referretur, si quisquam in ecclesia catholica ea prædicare præsumeret, quæ hæreticorum sensibus conuenient. Quod vtrum veraciter fama iactaret, dilectionis tuæ inquirendum iudicio delegavi. Neque in aliquo honorem tuum læsi, cui discutienda ea, quæ ad me erant per-

lata, commisi: ut scilicet Atticus presbyter, quem talia audere cognoueram, nisi perfecta se satisfactione purgasset, & non solum voce haereticos, sed etiam propriæ manus subscriptione damnasset, a communionis gratia esset alienus. Qui scripta mittendo dubia fidei & professionis incertæ, confirmauit magis, quam diluit, quidquid ad nos de eo fama pertulerat: cum si conscientiam suam voluisse probare sinceram, non Eutychem sibi odiosum fuisse, sed quod perfidiam ipsius reprobaret atque damnaret, debuit confiteri: quia aliud sunt humanæ, etiam inter catholicos, similitates, aliud diabolici, quos fides catholica damnat, errores. Et ideo, frater carissime, in nullo debes de nostra dilectione dubitare, si Prophetæ exemplum sequaris, & dicas: *Nonne, qui te oderunt Domine,* psal. 138. *oderam illos, & super inimicos tuos tabesceram?* Per omnia enim volo te esse certissimum, quod sicut meam existimationem illæsam cupio permanere, ita opto te quoque in omnibus irreprehensibilem reperiri. Prædictus autem Atticus, ut ab omni suspitione contraria liber appareat, quid in Eutychete anathematizet, ac damnet, euidenter ostendat, & in damnationem erroris expressi, remota omni dubitatione, subscribat: ita ut Calchedonensis symboli definitionem de fide, cui etiam dilectio tua subscribendo consensit, & quam apostolicæ sedis firmavit auctoritas, profiteatur se per omnia seruaturum, adiecta subscriptione propriæ manus, quæ in ecclesia Christiano populo præsente recitetur: ut pro catholica fide, neque nos negligentes, neque ipse ultra suspectus habeatur. Qui si in eadem prauitate perdurans, præceptis salubribus parere noluerit; sententiam Synodi Calchedonensis, cuius definitionibus resultat, excipiat. Data quintodecimo Kalendas Aprilis, Leone & Maiorano Augustis consulibus.

EPISTOLA LXXVIII.

LEONIS PAPÆ I.

AD LEONEM AVGUSTVM PER PHILONEM

IN REBUS AGENTEM DIRECTA.

Laudat imperatoris integritatem, & fidei catholicæ sinceritatem: rogat ne permittat ea conuelli ab hæreticis, quæ a Nicæna & Calchedonenfi Synodis fuere firmata, & legatos se ad eum missurum spondet.

Leo episcopus Leoni Augusto.

MVLT O gaudio mens mea exultat in Domino, & magna mihi est ratio gloriandi, cum clementia vestræ excellentissimam fidem augeri per omnia donis gratiæ cælestis agnosco: & per incrementa diligentia deuotionem in vobis animi sacerdotalis experior. Nam in vestræ pietatis alloquiis non dubie patet, quid per vos in totius ecclesiæ salutem Spiritus sanctus operetur, & quantum vniuersorum fidelium precibus sit optandum, vt in omnem gloriam vestrum extendatur imperium, qui supra curam rerum temporalium, religiosæ prouidentiæ famulatum diuinis & æternis dispositionibus perseveranter impenditis: vt scilicet catholicæ fides, quæ humanum genus sola viuificat, sola sanctificat, in una confessione permaneat, & dissensiones, quæ de terrenarum opinionum varietate nascuntur, a soliditate illius petræ, supra quam ciuitas Dei ædificatur, abigantur. Hæc autem Dei munera ita demum nobis diuinitus conferentur, si de his, quæ sunt præstata, non inueniamur ingrat: & tamquam nulla sint, quæ adepti sumus, contraria potius expetamus. Nam quæ patefacta sunt querere, quæ perfecta sunt retractare, & quæ sunt diffinita conuellere, quid aliud est quam de adeptis gratiam non referre, & ad interdictæ arboris cibum improbos appetitus mortiferæ cupiditatis extender? Vnde, quia ad pacem vniuersalis ecclesiæ, & ad custodiam catholicæ fidei, cura dignamini sollicitiore respicere; euidenter agnoscitis, quod magnis hæreticorum audetur insidiis, vt inter Eutychetis Dioscorique discipulos, & eum quem apostolica sedes direxerit, diligentior,

tam-

Hoc hæretici nunquam
non faciūt.

tamquam nihil fuerit ante definitum, tractatus habeatur, & quod totius mundi catholici sacerdotes in sancta Calchedonensi Synodo probant, gaudentque firmatum, in iniuriam etiam sacratissimi Concilii Nicæni efficiatur infirmum. Quod enim nostris temporibus apud Calchedonam de Domini nostri Iesu Christi incarnatione firmatum est, hoc etiam apud Nicæam mysticus ille patrum numerus definiuit, ne catholicorum confessio, aut vnigenitum Dei filium in aliquo crederet Patri imparem, aut eundem, cum factus est Filius hominis, non veram carnis nostræ atque animæ habuisse naturam.

Detestandum ergo nobis est, perseueranterque vitandum, quod fraus heretica nititur obtinere, nec in aliquam disceptationem pie & plene diffinita reuocanda sunt, ne ad arbitrium damnatorum, ipsi de his videamus ambigere, quæ manifestum est per omnia propheticis & euangelicis & apostolicis auctoritatibus confonare. Vnde si qui sunt qui ab his quæ cælitus sunt constituta dissentunt, suis opinionibus relinquuntur, & ab unitate ecclesiæ, cum ea quam elegere peruersitate, discedant. Nam nullo modo fieri potest, ut qui diuinis audent contradicere sacramentis, aliqua nobis communione socientur. Iactent se in sui eloquii vanitate, & de argumentationum suarum versutia, quæ inimica est fidei, glorientur: nobis placet apostolicis obedire præceptis, dicentibus: *Vt-
dete ne quis vos decipiat per philosophiam & inanem seductionem
hominum.* Nam secundum eumdem Apostolum, *si quæ de-
struxi, hæc ædifico, præuaricatorem me consilio,* & eis me vltionum conditionibus subdo, quas non solum auctoritas beatæ memorie principis Marciani, sed etiam ego mea confessione firmaui. Quia sicut sancte veraciterque dixisti, perfectio incrementum, & adiectionem plenitudo non recipit. Vnde cum sciam te, venerabilis princeps, sincerissimo veritatis lumine imbutum, in nulla fidei parte nutare, sed sancto perfectoque iudicio a prauis recta discernere, & a refutandis amplectenda diuide-re; obsecro, ne humilitatem meam de diffidentia putas esse culpandam, cum hæc mea cautio non solum vniuersali ecclesiæ consulat, sed etiam tuæ gloriæ famuletur: ne sub imperii tui tempore, & hereticorum aucta-

Concil. Tom. 7.

X

videatur improbitas, & catholicorum perturbata securitas. Quamuis ergo multum per omnia de pietatis vestræ corde confidam, & per inhabitantem in vobis Spiritum Dei, satis vos instructum esse perspiciam: ne fidei vestræ nullus possit error illudere, præceptioni tamen vestræ in eo adnitar obedire, vt aliquos de fratribus meis dirigam, qui apud vos præsentia meæ instar exhibeant, & quæ sit apostolicæ fidei regula, licet (vt dixi) vobis bene sit nota, demonstrent: patefacientes in omnibus & probantes, non esse omnino inter catholicos computandos, qui definitio[n]es venerabilis Synodi Nicænæ, vel sancti Calchedonensis Concilii regulas non sequuntur: cum vtrorumque sancta Decreta ex euangelico & apostolico sit manifestum fonte prodire, & quidquid non est de irrigatione poculi Christi, poculi esse viperei. Prænoscat igitur pietas vestra, venerabilis imperator, hos quos spondeo dirigendos, non ad configendum cum hostibus fidei, nec ad certandum contra illos a sede apostolica profecturos: quia de rebus, & apud Nicæam, & apud Calchedonam (sicut Deo placuit) definitis, nullum audemus inire tractatum: tamquam dubia vel infirma sint, quæ tanta per Spiritum sanctum fixit auctoritas. Instructio autem parvulorum nostrorum, qui post lactis alimoniam cibo desiderant solidiore satiari, ministerii nostri præsidium non negamus. Et sicut simpliciores non spernimus, ita a rebellibus hereticis abstinemus: memores præcepti dominici, dicentes: *Nolite dare sanctum canibus, neque miseritis margaritas vestras ante porcos.* Nimis quippe indignum, nimisque iniustum est, eos ad libertatem disceptationis admitti, quos significat Spiritus sanctus per Prophetam, dicens: *Fili[i] alieni mentiti sunt mihi: filii alieni inueterati.* Qui etiamsi euangelio non resisterent, de illis tamen se esse monstrarent, de quibus scriptum est: *Deum se profitentur sci[er]e, factis autem negant.* Clamante adhuc iusti Abel sanguine aduersum impium Cain, qui increpatus a Domino, non requieuit ad poenititudinem, sed exarsit ad cædem. Cuius vindictam sic Domini iudicio volumus reseruari, vt improbus prædo & parricida crudelis in seipsum recidat, & nostra non teneat. Neque sanctæ ecclesiæ Alexandrinæ lamentabilem captiuitatem patiamini ulte-

Obferua
quam soli-
citate caue-
rit ne se-
mel defini-
ta in dubiu-
vocarentur.

Math. 7.

Psal. 17.

Tit. 1.

Genes. 4.

rius prolongari, cui oportet fidei vestræ iustitiæque præsidio suam restitui libertatem, ut per omnes Ægypti vrbes dignitas patrum & ius sacerdotale reparetur. Data vndecimo Kalendas Aprilis, Leone & Maiorano Augusto consulibus.

EPISTOLA LXXIX.

LEONIS PAPÆ I.

AD NICETAM EPISCOPVM AQVILEIENSEM.

- I. *Quod debeant feminæ, quæ capti viris nupserant aliis, regressis de captiuitate viris prioribus copulari, ut quod suum est, unusquisque recipiat.*
- II. *Quod non probetur esse culpabilis, qui uxorem captiui in matrimonium videtur esse sortitus.*
- III. *Vt si viri de captiuitate regressi intemperantia uxoris offendit non fuerint, & voluerint eas in coniugium recipere, libram habeant facultatem.*
- IV. *Vt si mulieres ad priores maritos redire noluerint, velut impie, ecclesiæ communione priuanda sint.*
- V. *Captiuis, aut terrore, aut fame, non veneratione, cibos immolatios edere compulsi, pœnitentia concedenda est.*
- VI. *Quod hi qui ad iterationem baptismi, vel vi vel* errore coacti, animos inclinarunt, sint subleuandi remedio, ita ut senilis etatis, periculorum quoque & aegritudinum ceterarumque necessitatum habeant sollicita consideratione respectum.*
- VII. *Vt qui ab hereticis baptizati sunt, sola sancti Spiritus inuocatio firmetur.*

Leo episcopus Nicetæ Aquileiensi episcopo salutem.

REGRESSVS ad nos filius meus Adeodatus, diaconus sedis nostræ, dilectionem tuam poposcisse memorauit, vt de his a nobis auctoritatem apostolicæ sedis acciperes, quæ quidem magnam difficultatem diiudicationis videntur afferre. Sed pro inspectione temporalium necessitatum adhibenda curatio est, vt vulnera, quæ hostilitatis aduersitate illata sunt, religionis maxime ratione sanentur.

I.

Cum ergo per bellicam cladem, & per grauissimos hostilitatis incursum, ita quædam dicatis diuisa esse coniugia, vt abductis in captiuitatem viris feminæ eorum remanserint destitutæ, quæ viros proprios, aut interemptos putarint, aut nunquam a dominatione crediderint liberantur.

Concil. Tom. 7.

X ij

Proph. 19. dos, & ad aliorum coniugiū, *solitudine cogente, transfi-
Matt. 19. rent: cumque nunc statu rerū, auxiliante Domino, in me-
 liora conuerso, nonnulli eorum qui putabātur periisse, re-
 meauerint, merito caritas tua videtur ambigere, quid de
 mulieribus, quæ aliis iunctæ sunt viris, a nobis debeat ordi-
 nari. Sed quia nouimus scriptū, *quod a Deo iungitur mulier vi-*
ro: & iterum præceptum agnouimus, *ut quod Deus iunxit, ho-*
mo non separet: necesse est vt legitimarum fœdera nuptia-
 rum redintegranda credamus, & remotis malis, quæ ho-
 stilitas intulit vnicuique, hoc quod legitime habuit, refor-
 metur: omnique studio procurandum est, vt recipiat v-
 nusquisque quod proprium est.

II.

Nec tamen culpabilis iudicetur, & tamquam alieni iu-
 ris peruersor, qui personam eius mariti, qui iam non esse
 æstimabatur, assumpsit. Sic enim multa, quæ ad eos qui
 in captiuitatem ducti sunt pertinebant, in ius alienum
 transfire potuerunt: & tamen plenum iustitiae est, vt eis-
 dem reuersis propria reformatur. *Quod si in mancipiis,*
 vel in agris, aut etiam in domibus, ac possessionibus rite
 seruatur; quanto magis in coniugiorum redintegratione
 faciendum est, vt quod bellica necessitate turbatum est,
 pacis remedio reformatur?

III.

Et ideo, si viri post longam captiuitatem reuersi, ita in
 dilectionem suarum coniugum perseverant, vt eas cu-
 piant in suum redire consortium; omittendum est, & in-
 culpabile iudicandum, quod necessitas intulit, & resti-
 tuendum, quod fides poscit.

IV.

Si autem aliquæ mulieres ita posteriorum virorum a-
 more sunt captæ, vt malint his cohærere, quam in legiti-
 mum redire consortium, merito sunt notandæ: ita vt et-
 iam ecclesiastica communione priuentur, quia inexcus-
 abiliter contaminationem criminis elegerunt, ostenden-
 tes sibi met pro sua incontinentia placuisse, quod iusta re-
 missio potuit expiare. Redeant ergo in suum statum vo-
 luntaria redintegratione coniugia, neque ullo modo ad
 opprobrium malæ voluntatis trahatur, quod conditio
 necessitatis extorsit: quia sicut hæ mulieres, quæ reuerti-

ad viros suos nolunt, impiæ habendæ sunt, ita illæ, quæ in affectum initum ex Deo redeunt, merito sunt laudandæ.

V.

De his autem Christianis, qui inter eos, a quibus fuerant captiuati, immolatitiis cibis asseruntur esse polluti, consultationi caritatis tuæ hoc etiam respondendum esse credidimus; vt pœnitentiæ satisfactione purgentur, quæ non tam temporis longitudine, quam cordis compunctione pensanda est. Et siue hoc terror extorserit, siue famæ suaserit, non dubitetur abolendum, cum huiusmodi cibus, pro metu aut indigentia, non pro religionis veneratione sit sumptus.

VI.

His vero, de quibus dilectio tua similiter nos credit consulendos, qui ad iterandum baptismum vel metu coacti sunt, vel errore traducti, & nunc se contra catholicæ fidei sacramentum egisse cognoscunt, ea custodienda est moderatio, qua in societatem nostram non nisi per pœnitentiæ remedium, & per impositionem episcopalis manus, communionis recipiant unitatem; tempora pœnitutinis, habita moderatione, tuo constitente iudicio, ^{26. q. 7.} Tempora pœnitutinis. prout conuersorum animos perspexeris esse deuotos, pariter etiam habens senilis ætatis intuitum, & periculorum quorumque aut ægritudinis respiciens necessitates, in quibus si quis ita grauiter urgetur, vt dum adhuc pœnitet, de salute ipsius desperetur, oportet ei per sacerdotalem sollicitudinem communionis gratia subueniri.

VII.

Nam hi qui baptismum ab hereticis acceperunt, cum baptizati antea non fuissent, sola inuocatione Spiritus sancti per impositionem manuum confirmandi sunt, quia formam tantum baptismi sine sanctificationis virtute sumpserunt. Et hanc regulam (vt scitis) seruandam omnibus ecclesiis prædicamus, vt lauacrum semel initum nulla iteratione violetur, dicente Apostolo: *Vnus Dominus, una fides, unum baptisma.* Cuius ablutio nulla iteratione temeranda est, sed (vt diximus) sola sanctificatio Spiritus sancti inuocanda est: vt quod ab hereticis nemo accipit, a catholicis sacerdotibus consequatur. Hanc autem epistolam nostram quam ad consultationem tuæ fraterni-

tatis emisimus, ad omnes fratres & comprouinciales tuos episcopos facies peruenire, vt in omnium obseruantia data profit auctoritas. Data duodecimo Kalendarum Aprilium, Maiorano Augusto primum consule.

EPISTOLA LXXX.

LEONIS PAPÆ I.

AD VΝIVERSOS EPISCOPOS PER CAMPANIAM,
SAMNIVM, ET PICENVM CONSTITVTOS.

Reprehendit quosdam episcopos, qui baptismum extra diem Paschatis & Pentecostes conferebant, prohibetque peccata a confitentibus publice recitari.

Leo uniuersis episcopis per Campaniam, Samnum & Picenum constitutis.

Anno Christi 461. qui
fuit annus
pontificatus S. Leo-
nis 21. scri-
pta fuit haec
epistola.

MAGNA indignatione commoueor, & multo dolore contristor, quod quosdam ex vobis comperi ita esse apostolicæ traditionis oblitos, & studio sui erroris intentos, vt præter Paschæ festum, cui sola Pentecostes solennitas comparatur, audeant sibimet, non aliqua humanæ infirmitatis necessitate cogente, sed sola indisciplinati arbitrii libertate, ius baptismatis vindicare, & in natalibus martyrum, quorum finis aliter honorandus est quam dies dominicæ passionis, regenerationis celebrare mysteria, ac sine vllis spiritualium eruditionibus præparationum, ita rudibus & imperitis tradere sacramentum, vt circa renouandos nihil doctrina ecclesiastica, nihil in exorcismis impositio manuum, nihil ipsa ieunia, quibus vetus homo destruitur, operentur, neque in tanto mysterio salutis humanæ vlla eius diei habeatur exceptio, quo ipsum dominum est conditum renascentibus. Admonemus igitur, & non sine periculo status eorum, qui hoc faciunt, protestamur, vt ab hac præsumptione cffetur, & summam hanc potissimumque Deigratiā non nisi in paschali & Pentecostes die desiderantibus & creditibus conferatis: manente quolibet tempore grauium necessitatum, ac periculorum consideratione, secundum quam oporteat subuenire, ne conditione mortali coarctata infirmitas nefaria liberatione fraudetur, cum seruata (sicut prælocuti

sumus) duarum tantummodo festiuitatum reverentia, propter multa pericula sit cauendum, ne cuiquam aut in desperata ægritudine, aut in hostilitatis incurſu, aut in timore naufragii, per sacerdotem Domini regeneratio de- negetur. Si quis vero post hoc interdictum, in eadem fue- rit usurpatione detectus, dignam pertinaciæ suæ incidet vltionem: quoniam ostendit se turpe potius lucrum, quam religionis cultum esse sectatum. Illam etiam contra apostolicam regulam præsumptionem, quam nuper ag- noui a quibusdam illicita usurpatione committi, modis omnibus constituo submoueri; (de pœnitentia videli- cet, quæ ita a fidelibus postulatur) ne de singulorum pec- catorum genere, libellis scripta professio publice recite- tur: cum reatus conscientiarum sufficiat solis sacerdoti- bus indicari confessione secreta. Quamuis enim plenitu- do fidei videatur esse laudabilis, quæ propter Dei timo- rem apud homines erubescere non veretur: tamen quia non omnium huiusmodi sunt peccata, ut ea, quæ pœni- tentiam poscunt, non timeant publicare, remoueatur tam improbabilis consuetudo, ne multi a pœnitentia remediis arceantur, dum aut erubescunt, aut metuunt inimicis suis sua facta reserari, quibus possint legum con- stitutione percelli. Sufficit enim illa confessio, quæ pri- mum Deo offertur, tunc etiam sacerdoti, qui pro deli- citis pœnitentium precator accedit. Tunc enim demum plures ad pœnitentiam poterunt prouocari, si populi au- ribus non publicetur conscientia confitentis. Datum pri- die Nonas Martii, Ricimero consule.

Confessio
articulatis
& secreta.
De pœni-
tent. dist. I.
Quamuis
plenitudo.

Hucusque
Leonis epi-
stola secun-
dum seriem
temporum,
prout ex
subscriptis
consulim
nominibus
colligere li-
cuit, ordi-
natæ sunt.

EPISTOLA LXXXI.

LEONIS PAPÆ I.

AD DIOSCORVM ALEXANDRINVM

EPISCOPVM.

- I. *De ordinatione presbyteri aut diaconi, ut sabbato sancto celebretur, id est die dominico.* *Agenda, id est Missæ celebratio, populis non sufficerit, nulla sit dubitatio iterari sacrificium.*
- II. *De festiuitatibus, ut si una*

Leo episcopus Dioscoro episcopo Alexandrino salutem.

QVANTVM dilectioni tuæ dominicæ caritatis impen- damus affectum, ex hoc poteris approbare, quod

tua firmius * desideramus fundare initia , ne quid caritati
 tuæ ad perfectionem deesse videatur , cum tibi * specialis *festina-
 gratiæ merita (vt probauimus) suffragentur . Paterna igit-
 tur & fraterna collatio debet sanctitati tuæ esse gratissima ,
 & a te taliter suscipi , quemadmodum a nobis eam intelli-
 gis proficisci . Vnum enim nos sentire oportet & agere ,
 vt (sicut legimus) *in nobis quoque vnum esse cor & anima com-*
probetur . Cum enim beatissimus Petrus apostolicum a Do-
mino acceperit principatum , & Romana ecclesia in eius
permaneat institutis , nefas est credere , quod sanctus di-
scipulus eius Marcus , qui Alexandrinam primus eccle-
siam gubernauit , aliis regulis traditionum suarum Decre-
ta formauerit , cum sine dubio de eodem fonte gratiæ v-
nus spiritus fuerit & discipuli & magistri , nec aliud ordi-
natus tradere potuerit , quam quod ab ordinatore suscep-
pit . Non ergo patimur , vt cum vnius nos esse corporis &
fidei fateamur , in aliquo discrepemus , & alia doctoris ,
alia discipuli instituta videantur .

I.

Quod ergo a patribus nostris propensiore cura nouimus esse seruatum , a vobis quoque volumus custodiri ,
 vt non passim diebus omnibus sacerdotalis vel Leuitica
 ordinatio celebretur , sed post diem sabbati eius noctis ,
 quæ in prima sabbati lucescit , exordia deligantur , *hoc*
est , sub lege diuini officij substituantur , in quibus his qui con-
secrandi sunt , ieunis , & a ieunantibus sacra benedi-
cio conferatur . Quod eiusdem obseruantæ erit , si ma-
 ne ipso dominico die continuato sabbati ieunio celebre-
 tur , a quo tempore præcedentis noctis initia non rece-
 dunt , quam ad diem resurrectionis , sicut etiam in Pascha
 Domini declaratur , pertinere non dubium est . Nam præ-
 ter auctoritatem consuetudinis , quam ex apostolica no-
 uimus venire doctrina , etiam sacra scriptura manifestat ,
 quod cum apostoli Paulum & Barnabā ex præcepto Spiriti
 sancti ad euangelium gentibus mitterent prædicandū ,
 ieunantes & orantes imposuerunt eis manus , vt intel-
 ligamus , quanta & dantum & accipientium deuotione
 curandum sit , ne tantæ benedictionis sacramentum negli-
 genter videatur impletum . Et ideo pie & laudabiliter apo-
 stolicis morem gesseris institutis , si hanc ordinandorū sa-
 cer-

A. 4.

24. q. 1.
Cum bea-
tissimus.In Decret.
Iuonis lib. 5.

A. 1.

cerdotum formam per ecclesias , quibus Dominus præesse te voluit , etiam ipse seruaueris : vt his qui consecratis sunt nunquam benedictiones nisi in die resurrectionis dominicæ tribuantur , cui a vespera sabbati initium constat adscribi , & quæ tantis diuinarū dispensationum mysteriis est consecrata , vt quidquid est a Domino insignius constitutum , in huius diei dignitate sit gestum . In hac mundus sumpsit exordium , in hac per resurrectionem Christi , & mors interitum , & vita accepit initium . In hac apostoli a Domino prædicandi omnibus gentibus euangelii tubam sumunt , & inferendum vniuerso mundo sacramentum regenerationis accipiunt . In hac (sicut beatus Ioannes euangelista testatur) congregatis in vnum discipulis , ianuis clausis , cum ad eos Dominus introisset , insufflauit , & dixit : *Accipite Spiritum sanctum ; quorum remittuntur eis peccata , detinueritis de tenta erunt.* Ioan. 20.

In hac denique promissus a Domino apostolis Spiritus sanctus aduenit : vt cælesti quadam regula insinuat & traditum nouerimus , in illa die celebranda nobis esse mysteria sacerdotalium benedictionum , in quo collata sunt omnia dona gratiarum .

II.

Vt autem in omnibus obseruantia nostra concordet , illud quoque volumus custodiri : vt cum solennior festivitas conuentum populi numerosioris indixerit , & ad eam tanta fidelium multitudo conuenerit , quam recipere basilica simul vna non possit , sacrificii oblatio indubitanter iteretur : ne his tantum admissis ad hanc deuotionem , qui primi aduenerint , videantur hi qui postmodum confluxerint , non recepti , cum plenum pietatis atque rationis sit , vt quoties basilicam , in qua agitur , præsentia nouæ plebis impleuerit , toties sacrificiū subsequens offeratur . Necesse est autem , vt quædam pars populi sua deuotione priuetur , si vnius tantum Missæ more seruato sacrificium offerre non possint , nisi qui prima diei parte conuenerint . Studiose ergo dilectionem tuam & familiariter admonemus , vt quod nostræ consuetudini ex forma paternæ traditionis insedit , tua quoque cura non negligas , * vt per omnia nobis & fide & auctibus congruamus . Propter quod remeati filio nostro Possidonio presbytero

Concil. Tom. 7.

Y

* vt omnia nobis ex fide & auctibus congruāt.

De consecratione
diff. i. Necesse est.

hanc ad fraternitatem tuam epistolam dedimus perferendam , qui nostris processionibus atque ordinationibus frequenter interfuit, & toties ad nos missus, quid in omnibus apostolicæ sedis auctoritatis teneremus, agnouit. Data Kalendis Iuliis.

EPISTOLA LXXXII.

LEONIS PAPÆ I.

AD IVLIANVM COENSEM EPISCOPVM.

Quid ipse pro ecclesia fecerit , quidve imperator facere debeat, demonstrat : & miratur, Thalasium episcopum Georgio cuidam prædicandi & scribendi facultatem dedit.

Leo episcopus Iuliano Coensi episcopo.

LITERAS dilectionis tuæ, quas per filium meum virum illustrem Isichium direxisti, eo tempore accepi, quo recentioribus epistolis tuis iterata iam occasione respondebam. Vnde quia etiam in his alloquiis tuis eadem de impiissimis hæreticis iusto dolore conquestus es, congruum fuit, quoad scribendi opportunitas extitit, non tacere. In causa itaque fidei, quidquid pro nostro officio oportuit, ac potest iuuante Domino, & solcite & libenter exequimur: ut euangelio Christi irreprehensibiliter seruiamus, ne per desidiam nostram vlla pars ecclesiæ catholicæ neglecta videatur. Propter quod, sicut omnibus notum est, nō destiti laborare, vt manifestata atque defensa incarnationis dominicæ veritate, omnis fraternitas, quid vbiique, secundū doctrinam apostolicam, & tenendum & docendum esset, agnosceret, accedente gloriosissimorum principum studio diuinitus inspirato, vt in ciuitate Calchedonensi Synodo congregata, hæretica damnaretur impietas, ne vel quisquam sectator Nestorii, vel vllus discipulus Eutychis liberū possit cum catholicis habere consortiū: cum (quod ad sancti Concilii auctoritatem pertinet) nulla usquam remanserit discordia. Si qui autē sua obduracione cæcati, ita in reprobi sensus amentiam transferunt, vt mallingen furere, quam sanari: ad imperiale pertinet potestatem, vt perturbatores ecclesiæ, pacis & reipublicæ, quæ Christianis principibus merito gloriatur, inimici sollicitius cōpri-

mantur. Ut autem imperialis est (vt diximus) potestatis, tumultus publicos ac seditiones sacrilegas seuerius coercere: ita auctoritatis est sacerdotalis, monachis praedicandi aliquam contra fidem licentiam non præbere, & omni virtute resistere, ne ea, quæ ad sacerdotes pertinent, sibi audeant vindicare. Vnde miramur, fratrem Thalassium episcopum, quod Georgio nescio cui, qui præsumendo illicita, & propositum monachi & nomen amisit, scribendi vel praedicandi aliquam permiserit facultatem. Ad quem episcopum (si dilectioni tuae visum fuerit) ex hac parte competentia scripta mittamus. Agat itaque fraternitas tua opportunis suggestionibus, vt clementissimus princeps, quæ Domino sint placitura, præcipiat, & incentores cruentarum seditionum iubeat competentius coercri: vt nec illi impuniti sint, quorum manus scelera perpetrarunt, nec illi qui talium vtuntur insanis. Si autem inquisitio iudicaria & confessio reorum ad eas personas peruenit, quarum vel consilio vel impulsu mala tanta commissa sunt, nullius fauoris eis sunt præstanta solatia. Quantum enim meliora de ipsis sunt credita, tantum sunt amplius detestandi, quorū nunc impietas, quæ per hypocrisim fuerat velata, detegitur. Et ideo agat Christianissimus & piissimus imperator, quod paci ecclesiasticæ inteligit profuturum. Quem superna inspiratione ita instruendum esse confido, vt & disciplina inquietos reuocare, & a sanguine eorum iubeat abstineri: quamvis nil vltionum non mereantur subire, qui ausi sunt & diuinis & humanis constitutionibus repugnare.

EPISTOLA LXXXIII.

LEONIS PAPÆ I.

AD PALÆSTINOS EPISCOPOS.

Veram catholicæ ecclesiæ doctrinam de Christi incarnatione exponit.

Leo episcopus uniuersis episcopis per Palæstinam constitutis.

SOLOITUDINI meæ, quam vniuersali ecclesiæ omnibus que eius filiis debeo, multorū relatione patefactū est dilectionis vestræ animis quiddam offendit illatū, dum aut imperiti (vt apparent) interpres, aut maligni quæ-

Concil. Tom. 7.

Cum hac
epistola cœ-
ueniunt
pleraque
in epist. 97.

Y ij

dam vos aliter intelligere, quam a me sunt prædicata, fecerunt, non valentes in Græcum eloquium apte & proprie Latina transferre, cum in rebus subtilibus & difficultibus explicandis, vix sibi etiā in sua lingua disputator quisque sufficiat. Quod tamen apud me eo profecit, ut dū ea, quæ catholica fides respuit, improbatis, intelligamus vos veris amiciores esse quā falsis, & id merito refutare, quod ex antiquæ institutione doctrinæ etiam * ipse detestor. ipse Eu-
tyches
detera-
tur. Quamuis enim epistola mea, ad sanctæ memoria Flavia-
num episcopum data, satis sibi ad manifestationem sui ipsa sufficiat, neque in aliquo, aut purgationis, aut expositionis indigeat, & alia tamen cum eadem mea scripta concordant, in quibus similiter prædicationis meæ sensus in apero est. Necessitatem enim habens contra hæreticos, qui multos Christi populos conturbauerant, differendi, & clementissimis principibus, & sancto Concilio synodi, & Constantinopolitanæ ecclesiæ, quid de incarnatione Verbi, secundum euangelicam apostolicamque doctrinam, deberemus sapere ac sentire, patefeci, & in nullo a sanctorum patrum confessione discessi: quia vna est, vera, singularis, perfecta, inuiolabilis catholica fides, cui nihil addi, nihil minui potest. Quam Nestorius prius, & nunc Eutyches, diuersa quidem asseritione, sed simili impietate impugnare conati sunt, & ecclesiæ Dei duas hærefes sibimet contrarias inferre tentarunt, ut vterque a discipulis veritatis merito damnaretur: quia insanum nimis & sacrilegum fuit, quod varia falsitate ambo senserunt. Anathematizetur ergo Nestorius, qui beatam Virginem Mariam hominis tantummodo credidit genitricem, ut aliam personam carnis, aliam faceret deitatis: nec vnum Christum in Verbo Dei & carne sentiret, sed separatim atque seiu&ntim, alium Filium Dei, alium hominis prædicaret; cum tamen manente illa incommutabilis Verbi essentia, quæ ei cum Patre & Spiritu sancto intemporalis atque coæterna est, ita intra virginea viscera Verbum caro sit factum, vti uno conceputu vnoque partu eadem Virgo secundū vunionem vtriusque substantiæ & ancilla Domini esset & mater. Quod etiam Elizabeth (sicut Lucas euangeliſta declarat) intellexit & dixit: *Vnde hoc mihi, ut veniat mater Domini mei ad me?*

Eutyches quoque eodem percellatur anathemate , qui per impios veterum hæreticorum volutatus errores , tertium Apollinaris dogma delegit: vt negata humanæ carnis atque animæ veritate , totum Dominum nostrum Iesum Christum vnius afferat esse naturæ ; tamquam Verbi deitas ipsa se in carnem animamque conuerterit , & concipi & nasci , nutrirī & crescere , crucifigi ac mori , sepeliiri ac resurgere , & ascendere in cælum , & in Patris dexterā , vnde ad iudicandos viuos & mortuos veniet , considerare , diuinæ eius tantum essentiæ fuerit , quæ nihil horum in se sine carnis veritate recepit : quoniam natura Vnigeniti , natura est Patris , natura est Spiritus sancti , simulque impassibilis , simul est incommutabilis , sempiternæ trinitatis indiuisa unitas & consubstantialis æqualitas . Vnde si ab Apollinaris peruersitate hæreticus iste desciscit , ne conuincatur deitatem passibilem sentire atque mortalem , & tamen Verbi incarnati , id est , Verbi & carnis unam audet pronuntiare naturam ; non dubie in Manichæi & Marcionis transit insaniam , & mediatorem Dei & hominum , hominem Iesum Christum simulatorie omnia credit egisse , nec humanum in ipso corpus , sed phantasticam corporis speciem oculis apparuisse cernentium .

Quæ impietatis mendacia quoniam olim fides catholica detestatur , & talium sacrilegia concordibus per totum mundum beatorum patrum sunt damnata sententias ; qui cumque illis sunt ita obsecrati , & a lumine veritatis alieni , vt Verbo Dei a tempore incarnationis humanam , id est , nostram negent inesse naturam , ostendant in quo sibi Christianum nomen usurpent , & cum euangelio veritatis , qua ratione concordent , si per beatæ Virginis partum , aut caro sine deitate , aut deitas est orta sine carne . Sicut enim negari non potest , quod *Verbum caro factum est* , *& Ioh. 1.*
habuit in nobis : ita negari non potest , quod *Deus erat in 2. Cor. 1.*
Christo , mundum reconcilians sibi . Quæ autem reconciliatio esse potest , qua humano generi propitiaretur Deus , nisi omnium causam mediator Dei hominumque susciperet ? Qua vero ratione veritatem mediatori impleret , nisi qui in forma Dei æqualis erat Patri , in forma serui particeps esset & nostri , vt per vnum nouum hominem fieret renouatio vetustatis , & mortis vinculum , vnius præuaricatio-

ne contractum, vnius morte qui solus morti nihil debuit, solueretur? Effusio enim pro iniustis sanguinis iustitiam potens fuit ad priuilegium, tam diues ad premium, vt si vniuersitas captiuorum in redemptorem suum crederet, nullum tyrannica vincula retinerent, quoniam (sicut Apostolus ait) *vbi abundauit peccatum, superabundauit & gratia.* Et cum sub peccati prauidicio nati potestatem acceperint ad iustitiam renascendi, validius factum est donum libertatis, quam debitum seruitutis.

Rom. 5.

Ephes. 5.

Psal. 115.

Iohu. 12.

Lvc. 1.

Quam itaque sibi in huius sacramenti præsidio spem relinquent, qui in Saluatoris nostri corpore negant humanæ substantiæ veritatem? Dicant quo sacrificio reconciliati, dicant quo sanguine sint redempti? quis est *qui tradidit semetipsum pro nobis oblationem & hostiam Deo in odorem suavitatis?* Aut quod vñquam sacrificium sacratius fuit quam quod verus pontifex altari crucis per immolationem suæ carnis imposuit? Quamuis enim multorum sanctorum in conspectu Domini preciosa mors fuerit, nullius tamen insontis occisio propitiatio fuit mundi. Acceperunt iusti, non dederunt coronas, & de fortitudine fidelium exempla nata sunt patientiæ, non dona iustitiae. Singulares quippe in singulis mortes fuerunt, nec alterius quisquam debitum suo fine persoluit, cum inter filios hominum vñus solus Dominus noster Iesu Christus extiterit, in quo omnes crucifixi, omnes mortui, omnes sepulti, omnes sunt etiam suscitati. De quibus ipse dicebat: *Cum exaltatus fuero a terra, omnia traham ad me.* Fides etenim vera iustificans impios, & creans iustos, ad humanitatis suæ tracta partipem, in illo acquirit salutem, in quo solo homo se inuenit innocentem, liberum habens per gratiam Dei de eius potentia gloriari, qui contra hostem superbum in carnis nostræ humilitate congressus, his victoriam suam traxit, in quorum corpore triumphauit.

Quamuis ergo in vno Domino nostro Iesu Christo, vero Dei atque hominis Filio, Verbi & carnis vna persona sit, & vtraque essentia communes habeat actiones: intelligendæ tamen sunt ipsorum operum qualitates, & sinceræ fidei contemplatione cernendum est, ad quæ prouehatur humilitas infirmitatis, & ad quæ inclinetur altitudo virtutis: quid sit, quod caro sine Verbo non agit, & quid

sit quod Verbum sine carne non efficit. Sine Verbi enim *Lucæ 2.* potentia, nec conciperet Virgo, nec pareret: & sine veritate carnis obuoluta pannis infantia non iaceret. Sine Verbi potentia non adorarent magipuerum nouo fide- *Matth. 2.* re declaratum: & sine veritate carnis non iuberetur trans-
ferri in Ægyptum puer, & ab Herodis persecutione sub-
duci. Sine Verbi potentia non diceret vox Patris, missa
de cælo: *Hic est Filius meus dilectus, in quo mihi complacui:* & si- *Matth. 3.*
ne veritate carnis non protestaretur Ioannes: *Ecce Agnus* *Iohann. 1.*
Dei, ecce qui tollit peccata mundi. Sine Verbi potentia non fie-
ret redintegratio debilium, & viuificatio mortuorum: & *Matth. 4.*
sine veritate carnis, nec cibus ieuno, nec somnus esset
necessarius fatigato. Postremo, sine Verbi potentia, non *Iohann. 16.*
se Dominus Patri profiteretur æqualem, & sine veritate
carnis non idem diceret Patrem se esse maiorem: cum ca-
tholica fides vtrumque suscipiat, vtrumque defendat,
quæ secundum proprietatem diuinæ humanæque substanciæ vnum Dei Filium, & hominem credit, & Verbum.

Quamuis ergo ab illo initio, quo in vtero Virginis *Ver-* *Iohann. 1.*
bum caro factum est, nihil vñquam inter diuinam humanam-
que substantiam diuisionis extiterit, & per omnia incre-
menta corporea, vnius personæ fuerint totius temporis
actiones: ea ipsa tamen, quæ inseparabiliter facta sunt,
nulla permixtione confundimus, sed quid cuius formæ
sit, ex operum qualitate sentimus. Nec diuina enim hu-
manis præjudicant, nec humana diuinis, cum ita in idip-
sum vtraque concurrant, vt in eis nec proprietas absuma-
tur, nec persona geminetur. Dicant igitur isti phantasmati-
cici Christiani, quæ substantia Saluatoris affixa sit ligno,
quæ iacuerit in sepulcro, & reuoluto monumenti lapide,
quæ tertio die caro surrexerit, vel quale corpus Iesu di-
scipulorum visui, clausis ad eos ostiis ingressus, intulerit:
cum ad abigendam cernentium diffidentiam, inspici oculis,
& digitisque tractari patentes adhuc fixuras clavorum,
& recens compunctilateris vulnus exigeret. At si in tanta
luce veritatis tenebras suas hæretica obduratio non relin-
quit, ostendant, vnde sibi spem vitæ polliceantur æternæ,
ad quam, nisi per mediatorem Dei & hominum, homi-
nem Iesum Christum, non potest perueniri. *Non enim est* *Ad. 4.*
aliud nomen datum hominibus sub cælo, in quo oporteat nos saluos

fieri : nec est redemptio captiuitatis humanæ , nisi in san-
1. Tim. 2.
Philip. 2. guine eius , qui dedit semetipsum redemptionem pro omnibus . Qui
(sicut prædicat beatus Apostolus) cum in forma Dei esset ,
non rapinam arbitratus est , esse se æqualem Deo , sed semetipsum
exinanivit , formam serui accipiens , in similitudinem hominum fa-
ctus , & habitu inuentus ut homo . Humiliauit semetipsum , factus
obediens usque ad mortem ; mortem autem crucis . Propter quod &
Deus illum exaltauit , & donauit illi nomen , quod est super omne
nomen , ut in nomine Iesu omne genu fleatur , cœlestium , terrestrium ,
& inferorum , & omnis lingua confiteatur , quia Dominus Iesus
Christus in gloria est Dei Patris .

Quamuis ergo vñus sit Dominus Iesus Christus , & ve-
ræ deitatis veræque humanitatis in ipso vna prorsus ea-
demque persona sit , neque huius vnitonis soliditas vlla
possit diuisione seiungi : exaltationem tamen , qua illum
exaltauit Deus , & donauit illi nomen , quod super omne
nomen excellit , ad eam intelligimus pertinere formam ,
quæ ditanda erat tantæ glorificationis augmento . In for-
ma quippe Dei , æqualis erat Filius Patri , & inter Genito-
rem atque Vnigenitū nulla erat in essentia discretio , nul-
la in maiestate diuersitas , nec per incarnationis myste-
rium aliquid deceperat Verbo , quod ei Patris munere
redderetur . Forma autem serui , per quam impassibilis
deitas sacramentum magnæ pietatis impleuit , humana
humilitas est , quæ in gloriam diuinæ potestatis euecta est ,
in tantam vnitatem ab ipso conceptu Virginis deitate &
humanitate connexa , vt nec sine homine diuina , nec sine
Deo agerentur humana . Propter quod sicut Dominus
maiestatis dicitur crucifixus , ita qui ex sempiternitate æ-
qualis est Deo , dicitur exaltatus . Nec interest , ex qua
Christus substantia nominetur : cum inseparabiliter ma-
nente vnitate personæ , idem sit & totus hominis filius ,
propter carnem , & totus Dei Filius , propter vnam cum
Patre deitatem . Quidquid ergo in tempore accepit Chri-
stus , secundum hominem accepit , cui quæ non habuit ,
conferuntur . Nam secundum potentiam Verbi , indiffe-
renter omnia , quæ habet Pater , etiam Filius habet , & quæ
in forma serui a Patre accepit , eadem in forma Patris et-
iam ipse donauit , & idem ipse & diues & pauper . Diues , quia
2. Cor. 8.
Ioan. 1. in principio erat Verbum , & Verbum erat apud Deum , & Deus
erat

erat Verbum. Hoc erat in principio apud Deum. Omnia per ipsum facta sunt, & sine ipso factum est nihil. Pauper vero, quia Verbum caro factum est, & habitauit in nobis. Quæ autem est eius exinanitio, quæve paupertas, nisi formæ seruilis acceptio? per quam, Verbi maiestate velata, dispensatio humanæ redemptionis impleta est? Nam quia captiuitatis nostræ resoluti originalia vincula non poterant, & ab hostis imperio relaxari, nisi existeret homo nostri generis, nostræque naturæ, quem veteris debiti præiudicia non tenerent, Coleff. 2.

& qui immaculato sanguine suo chirographum lethale dilueret, sicut ab initio erat diuinitus præordinatum, & prophetarum oraculis prænuntiatum: ita est in plenitudine præfiniti temporis factum, ut multis modis significata promissio in diu expectatum veniret effectum, nec posset esse ambiguum, quod continua significationibus semper fuerat nuntiatum. Destructis itaque tot heresisbus, quæ per sanctam deuotionem præsidentium patrum a corpore sunt catholicae unitatis abscessæ, quæque ideo extorres a Christo esse meruerunt, quia Verbi incarnationem, quæ singularis est recte credentium salus, fecerunt sibi lapidem offensionis & petram scandali: miror dilectionem vestram in discernendo veritatis lumine laborare. Et cum multis manifestationibus declaratum sit, quam recte & Nestorium & Eutychen cum Dioscoro fides Christiana damnauerit, nec Christianus possit vocari, qui vel illius, vel horum impietati præbet assensum: doleo vos euangelicæ & apostolicae doctrinæ (vt audio) resultare, exagitando seditionibus ciuitates, conturban-do ecclesias, nec solum iniurias, sed etiam cædes presbyteris atque episcopis inferendo: vt præ furore & saevitia, propositi vestri & professionis sitis immemores. Vbi est regula mansuetudinis & quietis? Vbi longanimitas patientiæ, vbi tranquillitas pacis, vbi firmamentum dilectionis, & tolerantiæ fortitudo? Quæ vos ab euangelio Christi aut persuasio abduxit, aut persecutio separauit? Vel quæ tanta extitit decipientis astutia, vt oblii prophetarum & apostolorum, oblii symboli salutaris & confessionis, quam pronuntiantes coram multis testibus sacramentum baptismi suscepistis, diabolicis vos illusionibus subderetis? Quid apud vos acturæ fuerant vngulæ, quid

Concil. Tom. 7.

Z



sæua tormenta, si ad expugnandam fidei vestræ integritatem tantum vana hæreticorum commenta valuerunt? Pro fide vos agere creditis, & fidei contraitis. Ecclesiæ nomine armamini, & contra ecclesiam dimicatis. Hoccine a prophetis, hoc ab euangelistis, hoc ab apostolis didicistis, vt negantes veram Christi carnem, & ipsam Verbi essentia passioni mortique subdentes, alienam faciatis nostram a suo reparatore naturam, totumque quod crux intulit, quod lancea vulnerauit, quod sepulcri lapis suscepit & reddidit, solum fuisse opus diuinæ potentiae, non etiam humilitatis humanæ? Propter quam Apostolus dicit: *Non enim erubesco euangelium: quoniam nouerat, quale Christianis obiiceretur opprobrium ab inimicis.* Et ideo etiam Dominus protestabatur, dicens: *Qui me confessus fuerit coram hominibus, & ego confitebor illum coram Patre meo.* Hi enim non erunt digni confessione Filii & Patris, quibus nunc caro Christi verecundiam facit: probabuntque se nullam de signo crucis sumpsisse virtutem, qui quod præferendum frontibus acceperunt, promere labiis erubescunt. Declinate, filii, ab his diabolicis persuasionibus declinate. Veritatem Dei nulla res violat, sed veritas nos nisi in nostra carne non saluat. *Veritas* quippe (sicut Propheta ait) *de terra orta est*, & sic Verbum Maria virgo concepit, vt vniendam *sibi carnem de sua substantia ministraret: nec cum adiectione personæ, nec cum euacuatione naturæ, quoniam qui erat in forma Dei, ita accepit formam serui, vt unus atque idem in forma utraque sit Christus, inclinante se Deo usque ad infima hominis, & proficiente homine usque ad summa deitatis, dicente Apostolo: *Quorum patres, & ex quibus Christus secundum carnem, qui est super omnia Deus benedictus in saecula. Amen.*

*Rom. 1.**Marc. 8.
Luc. 12.**Psal. 84.**Rom. 9.*

EPISTOLA LXXXIV. LEONIS PAPÆ I.

AD ANASTASIVM THESSALONICENSEM EPISCOPVM.

- I. *Quod semper Thessalonicenses antifites vicem apostolice sedis impleuerint.*
- II. *Vt metropolitanis sua iura seruentur.*
- III. *Vt a metropolitanis, non laici, non digami, non viduarum mariti, sed irreprehensibiles ordinentur episcopi.*
- IV. *Quod subdiaconis carnale con-*

- iugium denegetur.
- v. *Vt nullus in iuris ordinetur episcopus.*
- vi. *Vt metropolitanus episcopus de electo, quem est ordinaturus episcopum, ad Thessalonicensem pontificem referat, & de metropolitanu elecione similiter prouinciales episcopi faciant.*
- vii. *Vt bina per annum prouincialia episcorum Concilia celebrentur. Et si res difficulter emergerit, nec fuerit Thessalonicensis episcopi iudicio terminata, ad Romanum referatur antistitem.*
- viii. *Vt si quis episcopus suam defenserit ciuitatem, maiorem sedem ambitus causa petierit, nec illam obtinere poterit, & sua carere debet.*
- ix. *Vt nullus alienum clericum solicitare vel tenere presumat, suo episcopo non probante consensum.*
- x. *Vt in euocandis prouincialibus episcopis, a Thessalonicensi pontifice moderatio conseruetur, ne sub hoc colore sacerdotalis honor contumelias addicatur. Nec amplius quam bini de prouinciis episcopi, quos metropolitani probauerint, dirigantur. Et non amplius a statuto Concilii tempore, quam dies quindecim, remorenentur episcopi.*
- xii. *Vt si inter eos de negotio fuerit oborta contentio, cuncta Romano pontifici sub gestorum insinuatione pandantur, ut ab eo, quod Deo placuerit, ordinetur.*

*Leo episcopus urbis Romæ Anastasio episcopo
Thessalonicensi.*

* fide **Q**UANTA fraternitati tuae beatissimi Petri apostoli * fide auctoritate sint commissa, & qualia etiam nostro tibi fauore sint credita, si vera ratione perspiceres, & iusto examine ponderares, multum possemus de iniunctæ tibi sollicitudinis deuotione gaudere.

I.

Quoniam sicut præcessores mei præcessoribus tuis, ita etiam ego dilectioni tuae, priorum fecutus exemplum, vices mei moderaminis delegauit: ut curam, quam vniuersis ecclesiis principaliter ex diuina institutione debemus, imitator nostræ mansuetudinis effectus adiuuares, & longinquis ab apostolica fede prouinciis præsentiam quodammodo nostræ visitationis impenderes: * quia de continenti opportunoque prospectu promptum tibi esset agnoscere, quid in quibusque rebus, vel tuo studio componeres, vel nostro iudicio reseruares. Nam cum maiora negotia & difficiliores causarum exitus liberum tibi esset sub nostræ sententiæ expectatione suspendere, nec ratio tibi nec necessitas fuit, in id quod mensuram tuam excederet, deuandi. Abundant enim apud te

Concil. Tom. 7.

Z ij

* monitorum scripta nostrorum, quibus te de omnium actionum temperantia frequenter instruximus: vt commendatas tibi Christi ecclesias per exhortationem caritatis ad salubritatem obedientiæ prouocares. Quia et si plerumque existant inter negligentes vel desides fratres, quæ oporteat maiore * au&toritate curari: sic tamen est adhibenda correctio, vt semper sit salua dilectio. Vnde & beatus apostolus Paulus, ad ecclesiasticum regimen Timotheum imbuens dicit: *Seniorem ne increpaueris, sed obsecra ut patrem, iuuenes ut fratres, anus ut matres, iuuenulas ut sorores in omni castitate.* Quæ moderatio si quibuscumque inferioribus membris ex apostolica institutione debetur, quanto magis fratribus & coepiscopis nostris sine offensione reddenda est? Et licet nonnunquam accident, quæ in sacerdotalibus sint reprehendenda personis, plus tamen erga corrigenda agat benevolentia, quam severitas: plus cohortatio, quam commotio, plus caritas, quam potestas.

1. Tim. 5.

Philip. 2.

Sed ab his, qui quæ sua sunt querunt, non quæ Iesu Christi, facile ab hac lege disceditur, & dum dominari magis quam consulere subditis querunt, placet honor, inflat superbia, & quod prouisum est ad concordiam, tendit ad noxam. Quod vt necesse habeamus ita dicere, non de paruo animi dolore procedit. Meipsum enim quodammodo in culpa sentio, cum te a traditis tibi regulis immodice deviassे cognosco. Qui si tuæ existimationis parum diligenseras, meæ saltem famæ parcere debueras, ne quæ tuo tantum facta sunt animo, nostro viderentur gesta iudicio. Relegat fraternitas tua paginas nostras, omniaque ad tuos missa maiores apostolicæ sedis præfulum scripta percurrat, & vela me, vela præcessoribus meis inueniet ordinatum, quod a te cognouiimus esse præsumptum. Venit namque ad nos cum episcopis prouinciæ suæ frater noster Atticus, veteris Epiri metropolitanus antistes, & de indignissima afflictione, quam pertulit, lacrymabili aetione conquestus est coram adstantibus diaconibus tuis, qui querelis flebilibus nihil contra referendo, ea quæ nobis ingerebantur, fide non carere monstrabat. Legebatur quoque in literis tuis, quas iidem diaconi detulerunt, quod frater Atticus Thessalonicanam venisset, quodque consensum suum etiam scripturæ professione signasset, vt de illo

non aliud a nobis intelligi posset, quam proprii arbitrii & spontaneæ deuotionis fuisse quod venerat, quodque chartulam de obedientiæ sponsione conscriperat, in cuius tamen chartulæ mentione signum prodebatur iniuriæ. Non enim necessarium fuerat ut obligaretur scripto, qui obedientiam suam ipso iam voluntarii aduentus probabat officio. Vnde deplorationibus supradictis hæc verba epistolæ tuæ testimonium præbuere, & per hoc, quod non est tacitum, nudatum est illud quod silentio fuerat adopertum; *adhibitam scilicet Illyrici præfecturam, & sublimissimam inter mundanos apices potestatem in exhibitionem insontis antistitis incitamat; vt missa execuzione terribili, quæ omnia sibi officia publica ad effectum præceptionis adiungeret, a sacris ecclesiæ adytis, nullo vel falso insimulatus crimine, extraheretur sacerdos, cui non ob molestiam ægritudinis, non ob seuitiam hiemis darentur induciae, sed iter asperum & periculis plenum per inuias *niues agere cogeretur. Quod tanti laboris, tantique discriminis fuit, vt ex his, qui episcopum comitati sunt, quidam defecisse dicantur. Multum stupeo, frater carissime, sed & plurimum doleo, quod in eum, de quo nihil amplius indicaueras, quam quod euocatus adesse differret, & excusationem infirmitatis obtenderet, tam atrociter, & tam vehementer potueris commoueri: præsertim cum et si tale aliquid mereretur, expetandum *cautes tibi fuerat, quid ad tua *consulta rescriberemus. Sed vt video, bene de moribus meis existimasti, & quam ciuilia pro conseruanda sacerdotali concordia responsurus essem, verissime præuidisti: & ideo motus tuos exequi sine dilatione properasti, ne cum moderationis nostræ aliud disponentia scripta sumpsisses, faciendi id, quod factum est, licentiam non haberes. An forte aliquod tibi faciuntis fratris innotuerat, & metropolitanum episcopum noui a-pud te criminis pondus vrgebat? At hoc quidem alienum ab illo esse, etiam tu nihil ei obiiendo confirmas. Sed etiam si quid graue intolerandumque gesisset, nostra erat expectanda censura; vt nihil prius ipse decerneres, quam quid nobis placeret, agnosceres. Vices enim nostras ita tuæ credidimus caritati, vt in partem sis vocatus sollicitudinis, non in plenitudinem potestatis. Vnde sicut

Z iij

1. quæst. 6.
Multum
stupeo.3. quæst. 6.
Multum

multum nos ea quæ a te pie sunt curata lœtificant, ita nimium ea quæ perperam sunt gesta contristant. Et necesse est, post multarum experimenta causarum solicitius prospici, & diligentius præcavéri: quatenus per spiritum caritatis & pacis omnis materia scandalorum de ecclesiis Domini (quas tibi commendauimus) auferatur, præminentē quidem in illis prouinciis episcopatus tui fastigio, sed amputato totius usurpationis excessu.

II.

^{25. quest. 1.}
Igitur secundum sanctorum patrum Canones Spiritu Dei conditos, & totius mundi reuerentia consecratos, metropolitanos singularum prouinciarum episcopos, quibus ex delegatione nostra fraternitatis tuæ cura prætenditur, ius traditæ sibi antiquitus dignitatis intemeratum habere decernimus: ita ut a regulis præstitutis, nulla aut negligentia aut præsumptione discedant.

III.

<sup>Dift. 32.
Omnium
facerdotū.</sup>
In ciuitatibus, quarum rectores obierunt, de substi-
tuendis episcopis hæc forma seruetur: vt is qui ordinandus
est (etiam si bona vitæ testimonio fulciatur) non laicus,
non neophytus, nec secundæ coniugis sit maritus, aut qui
vnam quidem habeat, vel habuerit, sed nec qui sibi vi-
duam copularit. Sacerdotum enim tam excellens est elec-
tio, ut hæc quæ in aliis ecclesiæ membris non vocantur
ad culpam, in illis tamen habeantur illicita.

IV.

^{1. Cor. 7.}
Nam cum extra clericorum ordinem constitutis,
nuptiarum societati, & procreationi filiorum studere sit
liberum: ad exhibendam tamen perfectæ continentiae pu-
ritatem, nec subdiaconibus quidem connubium carnale
conceditur: *vt & qui habent, sint tanquam non habentes*, &
qui non habent, permaneant singulares. Quod si in hoc
ordine, qui quartus a capite est, dignum est custodiri;
quanto magis in primo, aut secundo, vel tertio seruan-
dum est, ne aut Leuitico ministerio, aut presbyterali ho-
nori, aut episcopalē excellentiæ quisquam idoneus existi-
metur, qui se a voluptate vxoria necdum frenasse dete-
gitur.

V.

<sup>In Decret.
Iuo. lib. 3.
dist. 63. Si
forte.</sup>
Cum ergo de summi sacerdotis electione tractabitur,
ille omnibus præponatur, quem cleri plebisque consen-

fus concorditer postularit : ita vt si in aliam forte personam partium se vota diuiserint, metropolitani iudicio is alteri præferatur , qui maioribus & studiis iuuatur & meritis : tantum vt nullus inuitis & non potentibus ordinetur , ne plebs inuita episcopum non optatum aut contemnat, aut oderit, & fiat minus religiosa quam conuenit, cui non licuerit habere quem voluit.

VI.

De persona autem consecrandi episcopi , & de cleri plebisque consensu, metropolitanus episcopus ad fraternitatem tuam referat , quodque in prouincia bene placuit, scire te faciat ; vt ordinationem rite celebrandam tua quoque firmet auctoritas. Quæ rectis dispositionibus nihil moræ aut difficultatis debet afferre, ne gregibus Domini diu desit cura pastorum. Metropolitanus vero defuncto , cum in locum eius alius fuerit subrogandus, prouinciales episcopi ad ciuitatem metropolitanam conuenire debebunt, vt omnium clericorum atque omnium ciuium voluntate discussa , ex presbyteris eiusdem ecclesiæ, vel ex diaconibus optimus eligatur , de cuius nomine ad tuam notitiam prouinciales referant episcopi, impleturi vota poscentium , si quod ipsis placuit , tibi quoque placuisse cognoverint. Sicut enim iustas electiones nullis dilationibus volumus fatigari , ita nihil permittimus te ignorantem præsumi.

VII.

De Conciliis autem episcopalibus non aliud indicimus, quam sancti patres salubriter ordinarunt : vt scilicet bini Conuentus per annos singulos habeantur, in quibus de omnibus querelis, quæ inter diuersos ecclesiæ ordines nasci assolent, iudicetur. At si forte inter ipsos qui præsunt de maioribus (quod absit) peccatis causa nascatur, quæ prouinciali nequeat examine definiri; fraternitatem tuam de totius negotii qualitate metropolitanus curabit instruere , & si coram positis partibus , nec tuo fuerit res sopita iudicio , ad nostram cognitionem, quid illud est, transferatur.

VIII.

Si quis episcopus, mediocritate ciuitatis suæ despecta, administrationem loci celebrioris ambierit, & ad maio-

Dif. 65. De
persona au-
tem.

Dif. 63.
Metropoli-
tano. Et
dift. 77. in
principio
distinctio-
nis.

Dif. 18. De
Conciliis.
Et in Decr.
Iuo. lib. 4.

rem se plebem quacumque occasione transtulerit ; non solum a cathedra quidem pellatur aliena, sed carebit & propria: vt nec illis præsideat, quos per auaritiam concupiuit, nec illis, quos per superbiam spreuit. Suis igitur terminis contentus sit quisque, nec supra mensuram iuris sui affectet augeri.

IX.

19. quest. 2.
Alienum
clericum.

Alienum clericum, inuito episcopo ipsius, nemo suscipiat, nemo sollicitet, nisi forte ex placito caritatis id interdantem accipientemque conueniat. Nam grauis iniuriæ reus est, qui de fratribus ecclesia id quod est vtilius aut preciosius audet vel allicere, vel tenere. Itaque si intra provinciam res agatur, transfugam clericum ad suam ecclesiam metropolitanus redire compellet. Si autem longius processit, tui præcepti auctoritate reuocabitur, vt nec cupiditati, nec ambitioni occasio relinquatur.

X.

In euocandis autem ad te episcopis moderatissimum esse volumus: ne per maioris diligentiae speciem, fraternalis videaris gloriari iniuriis. Vnde si causa aliqua maior extiterit, ob quam necessarium sit fraternum aduocare conuentum; binos de singulis prouinciis episcopos, quos metropolitani crediderint esse mittendos, ad fraternitatem tuam venire sufficiat: ita vt a præstituto tempore non ultra quindecim dies * quo conuenerint, retardentur.

XI.

Philip. 2.
Rom. 15.

Si autem in eo, quod cum fratribus tractandum definiendumve credideris, diuersa eorum fuerit a tua voluntate sententia; ad nos omnia sub gestorum testificatione referantur, vt remotis ambiguitatibus, quod Deo placeat, decernatur. Ad hunc enim finem omnem affectum nostrum curamque dirigimus, vt quod ad unitatem concordiae, & quod ad custodiam pertinet disciplinae, nulla dissensione violetur, nulla desidia negligatur. Et te igitur, frater carissime, & eos fratres nostros, qui de tuis offenduntur excellibus, cum tamen non similis sit omnium materia querelarum, hortor & moneo, vt quæ pie sunt ordinata, salubriterque disposita, nulla concertatione turbentur. Nemo quod suum est querat, sed quod alterius, sicut Apostolus ait: *Vnusquisque vestrum proximo suo placeat*

placeat in bono ad ædificationem. Nec enim poterit unitatis nostræ firma esse compago, nisi nos ad inseparabilem soliditatem vinculum caritatis adstrinxerit: *quia sicut in uno corpore multa membra habemus, omnia autem membra non eundem actum habent, ita multi unum corpus sumus in Christo.* singuli autem alterius membræ. Connexio totius corporis unam sanitatem, unam pulcritudinem facit. Ethæc quidem connexio totius corporis unanimitatem requirit, sed præcipue exigit concordiam sacerdotum. Quibus etsi dignitas non sit communis, est tamen ordo generalis: quoniam & inter beatissimos apostolos in similitudine honoris fuit quædam discretio potestatis, & cum omnium pars esset electio, unum tamen datum est, ut ceteris præmineret. De qua forma, episcoporum quoque est orta distinctio, & magna dispositione prouisum est, ne omnes sibi omnia vindicarent: sed essent in singulis prouinciis singuli, quorum inter fratres haberetur prima sententia: & rursus quidam, in maioribus urbibus constituti, sollicitudinem susciperent ampliorem, per quos ad unam Petri sedem universalis ecclesiæ cura confluueret, & nihil usquam a suo capite diffideret. Qui ergo scit se quibusdam esse præpositum, non molestè ferat, aliquem sibi esse prælatum: sed obedientiam quam exigit, etiam ipse dependat. Et sicut non vult gravis oneris sarcinam ferre, ita non audeat alii importabile pondus imponere. Discipuli enim sumus humilis & mitis magistri, dicentis: *Dicte a me, quia mitis sum & humilius corde, & inuenietis requiem animabus vestris.* Iugum enim meum suave est, & onus meum leue. Quod quomodo experiemur, nisi & illud in obseruantiam veniat, quod idem Dominus ait: *Qui maior est vestrum, erit minister vestrorum?* *Qui autem se exaltat, humiliabitur: & qui se humiliat exaltabitur.*

Rom. 12.
1. Cor. 12.
2. quæst. 6.
Qui fecit sc.
Matth. 23.
Matth. 11.
Matth. 10.
Luc. 14.

PISTOLA LXXXV.
LEONIS PAPÆ I.
AD SEPTIMIVM ALTINVM EPISCOPVM.

Sancit hæreticos non nisi damnata hæresi ad comm

Sancit hæreticos, non nisi damnata hæresi, ad communionem recipiendos.

Leo episcopus Septimio episcopo salutem.

LECTIS fraternalitatis tuæ literis , vigorem fidei tuæ ,
quam olim noueramus , agnouimus : congratulantes
tibi , quod ad custodiam gregum Christi pastoralem cu-
ram vigilanter exequaris ; ne lupi , qui sub specie ouium
subintrarunt , bestiali sævitia simplices quoque dilace-
rent , & non solum ipsi nulla correctione proficiant , sed
etiam ea , quæ sunt sana , corrumpant . Quod ne vipera
possit obtinere fallacia , ad metropolitanum episcopum
prouincia Venetiæ scripta direximus , quibus ad status sui
periculum cognosceret pertinere , si quisquam de Pela-
gianorum & Cælestianorum confortio veniens , in com-
munione catholica sine professione legitimæ satisfactio-
nis habeatur . Saluberrimum enim est , & spiritualis medi-
cinæ utilitate plenissimum , vt siue presbyteri , siue diaconi ,
siue alii cuiuslibet ordinis clerici , qui se correctos videri
volunt , errorem suum , & ipsos erroris auctores damnari
a se sine ambiguitate fateantur : vt sensibus prauis & du-
dum peremptis , nulla sperandi superfit occasio , ne vllum
membrum ecclesiæ talium possit societate violari , cum
per omnia illis professio propria cœperit obuiare . Circa
quos etiam illam Canonum constitutionem præcipimus
custodiri , ne ab his ecclesiis , ad quas proprie pertinent , si-
nantur abscedere , & pro suo arbitrio ad loca sibi non de-
putata transfire . Quod cum recte non permittitur incul-
patis , multo minus debeat licere suspectis . Proinde dile-
ctio tua , cuius deuotione gaudemus , iungat curam suam
dispositionibus nostris , & cum supradicto metropolita-
no det operam , vt circumspæcte ac velociter impleantur
ea , quæ ad totius ecclesiæ incolumitatem , & laudabiliter
sunt gesta , & salubriter ordinata .

EPISTOLA LXXXVI.

LEONIS PAPÆ I.

AD NICETAM AQVILEIENSEM

EPISCOPVM.

Mandat vt Pelagiani sacrī initiati ad communionem recepti fidei catholicæ professionem emittant,
eorumque hæresim refellit.

*Leo episcopus Romæ Nicetæ Aquileiensi episcopo * salutem.*

* Item ad
metropoli-
tanum Ve-
netia

RELEGATIONE sancti fratris & coepiscopi nostri Septimii, quæ in subditis habetur, agnouimus quosdam presbyteros, diacones, ac diuersi ordinis clericos, quos Pelagiana siue Cælestiana hæresis habuerit implicatos, ita in vestra prouincia ad communionem catholicam peruenisse, vt nulla ab eis damnatio proprii exigeretur erroris, & pastoralibus excubiis nimium dormitantibus, lupus ouiu pelibus teftus in ouile dominicum, non depositis bestialibus animis introiret: & quod per auctoritatem Canonū Decretorumque nostrorum ne infontibus quidem conceditur, usurpare, vt relictis ecclesiis, in quibus clericatum aut acceperant, aut receperant, instabilitate sua per diuersa circumferantur, amantes semper errare, & nunquam in fundamento apostolico permanere. Quoniam qui nullo discussi examine nullo sunt præiudicio suæ professionis obstricti, hunc maxime expetunt fructum, vt sub velamento communionis plures domos adeant, & per falsi nominis scientiam multorum corda corrumpant. Quod utique efficere non possent, si ecclesiarum preſules necessariam diligentiam in talium receptione seruarent, nec cuiquam eorum euagari in diuersa licuisset. Ne ergo hoc vterius audeatur, neve per quorundam negligentiam introducta pernicies ad euersionem multarum tendat animalium, hac nostri auctoritate præcepti industriae tuæ fraternitatis indicimus, vt congregata apud vos Synodo provincialium sacerdotū, omnes siue presbyteri, siue diaconi, siue cuiusque ordinis clerici, qui de Pelagianorum Cælestianorumque consortio in communionem catholicam ea imprudentia sunt recepti, vt non prius ad damnationem sui coarctarentur erroris, nunc, saltem posteaquam

Concil. Tom. 7.

Aa ij

Math. 7.

hypocrisis eorum ex quadam parte detegitur, ad veram correctionem, quæ & ipsis prodeesse, & nullis possit nocere, cogantur. Damnent apertis professionibus sui superbi erroris autores, & quidquid in doctrina eorum universalis ecclesia exhorruit, detestentur: omniaque Decreta synodalia, quæ ad excisionem huius haereseos apostolicæ sedis confirmauit auctoritas, amplecti se, & in omnibus approbare, plenis & apertis, ac propria manu subscriptis protestationibus eloquantur. Nihil in verbis eorum obscurum, nihil inueniatur ambiguum. Quoniam nouimus hanc istorum esse versutiam, ut in quacumque particula dogmatis execrandi, qua se a damnatorum societate discreuerint, nihil sibi sensuum suorum existiment esse non saluum. Cumque omnes diffinitiones suas ad tantam facilitatem improbare se simulent atque deponere, hoc tibi tota arte fallendi, nisi intelligantur, excipient, ut gratia Dei secundum meritum dari accipientiū sentiatur. Quæ nisi gratis detur, non est gratia, sed merces retributioque meritorum, dicente beato Apostolo: *Gratia salui facti estis per fidem, & hoc non ex vobis; Dei enim donum est. Non ex operibus, ne forte quis extollatur. Ipsius enim sumus figuratum, creati in Christo Iesu, in operibus bonis, quæ præparauit Deus, ut in illis ambulemus.* Omnis itaque bonorum operum *donatio, diuina præparatio est: nec propria quisquam iustificatur virtute, quoniam gratia vnicuique principiū iustitiae, & bonorum fons atque origo meritorum est. Sed ab ipsis ideo per naturalem industriam dicitur præueniri, ut quæ ante gratiam proprio data sit studio, nullo videatur peccati originalis vulnere sauciata: falsumque sit quod veritas ait. Quoniam *Filius hominis venit querere & saluare quod perierat.* Ideo etiam paruulos dicunt, si sine baptismo hinc de seculo exierint, non posse damnari, neque reos in peccato Adæ teneri, sed ad regnum Dei, vel ad vitam æternam, sine ulla cunctatione venire, cum Apostolus dicat: *Per unum hominem peccatum intravit in mundum, & per peccatum mors, & ita in omnes homines pertransit,* propter quod & ipsi paruuli baptizantur. Quamuis in illo uno possint intelligi plura peccata, si unum ipsum in sua quasi membra singula diuidatur. Nam & superbia est illic, quia in sua homo potius esse, quam in Dei potestate dilexit: & sacrilegium, quia Deo

Ephes. 2.

Matth. 18.

Rom. 5.

*devotio

non credidit: & homicidium, quia se præcipitauit in mortem: & fornicatio spiritualis, quia integritas mentis humanae serpentina suaſione corrupta eſt: & furtum, quia prohibitus usurpatus eſt cibus: & avaritia, quia plus quam ſufficere illi debuit, appetiuit: & ſi quid aliud in hoc vno admisso diligenti conſideratione poterit inueniri. Paren-
tum quoque peccatis paruulos obligari, non ſolum pri-
morum hominum, ſed etiam fuorum, de quibus ipſi natu-
ſunt, non improbabiliter dicitur. Illa quippe ſententia:
Reddam peccata patrum in filios, tenete eos utique, antequam Exod. 20.
 per regenerationem ad testamentum nouum incipient
 pertinere: quod testamentum prophetabatur, cum dice-
 retur per Ezechielem, non accepturos filios peccata pa-
 trum fuorum, nec ulterius futuram in Israel parabolam
 illam: *Patres manduauerunt uiam acerbam, & dentes filio- Ezech. 18.
 rum obſtupescunt.* Ideo enim quisque renascitur, ut ſoluatur
 in eo quidquid peccati eſt, cum quo nafcitur. Nam pec-
 cata quæ male agendo poſtea committuntur, poſſunt &
 pœnitendo fanari, ſicut etiam poſt baptismum fieri vide-
 mus. Ac per hoc non eſt instituta regeneratio, niſi quia
 vitiosa eſt generatio; uisque adeo ut etiam de legitimo ma-
 trimonio procreatus dicat: *In iniquitatibus conceptus sum, Psal. 50.*
& in peccatis mater mea in utero me aluit. Neque hic dixit, in
 iniquitate, vel in peccato, cum hoc recte dici poſſet, ſed
 iniquitates & peccata dicere maluit: quia & in illo vno,
 quod in omnes homines pertransiuit, quodque tam ma-
 gnum eſt, ut eo mutaretur & conuerteretur in neceſſita-
 tem mortis humana natura, (ſicut ſupra diſerui) repe-
 riuntur plura peccata, & alia parentum, quæ licet non
 poſſunt mutare naturam, reatu tamen obligant filios, niſi
 gratuita gratia & misericordia diuina ſubueniat. A paruu- De confi-
 lo enim recens nato, uisque ad decrepitū ſenem, quamli- distinct. 4.
A paruolo.

Cauendum ergo dilectioni tuæ eſt, magnaue diligen-
 tia prouidendum, ne per huiusmodi homines extincta du-

dum scandalorum suscitentur: & de exciso olim dogmate aliquod in provincia tua eiusdem mali germano oriatur, quod non solum in radicibus suis crescat, sed etiam sanctæ ecclesiæ sobolem veneno sui odoris inficiat. Qui coram eos se videri volunt, ab omni suspicione se purgent: & obediendo nobis, probent se esse nostros. Quorum si quis quam salubribus præceptis satisfacere detrectarit, siue ille clericus, siue sit laicus, ab ecclesiæ societate pellatur, ne perditor animæ suæ saluti insidietur alienæ.

Illam quoque partem ecclesiasticæ disciplinæ, qua olim a sanctis patribus & a nobis saepe decretū est, ut nec in presbyteratus gradu, nec in diaconatus ordine, nec in subsequenti officio clericorū ab ecclesia ad ecclesiam cuiquam transire sit liberum, ut in integrum reuoces, admoneamus. Et unusquisque non ambitione illeitus, non cupiditate seductus, non persuasione hominum depravatus, ubi ordinatus est, perseveret: ita ut si quis sua querens, non quæ Iesu Christi, ad plebem & ecclesiam suam redire neglexerit; & ab honoris priuilegio, & a communio-nis vinculo habeatur extraneus. Non autem dubitet dilectio tua, nos, si (quod non arbitramur) negligēta fuerint quæ pro custodia Canonum & pro fidei integritate decernimus, vehementius commouendos: quia inferiorum ordinum culpæ ad nullos magis referenda sunt, quam ad desides negligentesque rectores, qui multam saepe nutriunt pestilentiam, dum austriorem dissimulant adhibere medicinam.

EPISTOLA LXXXVII.
LEONIS PAPÆ I.
AD EPISCOPOS AFRICANOS PER MAVRITANIAM
CÆSARIENSEM CONSTITVTOS.

- | | |
|--|--|
| I. Ne illicitæ persona ad episcopatum prouehantur. | episcopo, & de Maximo ex Donatistis. |
| II. De statutis Canonum conservandis. | IV. De Aggaro & Tiberiano, qui ex laicis fuerunt ordinati. |
| III. De Donato Nouatianorum | V. De virginibus sacris, quæ vim barbaricam pertulerunt. |

In Concil.
Hispanen.
II. cap.3.

Distin. 86.
Inferiorum
culpa.

*Leo episcopus, uniuersis episcopis per Cæsariensem Mauritaniam
in Africa constitutis, in Domino salutem.*

I.

CVM de ordinationibus sacerdotum quædam apud vos illicite usurpata crebrior ad nos commeantium sermo perferret, ratio pietatis exegit, vt pro solicitudine, quam vniuersæ ecclesiæ ex diuina institutione dependimus, rerum fidem studeremus agnoscere, vicem curæ nostræ proficisci entia nobis fratri & consacerdoti nostro Pontentio, * iniungentes, qui secundum scripta, quæ per ipsum ad vos direximus, de episcopis, quorum culpabilis ferebatur electio, quid veritas haberet, inquireret, nobisque omnia fideliter indicaret. Vnde quia idem plenissime notitiæ nostræ cunctæ reserauit, & sub quibus qualibusque rectoribus quædam Christi plebes in partibus prouinciae Cæsariensis habeantur sincera nobis relatione patefecit: necessarium fuit, vt dolorem cordis nostri, quo pro dominorum gregum periculis æstuamus, datis nunc quoque ad dilectionem vestram literis promeremus: mirantes tantum apud vos, per occasionem temporis impacati, aut ambientium præsumptionem, aut tumultum valuisse popularem: vt indignis quibusque & longe extra sacerdotale meritum constitutis pastorale fastigium & gubernatio ecclesiæ crederetur. Non est hoc consulere populis, sed nocere; nec præstare regimen, sed augere dñcrimen. Integritas enim præsidentium salus est subditorum, & vbi est incolumentas obedientiæ, ibi sana est forma doctrinæ. Principatus autem, quem aut seditio extorsit, aut ambitus occupauit, etiam si moribus atque actibus non offendat, ipsius tamen initii sui est perniciosus exemplo. Et difficile est, vt bono peragantur exitu, quæ malo sunt inchoata principio.

Quod si in quibuslibet ecclesiæ gradibus prouidenter scienterque curandum est, vt in Domini domo nihil sit inordinatum, nihilque præposterum: quanto magis elaborandum est, vt in electione eius, qui supra omnes gradus constituitur, non erretur? Nam totius familie Domini status & ordo nutabit, si quod requiritur in corpore, non inueniatur in capite. Vbi est illa beati Pauli apostoli per

Distinct. 61.
Miramur
tantum.

1. quæst. 1.
Principatus
quem.

*1. Tim. 5.**Dicit. 78.
Quid est
manus.**1. Tim. 3.**Leuit. 21.
Ezech. 44.*

Spiritum Dei emissā præceptio, qua in persona Timothei omnium sacerdotum Christi numerus eruditur, & proinde vnicuique nostrum dicitur: *Manus cito nemini imposueris, neque communicaueris peccatis alienis?* Quid est ci-
 to manus imponere, nisi ante ætatem maturitatis, ante tempus examinis, ante meritum laboris, ante experien-
 tiā disciplinæ, sacerdotalē honorem tribuere non pro-
 batis? Et quid est communicare peccatis alienis, nisi ta-
 lem effici ordinantem, qualis est ille qui non * meruit or-
 dinari? Sicut enim boni operis sibi comparat fructum,
 qui rectum * sectatur in eligendo sacerdote iudicium: ita * meruit
 graui semetipsum afficit damno, qui ad suæ dignitatis col-
 legium sublimat indignum. Non enim in cuiusquam per-
 sona prætermittendum est, quod institutis generalibus continetur: nec putandus est honor ille legitimus, qui fuerit de præuaricatione collatus. Dicente enim Aposto-
 lo, vt inter alias electionis regulas, is episcopus ordinetur,
 quem vnius vxoris virum fuisse aut esse constiterit, tam sacra semper habita est ista præceptio, vt etiam de mulie-
 re sacerdotis eligendi eadem intelligatur seruanda condi-
 tio, ne forte illa, priusquam in matrimonium eius veni-
 ret, qui aliam non habuisset vxorem, alterius viri esset experta coniugium. Quis ergo dissimulare audeat, quod in tanti sacramenti perpetratur iniuriam: cum huic ma-
 gno venerandoque mysterio, ne diuinæ quide[m] legis sta-
 tuta defuerint, quibus euidenter est definitum, vt virgi-
 nem sacerdos accipiat, & alterius torum nesciat coniugis,
 quæ vxor est futura pontificis? Iam tunc enim in sacerdo-
 tibus figurabatur Christi & ecclesiæ spirituale coniugium:
 vt quoniam vir caput est mulieris, discat sponsa * Verbi * Christi
 non aliud virum nosse quam Christum, qui merito vnam
 elegit, vnam diligit, & aliam præter ipsam suo consortio
 non adiungit. Si ergo etiam in veteri testamento hæc sa-
 cerdotalium coniugiorum forma seruata est; quanto magis sub reuelata iam gratia constituti, apostolicis debe-
 mus inferire præceptis, vt quamlibet quis bonis mori-
 bus præditus, & sanctis operibus inueniatur ornatus, ne-
 quaquam tamen, vel ad diaconii gradum, vel ad presby-
 terii honorem, vel ad episcopatus culmen ascendat, si
 aut ipsum non vnius vxoris virum, aut vxorem eius non
 vnius

vnius viri fuisse claruerit? Monente vero Apostolo atque dicente: *Et hi autem probentur primum, & sic ministrant*, quid ^{1. Tim. 3.} aliud intelligendum in hoc putamus, nisi ut in his prouectionibus non solum matrimoniorum castimoniam, sed etiam laborum merita cogitemus, ne aut a baptismō rūdibus, aut a sacerulari actū repente conuersis, officium pastorale credatur, cum omnis gradus militiæ Christianæ de incrementis profectuum debeat aestimari, an possint cuiquam maiora committi? Merito sanctorum patrum venerabiles sanctiones, cum de sacerdotum electione loquerentur, eos demum idoneos sacris administrationibus censuerunt, quorum omnis ætas, a puerilibus exordiis usque ad prouectiores annos per disciplinæ ecclesiasticæ stipendia cucurisset, ut vnicuique testimonitum prior vita præberet: nec posset de eius prouectione dubitari, cui pro laboribus multis, pro castis moribus, pro aetibus strenuis, celsioris loci præmium deberetur. Si enim ad honores mundi sine suffragio temporis, sine merito laboris, indignum est peruenire, & notari ambitus solent, quos probitatis documenta non adiuuant: quam diligens & quam prudens habenda est dispensatio diuinorum munierum, & cœlestium dignitatum, ne in aliquo apostolica & canonica Decreta violentur, & his ecclesia Domini regenda credatur, qui legitimarum institutionum nescii, & totius humilitatis ignari, non ab infimis sumere incrementum, sed a summis volunt habere principium? cum valde iniquum sit & absurdum, ut imperiti magistris, noui antiquis, & rudes præferantur emeritis. *In domo quidem* ^{2. Tit. 1.} magna necesse est (sicut Apostolus disserit) ut vasa diuersa sint, quædam aurea & argentea, quædam vero lignea & fictilia: sed horum ministerium pro materiæ qualitate discernitur, nec qui est preciosorum, idem usus est & vilium. Nam ordinata erunt omnia, si fictilia aureis, & lignea præferantur argenteis. Sicut autem in ligneis & fictilibus eorum hominum species figurantur qui nullis adhuc virtutibus nitent: ita in aureis & argenteis hi sine dubio declarantur, qui per longæ eruditioñis ignem, & per fornacem diuturni laboris excocti, aurum probatum & argentum purum esse meruerunt. Quibus si merces pro deuotione non redditur, omnis ecclesiastica disciplina resolutur,

Concil. Tom. 7.

B b

*Dist. 61.
Miramur
tantum.*

omnis ordo turbatur: dum in ecclesia, qui nullum subie-
re ministerium, peruerso eligentium iudicio indebitum
obtinent principatum. Cum ergo inter vos tantum va-
luerint, aut studia popularium, aut ambitus superbo-
rum, vt non solum laicos, sed etiam secundarum vxo-
rum viros, aut viduarum maritos ad officium cognosca-

1. quæst. 7.
Exigunt
cauſæ.

* apertif.
ſimile

mus pastorale prouectos: nonne * aptissimæ exigunt cauſæ, vt ecclesiæ, in quibus ista commissa sunt, iudicio ſe-
uieriore purgentur, & non solum in tales præfuleſ, ſed et-
iam in ordinatores eorum vltio competens proferatur? Sed circumſtant nos hinc mansuetudo clementiæ, hinc
Pſal. 14.
censura iuſtiæ. Et quia *vniuersæ viæ Domini misericordia & veritas*, cogimur ſecundum ſedis apostolicae pietatem, ita noſtram temperare ſententiam, vt trutinato ponde-
re delictorum, quæ conſtat non vnius eſſe mensuræ, quæ-
dam definiamus vtcumque toleranda, quædam vero pe-
nitus amputanda. Eos enim, qui vel ſecundas nuptias in-
ierunt, vel viduarum ſe coniugio ſociarunt, nec aposto-
lica, nec legalis auctoritas, ſacerdotium obtinere per-
mittit: & multo magis illum, ſi fuerit uestro iudicio con-
futatus, qui (ſicut ad nos relatum eſt) duarum ſimul eſt
maritus vxorum, vel * iſtum, qui a prima vxore dimiſſus,
alteram duxiſſe perhibetur, priuandum honore decerni-
muſ. Ceteros vero, quorum prouectio hoc tantum re-
prehenſionis incurrit, quod ex laicis ad officium episco-
pale delecti ſunt, neque ex hoc quod vxores habeant po-
ſunt eſſe culpabiles, fuſceptum ſacerdotium tenere per-
mittimus: non præiudicantes apostolicae ſedis ſtatutis,
nec præceſſorum noſtrorum noſtrisque Decretis, quibus
ſalubriter ſtatutum eſt, ne primum, vel ſecundum, aut
tertium in ecclesia gradum quisquam laicorum, quibus-
libet ſuffragiis fultus, ascendaſt, priuquam ad hoc me-
ritum per legitima augmenta perueniat. Quod enim
nunc vtcumque patimur eſſe veniale, inultum poſt-
modum eſſe non poterit, ſi quisquam id, quod omni-
no interdicimus, vſurpare præſumpferit: quia remiſſio
peccati, non dat licentiam delinquendi, nec quod po-
tuit aliqua ratione concedi, fas erit amplius impune
committi.

1. quæſt. 7.
Exigunt
cauſæ.

* illum
qui pri-
ma vro
dimilla

1. quæſt. 7.
Exigunt
cauſæ.

II.

Cum itaque de omnibus fere, quæ fratris nostri Potentii relatio continebat, plenissime dilectionem vestram per David fratrem & coepiscopum nostrum, qui & sacerdotii merito nobis est probatus & moribus, videatis instruetam; supereft, fratres, ut concordi obedientia salubres suscipiatis hortatus, & nihil per contentionem agentes, sed ad omne studium deuotionis vñanimes, diuinis & apostolicis constitutionibus pareatis: & in nullo patiamini prouidentissima Canonum decreta violari. Quæ enim nunc certarum remifimus consideratione causarū, antiquis deinceps custodienda sunt regulis: ne quod ad tempus pia lenitate concessimus, iusta poſthac vltione plectamus: in eos specialius & propensius commouendi, qui in episcopis ordinandis sanctorum patrum statuta neglexerint, & quos refutare debuerant, consecrarint. Vnde si qui episcopi talem consecrauerint sacerdotem, qualem non liceat, etiamſi aliquo modo damnum proprii honoris euaserint, ordinationis tamen ius vltterius non habebunt, nec ei sacramento intererunt, quod neglecto diuino iudicio immerito praefliterunt. Illud sane quod ad sacerdotalem pertinet dignitatem, inter omnia volumus Canonum statuta feruari: vt non in quibuslibet locis, neque quibuslibet castellis, & vbi ante non fuerunt, episcopi consecrentur: cum vbi minores sunt plebes, minoresque Conuentus, presbyterorum cura sufficiat: episcopalia autem gubernacula non nisi maioribus populis, & frequentioribus ciuitatibus oporteat praefidere: ne quod sanctorum patrum diuinitus inspirata Decreta vetuerunt, viculis, & possessionibus, vel obscuris & solitariis municipiis tribuatur sacerdotale fastigium & honor; cui debent excellentiora committi, ipse sui numerositate vilescat. Quod nunc in sua dioecesi Restitutus episcopus factum esse causatus est, & rationabiliter postulauit, vt si episcopi eorum locorum, in quibus non debuerant ordinari, humana conditione decesserint, loca ipsa ad ius eius antistitis redigantur, cuius fuerant ante priora. Et inutile est, vt sacerdotalis dignitas inconsiderata ordinantis faciliter superflua multiplicatione * muniatur. De his autem quæ in sacro virginitatis proposito constitutæ bar-

1. quæft. 7.
Donatum
autem.

1. quæft. 1.
& 25. quæft. 2.
Si qui epi-
scopitalē.

Dicit. 80.
Illud sane
quod ad
Can. 6. Sar-
dicens. Con-
cili.

Sententia-
liter pon-
tur iste Ca-
non, 32. quæ-
ft. Illæ an-
tem famula-
Dei.

* minua-
tur.

Concil. Tom. 7.

B b ij

baricam pertulere violentiam , & integritatem pudoris non animo sed corpore perdiderunt, ea nobis seruanda videtur moderatio , vt neque in viduarum deiiciantur gradum, neque in sacrarum & perseverantium virginum numero censeantur. Quibus, si in omnibus virginalibus observationibus perseverant, & castimoniæ soliditatem mente custodiunt, sacramentorum non est neganda communio: quia iniustum est, eas in eo vel argui, vel notari, quod non voluntas amisit, sed vis hostilis eripuit. Causam quoque Lupicini episcopi illic iubemus audiri. Cui multum & saepius postulanti , communionem hac ratione reddidimus, quoniam cum ad nostrum iudicium prouocasset, immerito eum, pendente negotio , a communione videbamus fuisse suspensum. Adiectum etiam illud est, quod huic temere superordinatus esse cognoscitur, qui non debuit ordinari, antequam Lupicinus in praesenti positus, aut confutatus, aut certe confessus, iusta posset subiacere sententiae: vt vacantem locum , quemadmodum disciplina ecclesiastica exigit, is qui consecrabatur exciperet.

III.

1. quæst. 7.
Donatum autem.

Donatum autem Salicinensem ex Nouatianis cum sua (vt comperimus) plebe conuersum , ita dominico volumen gregi præsidere, vt libellum fidei suæ ad nos meminerit dirigendum, quo & Nouatiani dogmatis damnationem, & plenissime confiteatur catholicam veritatem. Maximum quoque ex laico , licet reprehensibiliter ordinatum, tamen si Donatista iam non est, & a spiritu schismaticæ prauitatis alienus, ab episcopali, quam quoquo modo adeptus est, non repellimus dignitate: ita vt & ipso libello ad nos edito catholicum se esse manifestet.

IV.

De Aggaro & Tiberiano, quorum a ceteris, qui ex laicis ordinati sunt, in hoc causa diuersa est, quod eorum ordinationi atroces tumultus & saevæ seditiones memorantur esse famulatae, vestro iudicio cuncta commisimus: vt relata habiti apud vos examinis fide, quid de supradictis statuendum sit, scire possimus.

V.

32. quæst. 5.
Illæ autem famulæ Dei.

Illæ autem famulæ Dei, quæ integritatem pudoris oppressione barbarica perdiderunt, laudabiliores erunt in

humilitate ac verecundia , si se incontaminatis non audent comparare virginibus. Quamuis enim omne peccatum ex voluntate nascatur , & potuerit corruptione carnis mens inuita non pollui: minus tamen hoc illis obserit, si quod potuerint animo non amittere, doleant se vel corpore perdidisse. Si vero aliae emerserint causae, quae ad statum ecclesiarum & ad concordiam pertineant sacerdotum , illic sub timore Domini volumus ventilentur, & de componendis atque compositis omnibus ad nos relatio plena mittatur, vt ea, quae iuxta ecclesiasticum morem iuste & rationabiliter fuerint definita , mea quoque sententia roborentur. Data quarto Idus Augusti.

EPISTOLA LXXXVIII.

LEONIS PAPÆ I.

AD VNIVERSOS GERMANIÆ ATQUE GALLIÆ
ECCLESiarVM EPISCOPOS.

De priuilegio chorepiscoporum siue presbyterorum.

Leo Romanæ ecclesiæ & apostolicæ sedis episcopus, uniuersis Germaniarum atque Galliarum regionum episcopis salutem.

CVM in Dei nomine in Romana ecclesia Synodum epi- Cap. 13.
scoporum siue ceterorum consacerdotum Christi- Damasi pa-
que fidelium coadunatam habuissimus, & de ordinatio- pœ in epift.
nibus illicitis , super quibus crebrior ad nos illarum partium ad Numidicæ
commeantium sermo peruenerat, atque de aliis ne- episcopos.
cessariis ecclesiasticis negotiis tractantes , sacrosque Canones relegentes, solerter egissemus , a multis lacrymabili vultu relatum est nobis, quod quidam Germaniarum ac Galliarum vrbium episcopi frequenter chorepiscopos, qui iuxta Canones Neocæsareenses, siue secundum Cam. 13.
aliorum Decreta patrum iidem sunt qui & presbyteri, vel presbyteros destinarent, qui absente pontifice altaria erigerent, basilicasque consecrarent. Quod quidem non est mirum , id præcepisse viros ecclesiasticae disciplinæ ignaros, quod est canonicae regulæ contrarium , & statim a sacerdiali militia, in sacerdotiale ministerium delegatos, atque promotos. Ergo ne vltra talis a vobis licentia usur-

B b iij

petur, communi sententia statuendum oportuit, scientes, quia sicut chorepiscopo, vel presbytero illicita consecratio est altaris, ita & constitutio. In diuinis enim literis, præcipiente Domino, solus Moses in tabernaculo Dei erexit altare, solus ipse vnxit, qui vtique summus sacerdos Dei erat, sicut scriptum est de eo: *Moses & Aaron in sacerdotibus eius.* Ideoque id quod tantum facere principibus sacerdotum iussum est, quorum typum Moses & Aaron tenuerunt, omnino decretum est, vt chorepiscopi vel presbyteri, qui filiorum Aaron gestant figuram, arripere non præsumant. Nam quamuis cum episcopis plurima illis ministeriorum communis sit dispensatio, quædam tamen auctoritate veteris legis, quædam nouæ etiam ecclesiasticis regulis sibi prohibita nouerint, sicut presbyterorum & diaconorum, aut virginum consecratio, sicut constitutio altaris, ac benedictio, vel vñctio. Siquidem nec erigere eis altaria, nec ecclesias, vel altaria consecrare licet, nec per impositiones manuum fidelibus baptizandis, vel conuersis, ex haeresi Paracletum Spiritum sanctum tradere, nec chrisma confidere, nec chrismate baptizatorum frontes signare, nec publice quidem in Missa quemquam poenitentem reconciliare, nec formatas cui libet epistolas mittere. Hæc enim omnia illicita sunt chorepiscopis, qui ad exemplum & formam septuaginta discipulorum esse noscuntur, vel presbyteris, qui eamdem gestant formam: quoniam quamquam consecrationem habent, pontificatus tamen apicem non habent. Quæ omnia solis deberi summis pontificibus auctoritate Canonicum præcipitur, vt per hoc & discretio graduum, & dignitatis fastigium summi pontificis demonstretur. Sed neque coram episcopo licet presbyteris in baptisterium introire, nec præsente antistite infantem tingere, aut signare, nec poenitentem sine præceptione episcopi sui reconciliare, nec eo præsente, nisi illo iubente, sacramentum corporis & sanguinis Christi confidere, nec eo coramposito populum docere, vel benedicere, aut salutare, nec plebem vtique exhortari.

Ex fine huius epistolæ argumentum sumitur, quod non sit plena, sed fragmentum dumtaxat.

EPISTOLA LXXXIX.
LEONIS PAPÆ I.

AD EPISCOPOS PROVINCIAE VIENNENSIS.

Aduersus Hilarium episcopum Arelatensem, post eius
ab Vrbe discessum scripta.

- | | |
|-------------------------------------|-------------------------------------|
| I. Chelidonius episcopus, quem Hi- | IV. Hilario metropolitani dignitas, |
| larius damnarat, retractato iu- | & potestas in prouinciam Vien- |
| dicio absolutus. | nensem adempta. |
| II. Proiectus episcopus, cui agro- | V. Quod nulli facile infligenda sit |
| tanti alterum idem Hilarius sub- | excommunicatio. |
| stituerat, in integrum restitutus. | VI. Ut preter Leontii episcopi con- |
| III. Electiones & ordinationes epi- | sensum alterius prouincie Con- |
| scoporum per quos & quomodo | cilium non indicatur. |
| facienda sint. | |

Dilectissimis fratribus vniuersis episcopis per Vienensem
prouinciam constitutis Leo.

DIVINÆ cultum religionis, quem in omnes gentes, ^{Dicit. 19.}
Omnesque nationes Dei voluit gratia coruscare, ita ^{Ita Domi-}
Dominus noster Iesus Christus humani generis saluator ^{nus.}
instituit, ut veritas, quæ antea legis & prophetarū præco-
nio continebatur, per apostolicam tubam in salutem vni-
uersitatis exiret; sicut scriptum est: *In omnem terram exiuit* ^{Psal. 18.}
sonus eorum, & in fines orbis terræ verba eorum. Sed huius mu-
neris sacramentum ita Dominus ad omnium apostolo-
rum officium pertinere voluit, ut id in beatissimo Petro,
apostolorum omnium summo, principaliter collocaret;
atque ab ipso, quasi quodam capite, dona sua vellet in
corpus omne manare; ut exortem se mysterii intelligeret
esse diuini, qui ausus fuisset a Petri soliditate recedere.
Hunc enim in consortium indiuiduæ vnitatis assumptum,
id quod ipse erat voluit nominari, dicendo: *Tu es Petrus,* ^{Matth. 16.}
& super hanc petram ædificabo ecclesiam meam; ut æterni ædifi-
catio templi, mirabili munere gratiæ Dei, in Petri solidita-
te consisteret: hac ecclesiam suam firmitate corroborans,
ut illam nec humana temeritas posset appetere, nec por-
ta contra illam inferi præualerent. Verum hanc petræ
istius sacratissimam firmitatem, Deo, ut diximus, ædifi-
cante constructam, nimis impia vult præsumptione vio-

Iare, quisquis eius potestatem infringere, fauendo cupiditatibus suis, & id quod accepit a veteribus non sequendo: cum nulli se subditum legi, nullis institutionis dominicæ credit regulis contineri; a vestro nostroque per nouæ usurpationis ambitum more desciscens, præsumendo illicita, & quæ custodire debuit negligendo. Verum hæc nos, (Deo, vt credimus, adspirante) seruata circa vos nostræ caritatis gratia, quam sanctitati vestræ apostolica semper sedes, vt meministis, impendit, nitimur consilio maturiore corrigere, & vestrarum ecclesiarū statum communicato vobiscum labore componere; non noua insti-tuentes, sed vetera renouantes; vt in status consuetudine, quæ nobis a nostris patribus est tradita, perduremus, & Deo nostro per boni operis ministeriū, remotis perturbationum scandalis, placeamus. Nobiscum itaque vestra fraternitas recognoscat, apostolicam sedem, pro sui reue-rentia, a vestræ etiam prouincia sacerdotibus innumeris relationibus esse consultam, & per diuersarū, quemadmodum vetus consuetudo poscebat, appellationem causarū, aut retractata, aut confirmata fuisse iudicia: adeo vt seruata vnitate Spiritus in vinculo pacis, commeantibus hinc inde literis, quod sancte agebatur, perpetuæ proficeret caritati. Quam solicitude nostra, non sua quærens, sed quæ sunt Christi, dignitatem diuinitus datam nec ecclesiis, nec ecclesiarum sacerdotibus abrogabat. Sed hunc tra-mitem, semper inter maiores nostros & bene tentum, & salubriter constitutum, Hilarius ecclesiarum statum, & concordiam sacerdotum nouis præsumptionibus turbaturus excessit; ita suæ vos cupiens subdere potestati, vt se beato apostolo Petro non patiatur esse subiectum: ordinationes sibi omnium per Gallias ecclesiarum vindicans, & debitam metropolitanis sacerdotibus in suum ius transferens dignitatem: ipsius quoque beatissimi Petri reuerentiam verbis arrogantioribus minuendo; cui cum præ ceteris soluendi & ligandi tradita sit potestas, pascendarum tamen ouium specialius cura mandata est: cui quisquis principatum æstimat denegandum, illius quidem nullo modo potest minuere dignitatem, sed inflatus spiritu superbiæ suæ, semetipsum in inferna demergit.

I. Quæ

Marth. 16.

Ioan. 12.

I.

Quæ igitur apud nos in causa Chelidonii episcopi gesta confecta sint, & quæ Hilarius dixerit, dum cum eodem, præsente supradicto episcopo, audiretur, inditus chartis rerum ordo demonstrat. Vbi postquam Hilarius rationabile, quod in sanctorum Concilio sacerdotum posset respondere, non habuit, ad easē occulta cordis ipsius transmiserunt, quæ nullus laicorum dicere, nullus sacerdotum posset audire. Doluimus fateor, fratres, & hunc eius mentis tumorem medelis patientiæ nostræ curare tentauimus. Nolebamus enim ea illi exacerbare vulnera, quæ suæ animæ insolentibus subinde sermonibus infligebat: & quem suscepseramus ut fratrem delinire magis, quamvis ipse suis responsionibus innodaret, quam contristare nostris interlocutionibus nitebamur. Absolutus est Chelidoni episcopus, quoniam se iniuste sacerdotio fuisse deiecitum, manifesta testium responce, ipso etiam præsente, monstrauerat: ita ut quod Hilarius nobiscum residens posset opponere non haberet. Remotum est ergo iudicium, quod prolatum in hac sententia legebatur, quod tamquam viduæ maritus sacerdotium tenere non posset. Quod nos quidem seruantes legalia constituta solicitius voluimus custodiri, non solum circa sacerdotes, sed circa clericos quoque minoris officii, ne ad sacram militiam hi permittantur accedere, quibus sit tale coniugium, ut contra apostolicam disciplinam non vnius tantum vxoris viri fuisse monstrarentur. Sed sicut eos, quos factum suum non potest excusare, aut non admittendos, aut si admissi fuerint, decernimus remouendos: ita quibus hoc falso obicitur, habita necesse est examinatione purgemos, & suum officium perdere non sinamus. Mansisset namque in illum prolatâ sententia, si obiectorum veritas extitisset. Redditus itaque est ecclesiæ suæ, & huic quam amittere non debuit dignitati, coepiscopus noster Chelidonus, sicut gentium series, & post decursam cognitionem sententia, quæ a nobis est prolatâ, testatur.

II.

Huic negotio sic finito fratribus & coepiscopi nostri Proiecti querela succedit: cuius ad nos literæ lacrymabiles & dolendæ de superordinato sibi episcopo sunt directæ.

Concil. Tom. 7.

Cc

Epistola quoque ingestâ est ciuium, ipsius, & numero-
sa singulorum subscriptione firmata, inuidiosissimis con-
tra Hilarium plena querimoniis, quod Proiecto episco-
po suo ægrotare liberum non fuisset, eiusque sacerdoti-
um in alium præter suam notitiam esse translatum, &
tamquam in vacuam possessionem ab Hilario perusore
heredem viuentis inductum. Quid hic fraternitas vestra
sentiat, cuperemus audire: quamquam de vestris ani-
mis nostra non debeat sententia dubitare, cum fratrem
in leætulo constitutum, non tam infirmitate corporis ag-
grauari, quam alio videatis dolore torqueri. Quæ spes
illi de vita relinquitur, cui de sacerdotio suo desperatio,
dum illi alter substituitur, irrogatur? Apparet quam mi-
tis sit corde Hilarius, qui obesse præsumptioni suæ frater-
næ mortis credidit tarditatem. Quantum enim in re fuit,
is illi subtraxit lucem, abstulit vitam, qui hunc ei dolo-
rem, in locum eius alterum subrogando, ne ad salutem
illi recursus esset, iniecit. Esto ut breuis fratri euenerit
humanæ conditionis consueta migratio: quid sibi Hila-
rius quærerit in aliena prouincia, & id quod nullus decesso-
rum ipsius ante Patroclum habuit, cur usurpat; cum &
ipsum, quod Patroclo a sede apostolica temporaliter vi-
debatur esse concessum, postmodum sit sententia melio-
re sublatum? Expectarentur certe vota ciuium, testimo-
nia populum; quæreretur honoratorum arbitrium,
electio clericorum, quæ in sacerdotum solent ordinatio-
nibus ab his qui norunt patrū regulas custodiri: ut aposto-
licæ auctoritatis norma in omnibus seruaretur, quæ præ-
cipit, ut sacerdos ecclesiæ præfuturus, non solum attesta-
tione fidelium, sed etiam eorum qui foris sunt testimonio
muniatur; neque ullius scandali relinquatur occasio, cum
per pacem, & Deo placitam concordiam consonis om-
nium studiis qui docto pacis futurus est ordinatur. Sed
ille insperatus nescientibus superuenit, & improuisus abs-
cessit, cursu, ut didicimus, celeri itinera multa conficiens,
& per longinquas prouincias tanta immaturitate discur-
rens, ut videatur gloriam de scurrili velocitate potius,
quam de sacerdotali moderatione captasse. Hæc enim di-
rectarum ad nos ciuium verba sunt literarum, Ante abs-
cessit, quam eum venisse nossemus. Non est hoc redire,

Dist. 63.
Vota ciuiū.

sed fugere : nec salubritatem impendere diligentia pasto-
ralis , sed vim inferre latronis & furis, dicente Domino :
Qui non intrat per ianuam in cortem ouium , sed ascendit aliunde, Ioan. 10.
hic fur & latro est. Non ergo Hilarius tam studuit episco-
pum consecrare, quam eum potius qui ægrotabat occide-
re, & ipsum quem superposuit male ordinando decipere.
Nos tamen, quod vobis credimus, Deo iudice, placitu-
rum, in commune cunctis fratribus consulentes, & male
ordinatum submoueri, & episcopum proiectum in suo
sacerdotio permanere debere decreuimus : id statuentes,
vt si quisquam fratrum nostrorum in quacumque prouin-
cia de hac vita decesserit, is sibi ordinationem vindicet
sacerdotis, quem illius prouinciae metropolitanum esse
constiterit. Duæ vt videmus causæ transactæ sunt, in qui-
bus tamen multa sunt quæ præter rationem ecclesiasti-
cam videantur esse commissa, & iusti iudicii debeant ex-
pectare censuram. Sed nos diutius hic non possumus im-
morari, cum ad alia, quæ nobis cum vestra sanctitate so-
licitius conferenda sunt, prouocemur.

III.

Militaris manus , vt didicimus, per prouincias sequi-
tur sacerdotem , & armati præsidii præsumptione sufful-
to , ad inuadendas per tumultum famulatur ecclesias ,
quæ proprios amiserint sacerdotes. Trahuntur ordinan-
di ante hoc officium his, quibus præficiendi sunt , ciui-
tatis ignorati. Vt enim notus qui fuerit & probatus,
per pacem petitur ; ita per vim necesse est , qui ignotus
adducitur , imponatur. Obtestor , obsecro , & sub Dei
vos inuocatione conuenio , prohibete fratres talia , &
omnem dissensionis materiam de vestris prouinciis remo-
uete. Certe nos ante Deum absoluimus, qui vos ne per-
mittatis ultra hæc fieri conuenimus. Per pacem & quie-
tem sacerdotes qui præfuturi sunt postulentur. Tenea-
tur subscriptio clericorum, honoratorum testimonium,
ordinis consensus , & plebis : qui præfuturus est omnibus,
ab omnibus eligatur. Ordinationem sibi, vt ante iam dixi-
mus , singuli metropolitani suarum prouinciarum , cum
his qui ceteros sacerdotii antiquitate præueniunt, restituto
sibi per nos iure defendant. Alienum ius alter sibi non au-
deat vindicare. Suis limitibus, suis terminis sitvnuſquisque

Concil. Tom. 7.

Dicit. 63.
Vota ciuiq.

Cc ij

contentus : & priuilegium sibi debitum in alium transferre se posse nouerit non licere. Quod si quis negligens apostolicas sanctiones , plus gratiæ tribuens personali , sui honoris desertor esse voluerit, priuilegium suum in alium transferre se posse credens ; non is cui cesserit , sed is qui intra prouinciam antiquitate episcopali ceteros præuenit , sacerdotes ordinandi sibi vindicet potestatem. Non paſſim , sed die legitimo ordinatio celebretur : nec sibi constare status sui nouerit firmitatem , qui non die sabbati vespere , quod luceſcit in primam sabbati , vel ipso dominico die fuerit ordinatus. Solum enim maiores nostri resurrectionis dominicæ diem hoc honore dignum iudicarunt, vt sacerdotes qui sumuntur hoc die potissimum tribuantur.

IV.

Suis vnaquæque prouincia sit contenta Conciliis , nec ultra Hilarius audeat conuentus indicere synodales , & sacerdotum Domini iudicia se interferendo turbare : qui non tantum nouerit se ab alieno iure depulsum , sed etiam Viennensis prouinciæ , quam male usurpauerat , potestate priuatum. Dignum est enim , fratres carissimi , antiquitatis statuta reparari , cum is , qui sibi ordinationem prouinciæ indebitæ vindicabat , talis in præsenti etiam probatus fuerit extitisse , vt cum ipse frequentius temerariis & insolentibus verbis sententiam damnationis expeteret , suæ tantum ciuitatis illi sacerdotium , pro sedis apostolicæ pietate , præceptio nostra seruauerit. Non ergo interficit vlli ordinationi , non ordinet , qui merití sui conscius , cum quereretur ad causam , turpi fuga se credidit subtrahendum , exors apostolicæ communionis , cuius particeps esse non meruit : Deo , vt credimus , hoc agente , qui illum nec opinantibus nobis , & ad iudicia nostra pertraxit , & inter examinationes habitas , ne communionis nostræ consors fieret , vt abscederet latenter effecit.

V.

Nulli Christianorum facile communio denegetur : nec ad indignantis fiat hoc arbitrium sacerdotis , quod in magni reatus vltionem inuitus & dolens quodammodo debet inferre animus vindicantis. Cognouimus enim pro commissis & leuibus verbis quosdam a gratia

communionis exclusos, & animam, pro qua Christi sanguis effusus est, irrogatione tam saeuī supplicii sauciata, & inermem quodammodo, exutamque omni munimine, diabolicis incursionibus, vt facile caperetur, obiecatam. Certe si quando causa talis emerserit, vt pro commissi criminis qualitate aliquem iuste faciat communione priuari, is tantum poenæ subdendus est, quem reatus inuoluit, nec particeps debet esse supplicii, qui consors non docetur fuisse commissi. Sed quid mirum eum in laicos talem existere, qui soleat sacerdotum damnatione gaudere?

VI.

Vnde quia nostra longe alia videtur intentio, (nam omnium ecclesiarum statum, & concordiam custodiri cupimus sacerdotum) ad vnitatem vos vinculo caritatis hortantes, & obtestamur, & affectione congrua commonemus, vt ea quæ a nobis Deo inspirante, & beatissimo Petro apostolo, discussis probatisque nunc omnibus causis, decreta sunt, pro vestra pace & dignitate seruetis; certi non tam nostro quam vestro honori proficere, quod talia statuisse cognoscimur. Non enim nobis ordinaciones vestrarum prouinciarum defendimus, quod potest forsitan ad deprauandos vestræ sanctitatis animos Hilarius pro suo more mentiri: sed vobis per nostram sollicitudinem vindicamus, ne quid vterius liceat nouitati, nec præsumptori locus ultra iam pateat priuilegia vestra casandi. Nostræ enim gratulationi hoc solum crescere profitemur, si & apostolicae sedis diligentia apud vos illibata seruetur, & per sacerdotalis disciplinæ concordiam, honori vestro perire quod suum est improbis usurpationibus non sinamus. Et quoniam honoranda est semper antiquitas, fratrem & coepiscopū nostrum Leontium probabilem sacerdotem hac, si vobis placet, dignitate volimus decorari, vt præter eius consensum alterius prouinciae non indicatur a vestra sanctitate Concilium, & a vobis omnibus, quemadmodum vetustas eius & probitas exigit, honoretur, metropolitanis priuilegii sui dignitate seruata. Æquum est enim, nec vlli de fratribus fieri videatur iniuria, si his, qui sacerdotii vetustate præcedunt, protatris suæ merito in suis prouinciis a sacerdotibus ceteris

Cc iij

deferatur. Deus vos incolumes custodiat, fratres carissimi.

NOVELLA
VALENTINIANI III. AVGUSTI
VNA CVM PRÆCEDENTI LEONIS PAPÆ
DECRETALI DE EADEM RE
in Galliam missa.

De episcoporum ordinatione.

*Imperatores Theodosius & Valentinianus Augusti Aetio viro
illustri comiti & magistro utriusque militiae, & patricio.*

CERTVM est, & nobis, & imperio nostro vnicum esse præsidium in supernæ diuinitatis fauore, ad quem promerendum præcipue Christiana fides, & veneranda nobis religio suffragatur. Cum igitur sedis apostolicæ primatum sancti Petri meritum, qui princeps est episcopalibus coronæ, & Romanæ dignitas ciuitatis, sacræ etiam Synodi firmarit auctoritas, ne quid præter auctoritatem sedis istius illicitum præsumptio attentare nitatur. Tunc enim demum ecclesiarum pax vbique seruabitur, si rectorem suum agnoscat vniuersitas. Hæc cum haec tenus inuiolabili fuerint custodita, Hilarius Arelatensis, sicut venerabilis viri Leonis Romani papæ fideli relatione comprimus, contumaci ausu illicita quædam præsumenda tentauit, & ideo transalpinas ecclesias abominabilis tumultus inuasit, quod recens maxime testatur exemplum. Hilarius enim, qui episcopus Arelatensis vocatur, ecclesiæ Romanæ vrbis inconsulto pontifice, indebitas sibi ordinationes episcoporum sola temeritate usurpans inuasit. Nam alios incompetenter remouit, indecenter alios inuitis & repugnantibus ciuibus ordinauit. Qui quidem quoniam non facile ab his qui non elegerant recipiebantur, manum sibi contrahebat armatam, & claustra murorum in hostilem morem, vel obsidione cingebat, vel aggressione reserabat, & ad sedem quietis pacem prædicatus per bella ducebat. His talibus & contra imperii maiestatem, & contra reuerentiam apostolicæ sedis admissis, per ordinem religiosi viri vrbis papæ cognitione

discussis, certa in eum ex his quæ male ordinauerat, lata sententia est. Et erat quidem ipsa sententia per Gallias et iam sine imperiali sanctione valitura. Quid enim tanti pontificis auctoritati in ecclesiis non liceret? Sed nostram quoque præceptionem hæc ratio prouocauit, ne vltius vel Hilario, quem adhuc episcopum nuncupari sola mansueti præfusilis permittit humanitas, nec cuiquam alteri, ecclesiasticis rebus arma miscere, aut præceptis Romani antistitis liceat obuiare. Ausibus enim talibus fides & reuerentia nostri violatur imperii. Nec hoc solum, quod est maximi criminis, submouemus. Verum ne leuis saltem inter ecclesiasturba nascatur, vel in aliquo minui religionis disciplina videatur, hoc perenni sanctione decernimus, ne quid tam episcopis Gallicanis, quam aliarum prouinciarum, contra consuetudinem veterem licet, sine viri venerabilis papæ vrbis æternæ auctoritate tentare: sed illis omnibusque pro lege sit, quidquid sanxit, vel sanxerit apostolicæ sedis auctoritas. Ita ut quisquis episcoporum ad iudicium Romani antistitis euocatus venire neglexerit, per moderatorem eiusdem prouinciae adesse cogatur, per omnia seruatis, quæ diu parentes nostri Romanæ ecclesiæ detulerunt, Aeti P.K.A. Vnde illustris & præclara magnificentia tua, præsentis edictalis legis auctoritate, faciet quæ sunt superius statuta seruari, decem librarum auri mulæta protinus exigenda ab unoquoque iudice, qui passus fuerit præcepta nostra violari. *Et manu divina:* Ditiuitas te seruet per multos annos, parens carissime. Data viii. Idus Iunias Romæ, Valentiniano Augusto vi. consule.

EPISTOLA XC.

LEONIS PAPÆ I.

AD RAVENNIVM EPISCOPVM ARELATENSEM.

Gratulatur ei ad episcopatum assumpto.

Dilectissimo fratri Rauennio Leo.

PROVECTIONEM dilectionis tuæ, quæ summi sacerdotii adepta est dignitatem, ita nobis placere cognoscet, vt non solum tibi de honoris augmento, sed etiam

Arelatenſi ecclesiæ, cui te Dominus præposuit, gaudeamus. Ad omnium enim fidelium decus, atque utilitatem redundant, cum talis habetur antistes, cuius plurimi & adiuvantur præsidio, & incitentur exemplo. Vnde quia non ignoras, quid de sinceritate animi tui secundum præcedentem notitiam senserimus, iustissime nos agnoscis exigere, ut quod præsumimus, hoc probemus, frater carissime. Modestia igitur tuæ non desit auctoritas, constantiam mansuetudo commendet: iustitiam lenitas temperet, patientia contineat libertatem: & declinata superbia, cui proximum est ut decidat, ametur humilitas, cui semper debetur ut crescat. Ecclesiasticarum legum non ignara est dilectio tua, ut intra earum regulas atque mensuras omnia potestatis tuæ iura contineas. Iusto quippe ideo dicitur lex non esse posita, quia normam præceptionis implet iudicio voluntatis: cum verus recti amor in semetipso habeat, & apostolicas auctoritates, & canonicas sanctiones. Quarum deuotus sectator, & diligens executor, in eorum procul dubio consortio gloriaberis, qui de creditorum sibi profectibus talentorum audire meruerunt:

1. Tim. 2.

Math. 25.

Euge serue bone & fidelis, quia super pauca fuisti fidelis, supra multa te constituam, intra in gaudium domini tui. Ut autem fiduciam dilectionis erga te nostræ habere non dubites, sapientius nos de processu actuum tuorum facias certiores: quoniam iudicii nostri memores cupimus semper de tuis profectibus in Domino gloriari. Deus te in columem custodiat, frater carissime.

EPISTOLA XCI.

LEONIS PAPÆ I.

AD THEODORVM FOROIV IENSEM

EPISCOPVM.

Vt his, qui in exitu sunt, pœnitentia & communio, non negentur.

Leo episcopus Theodoro episcopo Foroiuliensi salutem.

SO LICITUDINIS quidem tuæ is ordo esse debuerat, ut cum metropolitano tuo primitus de eo, quod quærendum videbatur esse, conferres: ac si id, quod ignorabat

bat dilectio tua, etiam ipse nesciret, instrui vos pariter posceretis: quia in causis, quæ ad generalem obseruantiam pertinent, omnium Domini sacerdotum nihil sine primatibus oportet inquire. Sed ut quoquomodo instruatur ambiguitas consulentis, quid de pœnitentium statu ecclesiastica habeat regula, non tacebo. Multiplex misericordia Dei ita lapsibus subuenit humanis, ut non solum per baptismi gratiam, sed etiam per pœnitentiæ medicinam spes vita reparetur æternæ, ut qui regenerationis donum violassent, proprio se iudicio condemnantes, ad remissionem criminum peruenirent, sic diuinæ bonitatis præsidiis ordinatis, ut indulgentia Dei nisi supplicationibus sacerdotum nequeat obtineri. Mediator enim Dei & hominum homo Christus Iesus hanc præpositis ecclesiæ tradidit potestatem, ut & confidentibus actionem pœnitentiæ darent: & eosdem salubri satisfactiōne purgatos, ad communionem sacramentorum per ianuam reconciliationis admitterent. Cui vtique operi incessabiliter ipse Saluator interuenit, nec vñquam ab his abeſt, quæ ministris suis exequenda commisit, dicens: *Ecce ego vobis* Matth. 18. *sum omnibus diebus usque ad consummationem saeculi:* ut si quid per seruitutem nostram bono ordine, & gratulando impletur effectu, non ambigamus per Spiritum sanctū fuisse donatum. Si autem aliquis eorum, pro quibus Domino supplicamus, quocumque interceptus obstaculo, a munere indulgentiæ præsentis exciderit, & priusquam ad constituta remedia perueniat, temporalem vitam humana conditione finierit: quod manens in corpore non receperit, consequi exutus carne non poterit. Nec necesse est nos, eorum qui sic obierint, merita aetiusque discutere: cum Dominus Deus noster, cuius iudicia nequeunt comprehendendi, quod sacerdotale ministerium implere non potuit, suæ iustitiæ reseruauerit: ita potestatem suam timeri volens, ut hic terror omnibus prospicit, & quod quibusdam tepidis aut negligentibus accidit, nemo non metuat. Multum enim vtile ac necessarium est, ut peccatorum reatus ante ultimum diem sacerdotali supplicatione soluatur. His autem qui in tempore necessitatis, & in periculi urgentis instantia, præsidium pœnitentiæ, & mox reconciliationis implorant: nec satisfactio interdicenda est, nec

Concil. Tom. 7.

Dd

De pœnitentiæ diff.
1. Multi-plex.

De pœnitentiæ diff.
1. Multi-plex.

De pœnitentiæ diff.
1. Multi-plex. & 26.
q. 6. His qui tempore.

reconciliatio denegāda: quia misericordiæ Dei, nec mensuras possumus ponere, nec tempora definire, apud quem nullas patitur veniæ moras vera conuersio, dicente spiritu Dei per prophetam: *Cum conuersus ingemueris, tunc saluus eris.* Et alibi: *Dictu iniquitates tuas prior, ut iustificeris.* Et iterum: *Quia apud Dominum misericordia est, & copiosa apud eum redemptio.* In dispensandis itaque Dei donis non debemus esse difficiles, nec accusantium se lacrymas gemitusque negligere, cum ipsam * pœnitentiam ex Dei credamus inspiratione conceptam, dicente Apostolo: *Ne forte det illis Deus pœnitentiam, ut resplicant a diaboli laqueis, a quo capti tenentur ad ipsius voluntatem.* Vnde oportet vnumquemque Christianum conscientiæ suæ habere iudicium, ne conuerti ad Deum de die in diem differat: nec satisfactionis sibi tempus in fine vitæ suæ constituat, quem periculose ignorantia humana concludit, vt ad paucarum horarum spatium se reseruet incertū; & cum possit pleniore satisfactione indulgentiam promereri, illius temporis angustias eligat, quo vix inueniat spatum, vel confessio pœnitentis, vel reconciliatio sacerdotis. Verum (vt dixi) etiam talium necessitati ita auxiliandum est, vt nec actio illis pœnitentiæ, nec communionis gratia denegetur, si eam, etiā amissō ab eis vocis officio, per indicū integris sensus quare re comprobētur. Quod si aliqua vi ægritudinis ita fuerint aggrauati, vt quod paulo ante poscebant, sub præsentia sacerdotis significare non valeant, testimonia eis fidelium circumstantium prodeſſe debebunt, vt simul & pœnitentiæ, & reconciliationis beneficium consequantur: seruata tamen regula Canonum paternorū circa eorum personas, qui in Deum, a fide discedendo, peccarunt. Hæc autem, frater, quæ ad interrogationem dilectionis tuæ ideo respondi, ne aliquid contrarium sub ignorantia excusatione gereretur, in metropolitani tui notitiam facies peruenire: vt si qui forte sunt fratrum, qui de his antea putauerint ambigendum, per ipsum de omnibus quæ ad te scripta sunt instruantur. Data iv. Idus Iunii, Herculano viro clarissimo consule.

Isa. 30. &
43.

Psal. 123.

2. Tim. 2.

De pœni.
tentia diff.
1. Multi-
plex. &c 26.
q. 6. His qui
tempore.

* pœni-
tentiæ
fœctio-
nem

EPISTOLA XCIL.

LEONIS PAPÆ I.

AD RVSTICVM NARBONENSEM

EPISCOPVM.

Subditis responzionibus ad eiusdem consulta
rescribit.

Leo episcopus Rustico episcopo Narbonensi.

EPISTOLAS fraternitatis tuæ, quas Hermes archidiaconus tuus detulit, libenter accepi, diuersarum quidem causarum connexione multiplices, sed non ita patientiæ legentis onerosas, vt aliquid earum inter concorrentes vndique solicitudines fuerit prætermissum. Vnde totius sermonis tui allegatione comperta, & gestis quæ in episcoporum honoratorumque examine confecta sunt recensitis, Sabiniano & Leoni presbyteris actionis suæ intelleximus fiduciam defuisse: nec eis iustam superesse querimoniam, qui se ab inchoatis disceptationibus sponte subtraxerint. Circa quos quam formam, quamve mensuram debeas tenere iustitiæ, tuo relinquo modermini: suadens tamen caritatis hortatu, vt sanandis ægris spiritalem studeas adhibere medicinam; & dicente scriptura, *Noli esse nimium iustus*, mitius agas cum eis, qui zelo pudicitiæ videntur modum excessisse vindictæ, ne diabolus, qui decepit adulteros, de adulterii exultet vtoribus. Miror autem dilectionem tuam in tantum scandalorum quacumque occasione nascentium adueritate turbari, vt vacationem ab episcopatus laboribus optare te dicas, & malle in silentio atque otio vitam degere, quam in his quæ tibi commissa sunt permanere. Dicente vero Domino, *Beatus qui perseverauerit usque in finem*; vnde erit beata perseverantia, nisi de virtute patientiæ? Nam secundum apostolicam prædicationem, *omnes qui voluerint in Christo pie vivere, persecutionem patientur*. Quæ non in eo tantū computada est, quod contra Christianam pietatem, aut ferro, aut ignibus agitur, aut quibuscumque suppliciis: cum persecutionum sævitiam suppleant & dissimilitudines morū, & contumacia inobedientiū, & malignarū tela linguarum.

*Ecclesiæ. 7.**Matth. 10.**1. Tim. 3.*

Concil. Tom. 7.

D d ij

Quibus conflictationibus cum omnia semper ecclesiæ membra pulsentur, & nulla piorum portio a tentatione sit libera, ita ut periculis nec otia careant, nec labores; quis inter fluctus maris nauem diriget, si gubernator abscedat? quis ab infidiis luporum custodiet oves, si pastoris cura non vigilet? quis denique latronibus obsistet & furibus, si speculatorum in prospektu explorationis locatum ab intentione solicitudinis amor quietis abducatur? Permanendum ergo est in opere credito, & in labore suscepito: constanter tenenda est iustitia, & benigne præstanta clementia. Odio habeantur peccata, non homines: corripientur tumidi, tolerentur infirmi: & quod in peccatis seuerius castigari necesse est, non sequentis plectatur animo, sed medentis. At si vehementior tribulatio incubuerit, non ita expauescamus, quasi illi aduersitati propriis sit viribus resistendum; cum & consilium nostrum, & fortitudo sit Christus, ac sine quo nihil possumus, per ipsum cuncta possimus. Qui confirmans prædicatores euangelii, & sacramentorum ministros, *Ecce ego, inquit, vobiscum sum omnibus diebus usque ad consummationem sæculi.* Et iterum:

Matth. 28. *Hæc, inquit, locutus sum vobis, ut in me pacem habeatis: in hoc autem mundo tribulationem habebitis: sed bono animo estote, quia ego vici mundum. Quæ pollicitationes, quia sine dubitatione manifestæ sunt, nullis debemus scandalis infirmari, ne electioni Dei videamur ingrati, cuius tam potentia sunt adiutoria, quam vera promissa. De consultationibus autem dilectionis tuæ, quas separatim conscriptas archidiaconus tuus detulit, quid sentiendum sit inter præsentes opportunius quereretur, si nobis tui conspectus copia proueniret. Nam cum quædam interrogations modum diligentia videantur excedere, intelligo eas colloquiis aptiores esse, quam scriptis: quia sicut quædam sunt, quæ nulla possint ratione conuelli: ita multa sunt, quæ aut pro consideratione atatum, aut pro necessitate rerum, oporteat temperari; illa semper conditione seruata, vt in his quæ dubia fuerint vel obscura, id nouerimus sequendum, quod nec præceptis euangelicis contrarium, nec decretis sanctorum patrum inueniatur diuersum.*

*Dist. 14.
Sicut quæ
dam.*

RESPONSIONES LEONIS PAPÆ
ad inquisitiones Rustici Narbonensis.

INQVISITIO I.

*De presbytero, vel diacono, qui se episcopos esse mentiti sunt:
& de his quos ipsi clericos ordinarunt.*

RESPONSIO.

NVLLA ratio finit, vt inter episcopos habeantur, qui Dist. 61.
Nulla ratio. nec a clericis sunt electi, nec a plebibus expetiti, nec a prouincialibus episcopis cum metropolitani iudicio consecrati. Vnde cum saepe quæstio de male accepto honore nascatur, quis ambigat nequaquam istis esse tribendum, quod non docetur fuisse collatum? Si qui autem clerici ab istis pseudoepiscopis in eis ecclesiis ordinati sunt, quæ ad proprios episcopos pertinebant, & ordinatio eorum cum consensu & iudicio præsidentium facta est, potest rata haberi; ita vt in ipsis ecclesiis perseverent. Aliter autem vana habenda est ordinatio, quæ nec loco fundata est, nec auctoritate munita.

INQVISITIO II.

De presbytero, vel diacono, qui si cognito crimine suo pœnitentiam publicam petat, utrum eis manus impositionem danda sit.

RESPONSIO.

Alienum est a consuetudine ecclesiastica, vt qui in presbyterali honore, aut in diaconi gradu fuerint consecrati, hi pro crimine aliquo suo per manus impositionem remedium accipient pœnitendi: quod sine dubio ex apostolica traditione descendit, secundum quod scriptum est: *Sacerdos si peccauerit, quis orabit pro eo?* Vnde huiusmodi lapsis ad promerendam misericordiam Dei priuata est expetenda secessio, vbi illis satisfactio, si fuerit digna, sit etiam fructuosa.

INQVISITIO III.

De his qui altario ministrant, & coniuges habent, utrum eis licito misceantur.

RESPONSIO.

Lex continentia eadem est ministris altaris, quæ epis- Dist. 31. Lex
copis, atque presbyteris. Qui cum essent laici, siue lecto- continetiz.

D d iii

res, licite & vxores ducere, & filios procreare potuerunt. Sed cum ad prædictos peruererunt gradus, cœpit eis non licere quod licuit. Vnde vt de carnali fiat spiritale coniugium, oportet eos nec dimittere vxores, & quasi non habent sic habere; quo & salua sit caritas connubiorum, & cessent opera nuptiarum.

INQVISITIO IV.

De presbytero, vel diacono, qui filiam suam virginem illi viro in coniugium dederit, qui iam habebat coniunctionem mulierem, ex qua etiam filios suscepserat.

RESPONSIO.

32. q. 2. Non omnis mulier.

Gen. 21.

27. q. 2. Cu societas.

Non omnis mulier viro iuncta vxor est viri, quia nec omnis filius heres est patris. Nuptiarum autem fœdera inter ingenuos sunt legitima, & inter æquales; multo prius hoc ipsum Domino constitente, quam initium Romani iuris existeret. Itaque aliud est vxor, aliud concubina, sicut aliud ancilla, aliud libera. Propter quod etiam Apostolus, ad manifestandam harum personarum discretionem, testimonium ponit ex Genesi, vbi dicitur Abraham: *Eiice ancillam & filium eius: non enim heres erit filius ancillæ cum filio meo Isaac.* Vnde cum societas nuptiarum ita ab initio constituta sit, vt præter sexuum coniunctionem, haberet in se Christi & ecclesiæ sacramentum; dubium non est, eam mulierem non pertinere ad matrimonium, in qua docetur nuptiale non fuisse mysterium. Igitur cuiuslibet loci clericus si filiam suam viro habenti concubinam in matrimonium dederit, non ita accipendum est, quasi eam coniugato dederit; nisi forte illa mulier & ingenua facta, & dotata legitime, & publicis nuptiis honestata videatur.

INQVISITIO V.

De puellis quæ viris concubinas habentibus nupserint.

RESPONSIO.

32. q. 2. Non omnis.

Paterno arbitrio viris iunctæ carent culpa, si mulieres, quæ a viris habebantur, in matrimonio non fuerunt: quia aliud est nupta, aliud concubina.

INQVISITIO VI.

*De his qui mulieres, ex quibus filios habent, relinquunt,
et uxores accipiunt.*

RESPONSIO.

Ancillam a toro abiicere, & vxorem certæ ingenuitatis accipere, non duplicatio coniugii, sed profectus est honestatis. 32. q. 3. An-
cillâ a toro.

INQVISITIO VII.

De his qui in ægritudine pœnitentiam accipiunt, et cum reualuerint agere eam nolunt.

RESPONSIO.

Culpanda est sane talium negligentia, sed non penitus deserenda: ut crebris cohortationibus incitati, quod necessarie expetierunt fideliter exequantur. Nemo enim desperandus est, dum in hoc corpore constitutus est: De Pœnit.
diss. 7. Ne-
mo despe-
randus. quia nonnunquam quod diffidentia ætatis differtur, consilio maturore perficitur.

INQVISITIO VIII.

*De his qui animo iam deficientes pœnitentiam accipiunt,
et ante communionem moriuntur.*

RESPONSIO.

Horum causa Dei iudicio reseruanda est, in cuius manu fuit, ut talium obitus usque ad communionis remedium differretur. Nos autem, quibus viuentibus non communicauimus, mortuis communicare non possumus. 24. q. 2. De
communio-
ne.

INQVISITIO IX.

De his qui dolore nimio per urgente rogant dari sibi pœnitentiam, et cum venerit presbyter daturus quod petebant, si dolor parum perquieuerit, excusant, et nolunt accipere quod offertur.

RESPONSIO.

Dissimulatio hæc potest non de contemptu esse remedium, sed de metu grauius delinquendi. Vnde pœnitentia quæ dilata est, cum studiosius petita fuerit, non negetur, ut quoquomodo ad indulgentiæ medicinam anima vulnerata perueniat. De Pœnit.
Diss. 1. Pœ-
nitentia que.

INQVISITIO X.

De his qui pœnitentiam professi sunt, si in foro litigare cœperint.

RESPONSIO.

De Pœnit.
dist. i. Aliud
quidem, &
ii. q. 1. A-
liud.

i. Cor. 6.

Aliud quidem est debita iusta reposcere, aliud propria perfectionis amore contemnere. Sed illicitorum veniam postulantem oportet multis etiam licitis abstinere, dicente Apostolo: *Omnia mihi licent, sed non omnia expediant.* Vnde si quis pœnitens habet causam, quam negligere forte non debeat, melius expetit ecclesiasticum quam forense iudicium.

INQVISITIO XI.

De his qui in pœnitentia, vel post pœnitentiam negotiantur.

RESPONSIO.

De Pœnit.
dist. i. Qua-
litas lucri.

Qualitas lucri negotiantem aut excusat, aut arguit; quia est & honestus quæstus, & turpis: verumtamen pœnitenti vtilius est dispendia pati, quam periculis negotiationis obstringi: quia difficile est inter ementis vendentisque commercium non interuenire peccatum.

INQVISITIO XII.

De his qui post pœnitentiam ad militiam reuertuntur.

RESPONSIO.

De Pœnit.
dist. 5. Cō-
trarium.

2. Tim. 2.

Contrarium est omnino ecclesiasticis regulis, post pœnitentiæ actionem redire ad militiam sæcularem, cum Apostolus dicat: *Nemo militans Deo implicit se negotiis sæcularibus.* Vnde non est liber a laqueis diaboli, qui se militia mundana voluerit implicare.

INQVISITIO XIII.

De his qui post pœnitentiam uxores accipiunt, vel concubinas sibi coniungunt.

RESPONSIO.

In adolescentia constitutus, si virgente aut metu mortis, aut captiuitatis periculo, pœnitentiam gessit, & postea timens lapsum incontinentiæ iuuenilis, copulam viroris elegit, ne crimen fornicationis incurreret; rem videtur fecisse veniale, si præter coniugem nullam omnino aliam cognoverit. In quo tamen non regulam consti-
tuimus

tuimus, sed quid sit tolerabilius æstimamus. Nam secundum veram cognitionem, nihil magis ei congruit qui pœnitentiam geslit, quam castitas perseuerans & mentis & corporis.

INQVISITIO XIV.

Demonachis, qui aut militare cœperint, aut uxores accipere.

RESPONSIO.

Propositorum monachi proprio arbitrio aut voluntate suscepimus, deseriri non potest absque peccato. Quod enim quis voulit Deo, debet & reddere. Vnde qui relicta singularitatis professione ad militiam vel ad nuptias deuolutus est, publicæ pœnitentiaæ satisfactione purgandus est: quia et si innocens sit militia, & honestum potest esse coniugium, electionem tamen meliorum deseruisse transgressio est.

INQVISITIO XV.

De puellis quæ aliquamdiu in habitu religioso fuerunt, non tamen consecratae, si postea nupserint.

RESPONSIO.

Puellæ, quæ non coactæ parentum imperio, sed spontaneo iudicio virginitatis propositum atque habitum suscepérunt, si postea nuptias eligunt, præuaricantur, etiamsi consecratio non accessit: cuius vtique non fraudarentur munere, si in proposito permanerent. Ambigi vero non potest, crimen magnum admitti, vbi & propositum deseritur, & consecratio violatur. Nam si humana pœna non possunt impune calcari, quideos manebit, qui corruperint foedera diuini sacramenti?

INQVISITIO XVI.

De his qui a parentibus Christianis paruuli derelicti sunt, & utrum baptizati sint non potest inueniri, an debeant baptizari.

RESPONSIO.

Si nulla extant indicia inter propinquos aut familiæ res, nulla inter clericos aut vicinos, quibus hi, de quibus queritur, baptizati fuisse doceantur; agendum est, vt renascantur: ne manifeste pereant, in quibus quod non ostenditur gestum, ratio non finit ut videatur iteratum.

INQVISITIO XVII.

De his qui paruuli ab hostibus capti sunt, & non se sapiunt baptizatos, sed sciunt se aliquotiens ad ecclesiam a parentibus duces; utrum possint, vel debeant, cum ad Romanam venerint, baptizari?

RESPONSIO.

De consecr.
dist. 4. Si
nulla.

Qui possunt meminisse quod ad ecclesiam veniebant cum parentibus suis, possunt recordari, an quod eorum parentibus dabatur acceperint. Sed si etiam hoc ab eorum memoria alienum est, conferendum eis videtur quod collatum esse nescitur; quia non temeritas interuenit præsumptionis vbi est diligentia pietatis.

INQVISITIO XVIII.

De his qui ex Africa, vel Mauritania venerunt, & nesciunt in qua secta sint baptizati, quid circa eos debeat obseruari.

RESPONSIO.

De consecr.
dist. 4. Hi de
quibus.

Non se isti baptizatos nesciunt, sed cuius fidei fuerint, qui eos baptizauerunt, se nescire profitentur. Vnde quolibet modo formam baptismatis acceperint, baptizandi non sunt; sed per manus impositionem, inuocata virtute Spiritus sancti, quam ab haereticis accipere non potuerunt, catholicis copulandis sunt.

INQVISITIO XIX.

De his qui paruuli quidem baptizati a gentilibus capti sunt, & cum illis gentiliter conuixerunt; cum ad Romanam adhuc iuuenes venerint, si communionem petierint, quid erit obseruandum?

RESPONSIO.

Si conuiuio solo gentilium & escis immolatitiis visi sunt, possunt ieuniis & manus impositione purgari, ut deinceps ab idolothytis abstinentes sacramentorum Christi possint esse participes. Si autem aut idola adorarent, aut homicidiis, vel fornicationibus contaminati sunt, ad communionem eos, nisi per poenitentiam publicam, non oportet admitti.

NOTÆ IACOBI SIRMONDI
SOCIETATIS IESV.

¹ Inquisitiones Rustici quæ Leonis responcionibus singulis præmittuntur, nunc primum prodeunt in lucem ex diuērſis manuscri-
ptis, haſtenus non sine incommodo prætermisſæ, cum sine his ple-
rumque intelligi responſiones non poſſint.

² Paterno arbitrio.] In codice Canonum Dionysii exigui inter Leo-
nis Decreta cap. 18. & apud Gratianum 32. qu. 2. Non omnis mulier,
itemque apud Burchardum & Iuonem, membrum hoc incepit cum
superiori capite coniungitur.

³ Culpanda eſt ſane.] Hic rurſum a Dionysio cap. 19. & a Gratiano
ibidem cap. Ancillam a toro, membrum hoc fœdo errore cum præ-
cedenti connectitur, cum, vt ex inquiftione patet, ad res plane di-
uersas pertineant: tanti erat inquiftiones iſtas, vt diximus, non
omitti.

EPISTOLA XCIII.
LEONIS PAPÆ I.
AD TVRIBIVM ASTVRICENSEM
EPISCOPVM.

- I. Contra Priscillianistas, qui ſan-
ctam trinitatem, non personis,
ſed tantum nominibus diſtin-
guunt.
- II. Aduersus id, quod Dei filium
poſteriorē credunt, quam Pa-
trem.
- III. Aduersus id, quod dicunt,
ideo unigenitum dici Christum,
quia ſolus de Virgine natus.
- IV. De natali Domini, quod in eo
Priscillianiſta ieunia celebrent.
- V. Aduersus id, quod aiunt ani-
mam hominis ex diuina eſſe ſub-
ſtantia.
- VI. Contra id, quod aiunt diabo-
lum ex ſe, vel ex chao eſſe,
& propriam habere naturam.
- VII. Contra illud, quod nuptias &
procreations filiorum adſtruant
eſſe peccatum.
- VIII. Contra id, quod corpora hu-
mana diaboli dicunt eſſe figmen-
Concil. Tom. 7.
- ta, & a demonibus in utero for-
mari.
- IX. Contra id, quod filios reprobri-
fionis ex Spiritu sancto dicunt
eſſe conceptos.
- X. Contra id, quod animas in ca-
leſtibus peccare dicunt, & ſecun-
dum qualitatem peccati in hoc
mundo accipere fortem, vel bo-
nam, vel malam.
- XI. Contra id, quod fatalibus ſtel-
lis dicunt animas hominum ob-
ligatas.
- XII. Contra id, quod ſub aliis po-
tentatiibus partes anima, ſub a-
liis corporis membra deſcribunt.
- XIII. & XIV. Contra id, quod
duodecim ſigna, que mathe-
matici obſeruant, per corpus omne
diſtinguunt.
- XV. De apocryphis eorumdem
Priscillianistarum.
- XVI. * De libro Dictionis. * Didimis.
Ec ij

Leo episcopus Turibio episcopo salutem.

V A M laudabiliter pro catholicæ fidei veritate moueaturis , & quam solcite dominico gregi deuotionem officii pastoralis impendas , tradita nobis per diaconum tuum fraternitatis tuæ scripta demonstrant , quibus notitiæ nostræ insinuare curasti , qualis in regionibus vestris de antiquis pestilentia reliquiis errorum morbus exarserit . Nam & epistolæ sermo , & commonitorii series , & libelli tui textus demonstrant Priscillianistarum foetidissimam apud vos recaluisse sentinam . Nihil est enim soridum in quorumque sensibus impiorum , quod in hoc dogma non confluxerit : quoniam de omnium terrenarum opinionum luto , multiplicem sibi faciem commiscerunt , ut soli totum biberent , quidquid alii ex parte gustassent . Denique si vniuersæ hæreses , quæ ante Priscilliani tempus exortæ sunt , diligentius retractentur , nullus pene inuenietur error , de quo non traxerit impietas ista contagium : quæ non contenta eorum recipere falsitates , qui ab euangelio Christi sub Christi nomine deuiarunt , tenebris se etiam paganitatis immersit , ut per magicarum artium profana secreta , & mathematicorum vana mendacia , religionis fidem morumque rationem in potestate dæmonum , & in effectu siderum collocarent . Quod si & crediliceat & doceri ; nec virtutibus præmium , nec vietiis poena debebitur , omniaque non solum humanarum legum , sed etiam diuinarum constitutionum Decreta soluentur : quia neque de bonis , neque de malis actibus ullum poterit esse iudicium , si in utramque partem fatalis necessitas motum mentis impellit : & quidquid ab hominibus agitur , non est hominum , sed astrorum . Ad hanc infaniam pertinet prodigiosa illa totius humani corporis per duodecim cæli signa distinctio , ut diuersis partibus diuersæ præsideant potestates : & creatura quam Deus ad imaginem suam fecit , in tanta sit obligatione siderum , in quanta est connexione membrorum . Merito patres nostri , sub quorum temporibus hæresis hæc nefanda prorupit , per totum mundum instanter egere , ut impius furor ab vniuersa ecclesia pelleretur : quando etiam mundi principes ita hanc sacrilegam amentiam de-

testati sunt, vt auctorem eius ac plerosque discipulos legum publicarum ense prosternerent. Videbant enim omnem curam honestatis auferri, omnem coniugiorum copulam solui, simulque diuinum ius humanumque subuenti: si huiusmodi hominibus usquam viuere cum tali professione licuisset. Et profuit diu ista districtio ecclesiasticae lenitati, quæ et si sacerdotali contenta iudicio cruentas refugit vltiones, seueris tamen Christianorum principum constitutionibus adiuuatur, dum ad spiritale nonnunquam recurrunt remedium qui timent corporale supplicium. Ex quo autem multas prouincias hostilis occupauit irruptio, & executionem legum tempestates interdixere bellorum, ex quo inter sacerdotes Dei difficiles commeatus, & rari cœperunt esse Conuentus; inuenit ob publicam perturbationem secreta perfidia libertatem, & ad multarum mentium subuersionem his malis est incitata, quibus debuit esse correta. Quæ vero illic, aut quanta pars plebi a contagione pestis huius aliena est, ubi (sicut caritas tua indicat) lethali morbo etiam quorundam sacerdotum corda corrupta sunt, & per quos opprimenda falsitas, & defendenda veritas credebatur, per ipsos doctrinæ Priscilliani, euangelium subditur Christi, vt ad profanos sensus pietate sanctorum volumen deprauata, sub nominibus prophetarum & apostolorum non hoc prædicetur quod Spiritus sanctus docuit, sed quod diaboli minister inseruit? Quia ergo dilectio tua fidei, quantum potuit, diligentia damnatas olim opinones decem & septem capitulis comprehendit: nos quoque strictim omnia retractemus, ne aliquid harum blasphemiarum aut tolerabile videatur, aut dubium.

I.

Primo itaque capitulo demonstratur, quam impie sentiant de trinitate diuina, qui & Patris, & Filii, & Spiritus sancti, vnam atque eamdem afferunt esse personam, tamquam idem Deus, nunc Pater, nunc Filius, nunc Spiritus sanctus nominetur: nec aliis sit qui genuit, aliis qui genitus est, aliis qui de utroque processit: sed singularis unitas in tribus quidem vocabulis, sed non in tribus sit accipiēda personis. Quod blasphemiarum genus de Sabellii opinione suffserunt, cuius discipuli etiam Patropassiani merito nuncu-

pantur: quia si ipse est Filius qui & Pater, crux Filii, Patris est passio: & quidquid in forma serui Filius Patri obediens sustinuit, totum in se Pater ipse suscepit. Quod catholica fidei sine ambiguitate contrarium est, quæ trinitatem unitatis sic homousion confitetur, ut Patrem & Filium & Spiritum sanctum sine confusione indiuisos, sine tempore sempiternos, sine differentia credat & quales: quia unitatem in trinitate non eadem persona, sed eadem implet essentia.

II.

In secundo capitulo ostenditur ineptum vanumque commentum, de processionibus quarumdam virtutum ex Deo, quas habere coepit, & quas essentia sua ipse præcesserit: in quo Arianorum quoque suffragantur errori, dicentium, quod Pater prior Filio sit, quia fuerit aliquando sine Filio, & tunc Pater esse coepit, quando Filium genuerit. Sed sicut illos catholica ecclesia detestatur, ita & istos, qui putant unquam Deo id, quod eiusdem est essentiae, defuisse. Quem sicut mutabilem, ita & proficiendum dicere nefas est. Quam enim mutatur quod minuitur, tam mutatur etiam quod augetur.

III.

Tertii vero capituli sermo designat, quod iidem impii afferant, ideo unigenitum dici Filium Dei, quia solus fit natus ex Virgine. Quod vtique non auderent dicere, nisi Pauli Samosateni & Photini virus hausissent, qui dixerunt Dominum nostrum Iesum Christum, antequam nascetur ex virginе Maria, non fuisse. Si autem isti aliud de suo sensu intelligi volunt, neque principium de matre dant Christo, afferant necesse est non unum esse Filium Dei, sed alios quoque ex summo Patre progenitos, quorum hic unus fit natus ex femina, & ob hoc appelletur Unigenitus, quia hanc nascendi conditionem alias filiorum Dei nemo suscepit. Quaquaversum igitur se contulerint, in magna tendunt impietatis abruptum, si Christum Dominum, vel ex matre volunt habere principium, vel Patrem Dei unigenitum diffitentur: cum & de matre is natus sit, qui erat Deus Verbum, & de Patre nemo fit genitus praeter Verbum.

IV.

Quarto autem capitulo continetur, quod natalem

Christi, quem secundum susceptionem veri hominis catholica ecclesia veneratur, quia *Verbum caro factum est & habitauit in nobis*, non vere isti honorent, sed honorare se simulent, ieunantes eodem die, sicut & die dominico, qui est dies resurrectionis Christi. Quod vtique ideo faciunt, quia Christum Dominum in vera hominis natura natum esse non credunt, sed per quamdam illusionem ostentata videri volunt, quæ vera non fuerint; sequentes dogma Cerdonis atque Marcionis, & cognatis suis Manichæis per omnia concordantes. Qui sicut in nostro examine detecti atque conuicti sunt, dominicum diem, quem nobis Salvatoris nostri resurrectio consecrauit, exigunt in mœrore ieunii; Solis (vt proditum est) reuerentiæ hanc continentiam deuouentes, vt per omnia sint a nostræ fidei vnitate discordes, & dies qui a nobis in lætitia habetur, ab illis in afflictione ducatur. Vnde dignum est, vt inimici crucis Christi & resurrectionis, talem excipiant sententiam, qualem elegerunt doctrinam.

V.

Quinto capitulo refertur, quod animam hominis diuinæ asserant esse substantiæ, nec a natura creatoris sui conditionis nostræ distare naturam. Quam impietatem ex philosophorum quorundam & Manichæorum opinione manantem, catholica fides damnat: sciens nullam tam sublimem, tamque præcipuam esse facturam, cui Deus ipse natura sit. Quod enim de ipso est, idem est quod ipse. Nec id aliud est, quam Filius, & Spiritus sanctus. Præter hanc autem summæ trinitatis vnam consubstantialem, & sempiternam, atque incommutabilem deitatem, nihil omnium creaturarum est, quod non in exordio sui ex nihilo creatum sit. Non autem, quidquid inter creaturem eminet, Deus est, nec si quid magnum est, atque mirabile, hoc est quod ille *qui facit mirabilia magna solus*. Nemo hominum veritas, nemo sapientia, nemo iustitia est: sed multi participes sunt veritatis & sapientiae atque iustitiae. Solus autem Deus nullius participationis indigus est. De quo quidquid digne vt cumque sentitur, non qualitas est, sed essentia. Incommutabili enim nihil accedit, nihil deperit: quia esse illi, quod est sempiternum, semper est proprium. Vnde in se manens innouat

Ioan. 1.
Vide huius
S. Leonis
serm. 2. in
Natali Do-
mini, cap. 5.
& serm. 7.
cap. 3. 4. 5. 6.
Item de E-
piphani ser.
4. in fine
cap. 4.

omnia, & nihil accipit quod ipse non dedit. Nimium igitur superbi, nimiumque sunt cœci, qui cum dicant humanam animam diuinæ esse substantiæ, non intelligunt, nihil se aliud dicere, quam Deum esse mutabilem, & ipsum perpeti quidquid potest naturæ eius inferri.

VI.

Sexta annotatio indicat eos dicere, quod diabolus nunquam fuerit bonus, nec natura eius opificium Dei sit, sed eum ex chao & tenebris emersisse: quia scilicet nullum sui habeat auctorem, sed omnis mali ipse fit principium atque substantia: cum fides vera, quæ est catholica, omnium creaturarum, siue spiritualium, siue corporalium, bonam confiteatur substantiam, & mali nullam esse naturam: quia Deus qui vniuersitatis est conditor, nihil non bonum fecit. Vnde & diabolus bonus esset, si in eo, quod factus est, permaneret. Sed quia naturali excellētia male usus est, & in veritate non stetit, non in contrariam transiit substantiam, sed a summo bono, cui debuit adhærere, desciuit: sicut ipsi, qui talia afferunt, a veris in falsa proruunt, & naturam in eo arguunt, in quo sponte delinquunt, ac pro sua voluntaria peruersitate damnantur. Quod vtique in ipsis malum erit, & ipsum malum non erit substantia, sed pœna substantiæ.

VII.

Septimo loco sequitur, quod nuptias damnant, & procreationem nascentium perhorrescant: in quo (sicut penne in omnibus) cum Manichæorum profanitate concordant, ideo (sicut ipsorum mores probant) coniugalē copulam detestantes, quia non est illuc libertas turpitudinis, ubi & pudor matrimonii seruatur, & spes sobolis.

VIII.

Octauum ipsorum est, plasmationem humanorum corporum diaboli dicere esse figmentum, & semina conceptionum opera dæmonum in mulierum vteris figurari: propterea resurrectionem carnis non esse credendam, quia concreatio corporis non sit congruens animæ dignitati. Quæ falsitas sine dubio opus diaboli est, & talia prodigia opinionum figura sunt dæmonum, qui non in feminarum ventribus formant homines, sed in hæreticorum cordibus tales fabricantur errores. Quod immundissimū virus

virus

virus de Manichæa impietatis specialiter fonte procedēs,
olim fides catholica deprehendit atque damnauit.

IX.

Nona autem annotatio manifestat, quod filios promissionis, ex mulieribus quidem natos, sed ex Spiritu sancto dicant esse conceptos, ne illa soboles, quæ de carnis semine nascitur, ad Dei cōditionem pertinere videatur. Quod catholicæ fidei repugnans atque contrarium est, quæ omnem hominem in corporis animæque * substantia a conditore vniuersitatis formari atque animari intra materna viscera confitetur: manente quidem illo peccati mortali tatisque contagio, quod in prolem a primo parente transcurrit, sed regenerationis sacramento subueniente, quo per Spiritum sanctum promissionis filii renascuntur, non in utero carnis, sed in virtute baptismatis. Vnde & Dauid, qui vtique erat promissionis filius, dicit ad Deum: *Ma-* Psal. 118.
Ios. 10.
nus tuæ fecerunt me, & plasmaverunt me. Et ad Ieremiam Dominus ait: *Priusquam te formarem in utero, noui te, &c.* Ier. 1.

X.

Decimo autem capitulo referuntur asserere animas, quæ humanis corporibus inferuntur, fuisse in corpore, & in cælesti habitatione peccasse, atque ob hoc a sublimibus ad inferiora delapsas, in diuersæ qualitatis principes incidisse, & per aerias ac sidereas potestates, alias duriores, alias mitiores corporibus esse inclusas, sorte diuersa & conditione dissimili, ut quidquid in hac vita varie & inæqualiter prouenit, ex præcedentibus causis videatur accidere. Quam impietatis fabulam ex multorum sibi erroribus texuerunt: sed omnes eos catholica fides a corpore suæ unitatis abscondit constanter prædicans atque veraciter, quod animæ hominum priusquam suis inspirarentur corporibus, non fuere, nec ab alio incorporentur nisi ab opifice Deo, qui & ipsarum est creator & corporum. Et quia per primi hominis præuaricationem tota humani generis propago vitiata sit, neminem posse a conditione veteris hominis liberari, nisi per sacramentum baptismatis Christi, in quo nulla est discretio renatorū, dicente Apolo stolo: *Quicumque enim in Christo baptizati estis, Christum induistis.* Galat. 3.
Non est Iudeus, neque Græcus: non est seruus, neque liber: non est masculus, neque femina; omnes enim unum estis in Christo Iesu.

Concil. Tom. 7.

Ff

Rom. 8. Quid ergo hic agunt cursus siderum, quid figmenta fatorum? quid mundanarum rerum mobilis status, & inquieta diuersitas? Ecce tot impares gratia Dei facit æquales, qui inter quoslibet vitæ huius labores, si fideles permanent, miseri esse non possunt, apostolicum illud in omni tentatione dicentes: *Quis nos separabit a caritate Christi?* tribulatio? an angustia? an persecutio? an famæ? an nuditas? an periculum? an gladius? *Sicut scriptum est: quia propter morte afficiuntur tota die, æstimatis sumus ut ones occisionis.* Sed in his omnibus superamus in eo, qui nos dilexit. Et ideo ecclesia, quæ corpus est Christi, nihil de mundi inæqualitatibus metuit, quia nihil de bonis corporalibus concupiscit. Nec timet inani strepitu fatorum grauari, quæ patientia tribulatum nouit augeri.

X I.

Vndecima ipsorum blasphemia est, qua fatalibus stellis & animas hominum & corpora opinantur adstringi, per quam amentiam, necesse est, vt homines paganorum erroribus implicati, & fauentia sibi (vt putant) fidera colere, & aduersantia studeant mitigare. Verum ista sectantibus nullus in ecclesia catholica locus est: quoniam qui se talibus persuasionibus dedit, a Christi corpore totus abscessit.

XII.

Duodecimum inter hæc illud est, quod sub aliis potestatibus partes animæ, sub aliis corporis membra describunt, & qualitates interiorum præsumunt in patriarcharum nominibus statuunt, quibus e diuerso signa siderea, quorum virtuti corpora subiificantur, opponunt. Et in his omnibus inextricabilis errore præpediunt, non audientes dicentem Apostolum: *Videte ne quis vos decipiatur per philosophiam, & inanem fallaciam secundum traditionem hominum, secundum elementa mundi, & non secundum Christum: quia in ipso inhabitat omnis plenitudo diuinitatis corporaliter, & est in illo repletus, qui est caput omnis principatus & potestatis.* Et iterum: *Nemo vos seducat, volens in humilitate & religione angelorum, quæ non vident ambulans, frustra inflatus sensu carnis suæ, non tenens caput, ex quo totum corpus per nexus & coniunctiones subministratum & constructum crescit in augmentum Dei.* Quid ergo opus est in cor admittere, quod lex non docuit, quod prophetia non cecinit, quod euāgelii veritas non prædicauit,

*Coloff. 1.**Ibidem.*

quod apostolica doctrina non tradidit? Sed hæc operta sunt eorum mentibus, de quibus Apostolus dicit: *Erit 1. Tom. 4.*
enim tempus, cum sanam doctrinam non sustinebunt, sed ad sua de-
sideria coaceruabunt sibi magistros, pruidentes auribus: & a veri-
tate quidem auditum auertent, ad fabulas autem conuertentur.
*Nihil itaque * nobiscum commune habeant, qui talia au-*
dent vel docere, vel credere, & quibuslibet modis ni-
tuntur adstruere, quod substantia carnis ab spe resurre-
ctionis aliena sit, atque ita omne sacramentum incarna-
tionis Christi resoluunt: quia indignum fuit integrum ho-
minem suscipi, si indignum erat integrum liberari.

XIII.

Tertiodecimo loco positum est eosdem dicere, quod omne corpus scripturarum canonicarum sub patriarcharum nominibus accipiendum sit, quia illæ duodecim virtutes, quæ reformationem hominis interioris operantur, in horum vocabulis indicentur, sine qua scientia nullam animam posse assequi, vt in eam substantiam, de qua prodidit, reformatum. Sed hanc impiam vanitatem despectui habet Christiana sapientia, quæ nouit veræ deitatis inuiolabilem & inconuertibilem esse naturam: animam autem, siue in corpore viuentem, siue a corpore separatam, multis passionibus subiacere. Quæ vtique, si diuinæ esset essentia, nihil aduersi possit incidere. Et ideo ineffabiliter aliud creator est, aliud creatura. Ille enim semper idem est, & nulla varietate mutatur; hæc autem mutabilis est, etiam non mutata, quia vt non mutetur, datum poterit habere, non proprium.

XIV.

Sub quartodecimo vero capitulo, de statu corporis sentire dicuntur, quod sub potestate siderum atque signorum pro terrena qualitate teneatur, & ideo multa in sanctis libris, quæ ad exteriorem hominem pertineant, reperiiri, vt in ipsis scripturis inter diuinam terrenamque naturam quædam sibi repugnet aduersitas, & aliud sit quod sibi vindicent animæ præfules, aliud quod corporis conditores. Quæ fabulæ ideo differuntur, vt & anima diuinæ affirmetur esse substantia, & caro credatur malæ esse naturæ; quoniam & ipsum mundum cum elementis suis non opus Dei boni, sed conditionem mali profitentur auctoris: atque vt hæc mendaciorum suorum sacrilegia

Concil. Tom. 7.

Ff ij

bonis titulis colorarent, omnia pene diuina eloquia sensuum nefandorum immissione violarunt.

XV.

De qua re quintidecimi capituli sermo conqueritur, & præsumptionem diabolicam merito detestatur, quia & nos istud veracium testium relatione comperimus, & multos corruptissimos eorum codices, qui Canonici titulantur, inuenimus. Quomodo enim decipere simplices possent, nisi venenata pocula quodam melle prælinirent, ne vsquequaque sentirentur insuauia, quæ essent futura mortifera? Curandum ergo est, & sacerdotali diligentia maxime prouidendum, vt falsati codices, & a sincera veritate discordes, in nullo vsu lectionis habeantur: apocryphæ autem scripturæ, quæ sub nominibus apostolorum multarum habent seminarium falsitatum, non solum interdicendæ, sed etiam penitus auferendæ sunt, atque ignibus concremandæ. Quamuis enim sint in illis quædam, quæ videantur speciem habere pietatis, nunquam tamen vacuæ sunt venenis, & per fabularum illecebras hoc latenter operantur, vt mirabilium narratione seductos, laqueis cuiuscumque erroris inuoluant. Vnde si quis episcoporum vel apocrypha haberi per domos non prohibuerit, vel sub Canonicorum nomine eos codices in ecclesia permiserit legi, qui Priscilliani adulterina sunt emendatione corrupti, hæreticum se nouerit iudicandum; quoniam qui alium ab errore non reuocat, seipsum errare demonstrat.

XVI.

Postremo autem capitulo hoc prodidit iusta querimonia, quod *Diætinii tractatus, quos secundum Priscilliani dogma conscripsit, a multis cum veneratione legerentur; cum si aliquid memoriae Diætinii tribuendum putant, reparationem eius magis debeant amare, quam lapsum. Non ergo Diætinium, sed Priscillianum legunt, & illud probant, quod errans docuit, non quod correctus elegit. Sed nemo hoc impune præsumat, nec inter catholicos censeatur, quisquis vtitur scripturis, non ab ecclesia solùmodo catholica, sed etiam a suo auctore damnatis. Non sit peruersis liberum simulare quod fingunt, nec sub vellamine nominis Christiani Decretorū imperialium statuta

*Diætinii

declinent. Ideo enim ad ecclesiam catholicam cum tanta cordis diuersitate conueniunt, vt & quos possunt, suos faciant, & legum seueritatem, dum se nostros mentiuntur, effugiant. Faciunt hoc Priscillianistæ, faciunt hoc Manichæi, quorum cum istis tam foederata sunt corda, vt solis nominibus discreti, sacrilegiis autem suis inueniantur vniuersiti: quia etsi vetus testamentum, quod isti se suscipere simulant, Manichæi refutant, ad vnum tamen finem utrumque tendit intentio, cum quod isti recipiendo corrumptunt, illi abdicando impugnant. In execrabilibus autem mysteriis eorum, quæ quanto immundiora sunt, tanto diligentius occultantur, vnum prorsus nefas est, vna est obscenitas, & similis turpitudo. Quam etsi eloqui erubescimus, solicitissimis tamen inquisitionibus indagatum, & Manichæorum, qui comprehensi sunt, confessionibus detectam, ad publicam fecimus peruenire notitiam; ne vlo modo possit dubium videri, quod in iudicio nostro, cui non solum frequentissima præsentia sacerdotum, sed etiam illustrium virorum dignitas, & pars quædam senatus ac plebis interfuit, ipsorum qui omne facinus perpetrabant, ore reseratum est, sicut ea, quæ ad dilectionem tuam nunc direximus, gesta demonstrant. Quod autem de Manichæorum foedissimo scelere, hoc etiam de Priscillianistarū incestissima consuetudine olim compertum, multumque vulgatum est. Qui enim per omnia sunt impietate sensuum pares, non possunt in sacris suis esse dislimiles. Decurfis itaque omnibus quæ libelli series comprehendit, & a quibus commonitorii forma non discrepat, sufficienter (vt opinor) ostendimus, quid de his, quæ ad nos fraternitas tua retulit, censemus, & quam non sit ferendum, si tam profanis erroribus etiam quorumdam sacerdotum corda consentiunt, vel (vt mitius dixerim) non resistunt. Qua conscientia honorem sibi debitum vindicant, qui pro animabus sibi creditis non laborant? Bestiæ irruunt, & ouium septa non claudunt: fures infidiantur, & excubias non prætendunt: morbi crebrescunt, & remedia nulla prospiciunt. Cum autem etiam illud addunt, vt his, qui solicitus agunt consentire detestent, & impietates olim toto orbe damnatas subscriptionibus suis se anathematizare dissimulent; quid de se

intelligi volunt, nisi quod de numero fratrum non sunt,
sed de parte hostium.

XVII.

In eo vero quod extrema familiaris epistolæ tuæ parte posuisti, miror cuiusquam catholici intelligentiam laborare, tamquam incertum sit, an descendente ad inferna Christo, caro eius requieuerit in sepulcro : quæ sicut vere & mortua est & sepulta, ita vere est die tertio resuscitata. Hoc enim & ipse Dominus denuntiauerat, dicens ad Iudeos: *Soluite templum hoc, & in triduo resuscitabo illud.* Vbi euangelista subiungit: *Hoc autem dicebat de templo corporis sui.* Cuius rei veritatem etiam Dauid propheta prædixerat, loquens sub persona Domini saluatoris, & dicens: *Insuper & caro mea requiescat in spe: quoniam non derelinques animam meam in inferno, nec dabis sanctum tuum videre corruptionem.* Quibus utique verbis manifestum est, quod caro Domini, & vere sepulta requieuit, & corruptionem non subiit: quia celeriter viuificata reditu animæ resurrexit. Quod non credere satis impium est, & ad Manichæi Priscillianique doctrinam pertinere non dubium est, qui sacrilego sensu ita se Christum simulant confiteri, ut incarnationis & mortis & resurrectionis auferant veritatem. Habeatur ergo inter vos episcopale Concilium, & ad eum locum, qui omnibus opportunus sit, vicinarum provinciarum conueniant sacerdotes, ut secundum ea, quæ ad tua consulta respondimus, plenissimo disquiratur examine, an sint aliqui inter episcopos qui huius heresios contagio polluantur, a communione sine dubio separandi, si nefandissimam sectam per omnium sensuum prauitates damnare noluerint. Nulla enim ratione tolerandum est, ut qui prædicandæ fidei suscepit officium, is contra euangelium Christi, contra apostolicam doctrinam, contra vniuersalis ecclesiæ symbolum audeat disputare. Quales illic erunt discipuli, vbi tales docebunt magistri? Quæ illic religio populi, quæ salus plebis, vbi contra humanam societatem pudoris scissi verecundia tollitur, coniugiorum foedera auferuntur, propagatio generationis inhibetur, carnis natura damnatur, contra verum autem veri Dei cultum trinitas deitatis negatur, personarum proprietas confunditur, anima hominis diuina essentia præ-

Ioan. 2.

Psal. 15.

dicatur, & eadem ad diaboli arbitriū carne concluditur, Dei filius per id, quo ex Virgine ortus, non per id, quo ex Patre natus est, Vnigenitus prædicatur, idemque nec vera Dei proles, nec verus Filius Virginis afferitur, vt per falsam passionem, mortemque non veram mendax etiam resurrectio resumpta de sepulcro carnis habeatur? Frustra autem vtuntur catholico nomine, qui istis impietatis non resistunt. Possunt hæc credere, qui possunt talia patienter audire. Dedimus itaque literas ad fratres & coepiscopos nostros Tarragonenses, Carthaginenses, Lusitanos, atque Gallacos, eisque Concilium Synodi generalis indiximus. Ad tuæ dilectionis sollicitudinem pertinet, vt nostræ ordinationis auctoritas ad prædictarum provinciarum episcopos deferatur. Si autem aliquid (quod absit) obstat, quo minus possit celebrari generale Concilium Gallæciæ, saltem in vnum cōueniant sacerdotes, quibus congregatis fratres nostri Hydaci & Ceponius imminebunt coniuncta cum eis instantia tua, quo cito vel prouinciali Conuentu remedium tantis vulneribus afferatur. Data XII. Kalendas Augusti, Alypio & Ar-dabure viris clarissimis consulibus.

E P I S T O L A X C I V.
L E O N I S P A P Æ I.
AD EPISCOPOS GALLIÆ.

Mittit exemplar sententiæ, quæ in Synodo Calchedonensi a vicariis papæ prolata fuerat contra Dioscorum.

Dilectissimis fratribus Rustico, Rauennio, Venerio, &ceteris episcopis per Gallias constitutis Leo.

IMPL ETIS per misericordiam Dei communibus votis, dignum est fraternitatem vestram sanctorum gaudiorum habere consortium. Nam fratres mei, qui vice mea orientali Synodo præsederunt, quaæ actæ retulerint significo, confirmata catholica fide, & glorificato apostolicæ prædicationis triumpho: quod etiam hi, qui ad deuandum, vel seduicti fuerant, vel impulsi, recepta veritatis luce lassantur. Siquidem omnes Domini sacerdotes in v-

nam sententiam, sancto Spiritu docente, consensere: & de sacramento dominicæ incarnationis, in qua multorum intelligentia caligabat, ita tenebræ erroris ablatae sunt, ut in uno Domino nostro, vero & Dei & hominis Filio, nec de humanitatis ambigatur natura, nec de deitatis essentia. In impios autem nefandi erroris autores, qui indignos se Dei gratia iudicantes, correctionis uti remediis noluerunt, qualis sit lata sententia, exemplaria quæ misimus edocebunt: ut agnoscat vestra dilectio, fratres carissimi, in sancto examine diuinum non defuisse iudicium, quo & vindicta retributa est obduratis, & pax impensa correctis. Dominus vos incolumes custodiat, fratres carissimi.

EXEMPLAR SENTENTIÆ.

Pascasinus episcopus Lilybetanus, Lucensis episcopus Asculanus, & Bonifacius presbyter ecclesiæ maximæ urbis Romæ, vicarii sanctissimi ac beatissimi papæ Leonis apostolicæ sedis antistitis, pronuntiauerunt. Manifesta sunt quæ Dioscorus Alexandrinæ urbis antistes contra Canonum disciplinam, regulasque ecclesiasticas, illicita præsumptione commisit, sicut præterita gestorum, seu præsens declarauit assertio. Is namque, ut plura relinquamus, Eutychem consortem perfidiæ suæ, a proprio episcopo sanctæ recordationis Flauiano iure damnatum, in gratiam communionis, antequam cum his qui congregati fuerant in Ephesina urbe episcopis resideret, suscepisse cognoscitur. Sed illis quidem sedes apostolica veniam tribuit, quia contra votum gesellis quæ patrata sunt approbantur: ita ut nunc usque adhærent & beatissimo papæ, & vniuersali sanctoque Concilio: qua de re sacro-sanctæ communionis consecuti sunt medicinam. Prædictus vero, qui malorum perseverantia ornari se aestimat, cum debeat summissa fronte usque ad terram cum gemitu, ut conuenit, inclinari, quoniam nec beatissimi papæ epistolam legi permisit ad venerandæ memorie Flauianum Christi antistitem scriptam: quippe cum ab his qui detulerant petitus ut legi fineret, sacramenti satisfactione quod promiserat implere contempsit: quatenus proui dogmatis augeretur impietas, & occasio læsionis,

sionis, vel scandali cunctis generaretur ecclesiis. Patratis tamen his, voluimus his sceleribus indulgere, & veniam, quam ceteris episcopis præstimus, dignanter impendere, cum nec similem iudicandi reperiatur habuisse fiduciam, * adiecit etiam accusatorum supplicatio variis referta criminibus, & tertio euocatus per reuerentissimos fratres & coepiscopos nostros admonitione canonica, venire contempsit conscientiæ detentus arcano. Episcopos etiam a prouinciali Synodo, cui subdebantur, iure damnatos iniqua usurpatione suscipiens, ipse contra se damnationis sententiam prouocauit, veterum patrum sæpius statuta conculcans. Vnde sanctus ac beatissimus papa caput vniuersalis ecclesiæ Leo, per nos vicarios suos, sancta Synodo consentiente, Petri apostoli prædictus dignitate, qui ecclesiæ fundamen, & petra fidei, cælestis regni ianitor nuncupatur, episcopali eum dignitate nudauit, & ab omni sacerdotali opere fecit extorrem. Superest ut congregata venerabilis Synodus canonicam contra prædictum Dioscorum proferat iustitia suadente sententiam.

NOTÆ IACOBI SIRMONDI
SOCIETATIS IESV.

¹ Exemplar sententia.] Depromptum est ex codice Corbeiensi, & ex Pithœano, in quibus præcedenti Leonis epistola subiiciebantur. Extat autem, sed aliis verbis, in Actione tertia Concilii Calchedonensis.

EPISTOLA XCIV.
LEONIS PAPÆ I.
AD EPISCOPOS GALLIÆ ET HISPANIÆ.
De solennitate paschali anni CCC LV.

Dilectissimis fratribus vniuersis episcopis catholicis per Gallias
& Hispanias constitutis Leo.

CVM in omnibus diuinorum præceptorum regulis exequendis sacerdotalem obseruantiam oporteat esse concordem, maxime nobis & principaliter prouidendum est, ne in paschalis festi die vel ignorantia, vel præsumptio, peccatum diuersitatis incurrat. Vnde quia tempus sacratissimæ solennitatis ita dispositos habet limites

Concil. Tom. 7.

Gg

suos, vt salutare sacramentum nunc citius, nunc tardius oporteat celebrari; non desinit apostolicæ sedis solicitude prospicere, ne deuotio ecclesiastica aliquo turbetur incerto. Cum autem in quibusdam adscriptionibus patrum, futurum proxime Pascha Domini, ab aliis in diem xv. Kalendas Maias, ab aliis in diem viii. Kalendas easdem inueniretur adscriptum, tantum me diuersitas ista permouit, vt clementissimo principi Marciano curam de hac re animi mei panderem; vt præcipiente ipso, ab his qui habent huius suppurationis peritiam, diligentius illic discussa ratione quereretur, quo die possit veneranda solennitas rectius celebrari. Quo rescribente, viii. Kalendas Maias definitus est dies. Quia ergo studio vnitatis & pacis malui orientalium definitioni acquiescere, quam in tantæ festiuitatis obseruantia diffidere, nouerit fraternitas vestra die viii. Kalendas Maias ab omnibus resurrectionem dominicam celebrandam: & hoc ipsum per vos aliis fratribus esse intimandum, vt diuinæ pacis confortio, sicut vna fide iungimur, ita vna solennitate feriemur. Deus vos incolumes custodiat, fratres carissimi. Data post consulatum Opilionis v. Kalendas Augustas.

*Pascha Valentiniano III. & Anthemio consulibus
viii. Kalendas Maias.*

EPISTOLA XCVI.

LEONIS PAPÆ I.

AD EPISCOPOS ET PRESBYTEROS INTRA THRACIAM PROVINCIAM CONSTITUTOS.

Declarat excommunicatos clericos illos, qui prætermisso ecclesiastico iudicio sacerdotalem adierint potestatem.

*Dominis fratribus merito beatissimis, in Christo venerabilibus, * Sarmatiensi, * Charatoni, Desiderio episcopis, & presbyteris omnium ecclesiarum, quæ sunt intra provinciam Thraciam constitutæ, * Leo, * Victorius, * Eustachius episcopi.*

TANTA sacerdotalem ordinem reuerentia præualuere, etiam hi quos sub imperiali nomine terris diuina potentia præesse præcepit, vt ius distinguendorum negotiorum episcopis sanctis iuxta

Obseruat
R. P. Sir-
mondus
hac episto-
lā esse Leo-
nis Bituri-
ensis epi-
scopi, qui
vna cū Vi-
ctorio Ce-
nomanensi
& Eusto-
chio Turo-
nensti epi-
scopis eam
scripsit ad
episc. &
presb. pro-
vincia, non
Thracie, vt
perpetrā le-
gitur, sed
Tertiae
Lugd. quo
nomine
Turonica
provincia
designatur.

* Sarmatiensi,
* Charatoni,
* Victorius,
* Eustachius

diualia constituta permiserint. Quod cum & iuris antiqui formulis & illibatis frequentius sit legibus confirmatum, præsenti tamen tempore a plerisque inuenimus fuisse calcatum. Nam prætermisso sacerdotali iudicio, paſſim ad examen ſæculare transiere. Quocirca nobis viſum eſt, vt hanc & ſacræ legis, & noſtri ordinis contumeliam, & ad præſens vlciferetur plena diſtriсtio, & obſeruandam formulam conſtitueret in futurum. Cenſemus itaque, vt qui- cumque, prætermisso ſacerdote ecclesiæ ſuæ, ad diſceptationem veneſit ſæculariū, ſacris liminibus expulſus, a cœleſti arceatur altario, neque ullus poſt hanc definitionē, qui communis ſedit arbitrio, quidquam ſibi ultra præſcriptum vindicare nitatur: & ita fiet, vt hi qui ante errauere, congrua emendatione ſe corrigant, & qui ſub obſeruatione clericali cœleſti probatur feruire officio, ex clero abii- ciendum, ſi prætermisso ſacerdotium iudicio, ſæcularē adierit potestatem. Quod ideo ſingulos vniuersosque volu- mus agnoscere, vt quod pleno iuſtitiae & iuris ordine con- ſtitutum eſt, eſſe & tū totius firmitatis in omnibus clericorum negotiis ſortiatur. Sane ſi clericus laicum pulſet, prius ſe audiri ab episcopis poſcat: tum ſi petitioni ſuæ laicū vi- derit obuiare, ex permiſſu episcopi ſuī, in ſæculi modera- tores diſceptatione configat. Leo episcopus ſcribit. Vi- ðorius episcopus ſcribit. Eustachius episcopus ſcribit.

EPISTOLA XCVII.

LEONIS PAPÆ I.

AD LEONEM AVGVSTVM.

- I. De blaſphemis Neſtorii & Eu- ſona gemina ſit deitatis & hu-
tychetis, eorumque digno ana- manitatis afferenda natura.
themate.
- II. Quod in una Domini Iefu per III. De capitulis fidei ex sancto-
rum patrum libris collectis.

Leo Romæ & vniuersalis catholicæque ecclesiæ episcopus,
Leoni ſemper Auguſto ſalutem.

PROMIſIſSE me memini, venerabilis imperator, in
cauſa fidei, de qua clementiam tuam noui pie eſſe ſo-
licitam, pleniorē humilitatis meæ dirigendum eſſe ſer-
monem: quem nunc (auxiliante Domino) fideli occasio-
ne perſoluо, vt ſancto pietatis tuæ ſtudio utilis (quantum
Concil. Tom. 7.

Gg ij

arbitror) deesse non possit instructio. Quamuis enim sciam clementiam tuam humanis instructionibus non egere , & sincerissimam de abundantia Spiritus sancti hausisse doctrinam ; officii tamen mei est , & patefacere quod intelligis , & prædicare quod credis : vt ignis ille , quem Dominus veniens misit in terram , motu crebræ meditationis agitatus , sic concalescat , vt ferueat ; & sic inflammetur , vt luceat .

LUC. 12.

Ioan. 1.

Luce 1.

I.

Magnas enim caligines Eutychiana hæresis orientis partibus inferre molita est : & ab illa luce , *quæ* (sicut euangelium loquitur) *lucet in tenebris , & tenebræ eam non comprehendunt*, imperitorum oculos tentauit auertere. Cumque ipsa in suam reciderit cæcitatem , nunc in discipulis recrudescit , quod in auctore defecit. Non longo namque temporis interuallo catholica fides , *quæ* est singularis & vera , cuique nihil addi , nihilve minui potest , a duobus est hostibus appetita : quorum prior Nestorius , Eutyches secundus emersit , qui ecclesiæ Dei duas hæreses sibi met contrarias inferre voluerunt , vt vterque a prædicatoribus veritatis merito damnaretur , quia insanum nimis & sacrilegum fuit , quod varia falsitate ambo senserunt. Anathematizetur ergo Nestorius , qui beatam Virginem Mariam non Dei , sed hominis tantummodo creditit genitricem , vt aliam personam carnis , aliam faceret deitatis : nec vnum Christum in verbo Dei & carne sentiret , sed separatim atque seiuicetim alterum Filium Dei , alterum hominis prædicaret : cum manente illa incommutabili Verbi essentia , *quæ* ei cum Patre & Spiritu sancto in temporalis atque coæterna est , ita intra virginea viscera Verbum caro sit factū , vt per id quod ineffabile est sacramentum , vno conceptu , vnoque partu , secundum veritatem vtriusque naturæ , ea virgo & ancilla Domini esset & mater. *Quod etiam Elizabeth* (sicut Lucas euangelista declarat) intellexit , & dixit : *Vnde hoc mihi , ut veniat mater Domini mei ad me?* Eutyches quoque eodem percellatur anathemate , qui per impios veterum hæreticorum voluntatis errores , tertium Apollinaris dogma de legit ; vt negata humanae carnis atque animæ veritate , totum Dominum nostrum Iesum Christum vnius assereret esse naturæ ,

tamquam Verbi deitas ipsa se in carnem animamque conuerterit, & concipi ac nasci, nutriti & crescere, crucifigi ac mori, sepeliri ac resurgere, & ascendere in cælum, & in Patris dextera, vnde ad iudicandos viuos & mortuos veniet, considere, diuinæ tantum essentiæ fuerit, quæ nihil horum in se sine carnis recipit veritate, quoniam natura Vnigeniti natura est Patris, natura est & Spiritus sancti: simulque impassibilis, simul est incommutabilis, sempiternæ trinitatis indiuisa unitas, & consubstantialis æquitas. Vnde si ab Apollinaris peruersitate Eutychianus quisque desciscit, ne conuincatur deitatem passibilem sentire atque mortalem, & tamen Verbi incarnati, id est, Verbi & carnis vnam audet pronuntiare naturam, manifeste in Valentini & Manichæi transit insaniam, & mediatorem Dei & hominum hominem Iesum Christum simulatorie credit omnia egisse, nec humanum in ipso corpus, sed phantasticam corporis speciem oculis apparuisse cernentium. Quæ impietatis mendacia quoniam olim fides catholica detestatur, & aliarum assertionum sacrilegia concordibus per totum mundum beatorum patrum dudum sunt damnata sententiis, non dubium est eam nos fidem prædicare atque defendere, quam sancta Synodus Nicæna confirmauit, dicens: Credimus in vnum Deum Patrem omnipotentem, omnium visibilium & inuisibilium factorem: & in vnum Dominum Iesum Christum Filium Dei, natum de Patre vniuersitatem, hoc est, de substantia Patris, Deum de Deo, lumen de lumine, Deum verum de Deo vero, natum non factum, vnius substantiæ cum Patre, (quod Græci dicunt homousion) per quem omnia facta sunt, siue quæ in cælo, siue quæ in terra. Qui propter nos, & propter nostram salutem descendit de cælis: & incarnatus est, & homo factus, passus est, & surrexit tercia die. Ascendit ad cælos, inde venturus iudicare viuos & mortuos. Et in Spiritum sanctum. In qua professione hoc euidentissime continetur, quod etiam nos de Domini incarnatione confitemur & credimus, qui ad salutem humani generis reformatam veram carnem nostræ fragilitatis, non de cælo secum detulit, sed in utero Virginis matris assumpfit.

Nicæna
nodi sym-
bolum.

II.

Quicumque ergo sunt ita obcæcati, & a lumine veritatis alieni, vt Verbo Dei a tempore incarnationis humanae carnis denegent veritatem; ostendat in quo sibi Christianum nomen usurpent, & cum euangeliō veritatis quare ratione concordent, si per beatæ Virginis partum, aut caro sine deitate, aut deitas est orta sine carne. Sicut enim negari non potest (euangelista dicente) quod *Verbum caro factum est, & habitat in nobis*: ita negari non potest (beato Paulo apostolo prædicante) quod *Deus erat in Christo, mundum reconcilians sibi*. Quæ autem reconciliatio esse posset, qua humano generi propitiaretur Deus, nisi omnium causam mediator Dei hominumque susciperet? Quæ vero ratione veritatem mediatoris impleret, nisi qui in forma Dei æqualis est Patri, in forma serui particeps esset & nostri: vt mortis vinculum, vnius præuaricatione contratum, vnius morte (qui solus morti nihil debuit) solueretur: effusio enim pro iniustis sanguinis iusti Christi, tam potens fuit ad priuilegium, tam diues ad precium, vt si vniuersitas captiuorum in redemptorem suum crederet, nullum diaboli vincula retinerent, quoniam sicut Apostolus ait: *Vbi abundauit peccatum, superabundauit & gratia*. Et cum sub peccati præiudicio nati potestatem acceperint ad iustitiam renascendi, validius factum est donum libertatis, quam debitum seruitutis. Quam itaque sibi in huius sacramenti præsidio spem relinquunt, qui in Salvatore nostro negant humani corporis veritatem? Dicant quo sacrificio reconciliati. dicant quo sanguine sint redempti. *Quis est* (vt ait Apostolus) *qui tradidit semetipsum pro nobis oblationem & hostiam Deo in odorem suavitatis?* Aut quod vñquam sacrificium sacratius fuit, quam quod verus & æternus pontifex altari crucis, per immolationem suæ carnis, imposuit? Quamuis enim multorum sanctorum in conspectu Domini preciosa mors fuerit, nullius tamen insontis occisio redemptio fuit mundi. Accepterunt iusti, non dederunt coronas, & de fortitudine fidelium exempla nata sunt patientia, non dona iustitia. Singulares quippe in singulis mortes fuerunt, nec alterius quisquam debitum suo fine persoluit, cum inter filios hominum vñus solus Dominus noster Iesus Christus, qui ve-

*Iean. 1.**2. Cor. 5.**Rom. 5.**Ephes. 5.**Psal. 115.*

re erat agnus immaculatus, extiterit, in quo omnes crucifixi, omnes mortui, omnes sepulti, omnes sunt etiam suscitati. De quibus ipse dicebat: *Cum exaltatus fuero a terra, omnia traham ad meipsum.* Fides etenim vera iustificans impios, & creans iustos, ad humanitatis suæ tracta partem, in illo acquirit salutem, in quo solo homo se inuenit innocentem, liberum habens per gratiam Dei de eius potentia gloriari, qui contra hostem humani generis in carnis nostræ humilitate congressus, his victoriam suam tribuit, in quorum corpore triumphauit. Licet ergo in uno Domino Iesu Christo, vero Dei atque hominis filio, Verbi & carnis una persona sit, quæ inseparabiliter atque indiuise communes habeat actiones; intelligendæ tamen sunt ipsorum operum qualitates, & sincerae fidei contemplatione cernendum est, ad quæ prouehatur humilitas carnis, & ad quæ inclinetur altitudo diuinitatis. Quid sit *quod caro sine Verbo non agit, & quid sit quod Verbum sine carne non efficit.* Sine Verbi enim potentia nec ciperet Virgo nec pareret, & sine veritate carnis obuoluta pannis infantia non iaceret. Sine Verbi potentia non adorarent magi puerum, stella indice declaratum: & sine veritate carnis non iuberetur in Ægyptum trâsferri puer, *Ibidem.* & ab Herodis persecutione subduci. Sine Verbi potentia non diceret vox Patris missa de cælo: *Hic est Filius meus dilectus, in quo mihi bene complacui, ipsum audite:* & sine veritate carnis non protestaretur Ioannes: *Ecce agnus Dei, ecce qui tollit peccata mundi.* Sine Verbi potentia non fieret redintegratio debilium, & viuificatio mortuorum: & sine veritate carnis, nec cibus ieuno, nec somnus esset necessarius fatigato. Postremo, sine Verbi potentia non se Dominus *prosperiteretur aequali:* & sine veritate carnis non idem diceret Patrem se esse maiorem: cum catholica fides vtrumque suscipiat, vtrumque defendat, quæ secundum confessionem beati apostoli Petri, unum Christum *Dei viuus filium, & hominem credit, & Verbum.* Quamuis itaque ab illo initio, quo in utero Virginis Verbum caro factum est, nihil unquam inter utramque formam divisionis extiterit, & per omnia incrementa corporeavnius personæ fuerint totius temporis actiones, ea ipsa tamen, quæ inseparabiliter facta sunt, nulla commixtione

confundimus, sed quid cuius formæ sit ex operum qualitate sentimus. Nec diuina enim humanis præjudicant, nec humana diuinis: cum ita in idipsum vtraque concurrant, vt in eis nec proprietas absunt, nec persona germinetur. Dicant ergo isti hypocritæ, qui cæcis mentibus

*Iohn. 19.
Ibidem.*

*Matt. 29.
Luc. 24.*

Luc. vii.

Iohn. 20.

Act. 4.

1. Tim. 2.

Philip. 2.

Ibidem.

lumen nolunt recipere veritatis, in qua forma crucis ligno Dominus maiestatis Christus affixus sit? quid iacuerit in sepulcro? & reuoluto monumenti lapide, quæ tertio die caro resurrexit? & in qua post resurrectionem suam non credentes quosdam discipulos arguebat, & hæsitationem cunctantium confutabat, cum diceret: *Palpate & videte quia spiritus carnem & ossa non habet, sicut me videtis habere?* Et apostolo Thomæ: *Infernum tuam in latu meum, & vide manus meas & pedes, & noli esse incredulus, sed fidelis?* Qua utique manifestatione corporis sui iam hæreticorum mendacia destruebat: vt vniuersa ecclesia, Christi imbuenda doctrinis, hoc sibi non dubitaret credendum, quod apostoli suscepserant prædicandum. At si in tanta luce veritatis tenebras suas hæretica obduratio non relinquit, ostendant, vnde sibi spem vitæ polliceantur æternæ, ad quam nisi per mediatorem Dei & hominum hominem Iesum Christum non potest perueniri. Sicut enim ait beatus Petrus apostolus: *Non est aliud nomen datum hominibus sub cælo, in quo oporteat nos saluos fieri;* nec est redemptio captiuitatis humanæ, nisi in sanguine eius, *qui dedit semetipsum redemptionem pro omnibus.* Et qui (sicut prædicat B. apostolus Paulus) *cum in forma Dei esset, non rapinam arbitratus est esse se æqualem Deo, sed semetipsum exinanivit, formam serui accipiens, in similitudinem hominum factus, & habitu inuentus ut homo. Humiliauit semetipsum, factus obediens usque ad mortem, mortem autem crucis.* Propter quod & Deus exaltauit illum, & donauit illi nomen, *quod est super omne nomen, ut in nomine Iesu omne genu fleatur, cælestium, terrestrium, & infernorum, & omnis lingua confiteatur, quia Dominus Iesus Christus in gloria est Dei Patris.* Cum ergo unus sit Dominus Iesus Christus, & vera deitatis veræque humanitatis in ipso una prorsus eademque persona sit, exaltationem tamen, *qua illum* (sicut Doctor gentium dicit) *exaltauit Deus, & donauit illi nomen, quod super omne nomen excellit,* ad eam intelligimus pertinere formam, quæ ditanda erat

tantæ

tantæ glorificationis augmento. In forma quippe Dei æqualis erat Filius Patri, & inter Genitorem atque Vnigenitum nulla in essentia erat discretio, nulla in maiestate diuersitas, nec per incarnationis mysterium aliquid deceperat Verbo, quod ei Patris munere redderetur. Forma autem serui, per quam impassibilis deitas sacramentum magnæ pietatis impleuit, humana humilitas est, quæ in gloriam diuinæ potestatis euecta est in tantā vnitatem, ab ipso conceptu Virginis deitate & humanitate conserta, vt nec sine homine diuina, nec sine Deo agerentur humana. Propter quod sicut Dominus maiestatis dicitur crucifixus, ita qui ex sempiternitate æqualis est Deo, dicitur exaltatus: quia inseparabiliter (manente vnitate personæ) vnum atque idem est, & totus hominis filius propter carnem, & totus Dei Filius propter vnam cum Patre deitatem. *Quidquid enim in tempore accepit Christus secundum hominem accepit, cui, quæ non habuit, conferrentur.* Nam secundum potentiam deitatis indifferenter omnia, quæ habet Pater, etiam Filius habet: & quæ in forma seruia Patre accepit, eadem in forma Dei etiam ipse donauit. Secundum formam enim Dei, *ipse & Pater vnum* *Iohann. 10.* sunt: secundum formam autem serui, *non venit facere voluntatem suam, sed voluntatem eius, qui misit eum:* Secundum formam Dei, *sicut Pater habet vitam in semetipso, sic dedit &* *Iohann. 5.* *Filio vitam habere in semetipso:* secundum formam serui: *Tristis est anima eius usque ad mortem.* Et idem ipse est, sicut ait Apostolus, *& diues, & pauper. Diues, quia euangelista dicens, In principio erat Verbum, & Verbum erat apud Deum,* *Iohann. 1.* *& Deus erat Verbum, hoc erat in principio apud Deum. Omnia per ipsum facta sunt, & sine ipso factum est nihil. Pauper vero, quia propter nos Verbum caro factum est, & habitauit in nobis.* *Ibidem.* *Quæ autem est eius exinanitio, quæve paupertas, nisi forma seruili acceptio? per quam Verbi maiestate velata, dispensatio humanæ redemptionis impleta est.* Nam quia captiuitatis nostræ resoluti originalia vincula non poterat, nisi existeret homo nostri generis nostræq; naturæ, quem peccati præiudicia non tenerent, & qui immaculato sanguine suo chirographum lethale dilueret, sicut ab initio erat diuinitus præordinatū: ita est in plenitudine præfiniti temporis factum, vt multis modis significata promissio,

Concil. Tom. 7.

Hh

in diu expectatum veniret effectum, nec posset esse ambiguū, quod continua testificationibus semper fuerat nuntiatum. In magno autem sacrilegio se versari, hæreticorum manifestat impietas, cum sub specie deitatis honorandæ, humanæ carnis in Christo denegant veritatem, & religiose existimant credi, si dicatur in Saluatore nostro, verum non esse, quod saluat, cum ita secundum promissionem omnia sacula percurrentem, mundus sit Deo reconciliatus in Christo, ut nisi Verbum dignaretur caro fieri, nulla posset caro saluari. Omne enim sacramentum fidei Christianæ, magno (ut hæretici volunt) decoloratur obscuro, si lux veritatis sub mendacio putatur latuisse phantasmatis. Non ergo quisquam sibi erubescendum existimet Christianus de nostri in Christo corporis veritate: quia omnes apostoli apostolorumque discipuli, & præclarí ecclesiarum quique doctores, qui ad martyrii coronam, vel ad confessionis meruere gloriam peruenire, in huius fidei lumine splenduere, consonis vbiique sententiis intonantes, quod in Domino Iesu Christo deitatis & carnis vna sit confitenda persona. Quia autem rationis similitudine, qua diuinorum voluminum portione, hæretica impietas se existimat adiuuari, quæ veritatem negat corporis Christi: cum hanc non lex testificari, non prophetia præcinere, non euāgelia docere, non ipse destiterit Christus ostēdere? Quærant per omnem seriem scripturarum, quo tenebras suas fugiant, non quo verum lumen obscurent: & per omnia sacula ita veritatem inuenient coruscantem, vt magnum hoc & mirabile sacramentū, ab initio videant creditum, quod est in fine completū. De quo cum sanctarum literarū nulla pars fileat, sufficit quædam consona veritatis signa posuisse, quibus diligentia fidei splendidissima latitudine dirigatur, & sincera intelligentiæ luce perspiciat: quod in Filio Dei, qui se incessabiliter filium hominis & hominem profitetur, non sit Christianis erubescendum, sed constantissime gloriandum. Ut autem pietas tua cum venerabilium patrum prædicacionibus nos concordare cognoscant: aliquantas eorum sententias huic credidi subiiciendas esse sermoni. Quibus si digneris attendere recensitis, non aliud nos prædicare reperies, quam quod sancti patres nostri toto orbe

2. Cor. 5.

docuerunt: nec quemquam ab illis, nisi solos impios hæreticos, discrepare. His igitur, gloriofissime & venerabilis imperator, quanta potui breuitate perstrictis, cum inspirata tibi diuinitus fide etiam nostram prædicationem vnitam esse cognosce, nec in aliquo nos ab euangelica apostolicaque doctrina, vel a catholicæ professionis symbolo discrepare: quoniam sicut docet B. apostolus Paulus, *magnum est pietatis sacramentum, quod manifestatum est in carne, iustificatum est in spiritu, apparuit angelis, prædicatum est gentibus, creditum est in mundo, assumptum est in gloria.* Quid igitur tuæ vtilius saluti, quid tuæ congruentius potestati, quam vt paci ecclesiarum Domini tua constitutione prospicias, & in omnibus tibi subditis Dei dona defendas, neque vlla ratione patiaris per inuidiam diaboli ministros ipsius in cuiusquam sæuire perniciē, vt qui in hoc sæculo temporali emines regno, in æternū merearis regnare cum Christo?

III.

Sancti Hilarii Pictaviensis episcopi & confessoris, in libro secundo inter cetera: Vnum igitur hoc est immobile fundatum, vna hæc felix fidei petra, Petri ore confessa: *Tu es (inquit) Christus filius Dei vivi,* tanta in se argumenta sustinens veritatis, quantæ peruersitatū quæstiones & infidelitatis calumnia mouebuntur. Iam in ceteris dispensatio voluntatis paternæ est. Virgo, partus, & corpus, post quæ crux, mors, inferi, salus nostra est. Humani enim generis causa, Dei filius natus ex Virgine est, & Spiritu sancto, ipso sibi in hac operatione famulante, & sua, Deividelicet in umbrante virtute, corporis sibi initia conseuit: & exordia carnis instituit, vt homo factus ex Virgine, naturam in se carnis acciperet, perque huius admixtionis societatem sanctificatum in eo vniuersi generis humani corpus existeret: vt quemadmodum omnes in se, per id, quod corporeum se esse voluit, conderentur, ita rursum in omnes ipse, per id, quod eius est inuisibile, referretur. Dei igitur imago inuisibilis pudorem humani exordii non recusauit, & per conceptionem, partum, vagitum, & cunas, omnes naturæ nostræ contumelias transcurrit. Quid tandem dignum a nobis tantæ dignationis affectui rependetur? Inenarrabilis a Deo originis unus vngenus Deus, in corpusculi humani formam sanctæ Virginis vtero insertus, accrescit.

Concil. Tom. 7.

Hh ij

1. Tim. 3.

Matth. 16.

Qui omnia continet, & intra quem, & per quem cuncta sunt, humani partus lege profertur: & ad cuius vocem archangeli atque angeli tremunt, cælum & terra & omnia huius mundi resoluentur elementa, vagitu infantiae auditur. Qui inuisibilis & incomprehensibilis est, non visu, sensu, tactuque moderandus, cunis est obuolutus. Hæc si quis indigna Deo recolit, tanto se maioris beneficii obnoxium confitebitur, quanto minus hæc Dei contuenerint maiestati. Non ille eguit homo effici, per quem homo factus est: sed nos egimus, ut Deus caro fieret, & habitaret in nobis, id est, assumptione carnis vnius membra vniuersæ carnis incoleret. Humilitas eius nostra nobilitas est: contumelia eius noster honor est. Quod ille est Deus in carne consistēs, hoc nos vicissim in Deum ex carne renouati. *Item eiusdem in libro nono inter cetera:* Nescit plane, vitam suam nescit qui Christū Iesum ut verū Deum, ita & verū hominem ignorat. Et eiusdem periculi res est, Christum Iesum, vel Spiritum Deum, vel carnem nostri corporis denegare. *Omnis ergo, inquit, qui confitebitur me coram hominibus, confitebor dō ego eum coram Patre meo, qui est in cælis.* Qui autem negauerit me coram hominibus, negabo dō ego eum coram Patre meo, qui est in cælis. Hæc Verbum caro factum loquebatur, & homo Iesus Christus Dominus maiestatis docebat, mediator ipse in se ad salutem ecclesiæ constitutus, & illo inter Deum & homines mediatoris sacramento vtrumque vnum existens, dum ipse ex vnitate in idipsum naturis, naturæ vtriusque res eadem est: ita tamen ut neutrō careret in vtroque, ne forte Deus esse homo nascendo desineret, & homo rursus Deus manendo non esset. Hæc itaque humanæ beatitudinis fides vera est, Deum & hominem prædicare, Verbum & carnem confiteri: neque Deum nescire quod homo sit, neque carnem ignorare quod Verbum sit. *Item eiusdem in eodem libro inter cetera:* Natus igitur Vnigenitus Deus ex Virgine homo, & secundum plenitudinem temporum in semetipso prouecturus in Deum hominem, hunc per omnia euangelici sermonis modum tenuit, ut se Filium Dei credi doceret, & hominis filium prædicari admoneret, *loquens & gerens homo vniuersa quaæ Dei sunt, loquens deinde & gerens Deus vniuersa quaæ hominis sunt: ita tamen ut in

*Iean. 1.**Matth. 10.*^{*locu-}
tus

ipso illo vtriusque generis sermone , nunquam nisi cum significatione & hominis locutus & Dei sit. *Item alio loco in eodem libro inter cetera*: Hinc itaque fallendi simplices atque ignorantes hæreticis occasio est , vt quæ ab eo secundum hominem dicta sunt , dicta esse secundum naturæ diuinæ infirmitatem mentiantur : & quia vnum atque idem est loquens omnia quæ loquitur , de semetipso omnia eum locutum esse contendant. Nec sane negamus totum illum, qui eius manet, naturæ suæ esse sermonem. Sed si Iesus Christus & homo & Deus est , & neque cum homo , tum primum Deus , neque cum homo , tum non etiam & Deus , neque post hominē in Deo non totus homo , totus Deus , vnum atque idem necesse est dictorum eius sacramentum esse , quod generis. Et cum in eo secundum tempus discernis hominem a Deo , Dei tum atque hominis discerne sermonem. Et cum Deum atque hominem in tempore confiteberis , Dei atque hominis in tempore dicta dijudica. Cum vero ex homine & Deo rursum totius hominis , totius iam Dei tempus intelligis. Si quid aliud ad demonstrationem eius temporis dictum est , tempori coaptato , quæ dicta sunt , vt cum aliud sit ante hominem Deus , aliud sit homo & Deus , aliud sit post hominem & Deum totus homo , & totus Deus ; non confundas temporibus & generibus dispensationis sacramentum , cum pro qualitate generum ac naturarū alium ei in sacramento hominis necesse est sermonem fuisse non nato , alium adhuc morituro , alium iam æterno. Nostri igitur causa hæc omnia Iesus Christus manens , & corporis nostri homo natus , secundum consuetudinem naturæ nostræ locutus est , non tamen omittens naturæ suæ esse , quod Deus est. Nā tametsi in partu & passione & morte naturæ nostræ rem peregerit , res tamen ipsas omnes virtute naturæ suæ gessit : & reliqua. *Item alio loco in eodem libro inter cetera*. Videſne ita Deum & hominem prædicari , vt mors homini , Deo vero carnis excitatio deputetur ? Non tamen vt alius sit , qui mortuus est , & alius sit , per quem mortuus resurgit. Spoliata enim caro , Christus est mortuus , & rursum Christum a mortuis excitans , idem Christus est , carne se expolians. Naturam Dei in virtute resurrectionis intellege , dispensationem hominis in morte cognosce. Et cum

Sint vtraque suis gesta naturis, vnum tamen Christum Iesum eum memento esse, qui vtrumque est. *Item post pauca:* Hæc igitur demonstranda a me paucis fuerunt, vt vtriusque naturæ formam traetari in Domino Iesu Christo minimussemus, quia qui in forma Dei manens, formam serui accepit, ipse diuinitatem nequaquam amisit.

IV.

Sancti Athanasii Alexandrinæ ecclesiæ episcopi & confessoris ad Episcopatum Corinthiorum episcopum: Quomodo autem vel dubitare ausi sunt, qui dicuntur Christiani, si Dominus, qui ex Maria virgine processit, * filius quidem substantia & natura Dei est, id vero, quod est secundum carnem, ex semine David est & carne sanctæ Mariæ?

V.

Sancti Ambrosii episcopi & confessoris Mediolanensis ecclesiæ, quod misit ad imperatorem Gratianum in libro secundo de fide inter cetera: Vnde illud quod lectum est, Dominum maiestatis crucifixum esse, non quasi in maiestate sua crucifixum putemus: sed quia idem Deus, idem homo, per diuinitatem Deus, per susceptionem carnis homo, Christus Iesus Dominus maiestatis dicitur crucifixus, quia consors vtriusque naturæ, id est, humanæ atque diuinæ, in natura hominis subiit passionem, vt indiscrete, & Dominus maiestatis dicatur esse, qui passus est, & filius hominis, sicut scriptum est: *Qui descendit de cælo.* Item alio loco in eodem libro inter cetera: Sileant igitur inanes de sermonibus quæstiones, quia regnum Dei (sicut scriptum est) non in persuasione verbi est, sed in ostensione virtutis. Seruemus distinctionem diuinitatis & carnis. Vnus in vtroque loquitur Dei Filius, quia in eodem vtraque natura est. Et si idem loquitur, non uno semper loquitur modo. Intende in eo nunc gloriam Dei, nunc hominis passiones. Quasi Deus loquitur quæ sunt diuina, quia Verbum est: quasi homo dicit quæ sunt humana, quia in ea substantia loquebatur. *Item eiusdem in libro de incarnatione Domini contra Apollinaristas:* Sed dum hos redarguimus, emergunt alii, qui carnem Domini dicant & diuinitatem vnius naturæ. Quæ tantum sacrilegium inferna vomuerunt? Iam tolerabiliores sunt Ariani, quorum per istos perfidiæ robur adolescit, vt maiore contentione afferant Patrem & Fi-

*JOAN. 3.
Ephes. 4.*

lium & Spiritum sanctum vnius non esse substantia, quia isti diuinitatem Domini & carnem substantia vnius dicere tentauerunt. Item infra: Et hi mihi frequenter Nicæni Concilii tractatum se tenere commemorant. Sed in illo tractatu patres nostri non carnem, sed Dei Verbum vnius substantia cum Patre esse dixerunt. Et Verbum quidem ex paterna processisse substantia, carnem autem ex Virgine esse confessi sunt. Quomodo igitur Nicæni Concilii nomen obtenditur, & noua inducuntur, quæ nunquam nostri sensere maiores? & reliqua. Item eiusdem ad^{*} Sabinum episcopum inter cetera. Vnde pulcre Apostolus eiusdem verbi repetitione usus est, dicens de Domino Iesu Christo: *Cum in forma Dei esset, non rapinam arbitratus est, esse se aequali Deo, sed semetipsum exinanivit, formam serui accipiens.* Philip. 2. Quid est in forma Dei, nisi in plenitudine deitatis, in illa perfectionis diuinæ expressione? Ergo cum esset in plenitudine diuinitatis, exinanivit se, & accepit plenitudinem naturæ & perfectionis humanæ. Sicut Deo nihil deerat, ita nec hominis consummationi, ut esset perfectus in utraque forma. Vnde & David dicit: *Speciosus forma præ filiis hominum.* Psal. 44. Concluditur Apollinarista, nec quo se vertat habet, suis clauditur retibus. Ipse enim dixit, formam serui accepit, non seruus locutus est. Iterum ergo interrogo: Quid est, in forma Dei? Respondit in natura Dei. Sunt enim Galat. 4. (ait Apostolus) qui non sunt natura dei. Quero quid sit, formam serui accipiens? Sine dubio perfectionem naturæ, & conditionis, ut dixi, humanæ; ut esset in hominum similitudine. Et pulcre, non carnis, sed hominum dixit similitudinem, quia in carne eadem est. Sed quia sine peccato erat solus, omnis autem homo in peccato, in specie hominis videbatur. Vnde & propheta ait: *Et homo est, & quis cognoscit eum?* Homo secundum carnem, sed ultra hominem, diuina operatione. Denique cum leprosum tangere, homo videbatur: sed ultra hominem, cum mundaret. Et cum Lazarum mortuum fleret, mortuum quasi homo flebat, sed supra hominem erat, cum mortuum vincit iuberet pedibus exire. Homo videbatur, cum penderet in cruce; sed supra hominem, cum referatis tumultis mortuos fuscitaret.

VI.

Sancti Augustini episcopi Hippoensis ecclesiae ad Dardanum inter cetera: Noli itaque dubitare, ibi nunc esse hominem Christum, vnde venturus est, memoriterque recole, & fideliter tene Christianam confessionem, quoniam resurrexit a mortuis, ascendit in cælum, sedet ad dexteram Patris, nec aliunde quam inde ad iudicandos venturus est viuos & mortuos. Et sic venturus est, illa angelica voce testante, quemadmodum est ire visus in cælum, id est, in eadem forma carnis atque substantia, cui profecto immortalitatem dedit, naturam non abstulit. *Item eiusdem in epistola ad Volusianum inter cetera:* Nunc vero ita inter Deum & homines mediator apparuit, ut in unitate personæ copulans vtramque naturam, & solita sublimaret insolitis, & insolita solitis temperaret. *Item eiusdem in expositione euangelii secundum Ioannem inter cetera:* Quid igitur, haeretice? Cum Christus Deus sit & homo, loquitur ut homo, & calumniaris Deo? Ille in se naturam commendat humanaam, tu in illo audes deformare diuinam? *Et iterum infra:* Agnoscamus geminam substantiam Christi, diuinam scilicet, qua æqualis est Patri, humanam, qua maior est Pater. Vtrumque autem simul, non duo, sed unus est Christus: ne sit quaternitas, non trinitas Deus. Sicut enim unus est homo anima rationalis & caro, sic unus est Christus Deus & homo: ac per hoc Christus est Deus anima rationalis, & caro: Christum in his omnibus, Christum in singulis confitemur. Quis est ergo, per quem factus est mundus? Christus Iesus, sed in forma Dei. Quis est sub Pontio Pilato crucifixus? Christus Iesus, sed in forma servi. *Item eiusdem cuius supra:* Quis non est derelictus in inferno? Christus Iesus, sed in anima sola. Quis resurrecturus triduo iacuit in sepulcro? Christus Iesus, sed in carne sola. Dicitur ergo in his singulis Christus. Verum hæc omnia non duo, vel tres, sed unus est Christus. Ideo ergo dixit: *Si diligenteris me, gauderetis utique, quia vado ad Patrem.* Quoniam naturæ humanæ gratulandum est, eo quod sic assumpta est a Verbo Unigenito, ut immortalis constitueretur in cælo, atque ita fieret terra sublimis, ut incorruptibilis puluis federet ad dexteram Patris.

Ioan. 14.

VII.

VII.

Sancti Joannis Constantinopolitani episcopi & confessoris in homilia de cruce & latrone: Sed cur cum cruce veniat, videamus. Scilicet ut hi qui eum crucifixerunt suæ sentiant dementiæ cæcitatem: & ideo impudentiæ eorum signum portatur. Ideo propheta ait: *Tunc lamentabuntur omnes* Zach. 12. *tribus terræ, videntes accusatorem, & agnoscentes peccatum.* Et quid mirum est, si crux portans adueniet, quando & vulnera corporis ipsa demonstrat? *Tunc enim (inquit) videbunt, quem * confixerunt.* Et sicut post resurrectionem, Thomæ voluit diffidentiam confutare, & illi clauorum loca monstrauit, & lateris vulnera declarauit, & dixit: *Mitte manum tuam, & vide quoniam spiritus carnem & ossa non habet, sicut me vides habere: sic & tunc ostendet vulnera, crucemque demonstrabit, ut ostendat illum se esse qui fuerat crucifixus.* Item eiusdem in homilia de ascensione Domini: Nam sicut duobus iurgio separatis, unus in medio positus altercantum litem discordiamque dissoluit: ita & Christus nobis fecit. Deus nobis iuste irascebatur, & nos contemnebamus iratum, & clementem Dominum declinabamus: & se medium Christus ingressit, & sociauit vtramque naturam, & nobis quod imminebat supplicium ipse sustinuit. Item eiusdem in eadem homilia inter cetera. Christus igitur nostræ naturæ primicias obtulit Patri, & oblatum donum miratus est Pater, quod & tanta dignitas offerebat, & quod offerebatur, nulla macula fœdabatur. Nam & suis manibus suscepit oblatum, & suæ sedis fecit esse participem, & quod plus est, ad partem suæ dextræ collocauit. Cognoscamus quis est ille, qui audiuit: *Sede ad dexteram meam: quæ natura* Psal. 109. *est cui dixit: Esto meæ particeps sedis. Illa natura est quæ audiuit: Terra es, & in terram ibis.* Item eiusdem in eadem homilia inter cetera: Quo sermone vtar, quo verbo dicam reperire non possum. Natura fragilis, natura contempta, & omnibus monstrata deterior, omnia vicit, omnia superauit, & omnibus hodierna die meruit excelsior reperi. Hodie angeli diu vota desiderata receperunt, hodie archangeli quod multo tempore cupiebant, inspicere valuerunt. Naturam nostram ipsi in sede dominica immortalis fulgentem gloria peruerterunt.

Concil. Tom. 7.

Ii

VIII.

Sancti Theophili episcopi Alexandrini de epistola paschali, quam per AEgyptum destinauit: Cuius rei testis est ille qui loquitur: Omnes declinauerunt, simul inutiles facti sunt. Et prophetæ Christi auxilium deprecantes: Domine, inclina cœlos tuos, & descend. Non ut mutaret locum, in quo omnia sunt, sed ut propter salutem nostram carnem humanæ fragilitatis assumeret, Paulo apostolo eadem concinente: Cum esset diuines, pro nobis pauper factus est, ut nos illius paupertate ditaremur: venitque in terras, & de virginali vtero, quem sanctificauit, egressus homo, interpretationem nominis sui Emmanuel, id est, nobiscum Deus, dispensatione confirmans, mirum in modum coepit esse quod nos sumus, & non desit esse quod erat: sic assumens naturam nostram, ut quod erat ipse, non perderet. Quamquam enim Ioannes scribat: Verbum caro factum est, id est aliis verbis, Deus homo factus est, Verbum tamen non est versum in carnem, quia nunquam Deus esse cessauit. Ad quem & Spiritus sanctus loquitur: Tu autem idem ipse es. Et Pater de cœlo contestatur, & dicit: Tu es filius meus dilectus, in quo mihi bene complacui. Ut & homo factus, nostra confessione permanere dicatur, quod fuit priusquam homo fieret, Paulo nobiscum eadem prædicante: Iesus Christus heri & hodie, idem ipse & in æternum. In eo enim quod ait ipse, ostendit eum pristinam non mutasse naturam, nec diuinitatis suæ minuisse diuitias, quia propter nos pauper effectus, plenam similitudinem nostræ conditionis assumpserat. Item eiusdem in alia epistola paschali contra Origenem, inter cetera: Vnus Filius Patris, nostrique mediator, nec æqualitatem eius amisit, nec a nostro consortio separatus est. Inuisibilis Deus, & visibilis homo, forma serui absconditus, & Dominus gloriæ confessione credentium comprobatus. Neque enim priuauit eum Pater naturæ suæ nomine, postquam pro nobis homo, & pauper effectus est, nec in Iordane fluvio baptizatum altero appellauit vocabulo, sed Filium vnigenitum: Tu es filius meus dilectus, in quo mihi bene complacui. Nec similitudo nostra in diuinitatis est mutata naturam, nec diuinitas in nostræ naturæ versa est similitudinem.

*Psal. 13.**Psal. 143.**2. Cor. 8.**Ioan. 1.**Psal. 101.**Matth. 3.**Heb. 13.**Matth. 3.*

IX.

Sancti Gregorii episcopi Nazianzeni in homilia de epiphania inter cetera: Cum ergo processisset ex virginе Deus, in ea quam assumpserat humana natura vnum e duobus sibi in unicem contrariis existens carne & spiritu, aliud in Deum assumitur, aliud deitatis gratia præstat. *Item infra:* Missus est quidem, sed ut homo: duplex enim erat in eo natura. Inde denique & laborauit ex itinere, inde & esuriit, & sitiuit, & contristatus est, & fleuit humani corporis lege.

X.

Sancti Basili episcopi Cappadocis: Cum ergo quædam in Christo ita videmus humana, ut nihil a communi mortali fragilitate distare videantur, quædam ita diuina, quæ nulli alii, nisi illi ineffabili naturæ conueniant deitatis, hæret humani intellectus angustia, & tantæ admirationis stupore perculta, quo declinet, quid teneat, quo se vertat, ignorat. Si hominem putet, deuicto mortis regno cum spoliis redeuntem a mortuis cernit. Propter quod cum omni metu & reuerentia contemplandum est, ut in uno eodemque ita utriusque naturæ veritas demonstretur, ut neque aliquid indignum & indecens de diuina illa & ineffabili substantia sentiatur, neque rursum quæ humanitus gesta sunt, falsis illusa imaginibus aestimentur.

XI.

Sancti Cyrilli episcopi Alexandrini: Homo nominatus est, cum sit natura Deus, Dei Patris Verbum, quoniam similiter ut nos sanguini communicauit & carni. Sic enim in terris apparuit, non amittens id quod erat, sed assumens humanitatis naturam in sua ratione perfectam. *Item eiusdem in libro, qui dicitur Scholia:* Vnus igitur est, & ante incarnationem Deus verus, & qui in diuinitate mansit, in qua erat, est, & erit. Non discernendum igitur vnum Dominum Iesum Christum in hominem seorsum, & seorsum in Deum, sed vnum eundemque Iesum Christum esse dicimus, non ignorantes differentias naturarum, sed eas inconfusas inter se seruantes. *Item cuius supra:* Dicitur namque tamquam aliud in alio inhabitare, id est, diuinam naturam in humanitate non perpetuam commixtione, ut esset, quod non erat. Quidquid enim in alio habitare dicitur, non ipsum fit tale quale est id in quo habitat,

Concil. Tom. 7.

I iij

sed aliud in alio magis intelligitur. At vero in Verbi persona & humanitatis, nobis solam differentiam designat diuersitas naturarum. Vnus enim ex vtraque intelligitur Christus. Ergo in confusione (vt ante dixi) seruata inhabitaſſe ait Verbum in nobis. Scit enim vnum esse Filium vnigenitum, carnem factum & hominem. *Item cuius supra ad Nestorium:* Ait igitur sancta & magna Synodus ipsum, qui est ex Deo Patre natus naturaliter, Filium vnigenitum, Deum verum de Deo vero, lumen de lumine, per quem, & cum quo omnia fecerit Pater, hunc descendisse, incarnatum esse, & hominem factum, passum esse, surrexisse tertia die, & ascendisse rursus ad cœlos.

Hæc nos sequi verba debemus, his nos conuenit obtemperare dogmatibus, considerantes quid sit incarnatum esse, & hominem factum Dei Verbum. Non enim dicimus, quod Dei natura conuersa vel immutata facta sit caro, nec quod in totum hominem, qui est ex anima & corpore, transformata sit; sed illud magis, quod carnem animatam anima rationali sibi copulauerit Verbum, & substantialiter, ineffabiliter, & irreprehensibili-
ter factus sit homo, & nuncupatus sit etiam filius hominis, non nuda tantummodo voluntate, sed nec assumptione sola personæ, sed quod diuersæ quidem naturæ in vnum conuenerint, vonus tamen ex ambabus Christus & Filius, non euacuata aut sublata diuersitate naturarum per coniunctionem, sed quia simul nobis effecerunt vnum Dominum, & Christum, & Filium, id est diuinitas & humanitas, per arcanam illam ineffabilemque copulationis adunationem. Itaque is, qui ante sæcula omnia est natus ex Patre, etiam ex muliere carnaliter dicitur procreatus in tempore. Non quia diuina ipsius natura de sacra Virgine sumpſit exordiū, nec quod propter seipſam opus habuit secundo nasci post illam nativitatem, quam habebat ex Patre, (est enim ineptum & stultum hoc dicere, quod is, qui ante omnia sæcula est consempiternus Patri, secundæ generationis eguerit, vt esse inciperet) sed quia propter nos & propter nostram salutem naturam sibi copulauit humanam, & processit ex muliere, idcirco dicitur natus esse carnaliter. Neque enim prius natus est homo communis de sancta Virgine, & tunc

demum habitauit in eo Verbum, sed in ipsa vulua vtero-
que virginali, se cum carne coniunxit, & sustinuit gene-
rationem carnalem, carnis suæ nativitatem suam faciens.
Sic illum dicimus & passum esse & resurrexisse, non quia
Deus Verbum in sua natura passus sit, aut plagas, aut clá-
uorum transfixiones, aut alia vulnera suscepérunt, (Deus
namque incorpóralis extra passionem est) sed quia cor-
pus illud, quod ipsius proprium factum est, passum est,
ideo hæc omnia pro nobis ipse dicitur passus. Inerat enim
in eo corpore, quod patiebatur, Deus qui pati non po-
terat. Simili modo & mortem ipsius intelligimus. Im-
mortale enim & incorruptibile est naturaliter, & vita, &
viuificans Dei Verbum. Sed quia corpus ipsius proprium,
gratia Dei, iuxta Pauli vocem, pro omnibus mortem gu-
stauit, idcirco ipse dicitur mortem passus esse pro nobis.
Non quod in se mortem esset expertus, quantum ad ip-
sius naturam pertinet, (insania est enim hoc vel sentire
vel dicere) sed quod (ut supra diximus) caro ipsius mor-
tem gustauit. Ita & resurgente carne, ipsius rursus resur-
rectionem dicimus: non quia in corruptionem ceciderit,
(quod absit) sed quia eius surrexit corpus. Ita Christum
vnum & Dominum confitemur, non tamquam homi-
nem cum Verbo coadorantes, ne diuisionis quædam spe-
cies inducatur; sed vnum iam & eundem adorantes, quia
non est alienum a Verbo corpus suum, cum quo ipsi et-
iam assidet Patri. Nec hoc ita dicimus, quasi duobus filiis
assidentibus, sed uno cum carne per unitatem: quia si ta-
lem copulationem factam per substantiam, aut quasi pas-
sibilem, aut quasi parum decoram, voluerimus accipere,
in id incidimus, ut duos filios esse dicamus. Necesse est
enim discernere, & dicere hominem separatim fuisse sola
filii appellatione honoratum, & rursum Verbum, quod
est ex Deo, & nomine & veritate filium Dei: sed discer-
nere in duos filios non debemus vnum Dominum Iesum
Christum. Neque enim id adiuuat rectam fidei rationem,
licet nonnulli, nescio quam perhibeant copulationem
personarum. Non dixit enim scriptura, Verbum Dei per-
sonam hominis sibi assumptissimum, sed carnem factum esse.
Id autem est ostendere Dei Verbum, similiter* ac nos, par-
ticipationem habuisse carnis & sanguinis, & corpus no-

I i iii

strum proprium suum fecisse, & hominem ex muliere processisse, non abiecta nec deposita deitate, aut generatione illa, quam habebat ex Patre, sed manisſe etiam in assumptione carnis Deum, quod erat. Hoc itaque rectæ fidei ratio protestatur: in tali sensu sanctos patres fuisse comperimus. Ideo illi non dubitauerunt sanctam Virginem dicere theotocon, non quod Verbi natura, deitasque in sancta Virgine sumpfit exordium: sed quod ex ea natum sit sacrum illud corpus animatum anima rationali, cui substantialiter adunatum Dei Verbum, carnaliter natum esse dicitur.

EPISTOLA XCVIII.

LEONIS PAPÆ I.

AD FAVSTVM PRESBYTERVM.

Monet ut in fide catholica perseueret, & fidei quæstiones ad se mittat.

Dilectissimo Fausto presbytero Leo episcopus salutem.

GRATVM semper est mihi tuam alloqui caritatem. *Vi-*
de reliquum in Concilio Calchedonensi, parte prima, epistola
decimaquarta.

EPISTOLA
CERETII, SALONII ET VERANI
EPISCOPORVM AD LEONEM PAPAM.

De Leonis ad Flauianum epistola, quam laudant, eiusque exemplar, quod sibi confecerant, a Leone percurri & emendari rogant.

Domino sancto, beatissimo patri, & apostolica sede dignissimo papæ Leoni, Ceretius, Salonius, & Veranus.

RE CENSITA epistola beatitudinis vestræ, quam de fidei instructione conscriptam ad Constantinopolitanum episcopum destinastis, dignum esse censuimus, vt tantæ doctrinæ libertate ditati, debitas gratias saltem oblatæ literarum officio redderemus. Paternæ siquidem erga nos pietatis vestræ sollicitudinem comprobantes,

anticipationi curationis vestræ hoc nos magis obnoxios confitemur, quod remediorum beneficia ante malorum experimenta cognouimus. Scientes namque pene sera esse remedia, quæ adactis iam vulneribus apponuntur, vt apostolicis illis munitionibus induamur, prouidæ pietatis vocibus præmonetis. Agnoscimus plane, beatissime papa, qua ad nos interiora peccoris vestri peculiari affectione transmisericordia, quorum incolumentati aliorum curatione succurritis: & dum ex aliorum præcordiis infusa antiqui serpentis venena producitis, quasi in quadam caritatis specula constituti, apostolica illa cura ac solicitudine conclamatis, ne inopinantibus improuisus hostis adueniat, ne vulneri locum præbeat incauta securitas, domine sancte, beatissime pater, & apostolica sede dignissime papa. Magna præterea & ineffabili quadam nos peculiares tui gratulatione succrescimus, quod illa specialis doctrinæ vestræ pagina ita per omnium ecclesiarum conuenticula celebratur, vt vere consona omnium sententia declaretur, merito illic principatum sedis apostolicæ constitutum, vnde adhuc apostolici spiritus oracula referentur. Idcirco, si dignanter admittitis, deprecamur, vt opus, & præsentibus & futuris temporibus profuturum, quod nos asseruandi studio foliis mandare curauimus, sanctitas vestra percurrere, & si quid librarii errore defuerit, emendare dignetur: vel si salutarem lectoris omnibus paginam aliquo studii vestri accumulaftis augmento, id ipsum addilibello huic sollicita pietate iubeatis: vt non solum plures sancti episcopi fratres nostri per Gallias, verum etiam multi ex laicis filii vestri, qui epistolam istam magnopere pro veritatis manifestatione desiderant, remissam ad nos, & sancta manu vestra emendatam, transcribere, legere, & tenere mereantur. In rem missos, si dignum ducitis, redire mox cupimus. Et quia incolumentas vestra, exultatio & salus nostra est, citius ad nos relatu desiderabili salutis vestræ gaudia recurrent. *Et alia manu.* Memorem coronam vestram humilitatis nostræ Christus Dominus longæua ætate conseruet, domine sancte, beatissime pater, & apostolica sede dignissime papa.

Ceretius suscepitus vester apostolatum vestrum saluto, commendans me orationibus vestris.

Salonius venerator vester apostolatum vestrum in Domino saluto, orationum vestrarum subsidia depositus.

Veranus cultor vestri apostolatus, beatitudinem vestram saluto, & ut pro me oretis peto.

EPISTOLA XCIX.
LEONIS PAPÆ I.
AD LEONEM AVGVSTVM.

Gratias agit quod eius opera Timotheus ab ecclesia Alexandrina fuerit electus, eumque hortatur ut tantæ vrbi parem episcopum eligi curet.

Leo episcopus Leoni Augusto.

Si gloriosum pietatis vestrae in fidei defensione proposatum tanta prosequi laude cupiamus, quanta rerum ipsarum magnitudo depositus, inueniemur impares in actione gratiarum, si nostri tantum oris angustiis universalis ecclesiæ gaudia celebremus. Sed dignius illius remuneratio vestris actibus meritisque seruabitur, in cuius causa & speciali excellitis animo, & optato triumphatis eventu gloriæ. Sciat igitur clementia vestra omnes ecclesiæ Dei cum laude vestra exultare pariter & lætari, quod ab Alexandrinæ ecclesiæ iugo improbus parricida depulsum est, & populus Dei, cui prædo nefarius incubabat, in antiquam fidei libertatem reductus, potest iam in salutis viam fidelium sacerdotum prædicatione reuocari, cum videat omne seminarium venenorū in ipso auctore proiectum. Nunc ergo quia hoc constanti proposito & magna mente peregistis, consummato operi fidei illud adiungite, ut de catholico ciuitatis illius præsule quod Deo placet decernatis, qui nulla damnatae toties impietatis sit infectus aspergine, ne fortasse teatum vulnus sub specie obductæ cicatricis increscat, & plebs Christiana, quæ vobis agentibus aperte ab hereticorum peruersitate liberata est, lethalibus iterum obnoxia sit venenis. Vides autem, venerabilis imperator, & euidenter agnoscis, quod in persona, de cuius abscessione agitur, non sola est fidei integritas intuenda; quæ etiam si ullis correctionibus professionibusque purgari, & in integrum valeret qualibet conditione

Timotheus
Ælurum
dicit.

ditione restitui, nequaquam tamen quæ sceloste cruentæ que commissa sunt, possunt probabilium verborum protestationibus aboleri: quia in pontifice de hoc (maxime tantæ ecclesiæ sacerdote) non sufficit sonus linguae & sermo labiorum: & nihil prodest si Deus voce prædicatur, & mens impietate conuincitur. De talibus enim per Apostolum sanctus Spiritus loquitur: *Habentes speciem pietatis, vir-*
tutem autem eius abnegantes. Et iterum alibi: *Deum profitentur Tit. 1.*
fescire, factis autem negant. Vnde cum in omni ecclesiæ membro, & integræ fidei veritas, & bonorum operum plenitudo quæratur: quanto magis in summo pontifice debent vtraque præcellere, quia alterum sine altero non potest cum Christi corpore compaginari? Nec necesse est nunc omnia, quæ Timotheum execrabilem faciunt, enarrare, cum copiose atque manifeste in totius mundi notitiam, quæ per ipsum ac propter ipsū sunt gesta, processerint: & si quid ab incomposito vulgo contra iustitiam perpetratum est, in huius omnia verticem confluant, cuius desideriis manus furentium seruierunt. Vnde si etiam in professione fidei nihil hic negligat, nihil fallat, apitissimum gloriæ vestræ est ab hoc appetitu illum prorsus excludere: quia in tantæ vrbis antistite vniuersa ecclesiæ membra decet sancta exultatione gaudere, ut vera pax Domini non solum prædicatione fidei, sed etiam morum clarificetur exemplo. Data decimoquinto Kalendarum Iuliarum, Magno & Apollonio consulibus, per Philoxenum agen-
Is est annus
salutis 460.
Pontifica-
tus S. Leo-
nis 21.

EPISTOLA C.

LEONIS PAPÆ I.

AD GENNADIVM EPISCOPVM
CONSTANTINOPOLITANVM.

Monet ut a Timothei, qui ab Alexandrina ecclesia
electus Constantinopolim venerat,
communione abstineat.

Leo episcopus Gennadio episcopo Constantinopolitano.

DILECTIONIS tuæ literis, & fratrum coepisco-
porumque nostrorum Domitiani & Geminiani fer-
Concil. Tom. 7. Kk

mone agnoui Timotheum , postquam ecclesiæ Alexandrinæ ciuitatis expulsus est, Constantinopolim (non nullis hoc fidei aduersariis agentibus) venire permisum: vt , quantum datur intelligi , quia vniuersorum Domini sacerdotum sententiis coarctatus , inuitus saltem ad catholicum se dogma conuertat , vt tamquam propter hanc tantummodo culpm videatur eiectus , haereticæ perueritatis errore damnato , doctrinæ apostolicæ , vt ad Alexandrinam redeat , acquiescat ; cum illi etiam si catholicus probaretur , hoc vehementer obsistat , quod viuente episcopo , tantæ sedis inuasor est , & auctor apparuit inauditæ crudelitatis admisſæ . Et ideo dilectio tua sollicitudine , qua claret , eniti & elaborare debebit , ne cum tam nefario homine sermo aliquis priuatim vel publice misceatur , neve sub specie correctionis eius quorundam Conuentui præbeatur occasio , ne redeundi integrum capiat libertatem , de quo iam edictis suis princeps Christianissimus indicauit . Omni igitur labore & circumspectione peruigili vnitati ecclesiasticæ profuturus enitere , frater carissime , vt spes suffragatoribus ipsis adimatur , & Alexandrinis ex clero suo catholicus episcopus secundum morem veterem per orthodoxos episcopos consecretur : quia parricida ille non alias a suis defensoribus deseritur , nisi Alexandrina ecclesia , quæ patrum honori , & suæ restituenda est libertati , rectorem sanandis omnibus , quæ male gesta sunt , probatissimum fuerit consecuta . Datum quintodecimo Kalendas Iulias , Magno & Apollonio consulibus , per Philoxenum agentem in rebus .

De cæde
Proterii e-
piscopi di-
cit.

EPISTOLA CI.
 L E O N I S P A P A E I.
 AD TIMOTHEVM EPISCOPVM
 ALEXANDRINVM.

Gratulatur ei episcopatus dignitatem rite assecuto, &
 hortatur ut Nestorii atque Eutychetis errores
 exterminari curet.

*Leo episcopus Timotheo episcopo catholico Alexandrinæ
 ecclesiæ.*

EVIDENTER appareat sub apostolicæ splendore senten-
 tiæ, quoniam diligentibus Deum omnia cooperantur in bonum,
 & diuinæ dispensatione pietatis vbi excipiuntur aduersa,
 ibi donantur & prospera: quod Alexandrinæ ecclesiæ ex-
 perimenta demonstrant, in qua multos sibi patientiæ the-
 sauros humilitas, modestia & tolerantia congregauit:
 quia iuxta est Dominus his qui tribulato sunt corde, & humiles *Psal. 33.*
spiritu saluabit: glorificata in omnibus incliti principis fi-
 de, per quem *dextera Dominis fecit virtutem, ne in thronum* *Psal. 117.*
 beatorum patrū antichristi diutius federet opprobrium,
 cuius impietas nemini magis quam sibi nocuit: quia etsi
 aliquos ad societatem facinoris impulit, se tantum deni-
 que in expiabiliter cruentauit. Vnde de eo, quod instin-
 ctu fidei in fraternitatem tuam cleri & plebis atque om-
 nium fidelium egit elec̄tio, vniuersam mecum ecclesiam
 Domini gaudere rescribo, vtque hoc benignitas diuinæ
 pietatis multiplicata gratia confirmet exopto: ita ipsi per
 omnia tua deuotione famulante, vt etiam eos, qui verita-
 ti aliquatenus restiterunt, reconciliando Deo per eccle-
 siæ preces instanter acquiras, & sacramenta catholicæ
 fidei, cuius soliditas nullam diuisionem recipit, sollicitus re-
 citor adiungas: illum imitatus verum piumque pastorem,
 qui animam suam posuit pro omnibus suis, & errantem vnam o-
 uem non flagellis coercuit, sed ad ouile proprium suis hu-
 meris reportauit. Agat ergo dilec̄tio tua, frater carissime,
 ne vel Nestoriani dogmatis, vel Eutychiani erroris ullum
 in Dei populo possit vestigium reperiri: quia nemo potest
 fundamentum ponere, præter id quod positum est, qui *1. Cor. 3.*

Is est Timo-
theus Solo-
faciolus,
qui in Ti-
mothei A-
luri locum
subrogatus
est.
Rom. 8.

Concil. Tom. 7.

K k ij

Roms. 5. est Christus Iesus: qui vniuersum mundum non reconciliaret Deo Patri, nisi per fidei regenerationem omnes in nostræ carnis veritate susciperet. Cum ergo scribendi opportunitates, quibus fraternitas tua vtatur, extiterint, sicut necessarie & ex more fecisti, vt per filios nostros Daniëlem presbyterum, & Timotheum diaconum, ordinationis tuæ ad nos scripta dirigeres: ita omni tempore in hoc officio perseuereres, vt de prouectibus pacis sæpe, quantum fieri potest, solicitudini nostræ mittantur indicia, vt per alterna colloquia sentiamus, quia caritas Dei diffusa est in cordibus nostris per Spiritum sanctum, qui datus est nobis. Datum x v. Kalendas Septembris, Magno & Apoloniō consulibus.

PISTOLA CII.
LEONIS PAPÆ I.
AD PRESBYTEROS ET DIACONOS ECCLESIAE
ALEXANDRINÆ.

Commendat eorum mutuam caritatem, & labem
hæreticorum fugiendam monet.

*Leo episcopus presbyteris & diaconibus ecclesiae Alexandrinae,
dilectissimis filiis in Domino salutem.*

Ephes. 4. **G**AUDEO exultanter in Domino de piissimo, quem in-
ter vos habetis, affetu; dum, sicut scripta vestra ma-
nifestant, & pastor gregem, & grex ostenditur amare pa-
storem. *Solliciti ergo in iniucem*, sicut Apostolus ait, *seruare uni-
tatem spiritus in vinculo pacis*, properate * ad fructum veræ
peruenire patientiæ. Quid enim dignius aut velle potestis
aut agere, quam vt auxiliâ Dei gratia, gloriosissimi prin-
cipis fide ad profectum solidissimæ pacis vitaminæ? remota
Psal. 79. procul ea bestia, quæ vineam plantationis dominicæ, sic-
ut psalmus propheticus canit, singulari feritate vastabat.
1. Cor. 10. Quia ergo in ouili dominico nec furum iam insidiæ, nec
latronum timentur incursus, redeat vniuersitas vestra in
concordiam, & magisterio Spiritus sancti illa in omnibus
vunitas expetatur, propter quam dicit Apostolus: *Non que-
rens quod mihi utile est, sed quod multis, ut saluifiant.* Id ipsum
dicant & sentiant omnes: nulla sint sensuum disputatio-

numque certamina. Quod usque ad catholicos praefules in Alexandrina ecclesia discipuli veritatis didicerunt atque docuerunt, eadem a cunctis fidelibus confessione promatur: quia varietatem veritas (quae est simplex atque una) non recipit. Si quos autem cuiuslibet ordinis Christianos impia hereticorum conturbauere mendacia, ad satisfactionis remedia prouocate, & in spiritu mansuetudinis cum benignitate corripite: quia, sicut ait B. apostolus Petrus, *non tardat Dominus promissum, sed patienter agit propter 2. Pet. 3. vos, nolens aliquos perire, sed omnes ad penitentiam conuerti.* Agendum ergo est, ne difficultas veniae curationem faciat tardiorum. Data decimoquinto Kalendas Septembbris, Magno & Apollonio consulibus.

EPISTOLA CIII.

LEONIS PAPÆ I.

AD QVOS DAM ÆGYPTI EPISCOPOS.

Ægyptios episcopos laudat, quod nulla seditione, nullo ambitu Alexandrinum elegerint episcopum.

*Leo episcopus Theophilo, Ioanni, Athanasio, Abrahæ, Danieli,
Ioahæ, Paphnutio, Musæo, Panuluio, & Petro
episcopis AEgyptiis.*

LITERIS fraternalitatis vestræ, quas ad me filii nostri Daniel presbyter & Timotheus diaconus detulerint, cognouisse me gaudeo, quod gloriose & venerandi principis fides, propheticis & euangelicis unita doctrinis, ad sanctos & Deo placitos dispositionum suarum deuenit effectus, ut cruentissimo Alexandrinæ ecclesiæ peruersore deiecto, & in longinquiora translato, dignum sua gubernatione rectorem totius ciuitatis mereretur electio: ad cuius vos consecrationem nullus ambitus traheret, nulla seditio impelleret, nulla iniquitas incitaret: sed in medio constituta meritorum sanctitate, eum cunctis non dubitaret preponere, quem sibi uniuersitas cuperet prefidere. Vnde redditæ populis Christianis Dei pace gaudentes, commendamus vobis inuicem vestri operis dignitatem: ut religiose per omnia ordinatus antistes, fraterno se viuere experiatur assensu, & ad abolenda scandala,

quæ error hæreticus excitauerat , cooperatione vestra gaudeat adiuuari. Excluso enim qui imitator diaboli fuit, & in veritate non stetit, male vtens specie persuasi honoris & nominis, congruit vt Alexandrina ecclesia eum veneretur & diligit, quem & probitate morum, & integritate catholicæ fidei , dignum tanto sacerdotio comprobauit : cui mutuæ caritatis plenum animi nostri præbemus affectum , cohortantes, fratres carissimi, & fiducialiter exigentes, vt in prædicatione verbi , in eruditione præcepti illam formam custodiatis caritatis , sine qua nullæ possunt prodesse virtutes. Quod autem fratri & coepiscopo nostro Timotheo de reuocandis his, qui a veritatis itinere deuiantes, inconsultius se ferociusque gesserunt, scriptum esse cognoscitis, dilectio quoque vestra ad curam suam intelligat pertinere : vt quia late sese pestilens illa ægritudo diffudit, vbiique omnibus eadem adhibetur medicina vulneribus, vt per diligentiam pastoram in cunctis ecclesiis Domini ouile reparetur, & per solitudinem caritatis atque doctrinæ, omnes Christi oues vnum sentiant habere pastorem. Data xv. Kalendas Septembris, Magno & Apollonio consulibus.

EPISTOLA CIV.

LEONIS PAPÆ I.
AD VNIVERSOS EPISCOPOS PER SICILIAM
CONSTITVTOS.

Vniuersis episcopis per Siciliam constitutis scribit, & constitutione perpetua ab episcoporum usurpatione resecandum decernit, quod in duabus Siciliæ ecclesiis improbe gestum, iniusteque per episcopos ibidem præsumptum est, in ecclesiarum suarum bonis illicite alienandis. Quare & Decretum hic perpetuum interponit, de rebus ecclesiæ non alienandis, poenasque aduersus contrauentores decernit.

Leo papa vniuersis episcopis per Siciliam constitutis in Domino salutem.

OCCASIO * specialium querelarum curam nobis pro-
videntia generalis indicit, vt quod in duabus pro-

ad spiritu alium

uincia^e vestra ecclesiis improbe gestum, iniusteque præsumptum est, id constitutione perpetua ab * omni episcoporum usurpatione resecemus. * Taurominitanis enim clericis, ecclesiæ deplorantibus nuditatem, eo quod omnia eius prædia, vendendo, donando, & diuersis modis alienando, episcopus dissiparet; etiam Panormitani clericci, quibus nuper est ordinatus antistes, similem querimoniarium, in sancta Synodo, cui * praesesse debebamus, de usurpatione prioris episcopi causam detulerunt. Quamuis ergo ordinatum a nobis sit, quemadmodum vtriusque ecclesiæ utilitatibus consulatur; ne tamen hoc pernicisum nequissimæ deprædationis exemplum cuiquam post hac fiat imitabile, hanc præcepti nostri formam apud dilectionem vestram volumus esse perpetuam: qua, sine exceptione decernimus, vt ne quis episcopus de ecclesiæ suis rebus audeat quidquam vel donare, vel commutare, vel vendere; nisi forte ita aliquid horum faciat, vt meliora prospiciat, & cum totius cleri tractatu, atque consensu id eligat, quod non sit dubium ecclesiæ profuturum. Nam presbyteri, vel diaconi, aut cuiuscumque ordinis clericci, qui connuentiam in ecclesiæ damna miscuerint, sciant se & ordine & communione priuandos: quia plenū iustitia^e est, fratres carissimi, vt non solum episcopi, sed etiam totius cleri studio, ecclesiasticae utilitatis incrementa seruentur, & eorum munera illibata permaneant, quæ pro animarum suarum salute, fideles de propria substantia ecclesiis contulerunt. Data xi. Kalendas Nouembri,
 * Calypio viro clarissimo consule.

* al. om-
nium
* al. Tau-
rimentia-
nis

* al. cui
præfide-
mus,

* al. Cal-
lepius,
al. Aly-
pio

EPISTOLA CV.

LEONIS PAPÆ I.

AD IVLIANVM COENSEM EPISCOPVM.

Nicæni Concilii auctoritas quanti facienda sit, demonstrat. Julianum Coensem episcopum, cui hic scribit, grauiter prudenterque, quod Anatolii Constantiopolitani episcopi plures ecclesiæ ambitiose affectantis desiderio fauerit, coarguit: amanterque eumdem, ut maior apud ipsum sit vniuersalis ecclesiæ status, quam quod in cuiusquam gratiam ab ipso velit postulare, quæ fine reatu vtriusque ipsorum, nec sibi concedere, nec ei liceat obtainere, admonet.

Leo papa Iuliano Coensi episcopo.

Nicæni Cō-
ciliī aucto-
ritas. DILECTIO tua non ignorat, quam constanti fixoque proposito sanctorum Nicænorum Canonum statuta custodiam, dissolui omnes ecclesiasticas regulas æstimans, si quidquam ex illa sacrosancta patrum constitutione violetur. Quare miror talia te per fratrem & coepiscopum nostrum Lucianum dirigere scripta potuisse, quibus in tantum pro appetitu nouæ literarum ^{*al. trans-} gressionalis, vt tibi putes aliquid speciale præstandum, si his qui illicite concupiscunt annuero. Quantumlibet autem te affectione complectar, nullo tamen modo poteris obtinere, vt me in excidium ecclesiastici status, vel ^{*al. suadē-} do impellas, vel supplicando traducas. Frater enim & coepiscopus noster Anatolius, si diuina beneficia, & mei fauoris assensum sapienter intelligit, satis illi sufficerit, obtinuisse, quod summus antistes de honore episcopatus sui gratias Deo referat, & se ab illicitorum cupiditate contineat; & quicumque illum specialiter diligunt, tali eum debent confirmare consilio: vt impossibilia omnino non quærat; & sibi, talia concupiscendo, non noceat: quia ^{*al. nullis} nullus apud me patrocinii ita poterit adiuuari, vt his ^{perad-} calcata patrum constitutione, consentiam. Rescribens itaque ad epistolas tuas, pro ea qua diligo affectione, te moneo; vt maior apud te sit vniuersalis ecclesiæ status, saluberrima olim, & vera ordinatione munitus, ^{quam}

quam vt in cuiusquam gratiam a me velis postulare , quæ
sine reatu vtriusque nostrum , nec mihi concedere , nec
tibi liceat obtinere . Data xi. Kalendas Iunias , Herculano
viro clarissimo consule .

EPISTOLA CVI.
LEONIS PAPÆ I.
AD EPISCOPOS PROVINCIAE.

De electione & consecratione Rauennii episcopi
Arelatensis.

*Dilectissimis fratribus Constantino, Audentio, Rustico, Auspicio,
Nicetæ, Nestorio, Floro, Asclepio, Justo, Augustali,
Ynasio, & Chrysaphio, Leo papa.*

IVSTA & rationabilis nobis causa gaudendi est , cum a
sacerdotibus Domini ea gesta cognoscimus , quæ & pa-
ternorum Canonum regulis , & apostolicis congruant in-
stitutis . Necesse est enim , vt omne corpus ecclesiæ salu-
bri crescat augmento , si membra quæ præsunt , & vigore
excellant auctoritatis , & tranquillitate moderaminis .
Quod ergo in Arelatensium ciuitate , defuncto sanctæ me-
moriæ Hilario , virum etiam nobis probatum , fratrem
Rauennium , secundum desideria cleri , honoratorum , &
plebis , vnanimiter consecrastis , bonum fraternitatis ve-
stræ opus nostro iudicio roboramus . Quia electionem pa-
cificam atque concordem , cui nec merita morum , nec
studia ciuium defuerunt , postulationis quidem humanæ ,
sed inspirationis credimus fuisse diuinæ . Utatur itaque ,
fratres carissimi , Dei munere memoratus antistes , & se-
cundum consonantia omnium ordinum vota , quid ex
ipso deuotionis expectetur intelligat : vt dispensationis si-
bi creditæ diligens ac temperans executor , vestro testi-
monio non inferior , & nostro fauore per omnia fit di-
gnior . Deus vos incolumes custodiat , fratres carissimi .
Data vii. Kalendas Septembbris , Asterio & Protogene
viris clarissimis consulibus .

EPISTOLA CVII.

LEONIS PAPÆ I.

AD RAVENNIVM ARELATENSEM.

Vt Petronianum vagum, qui se Leonis diaconum iactabat, excommunicet.

Dilectissimo fratri Rauennio Leo.

CIRCVMSPCTVM te volumus esse, atque solicitum, ne quid sibi plectenda possit vindicare præsumptio: quæ cum aditum falsa subreptione repererit, ad maiorem se temeritatem nomine usurpatæ dignitatis extendit. Petronianum quemdam vagum, & semper erronem, certas nos clericorum tuorum suggestione didicimus, per Gallias se nostrum esse diaconum iactitasse, & sub huius honoris obtentu diuersas eius prouinciæ ecclesias circuire. Cuius audacia tam nefandæ dilectionem tuam, frater carissime, ita volumus obuiare, vt eum, admonitis etiam totius prouinciæ episcopis, in sua falsitate detectum, ab omnium ecclesiarum communione, ne vterius hoc usurpet, expellas. Deus te incolumem custodiat, frater carissime. Data sub die septimo Kalendas Septembris, Afterio & Protogene viris clarissimis consulibus.

L I B E L L V S
EPISCOPORVM PROVINCIÆ
LEONI PAPÆ OBLATV S.

De renouando ecclesiæ Arelatensis priuilegio.

*Preces missæ ab uniuersis episcopis metropolis Arelatensis
ad Leonem papam.*

MEMORES quantum honoris & reuerentiæ beatissimæ sedi apostolicæ, cui vos Dominus noster Iesus Christus pro meritis sanctitatis voluit præsidere, semper debitum fuerit, semperque debeatur, ordinationem,

qua sanctus frater & coepiscopus noster Rauennius in ciuitate Arelate, post transitum beatæ recordationis Hilarii episcopi, concordatibus omnium votis ad summum pontificium Domino fauente prouectus est, missis continuo literis apostolatui vestro indicare curauimus. Quibus a beatitudine vestra tanta dignatione & caritate fuisse responsum, immensas gratias agimus, et si tantas, quantas debemus, referre non possumus. Notum licet nobis ante iam fuerit, prædictum sanctum fratrem & coepiscopum nostrum maxime corona vestra gratiam morum suorum mansuetudine & sanctitate meruisse: perceptis nunc tamen beatitudinis vestrae literis, quanta eum caritate complectamini, euidenter agnouimus. Vnde præmissis officiis, quæ apostolatui vestro iure debentur, suggestionem nostram, quæ iustitiae partibus fungitur, audiendam a corona vestra minime dubitamus. Quippe cum non aliqua noua institui, sed prisca per vos optamus & antiqua reparari. Nec enim iustum est, ut honorem eius, quem ut probauimus impense diligitis, illa res minuat, quæ pietatem vestram alte offendit. Et sane manifestum est ecclesiæ Arelatensi diuinæ gratiæ fauorem adesse, cui talem habere contigit sacerdotem, per quem priuilegia dignitatis antiquæ, quæ dolebat sibi pro tempore diminuta, gaudent in perpetuum recentioribus apostolicæ sedis auctoritatibus reformatæ. Omnibus etenim Gallicanis regionibus notum est, sed nec sacrosanctæ ecclesiæ Romanae habetur incognitum, quod prima intra Gallias Arelatensis ciuitas missum a beatissimo Petro apostolo sanctum Trophimum habere meruit sacerdotem, & exinde aliis paulatim regionibus Galliarum bonum fidei & religionis infusum, priusque alia loca ab hoc riuo fidei, quem ad nos apostolicæ institutionis fluenta miserunt, meruisse manifestum est sacerdotes, quam Viennensem ciuitatem, quæ sibi nunc impudenter ac notabiliter primatus exposcit indebitos. Iure enim ac merito ea vrbis semper apicem sanctæ dignitatis obtinuit, quæ in sancto Trophimo prioritias nostræ religionis prima suscepit, ac postea intra Gallias hoc, quod diuino munere fuerat consecuta, studio doctrinæ salutaris effudit. Cuius honoris obtentu, ecclesiam Arelatensem omnes deceffores, prædecefforesque.

Concil. Tom. 7.

L 1 ij

nostri, velut matrem debito semper honore coluerunt, tenentesque traditionem totam, ab hac sibi ciuitatis nostræ sede episcopos postularunt. Ab huius ecclesiæ sacerdote tam decessores nostros, quam nosipso, constat in summum sacerdotium donante Domino consecratos. Quam quidem antiquitatem sequentes prædecessores beatitudinis vestræ, hoc quod erga priuilegia Arelatensis ecclesiæ institutio vestra tradiderat, promulgatis, sicut & scrinia apostolicæ sedis procul dubio continent, auctoritatibus confirmarunt: credentes plenum esse rationis atque iustitiæ, vt sicut per beatissimum Petrum apostolorum principem sacrofæcta ecclesia Romana teneret supra omnes totius mundi ecclesias principatum, ita etiam intra Gallias Arelatensis ecclesia, quæ sanctum Trophimum ab apostolis missum sacerdotem habere meruisset, ordinandi pontificium vindicaret. His secundum religionem vtitur priuilegiis ecclesia memorata. Ceterum multa sunt, quibus secundum instituta principum cunctis intrare regiones nostras ciuitatibus præferatur. Hæc in tantum a glorioſiſſimæ memoriæ Constantino peculiariter honorata est, vt ab eius vocabulo præter proprium nomen, quo Arelas vocatur, Constantina nomen accepit. Hanc clementiſſimæ recordationis Valentinianus & Honorius fidelissimi principes specialibus priuilegiis, & vt verbo ipsorum vtamur, matrem omnium Galliarum appellando decorarunt. In hac vrbe, quicumque intra Gallias ex tempore prædictorum ostentare voluit insignia dignitatis, consulatum suscepit & dedit. Hanc sublimiſſima præfectura, hanc reliquæ potestates, velut communem omnibus patriam ſemper inhabitant. Ad hanc ex omnibus ciuitatibus multarum vtilitatum cauſa concurritur. Et plane ita sibi erga priuilegia memorata, vel ecclesiæ, vel ciuitatis diuina, vt credimus, dispensatione omnia confenserunt, vt ſemper ſicut ecclesia Arelatensis intra Gallias primatum in sacerdotio antiquitatis merito, ita etiam ciuitas ipfa principatum in ſeculo opportunityatis gratia posſederit. Vnde factum est, vt non ſolum prouinciæ Viennensis ordinationem, ſed etiam trium prouinciarum, contemplatione sancti Trophimi, ſicut & sanctorum prædeceſſorum vestrorum patefa-

Etum sibi testatur auctoritas, Arelatenis ecclesiæ sacerdos ad sollicitudinem semper suam curamque reuocarit. Cui id etiam honoris dignitatisque collatum est, ut non tantum has prouincias potestate propria gubernaret, verum etiam omnes Gallias, sibi apostolicæ sedis vice mandata, sub omni ecclesiastica regula contineret. His itaque omnibus intimatis, & in notitiam beatitudinis vestræ fideli assertione perlatis, quæsumus & obsecramus coronam sanctimoniarum vestrum per nomen Domini nostri Iesu Christi, qui in vobis iustitiam, patientiam, tranquillitatem, & bona totius sanctitatis ac perfectionis elegit, & per beatissimum apostolum Petrum, quem vita & conuersatione vestra nobis diuino munere redditum credimus, ut quidquid Arelatenis ecclesia (sicut superiori indicauimus) vel ab antiquitate suscepit, vel postea auctoritate sedis apostolicæ vindicavit, id omne ad suum pontificium reuocare eiusdem ecclesiæ sacerdotem beatitudinis vestræ auctoritas in perpetuum mansura praecipiat. Ipsi autem, vel officiorum causa, vel huius legationis obtentu, sanctimoniarum vestrum nos praesentassemus asperibus, nisi alios infirmitas, alios anni praesentis penuria ab hac votorum nostrorum cupiditate reuocasset. Sed confidimus in Domino Iesu Christo, qui precibus & desideriis nostris effectum promptissimæ pietatis vestrum præsttit, quod qui nunc legationis officio fraudamur, gratiarum postea referendarum per nosmetipſos actione fungemur.

EPISTOLA CIX.
LEONIS PAPÆ I.
AD EPISCOPOS PROVINCIAE.

Controuersia inter Viennensis & Arelatensis ecclesiæ
antistites prouinciæ diuisione composita.

*Dilectissimis fratribus Constantino, Armentario, Audentio, Se-
ueriano, Valeriano, Urso, Stephano, Nestario, Constantio,
Maximo, Aslepio, Theodoro, Iusto, Ingenuo, Augustali,
Superuentori, Ynasio, Fonteo, Palladio, Leo.*

LECTIS dilectionis vestrae literis, quas ad nos filii nostri Petronius presbyter & regulus diaconus detulerunt, quam beneuolum fratri & coepiscopo nostro Ra- uennio impendatis affectum, euidenter agnouimus. Si quidem postulatis, vt ei quod decessor ipsius mierito nimiæ præsumptionis amiserat reformatur. Sed petitionem fraternitatis vestrae Viennensis episcopus, missis literis & legatis, sua suggestione præuenerat; conquerens Arelatensem episcopum ordinatiōnem sibi Vasensis antistitis usurpasse. Cum itaque nobis ita & paternarum reuerentia sanctionum, & omnium vestrū seruanda sit gratia, vt in ecclesiarum priuilegiis nihil conuelli, nihil patiamur excidi; consequens fuit, vt ad conseruandam intra Vienensem & Arelatensem prouincias pacem adhiberetur iustitiae moderatio, quæ nec antiquitatis vsum, nec desideria vestra negliceret.

Consideratis enim allegationibus vtriusque partis præsentium clericorum, ita semper intra prouinciam vestram, & Viennensem & Arelatensem ciuitates claras fuisse reperimus, vt quarumdam causarum alterna ratione, nunc illa in ecclesiasticis priuilegiis, nunc ista præceleret; cum tamen eisdem commune ius quondam fuisse a gentibus proderetur. Vnde Viennensem ciuitatem, quantum ad ecclesiasticam iustitiam pertinet, inhonoratam penitus esse non patimur; præsertim cum de receptione priuilegii auctoritate iam nostræ dispositionis vtatur. Quam potestatem Hilario episcopo ablatam, Viennensi episcopo credidimus deputandam. Qui ne repente se-

Sententia
Leonis su-
per antiqua
controuer-
sia iurisdi-
ctionis in-
ter Arelate-
sem & Vien-
nensem ec-
clesias.

metipso factus videatur inferior, vicinis sibi quatuor opidis præsidebit, id est Valentia, & Tarantasia, & Genua, & Gratianopoli, vt cum his ipsa Vienna sit quinta, ad cuius episcopum omnium prædictarum ecclesiarum solicitude pertineat: reliquæ vero ciuitates eiusdem provinciæ sub Arelatis antistitis auctoritate & ordinatione consistant: quem pro modestia sua temperantia, ita futurum credimus studiosum caritatis & pacis, vt nequam sibi credat ablatum, quod fratri videat esse concessum. Data IIII. Nonas Maii, Valentino Augusto VII. & Auenio viris clarissimis consulibus.

Hoc præceptum domini Leonis confirmatum est a sede apostolica, præidente Symmacho papa, Probo viro clarissimo consule.

EPISTOLA CX.
LEONIS PAPÆ I.
AD RAVENNIVM ARELATENSEM,

Missa cum exemplo celeberrimæ Leonis epistolæ ad Flavianum Constantinopolitanum, quam a Rauennio cum episcopis omnibus communicari iubet.

Dilectissimo fratri Rauennio Leo.

DIIV filios nostros, Petronium presbyterum, & Regulum diaconum, in Vrbe tenuimus, quoniam & de nostra hoc gratia merebantur, & fidei, quæ nunc quorundam errore incessit, ratio postulabat. Voluimus enim eos nostro interesse tractatui, & vniuersa cognoscere, quæ per te cupimus ad omnium fratrum & consacerdotum nostrorum notitiam peruenire: carissimæ hoc dilectioni tuæ specialiter delegantes, vt sollicitudine vigilantiæ tuæ epistola nostra, quam ad orientem pro fidei defensione direximus, vel sanctæ memorie Cyrilli, quæ nostris sensibus tota concordat, vniuersis fratribus innotescat: vt certiores effecti, contra eos qui incarnationem Domini prauis persuasionibus æstimatorum temerandam, spirituali se virtute præmunitant. Habet probabilem facultatem, qua cunctis ecclesiis, & Deo nostro episcopatus tui possis commendare primordia, si hæc ita, vt credimus atque mandamus, impleueris, frater carissime. Quæ au-

Quatuor
opida Vië-
nensi epi-
scopo sub-
iecta.

272 LEONIS PAPÆ I. EPISTOLÆ.

tem committenda literis non fuerunt, cum prædictorum filiorum nostrorum insinuatione didiceris, Domini freatus auxilio efficaciter, ut diximus, ac laudabiliter exequaris. Deus te in columem custodiat, frater carissime. Data III. Nonas Maii, gloriosissimo Valentiniano Augusto VII. & Auieno viris clarissimis consulibus.

EPISTOLA CXI.
LEONIS PAPÆ I.
AD RAVENNIVM ARELATENSEM.

De solennitate paschali anni CCCCLII.

Dilectissimo fratri Rauennio episcopo Leo episcopus.

Ad præcipuum religionis nostræ pertinet sacramentum, vt in festiuitate paschali nulla sit toto orbe diuersitas. Et quia hoc diuina institutio, & paterna traditio ad nostram solitudinem voluit pertinere, fraternitatem tuam solenniter admonemus, vt Pascha Domini celebrandum nobis die X. Kalendarum Aprilium recognoscas; quod manifesta ratio patefecit sacræ obseruantiae hunc diem esse legitimum. Cuius notitiam per dilectionem quoque tuam, frater carissime, omnibus voluimus declarari, vt quorum in fide est vna confessio, sit etiam in hac festiuitate vna deuotio.

^aCONCILIVM ^bARAVSICANVM I.

ANNO
CHRISTI
441.

CONSTITUTIONES SANCTÆ SYNODI
habitæ in territorio Arausico, in ecclesia Iustinianensi,
sub die VI. Idus Nouembris ^cCyro consule, anno Christi
CCCCXL. Valentiniani III. Augusti decimo septimo,
^d Leonis I. papæ secundo.

TITVL CANONVM.

- | | |
|---|---|
| I. <i>De hereticis, si in mortis dif-</i> | III. <i>De pœnitentibus qui de corpo-</i> |
| <i>crimine conuertantur.</i> | <i>re recedunt.</i> |
| II. <i>De non iteranda chrismati be-</i> | IV. <i>Pœnitentiam clericis non ne-</i> |
| <i>neditio.</i> | <i>gandam.</i> |

v. *Qui*